





Ex Bibliotheca
majori Coll. Rom.
Societ. Jesu

48.4.25.

48
D
38

nl

THE UNIVERSITY OF CHICAGO

LIBRARY

3130.21

TRACTATUS DE ANGELIS,

Authore

FR. PETRO DE COMITIBVS
ROMANO

Ord. Er. S. Aug. de Ancona

Artium, & Sacrae Theologiae Doctore;
& Magistro, & Patauini Collegij
Regente,

Necnon S. S. Officij Consultore.

IN LUCEM EDITVS

Per Adm. Reu. P. Magistrum.

VINCENTIVM GARVFFAM
BRIXIENSEM,

Carmelitani Collegij Theologum Regentem,
ac prouinciae Venetae perpetuum
Definitorem.

Biblio.

Coll.

Joc.



Secr.

Dom.

Seju

PATAVIIM. DC. LXXXIV.

Typis Petri Mariae Frambotti.
Superiorum permissu.





TRACTATVS
DE
ANGELIS.



TRACTATUS
DE
ANGELIS.



TRACTATVS
DE
ANGELIS.



Ex Bibliotheca
majori Coll. Rom.
Societ. Jesu


48.4.25.

48

D

38

nl



TRACTATVS
DE
ANGELIS.

THE UNIVERSITY OF CHICAGO

LIBRARY

3120.51

TRACTATUS DE ANGELIS,

Authore

FR. PETRO DE COMITIBVS
ROMANO

Ord. Er. S. Aug. de Ancona

Artium, & Sacrae Theologiae Doctore;
& Magistro, & Patauini Collegij
Regente,

Necnon S. S. Officij Consultore.

IN LUCEM EDITVS

Per Adm. Reu. P. Magistrum.

VINCENTIVM GARVFFAM
BRIXIENSEM,

Carmelitani Collegij Theologum Regentem,
ac provinciae Venetae perpetuum
Definitorem.

Biblio.

Coll.

Joc.



Secr.

Nom.

Seju

PATAVI M. DC. LXXXIV.

Typis Petri Mariae Frambotti.
Superiorum permissu.







Eminentiss. ac Reuerendiss.

P R I N C I P I

D. P E T R O

O T H O B O N O

S. R. E. Cardinali amplissimo

*Fr. Petrus de Comitibus Romanus
Faustitatem.*

DE Angelis tractatum
emissurus in lucem,
Eminentiss. Princeps,
in Te oculos conuerti,
in quo altus scientiarum splendor,
& summus virtutum nitor æquè
conspirant. Natale solam Vene-
tius habuisti, ea in Vrbe, in qua

A 3

prin.

principem sedem sibi vendicat sapientia, tuisque nobilissimis moribus, usque adeo Ciuum primores Tibi deuinxisti, ut patritio Ordini adscriptus, mutuis connubijs cum familiis præclarissimis, primæuæ flores nobilitatis transtuleris in tribules, Othobonæ Gentis posteris, fragrantiam perenniter emissuros. Et quod caput est, tantam Tibi domi, forisque gloriam comparasti, ut Romæ Urbium Regina inuidiâ excitaueris, quæ ut vnionem tam pretiosum, inter Vaticani Senatus gemmas, suo sisteret capitolio, sacri muricis pretio ad se traxit. Tua quippe virtus, uno maior cælo, Venetum simul, & Romanum debuerat collustrare. Quid ergo mirum, si cunctis amabilis, Tibi soli displiceas, qui omnium bono occupatus, assiduò, nihil temporis tuis commodis reseruasti? Quæquæ verum patent quæ tua indefessa vigilantia molitur in dies, pro totius catholici orbis utilitate. Testetur

hoc

hoc tua Veneta semper gloriosa⁷
Respublica, quæ in negotijs diffi-
cillimis cum Romano Pontifice,
Te istuc habuit instar Apollinis, eò
quia tam prudenter Oratoris ab-
sentis locum impleueris, ut cuncta,
utriusque Principis annuentibus
votis, ad exitum perduxeris opta-
tissimum. Testetur Roma, cuius
amplissimus sinus vniuersam am-
plectitur Rempublicam christia-
nam, testetur (inquam) admira-
bilem tuam prudentiam, qua Apo-
stolicæ Sedis à consilijs, Sanctissi-
mo Christi Vicario semper assistis.
Palam omnibus faciat tuam incre-
dibilem assiduitatem, qua purpu-
ratorum patrum confessus, siue ad-
uersus hæreticam prauitatem, siue
prò tuenda ecclesiastica immuni-
tate, siue prò iuribus Pontificijs
conseruandis, siue prò nouatorum
erroribus profigandis, siue pro
cæli perduellibus debellandis, siue
prò quacumque alia causa, unde
Romanæ fidei, gloriæque Numi-

2
nis incrementum sperari possit ;
tanta cum animi alacritate frequē-
tas , ut nulli secundus in causis ex-
pediendis , una omnium voce An-
gelus censearis . Ego ipse testari
possum singularem tuam humani-
tatem , qua meorum operum beni-
gnissimus auspex , ut me ad maiora
prouocares in dies , ingentibus to-
ties beneficijs recreasti . Cuinam
igitur meum hunc de Angelis tra-
ctatum nuncupare debueram ,
quàm Tibi , qui moribus Angelos
imitatus , mihi semper fuiti instar
angeli tutelarioris ? Vale , diùque vi-
ue bonorum omnium perenni feli-
citati .

Patavij nonis Octobris 1684.

9
NOI REFORMATORI
dello Studio di Padoua .

H Auendo veduto per fede del Padre
Inquisitore , nel Libro intitolato ,
Tractatus de Angelis , Authore F. Petro
de Comitibus Romano , non v'esser cosa
alcuna contro la Santa Fede Catholica ,
eparimente per attestato del Segretario
nostro , niente contro Prencipi , e buoni
costumi , concediamo licenza à Pietro
Maria Frambotto di poterlo stampare ,
offeruando gl'ordini &c.

Dat. li 5. Agosto 1684.

(Siluestro Valier Cau. Pr. Ref.
(Girol. Alcanio Giustinian Ref.

Gio. Battista Nicolosi Segr.

A 5 IN.



INDEX

DISPUTATIONVM,

Et Articulorum,

Qui continentur in tractatu

DE ANGELIS:

DISPUTATIO I.

De existentia, & natura Angelorum.

- Ar. 1. **A**N verè dentur Angeli. 27
- Ar. 2. **A**N etiam independentè à fide possit probari, dari Angelos? 31
- Ar. 3. *An Angeli sint omninò spirituales, & incorporei?* 39
- Ar. 4. *Soluuntur obiecta.* 46
- Ar. 5. *An Angeli habeant aliquam compositionem?* 50
- Ar. 6. *An Angeli sint physicè incorruptibiles?* 57
- Ar. 7. *Soluuntur postrema argumenta, & statuitur in quo consistat Angelis destruitibilitas.* 63

Di.

DISPUTATIO II.¹¹

De discrimine, & numero Angelorum.

- Ar. 1. An omnes Angeli differant inter se specie? 69*
- Ar. 2. Soluuntur argumenta tertiæ, & quartæ sententiæ. 79*
- Ar. 3. An omnes Angelorum species reducantur ad idem genus proximum? 84*
- Ar. 4. An Angeli differant specie a tota ab anima rationali? 90*
- Ar. 5. An Angeli sint numero innumerabiles? 95*
- Ar. 6. Soluuntur fundamenta contraria. 100*
- Ar. 7. An Angeli sint plures, quam homines, & omnes res corporales totius mundi? 106*

DISPUTATIO III.

De Assumptione corporum.

- Ar. 1. An possint Angeli assumere corpora? 113*
- Ar. 2. An possit Angelus assumere naturam corpoream unione intrinseca substantiali? 121*
- Ar. 3. An aliquando Angeli assumpserint vera corpora? 129*

DISPUTATIO IV.

De Angelorum creatione.

- Ar. 1. **A**N Angeli creati sint ante mundum corporeum? 138
 Ar. 2. Soluuntur obiecta. 148
 Ar. 3. An Angeli sint creati in cælo empyreo? 151

DISPUTATIO V.

De Cælo Empyreo.

- Ar. 1. **A**N possit solo lumine naturali indagari existentia cæli empyrei? 158
 Ar. 2. An empyreū sit corpus lucidū? 164
 Ar. 3. An influat in corpora subiunctoria? 170

DISPUTATIO VI.

De æuo Angelico.

- Ar. 1. **A**N detur unum æuum, quod sit omnium æuiternorum mensura? 175
 Ar. 2. An, & quomodo æuum distinguatur ab æternitate, & tempore? 182
 Ar. 3. An æuum distinguatur ab esse, seu existentia æuiterni? 189
 Ar. 4. An in æuo sit partium successio? 196

DISPUTATIO VII.¹³

De loco Angelorum.

- Ar. 1. **A**N verè Angelus sit in loco? 205
- Ar. 2. An Angeli sint ubique? 212
- Ar. 3. An Angelus sit formaliter in loco per operationem virtualiter transeuntem? 216
- Ar. 4. Soluuntur obiecta. 224
- Ar. 5. An substantia Angeli secundum se, & seclusa qualibet operatione, sit ratio formalis proximè fundans ubicationem? Vbi an possit esse nullibi? 230
- Ar. 6. Soluuntur alia obiecta, & eueruntur fundamenta Aduersariorum. 237
- Ar. 7. An possit saluari quòd Angelus sit in loco per applicationem virtutis? 243
- Ar. 8. Soluuntur obiecta, & roboratur doctrina. 250
- Ar. 9. An possit Angelus esse simul in pluribus locis adæquatis? 262
- Ar. 10. An possit Angelus esse simul in pluribus locis inadæquatis discontinuis, seu distantibus? 274
- Ar. 11. An possint plures Angeli esse simul in eodem loco? 279
- Ar. 12. An possit Angelus prò libito seligere sibi locum maiorem, vel minorem adæquato? 286
- Ar. 13. Soluitur ultimum argumentum,

Et quæritur, an possit angelus esse in loco punctali? Et in alio angelo, tamquam in loco?

294

DISPUTATIO VIII.

De motu locali Angelorum.

- Ar. 1. **A**N verè Angelus localiter moveatur? 301
- Ar. 2. An Angelus moveatur motu continuo? 305
- Ar. 3. An Angelus moveatur motu discreto? 312
- Ar. 4. An possit Angelus moveri ex vno extremo ad aliud, non transeundo per medium? 319
- Ar. 5. Soluuntur obiecta. 330
- Ar. 6. An angelus moveatur in instanti? Vbi an habeat potentiã loco motiuam distinctam ab intellectu, & voluntate? 336
- Ar. 7. An angelus moveatur per motum in se non receptum? 343
- Ar. 8. An possit angelus violenter moveri ab alio? 349

DISPUTATIO IX.

De Intellectu, & intelligere Angelorum.

- Ar. 1. **A**N potentia intellectiva realiter distinguatur à substantia Angeli? 355

An

- 15
- Ar. 2. Solvuntur obiecta, & roboratur doctrina. 362
- Ar. 3. An intelligere Angeli sit eius esse substantiale? 367
- Ar. 4. An potentia intellectiva, eiusque actus intelligendi distinguantur in homine ab anima rationali? 375
- Ar. 5. Solvuntur obiecta; & roboratur doctrina. 381

DISPUTATIO X.

De speciebus angelicis.

- Ar. 1. **A**N sint Angelis necessariae species intelligibiles? 388
- Ar. 2. Solvuntur obiecta, & confirmatur doctrina. 394
- Ar. 3. An Angelus cognoscat se, & sua per species? 399
- Ar. 4. An angelus accipiat species ab obiectis? 406
- Ar. 5. Solvuntur obiecta, & probatur, species non esse angelorum proprietates. 414
- Ar. 6. An angeli habeant species, quarum singulae plura representent sub propriis rationibus? 422
- Ar. 7. An specierum universalitas sequatur mensuram angelicę perfectionis? 429
- Ar. 8. An possit sustineri opinio Scoti de speciebus angelicis? 436
- Ar. 9. Solvuntur obiecta, & roboratur doctrina Scoti. 444
- Dl.

DISPUTATIO XI.

De ipso actu cognitionis angelicæ.

Ar. 1. **A**n angelus semper cōtū co-
gnoscat quæ potest cogno-
scere? 449

Ar. 2. An angelus cognoscat discurren-
do? 456

Ar. 3. An angeli cognoscant componendo,
& diuidendo? 464

Ar. 4. An angelus possit simul cognoscere
plura ut plura? 468

DISPUTATIO XII.

De obiecto extrinseco cognitionis
angelicæ.

Ar. 1. An angeli se mutuò cognoscant per
species infusas? 475

Ar. 2. An angelus per suam substantiam
cognoscat naturaliter Deum? 481

Ar. 3. An singuli angeli comprehendant
omnes alios, se ipsos, & quolibet natu-
ralia? 486

Ar. 4. Soluuntur obiecta, & probatur,
nullum angelum se comprehendere. 495

Ar. 5. An per eandem speciem, qua an-
gelus cognoscit naturas uniuersales, co-
gnoscat etiam singularia? 500

Ar. 6. An angeli cognoscant præterita,
& futura? 507

Axi.

- Ar. 7. Soluuntur obiecta, & roboratur doctrina. 513
- Ar. 8. An cognoscant actus liberos actus existentes? 517
- Ar. 9. Soluuntur obiecta, & refelluntur aliorum opinionones. 523
- Ar. 10. An cognoscant mysteria gratie, & alia ordinis supernaturalis? 527

DISPUTATIO XIII.

De Voluntate Angelorum.

- Ar. 1. **A**N angeli equaliter amant se, & alia? 535
- Ar. 2. An amor naturalis Dei, & aliorum sit angelis necessarius? 540

DISPUTATIO XIV.

De Locutione Angelorum.

- Ar. 1. **A**N unus angelus cum alijs loquatur? 554
- Ar. 2. An angeli sibi loquantur? 548
- Ar. 3. An angeli loquantur ad inuicem per solum consensum voluntatis? 553
- Ar. 4. Soluuntur obiecta. 560
- Ar. 5. An Angeli loquantur cum Deo? 565
- Ar. 6. An angeli boni loquantur cum malis, & inferiores cum superioribus, & omnes cum homine? Vbi an requiratur pro-

propinquitias loci ad huiusmodi locutiones? 51

Ar. 7. Soluuntur obieſta. 51

DISPUTATIO XV.

De Illuminationibus Angelorum.

Ar. 1. A N unus angelus illuminat alium? 57

Ar. 2. Soluuntur obieſta. 58

Ar. 3. An illuminatio fiat per locutionem. Vbi an poſſit fieri uni, & non alijs. 58

DISPUTATIO XVI.

De Angelis ut eleuatis ad gratiam.

Ar. 1. A N omnes angeli fuerint creati ingratia? Vbi an ad illam ſe diſpoſuerint? 595

Ar. 2. An fuerit angelis neceſſaria gratia ad dilectionem Dei? 602

Ar. 3. An quantitas gratie angelis collata fuerit proportionata eorum phyſice perfectioni? 605

DISPUTATIO XVII.

De Angelis ut eleuatis ad beatitudinem.

Ar. 1. A N angeli fuerint creati in ſtatu beatitudinis? 610

Ar.

- Ar. 2. An angeli meruerint beatitudinem
de condigno, ante eius receptionem? 616
- Ar. 3. An angelis fuerit collata beatitu-
do, immediate post primum actum me-
ritorium? Vbi de via angelorum. 623
- Ar. 4. Soluuntur obiecta. Vbi queritur
quanto nostro tempore corresponderit
via angelorum? 628

DISPUTATIO XVIII.

De peccato Angelorum.

- Ar. 1. **A**ngeli peccare potuerint?
pag. 635
- Ar. 2. Soluuntur obiecta. 642
- Ar. 3. An angeli peccare potuerint in pri-
mo instanti sue creationis? 648
- Ar. 4. Soluuntur obiecta. 653
- Ar. 5. An peccatum angelorum fuerit su-
perbia? 656
- Ar. 6. An Demones possint resipiscere?
Vbi de eorum inflexibilitate. 662
- Ar. 7. Soluuntur obiecta. 669

DISPUTATIO XIX.

De Pena Daemonum.

- Ar. 1. **A**gnis inferni sit materia-
lis, & corporeus? 676
- Ar. 2. An, & quomodo ignis materialis
tor.

torqueat Demones, & animas separatas? 68

Ar. 3. Soluitur primum obiectum, & statuitur locus Demonum. 68

Ar. 4. Soluitur secundum obiectum, & examinatur modus, quo Demones torquentur ab igne. 68

Ar. 5. An ignis torqueat Demones per calorem materiale? 69

Ar. 6. Resoluitur status questionis, & queritur an ignis torqueat Demones aliquid quod in illis efficiendo? 69

DISPUTATIO XX.

De tentationibus Dæmonum.

Ar. 1. **A**N, & quomodo Demones tentent homines? 70

Ar. 2. An singulis hominibus fuerint assignati singuli Demones ad eorum exercitium? 70

Ar. 3. An possint patrare miracula. Et an semel victi, redeant ad tentandū. 71

DISPUTATIO XXI.

De Custodia Angelorum.

Ar. 1. **A**N omnibus, & singulis hominibus fuerint assignati singuli

*Singuli Angeli custodes? Et ex quo ordi-
ne.*

713

*Ar. 2. An Angeli custodes aliquando de-
serant suos clientes? Vbi an rixentur in-
ter se?*

718



Errata.

Corrige.

Pag. 25. Suo ordine,	sub ordine
37. Speciarum	specierum
41. Non conuenit	Non conueniunt
48. Allatas	Allatam
55. Eorum identitatē	Earum
57. Videntur esse	Videntur non esse
89. Nego minorem	Adde, subsumptam
95. Vt aliquie	Vt aliquid
110. Cæibus	Cætibus
116. Ex motioribus	Ex motionibus
122. Si Angelis	Si Angelus
146. Post hæc verba, <i>damnare intendebat</i> , d sunt hæc alia, <i>sed solum duos errores pr scribere</i> , nempe &c.	
148. Sedduccorum	Sadduceorum
149. Nego subsumptam, & postremam conse quentiam. Corrige, <i>nego consequentiam cum eius illatione</i> .	
162. Probauimus, illud moueri. Adde, <i>a ortu ad occasum, & firmiter moueri</i>	
169. Ad amittendum	emittendum
230. Da se	De se
233. In agentibus cor poribus	corporeis
263. <i>Alioquin esset in primo existentiam al rius loci adequati.</i> Debeantur hæc verba	
278. Nego minorem	Adde, subsumpta
279. Loco disposita	Discontinua
279. Non possunt	Non possunt
284. Per eamdē ope rationem	Etiā per eamdē &
290. Ab eodē dicente	cò quòd dicat
302. In instantij	In instanti
319. Vno extremo	vni extremo

44. Vtibus angelo
 46. A substantia animæ
 66. Ad distinctionem
 potentiam
 81. Includet
 83. Possunt Heruqum
 92. Patitur notitia
 31. Cognitionem im-
 perfectionem
 47. Eo modo, à quo
 18. Quam secutus est
 27. diuulsos
 38. Plus diligit, plus
 diligit.
 66. Nihil est occulto-
 rum
 33. Statim atq; creauit
 46. Cum quo &
 71. Spoliati grauitis
 88. Insidiantibus
 94. Corruptibiles
 08. Natuque
 19. In pœnam

Vtilis angelo
 Angeli.
 potentia.

Includet
 Per Heruqum
 Paritur notitia
 Imperfectiorem

Eo modo, quo
 quem secutus est
 Diuulsas
 Debeat repetitio.

occultum.

Addē, Deus;
 Cum quolibet
 Spoliat i gratuitis
 insidiantes.
 alterabiles
 Naturæque
 in pœnam





TRACTATVS

DE

ANGELIS.



Niuerſam hanc materiam pulcherrimam, & delicioſam, tres in partes quaſi genericè diuidimus, in quarum prima agimus de Angelis, ut comprehenſis ſuo ordine naturali: in ſecunda de Angelis ut viatoribus, ſeu ut eleuatis ad ordinem ſupernaturalem: & in tertia de Angelis ut in termino. Deinde ſingula hæc genera ſubdiuidentes in alia genera, ſeu ſpecies ſubalternas, in prima parte conſiderabimus primò eorum exiſtentiam, naturam, diſcrimen, numerum, & proprietates. Secundò eorum creationem, locumque creationis, & tempus inueſtigantes, quaſtiones inſtituemus de eo, & cælo empyreo. Tertiò de eorum

B

locis

locis , atque ubicationibus , motu , alijs
 que physicis operationibus . Et 4. de eo-
 rum intellectu , speciebus , & obiectis co-
 gnoscibilibus . In secunda parte exami-
 nabimus eorum voluntatem locutiones ,
 & illuminationes . Et in tertia agentes
 de illis , vt eleuatis ad ordinem superna-
 turalem , eorum gratiam , & beatitudi-
 nem , Dæmonumque peccatum , & pœ-
 nam ventilabimus . Et demum de malo-
 rum tentationibus , & bonorum custodia
 disputabimus .





DISPUTATIO

PRIMA.

De existentia, & natura Angelorum?

ARTICVLVS PRIMVS.

An verè dentur Angeli?

Videntur non dari, vt opinabantur Sadduczi, quorum erroris sit mentio in lib. act. Apostol. c. 23. secuti nonnullos ex veteribus philosophis, qui solis corporalibus mundū circumscribebant: Eorum vnicū fundamentum erat, quia in lib. Genes. describens Moyles mundi creationem, nullam facit de Angelis mentionem, quamuis exactissimam rerum omnium creaturarum historiam subtexuerit. Immo initio secundi capitis apertè dicitur, à Deo nihil aliud fuisse factum, præter enumerata in 1. cap. *Compleuitque Deus die septimo opus suum, quod fecerat, & requieuit ab vniuerso opere, quod patrat. Ergo cum in 1. cap. nulla fuerit fa-*

Et mentio Angelorum , non fuerunt à Deo creati .

Prò resolutione , notandum est , nomine Angelorum hic intelligi substantias abstractas , ab omni materiæ concretionē seiunctas , intellectiuas , & volitivas , cōpletas , & per se subsistentes , à Deo creatas ab initio temporis , inter quas , & purè materialia mediat homo , qui participat de utrisque . Hæ verò substantiæ dicuntur Angeli , quasi nuntij , cò quia à Deo sæpe mittantur ad aliquid nunciandum , vel faciendum . Et ideo de ijs loquens Apostolus ad Heb. 1. inquit , *Nonne omnes sunt administratorij spiritus , in ministerium missi propter eos , qui hæreditatem capiunt salutis ?* Quia tamen aliqui destinantur ad altiora quædam annuntianda , ut fuit Gabriel , qui annuntiavit mysterium incarnationis , ideo dicti sunt Archangeli , quasi supra Angelos , ut exponit Gregorius Papa hom. 34. in Euang. Aliquando nomen Angeli tribuitur etiam alijs ; & ideo dicitur de Præcurfore Malach. 3. *Ecce ego mitto Angelum meum ante faciem meam* , ut Christus exposuit Matth. 11. Immo in eod. loco ipse Christus dicitur Angelus testamenti , & statim venit ad templum suum Dominator , quem vos queritis , & Angelus testamenti , quem vos vultis . Aliquando demum aliquis dicitur Angelus metaphoricè , ob excellentiam

De existentia, & natura Ang. 29

etiam virginitatis, ut Casimirus Rex Poloniz; vel doctrinæ, ut Thomas Aquinas.

Conclusio, *De fide est, dari Angelos.* Est communis inter catholicos, qui omnes admittunt Angelos sanctos, & prauos.

Probatur 1. ex infinitis locis utriusque testamenti, ut psal. 90. *Angelis suis mandauit de te, ut custodiant te in omnibus vijs tuis:* & psal. 148. *Laudate Dominum omnes Angeli eius:* & in Cantic. Dan. 3. *Benedicite Angeli Domini Domino:* & Exodi 23. *Ecce ego mitto Angelum meum, qui præcedat te, & custodiat in via:* & ex nouo testamento, Matth. 1. *Angelus Domini apparuit in somnis Ioseph:* & Matth. 18. *Angeli eorum semper vident faciẽ Patris mei, qui in calis est:* & Lucæ 1. *Missus est Angelus Gabriel ad Mariam Virginem &c.*

2. In Conc. Later. sub Innoc. III. in confels. fidei, ut habetur expressum in c. firmiter de sum. Trin. definitur, *Ab initio temporis utramque de nihilo condidit creaturam, spiritualem, & corporalem, angelicam videlicet, & mundanam, ac deinde humanam quasi communem e spiritu, & corpore constitutam.* Ergo de fide est, dari Angelos, etiam malos, ut dicitur 2. Petri 2. *Si Deus Angelis peccantibus non pepercit &c.* & fusè infra probabimus.

3. Ex comuni omnium Catholicorum calculo, qui non solum admittunt Angelos custodes, sed etiam Dæmones

tentatores. Vnde optimè exclamat Aug. in psal. 103. *Angelos nouimus ex fide, & multis apparuisse scriptum legimus, & tenemus; nec inde nobis dubitare fas est. Quare negare Angelos, non solum est temerarium, sed hæresis manifesta.*

Ad fundamentum Sadducæorum, Nego primò suppositum. Quamuis enim Moyles non fecerit in 1. capite expressam mentionem de Angelis; eò quia solum mundum corporeum sumpsit describendum, in quo solo ordo creationis elucet, tamen illos memorat in alijs capitibus. Siquidem c. 3. Genes. inquit, *Collocauit Dominus ante Paradisum voluptatis cherubim, ad custodiendam viam ligni vitæ: & c. 19. Veneruntque duo Angeli Sodomam: & c. 22. Et ecce Angelus Domini de cælo clamauit: Et ibid. post pauca, Vocauit autem Angelus Domini Abraham secundò de cælo: & c. 28. Viditque in somnis scalam stantem super terram, & cacumen illius tangere cælum, Angelos quoque Dei ascendentes, & descendentes per eam: & c. 31. Dixitque Angelus Dei ad me in somnis: & c. 32. Fuèruntque ei obuiam Angeli Dei.*

Deinde dico, initio secundi capitis implicite fuisse commemoratos etiam Angelos, illis verbis, *Igitur perfecti sunt cæli, & terra, & omnis ornatus eorum.* Sicut enim homo, & bestia spectant ad ornatum terræ, ita stellæ, & Angeli ad orna-
tum

tum celorum. Nisi enim Deus fecisset Angelos in celo, fecisset palatium ingens sine habitatore, & ingentem curiam sine aulicis, quod utrique refunderet imperfectionem, nec posset verè dici, *perfecti sunt celi, & terra, & omnis ornatus eorum*, cum præcipuum utriusque ornamentum sit habitator.

ARTICVLVS II.

An etiam independenter à fide possit probari dari Angelos?

Videtur posse, vt docent Andreas Lao in 1. p. q. 50. tomi secundi art. 1. dub. 2. Gonettus tract. 7. disp. proem. ar. 1. §. 2. alijque plures magni nominis auctores, quibus videntur fauere D. Thomas hic q. 50. ar. 1. & Egid. in 2. p. p. d. 2. q. 2. ar. 3. in resp. ad 2. vbi docet, *Non solum Deum esse, sed etiam substantias spirituales esse, sunt magis certi sapientes, quam esse ista corporalia.* Quod idem repetit bis inferius. Et in resp. ad 3. ait, *Non valet, quod si per rationes naturales inuestigare possumus substantias separatas per suos effectus, quod similiter naturalis rationis ductu, per effectus empyrei possumus arguere, illud esse.* Eorum fundamenta possunt esse.

Primo quia Philosophus 12. met. c. 7.

docet, evidens est, corpora caelestia moveri. & non à se ipsis. Ergò ab Angelis, quod idem saepe repetit in 8. phys. & 1. de cælo c. 9. docet, super cæli ambitum esse quædam entia incorporea, nullis perturbationibus obnoxia, beatam vitam ducentia &c. quæ non possunt convenire, nisi Angelis. Et Plato eius magister in Simposio, & Timæo ponit minores quosdam Deos præfectos gubernationi rerum humanarum. Sed hi non habuerunt notitiam de Angelis, nisi ex lumine naturalis philosophiæ. Ergò hoc patet physicè.

2. Spectat ad perfectionem vniversi, quòd sicut datur natura corporea separata ab intellectu, vt lapis, & alia coniuncta, vt homo, ita detur natura intellectualis separata ab omni corporeitate, vt Angelus. Sed hæc perfectio cadit sub considerationem physicam. Ergò etiam Angelus.

3. Ratio naturalis dicat, quòd omne agens intendat agere sibi simile, in eo in quo est agens. Sed Deus creauit mundum per intellectum, & voluntatem. Ergo debent dari aliquæ substantiæ, quæ assimilentur Deo vt mundum creanti, perfectiori modo, quo fieri potest. Cum ergo sit perfectior modus assimilationis per intellectum separatum, debet hic dari.

4. Multa fiunt ab ænergumenis, quæ
supe-

superant vires totius naturæ corporeæ, ut quòd rustici calleant plura idiomata, scientias, artes &c. Ergo debent refundi in malos Angelos. Sed illa naturali patet experientia. Ergo & hi.

5 Idem videmus patrari à strygibus, & magis, qui superant in suis mirandis operibus omne agens corporeum. Cum ergo huiusmodi opera siue vera, siue prestigiosis apparentijs redundantia, pateant omnibus, etiam patet dari Angelos.

Conclusio, *Quamvis possit purè philosophicè probari, Angelos esse possibiles, non tamen probari potest, illos dari de facto, nisi indirectè, & abstractivè.*

Prima pars, quam amplectitur, & illustrat Suarez disp. 33. met. sect. 1. n. 3. faciliè probatur, quia ad excludendum aliquod intelligibile de numero possibilium, requiritur, quòd positivè assignetur, securam contradictionem ex eius ficta positione; quidquid enim est tale in esse obiectivo, ut si fingatur trahi ad statum actualitatis, nullam secum fert contradictionem, ab omnibus agnoscitur ut possibile. Sed ex positione substantiarum purè immaterialium intellectivarum, nullum sequitur absurdum, seu repugnantia, tam ex parte Dei creantis, quam ex parte ipsarum talium substantiarum. Ergo sequitur probata earum possibilitas, quam roborat à posteriori actualis

lis earum existentia , quam docet fides . Neque enim potuissent à Deo fieri , nisi earum possibilitas præfuisset . Confirmatur paritate animæ rationalis , in qua immaterialitas coniuncta cum intellectualitate , associatur cum dependentia ab alio , tamquam à causa . Ergo quamvis concipiamus in Angelo nobiliore essendi modum , omnino independentem à materia , quoad esse , conservari , & operari , adhuc possumus in illo concipere dependentiam à prima causa quoad esse , & operari , quæ non conuenit , nisi possibilibus , ut per se patet .

Probatur secunda , Primò quia non valet consequentia ex possibilitate ad existentiam , quamvis aliter censuerit Suarez loco citato , cuius doctrinam alibi sæpe impugnauius , & præcipue in tract. de scientia disp. 1. ar. 5. Deinde quia cum Angelus non sit corporeus , est extra obiectum formale physice , quod est sensibilitas , ut probauimus in 1. phys. Quod multò magis valet in sententia Egidiiponentis , obiectum materiale adæquatum , quod confundit cum obiecto formali , esse corpus naturale . Ergo quidquid non est corpus sensibile , non est physice cognoscibile per species proprias , & cognitione directæ , ut est Angelus .

Probatur tertia pars , Potest Angelus cognosci ut principium motus sensibilis
in

in nobis, vel per reuolutionem cælestium corporum, vel per assistentiam rebus corporeis, quæ munera facillè physicus concedet conuenire principio purè intellectuali, posito quòd illi non appareat aliud principium proximum illorum, vel per probabiles rationes alia omnia reiecerit principia proxima, vt nos reiecimus in 3. de cælo disp. 2. ar. 1. vbi statuimus, cælos moueri ab intelligentijs. Sed quia hæc cognitio, vtpote deducta ex discursu solum probabili, & à posteriori, non est certa, & euidens, ideo per illam non manuducimur ad existentiam Angelorum, nisi indirectè, & abstractiuè. Vnde patet, claram, & distinctam Angelorum notitiam nobis deriuasse, partim ex diuinis codicibus, & partim ex reuelatione Dei priuata. Et hæc est ratio, cur tanti faciamus in hac materia auctoritatem Dyonisij Arcopagitæ, quia (vt par est credere) propter eius angelicos mores, meruit, vel per mentis illustrationes, vel per assidua angelorum commercia, diuinitus haurire quidquid scriptum reliquit, in doctissimis libris de cælesti hierarchia.

Ad auctoritatem D. Thomæ, & Egidij, dico illos loqui de cognitione indirecta, & abstractiua, quæ per effectus probabiliter inferat existentiam angelorum. Cum enim non appareat euidenter, huiusmodi effectus esse ab Angelis, vt vi-

debimus infra, ideo ex illis non possumus elicere, nisi cognitionem probabilem. Neque obstat quòd Egidius dicat, sapientes esse magis certos de angelorum existentia, quàm empyrei. Primò quia loquitur de certitudine morali, fundata in argumento probabili, & topico, & non de physica. Deinde loquitur comparatiuè, id est quòd philosophi multò facilius potuerint Angelorum notitiam, quàm empyrei inuestigare. Hoc autem, non arguit cognitionem euidentem rerum; nam cum empyreum nullo modo physicè pateat, ut diximus in 3. de celo, ad hoc ut facilius cognoscatur Angelus, satis est quòd abqualiter, id est indirectè, & abstractiuè cognoscatur.

Ad 1. Nego minorem. Nam (ut a se ipso saepe probauit, & precipuè in vindicationibus peripateticis) Plato habuit notitiam sacrorum codicum veteris testamenti, unde hausit cognitionem Angelorum, de quibus tam saepe fit mentio in his libris, illamque Auditori suo Aristoteli communicauit. Ergo quia non locuti sunt ut philosophi, solo ducti lumine naturalis philosophiæ, ideo eorum auctoritas nihil facit. Ad rationem Aristotelis de motu cali, dico, illam concludere, suppositis duobus, nempe dari angelos, & calos à proprijs formis non moueri. Sed quia primum est petitio
prim.

principij: Et secundum est valde contro-
uersum inter philosophos, vt nos proba-
uimus in 3. de celo disput. 2. art. 1. ideo
hinc non deducitur notitia certa, & eui-
dens Angelorum. Posset enim quis fa-
cilè negare assumptum, & dicere quòd
cæli vel moueantur à proprijs formis, vt
dixere Vallesius, Maior, Bassolus, Al-
bertus de Saxonia, & alij, vel immedia-
tè à prima causa, vel saltem medijs alijs
agentibus materialibus. Sicut enim mul-
ti probabiliter opinantur, angelos infe-
riores illuminari à superioribus, & hos
ab alijs superioribus gradatim ascenden-
do, vsque ad supremum, qui à Deo il-
luminetur immediatè; ita possunt cæli ita
subordinari, vt vnum moueatur ab alio,
vsque ad primum mobile, quod mouea-
tur à Deo.

Ad 2. Nego maiorem, si sit sermo de
perfectione debita, & necessaria. Aliter
si procedat de quacumque perfectione
supererogationis metaphysicè possibili,
probaret existentiam infinitarum specia-
rum, quæ sunt possibles inter Deum, &
hominem, cuiusmodi essent creature in-
tellectuales per suam substantiam intelli-
gentes, existentes vbique, substantiæ su-
pernaturales &c. Sicut ergo Deus non
processit in infinitum in huiusmodi pro-
ductionibus, quamuis qualibet producta
rerum specie, possit semper producere
pet-

perfectiorem, ut probauimus in 3. phys. disp. 2. ar. 5. ita in casu nostro.

Ad 3. Nego maiorem, quæ licet valeat in causis materialibus, & vniuocis, non tamen in causis spiritualibus & æqui-uocis; immò neque potest habere locum in ipsis causis materialibus, si sint vniuer-sales, ut sunt corpora caelestia, quæ non agunt in hæc inferiora, ad hoc ut illa sibi assimilent, ut patet experientia, & nos probauimus in 1. de gener. Quantò ergo minus hoc valet de ipso Deo, qui est cau-sa æqui-uoca vniuersalissima? Aliter si non ageret, nisi ad assimilandum sibi passum, non posset facere, nisi creaturas volituias, & intellectuales, in quibus solis datur imago, & similitudo creatricis Trinita-tis, ut probauimus in tract. de Trin. quod manifestæ repugnat experientiæ.

Ad 4. Nego consequentiam. Quam-vis enim admittentibus aliunde Angelos, facile appareat ænergumenorum motus esse daemonicos, non tamen ex illis tan-tum, ut mediophilosophicè euidenti, de-ueniri posset ad certò affirmandam Dæ-monum existentiam, ut contendit Lao. Primò quia licet huiusmodi effectus supe-rent vires patientis, tamen possent refun-di in aliquam causam superioris ordinis nobis ignotam. Possent enim vel præstari à Deo immediatè, si boni sint, vel si ma-li, ab aliqua alia causa nobis occulta, ut

accidit in æstu maris, aliisque per multis, quorum causam ignoramus. Deinde posset etiam asseri, ænergumenorum effectus esse omninò supernaturales, saltem quoad modum. Ergo licèt concederetur, ex illis deduci notitiam Angelorum, non tamen esset notitia philosophica, quæ solum pendet à naturalibus, cuiusmodi non est quòd Deus permittat aliquem vexari, siue per magicas artes, siue quacumque alia ratione id fiat, vel in pœnam scelerum, vel ob alios iustissimos fines sibi notos, à spiritibus immundis, quamuis ut tales non cognoscantur.

Ad 5. Nego consequentiam. Siquidem ex notitia effectus, non cognoscitur certò causa, nisi certò cognoscatur connexio dependentiæ effectus cum tali causa. Cum ergo nuper dixerimus, effectus ænergumenorum, & strygun non apparere lumine naturali, ut determinatè connexos cum angelis pravis, ideo ex illis non valet consequentia ad horum existentiam, nisi indirectè, & abstractivè, iuxta sensum conclusionis.

ARTICVLVS III.

An Angeli sint omninò spirituales, & incorporei?

Videntur non esse, ut plures ex præcipuis Patribus asseruere, inter quos

quos recensentur Hylarius, Iustinus, Basiliius, Ambrosius, Bernardus, Irenaeus, & Augustinus, quibus accessit Caietanus in cap. 2. ep. ad Ephes. quamvis hic cum D. Tho. doceat oppositum. Eorum fundamenta reducuntur ad hæc.

1. Angeli pravi torquentur igne materiali inferni, vt habetur ex Matth. 25. *Discedite in ignem, qui paratus est Diabolo, & Angelis eius.* Ergo sunt corporei; alioquin ignis impressionibus non subessent.

2. Dicitur Genes. 6. *Videntes filij Dei filias hominum quod essent pulchrae, acceperunt sibi uxores.* Et infra. *Postquam ingressi sunt filij Dei ad filias hominum, illaeque genuerunt, isti sunt potentes à saeculo viri famosi.* Sed nisi habuissent corpora, non potuissent exardescere mulierum concupiscentia, & multò minus cum illis carnaliter commisceri. Ergo quia est sermo de Angelis, hi sunt corporei.

3. Tobia 6. Angelus Raphael dixit Tobia iuniori, super vnum piscem, quem ceperat eius iussu ad ripas tigris, Cordis eius particulam si super carbones ponas, fumus eius extricat omne genus demoniorum. Et c. 8. subditur, *Raphael Angelus apprehendit demonium, & reliquit illud in deserto superioris aegypti.* Quid simile legitur 1. Reg. c. 16. in fine, *Quandocumque spiritus Domini malus arripiebat Saul,*

Dauid

David tollebat cytharam, & percutiebat manu sua, & refocillabatur Saul, & letius habebat; recedebat enim ab eo spiritus malus. Sed hæc fieri non potuissent, nisi Dæmones essent corporei. Ergo &c.

4. In 2. Conc. Nicæno act. 5. cum fuissent relata verba Io. Episc. Thessal. quibus profitebatur, *De Angelis, quibus & nostras animas adiungo, ipsa catholica Ecclesia sic sentit, esse quidem intelligibiles, sed non omninò corporis expertes, & inuisibiles, verùm tenui corpore præditos, aereos, siue igneos; atque adeo depingi debere; omnes approbarunt eius dictum. Ergo Angeli, & animæ nostræ sunt corporei.*

5. Substantia vt sic adæquatè diuiditur in actum purum, qui soli conuenit Deo, & puram potentiam, quæ soli conuenit materiæ primæ, tamquàm in extremè contraria. Ergo quia Angeli mediant inter hæc, participant de vtroque, nempe intellectualitatem à Deo, & corporeitatem à materia. Et ideo Aug. 12. confess. c. 21. ait, *Deus fecit materiam communem visibilibus, & inuisibilibus.*

6. Simul Angeli sunt in actu respectu vnius operationis, & in potentia respectu alterius. Ergo habent diuersas partes, quarum vna sint in actu, & alia in potentia. Sed partes non conuenit, nisi corporeis, & quantis. Ergo sunt tales.

Conclusio, *Angeli neque habent corporei-*

*reitalatem physicam, neque metaphysicam, neque mathematicā, sed sunt omnino cuius-
cumque corporeitatis expertes.*

Probatur prima pars, corporeitas physica est compositio ex materia, & forma physicis, vt toties diximus in summa philosophica. Sed Angeli non habent huiusmodi compositionem. Ergo neque physicam corporeitatem. Probatur minor cum nostro Egid. in 2. p. p. d. 3. ar. 1. contra Bonau. Alensem, & Riccardum, nam materia prima est *subiectum primum vniuscuiusque, ex quo aliquid fit &c.* vt probauimus ex Philos. hic t. 82. in 1. phys. disp. 2. ar. 1. Ergo habet potentiam passiuam ad omnem formam, etiam substantialem; vnde intulimus ib. ar. 4. in omnibus physicis compositis dari vnā, & eandem specie materiam, solo numero differentem. Sed vbi datur huiusmodi materia, datur intrinseca alterabilitas, & corruptibilitas, vt probauimus in 1. de celo, vbi statuimus, ex isto capite celum esse intrinsecè corruptibile. Ergo si Angeli haberent corporeitatem physicam, essent intrinsecè alterabiles, & corruptibiles; & sic possent albificari, calefieri, comburi, & occidi, quod est absurdum, ut patebit.

Probo secundam partem, corporeitas mathematica fundatur in quantitate, & ideo inducit figurabilitatem, & commensuram.

curabilitatem. Sed Angeli non habent quantitatem. Ergo neque huiusmodi corporeitatem. Probatur minor, primò si Angeli essent quanti, essent ad inuicem impenetrabiles, cum quantitas sit principium impenetrationis, vt probauimus in 6. phys. Hoc autem esse falsum patet ex Lucæ 8. vbi dicitur, multa dæmonia, immò illorum legionem in unum hominem introisse, quod sine penetratione fieri non potuisset. Quod idem dico cum penetrant cælos, vt descendant ad nos, cū ingrediuntur domos ianuis clausis &c. Deinde non possent tanta celeritate moueri, vt dicitur Iob 1. *circuinxi terram, & perambulaui eam*, siquidem corpulentæ substantia tardat motum.

Neque obstat quòd Gonettus hic n. 9. vocet has rationes vitrum, & festucas, vt Vasquez impugnet, Primò quia stellæ sunt quantæ, & mouentur velocissimè. Et deinde quia sicut aer intrat in poros, ita possent Angeli suæ quantitatis tenuitate corpora peruadere, ita vt non sentiantur. Siquidem neutra ratio flocci valet. Non prima, quia stellæ non mouentur motu proprio, sed trahuntur ab orbe. Ergo earum velocitas non est comparanda cum Angelorum velocitate, quæ actiue est ab illis. Neque secunda, quia aer non potest peruadere corpora non porosa, vt vitrum, parietes, & metalla, quæ pene-

tran.

trantur ab Angelis. Immo neque in ipso corpore poroso, quod peruadit, potest consistere in quantitate excedente eius capacitatem, ut patet in pilis pugillatorijs, in quibus aer compressus impedit, ne alius aer ingrediatur. Angeli verò in qualibet quantitate possunt ingredi, & simul manere in eodem loco. Ergo hinc nostræ rationes non infirmantur.

Probo tertiam, quia si Angeli haberent corporeitatem metaphysicam, ut oppositam substantiæ spirituali, non essent medij inter Deum, & hominem, sed essent vel pura materia, vel pura forma materialis, vel quinta quædam essentia, sicut de celo philosophatus est aliquis. Hoc autem nullo modo sustineri potest. Primò quia quod opponitur spiritui, non est spiritus. Sed Angeli sunt spiritus. Ergo non habent corporeitatem metaphysicam, oppositam spirituali substantiæ. Probatur minor, non solum ex multiplici testimonio scripturarum, ubi Angeli vocantur spiritus, ut ad Heb. 1. *Qui facit Angelos suos spiritus*: & Apoc. 1. *Et à septem spiritibus, qui in conspectu throni eius sunt*: Et Lucæ 11. *Assumit alios spiritus nequiores se &c.* Sed etiam ex Lateran. quod habetur insertum in c. *firmiter desum. Trin.* in quo dicitur, *Deus ab initio temporis, utramque de nihilo condidit creaturam, spiritualem, & corporalem,*
ange.

angelicam videlicet, & mundanam. De-
mum quia vel essent substantiæ incomple-
tæ, vt materia, & forma; vel completæ,
vt cælum? Non potest dici primum, quia
venirent in physicam compositionem,
cum alijs, nec subsisterent per se, quæ fa-
cerent Angelos animabus deteriores. Ne-
que secundum, quia essent sensibiles, &
corruptibiles, quod repugnat experien-
tiæ, præsertim cum non possit asseri, il-
los componi ex materia quadam signata,
essentialiter alligata tali formæ. Primum
quia hoc gratis diceretur. Deinde quia
(vt diximus) omnes materiæ sunt eius-
dem speciei atomæ. Demum quia admi-
ssa in Angelis forma physica viuens intel-
lectiua, diceretur, & esset eorum anima,
vt ab initio cum Platonici errans admi-
sit Augustinus, quam opinionem vt erro-
neam, & extraneam à sacris paginis re-
tractauit.

Vnde sequitur, omnes illos, quos initio
adduximus prò Angelorum corporeita-
te, vel locutos fuisse de corporibus phan-
tasticis, & assumptis, vt explicatur Bona-
uentura, vel in hoc errasse, vt apertè dici-
tur ab Egid. loc. cit. de Auicembrone,
quem inquit *in hoc sanam mentem non*
habuisse, eiusque librum de fonte vitæ potius
meruisse nomen oppositum, cum non solum
circa existentiam rerum, sed etiam circa
actiones entium multos errores contineat.

Qua-

Quare si secuti sunt Augustinum errantem, sequantur penitentem, & amplexentur nobiscum catholicam veritatem.

ARTICVLVS IV.

Solvuntur Obiecta.

AD 1. Dico, Dæmones non torquentur ab igne, recipiendo in se aliquam illius corpoream impressionem, sed potius modo spirituali, ut probabimus sub finem huius tractatus. Ergo hinc nihil probatur pro eorum corporeitate.

Ad 2. Nego consequentiam, ex falso supposito, quod in talibus locis sit sermo de veris Angelis. Dico ergo, nomine filiorum Dei in talibus locis intelligi filios, qui processerunt e semine Seth, qui cum lacte pietatem hauserunt, & soli seruabant legem veri Dei, cuius proinde filij dicti sunt. Hi autem adamantes feminas de stirpe Cain, quæ ob earum adhesionem moribus proauorum, dictæ sunt filia hominum, eos acceperunt in uxores. Deinde earum assuetudine deprauati, prolapsi sunt in tot immunditias, ut vniuerso corrupto hominum genere, diluvium promeruerint, ut dicitur eodem c. *Videns autem Deus, quod multa malitia hominum esset in terra &c. delebo (inquit) hominem, quem creavi.* Augustinus tamen lib. 15. de ciu. c. 23. quem secutus est Chrysostomus

stomus hom. 22. in Genes. putauit, hic nomine filiorum Dei (quos versione septuaginta interpretum, scriptura vocat Angelos Dei) intelligi viros fortes, & excellentes, vel filios Iudicum, seu dynastarum, vel demum filios sanctorum, nempe sacerdotum, & prophetarum. Quod si aliquis velit obstinate tueri, hic intelligi veros Angelos, dico, illos non potuisse cum feminis commisceri, nisi per corpora phantastica. Quomodo autem potuerint generare, vide in 1. de generat. disp. 3. ar. 11. vbi ex professo egimus de hac materia, & in specie soluimus hoc argumentum.

Ad 3. Nego minorem. Et ad 1. locum dico, Dæmones non fuisse fugatos fumo iecoris illius piscis, per aliquam contrarietatem physicam, sed per virtutem aliquam moralem diuinitus illi impressam aduersus dæmones, ut videmus in aqua lustrali; vel ob efficaciam diuini imperij, per illud representati, tanquam per characteres ad placitum, à Deo tunc adhibitos in gratiam Tobie iunioris. Vnde patet etiam solutio ad alia duo loca, eò quia sicut potest Deus efficacia sui imperij Dæmones tartaro obligare, ita potuit per suum Angelum illos in deserto relegare, illisque præcipere, nè læderent Saul, canente David.

Ad 4. Nego consequentiam. Et dico,
Con-

Concilium illud approbasse tantum conclusionem Ioannis Episcopi Thessalonicensis, quod Angeli debeant coloribus exprimi, ob varias sensibiles apparitiones, quas fecerunt, non autem eius premissas, quod sint corporei, ut obseruat Esparsa hic q. 1. ad 8. eo quia intentum ad scopum controuersum, abstraxerit rationibus vtrunque deductis. Nisi velimus dicere cum nostro Gibbone disp. 16. dub. 1. §. 3. Concilium approbasse solum quod sibi fuit explicitè propositum à Tarasio, qui illi præerat. Cum ergo hic solum proposuerit, quod Angeli sint depingendi, hoc solum approbavit, de quo erat quæstio; & non aliud, de quo non controuertebatur. Aliter approbasset simul contradictoria, ut docet Conettus referens in eius professione fidei hæc verba, *Veneramur imagines Sanctorum, & incorporeorum Angelorum, qui tamquam homines figura humana iustis apparuerunt.* Quare figurabilitate retenta, eorum corporeitatem explicitè reprobauit, ut fusi probaui in 3. de an. disp. 1. ar. 5. ad 9.

Ad 5. Nego antecedens, propter rationem allatas ab arguente, non quia Angeli mediant per participationem, ut homo, sed per abnegationem; & ideo quia constituunt tertium membrum diuidens, reddunt vitiosam illam diuisionem. Ad testimonium Augustini dico, illum hanc
suam

nam opinionem retractasse lib. 1. retrac.
. 11. & 13. & lib. 2. c. 14. vt bene obser-
at Suar. disp. 35. met. sect. 3. n. 14. sub
n. Quamuis ergo alibi dixerit, siue du-
itatiuè, vt contendit Gibbo, siue asser-
uè, vt alij volunt, Angelos vel esse, vel
habere animas, tandem concludit, illos
esse spiritus, & creaturas spirituales,
deòque non habere materiam commu-
nem cum corporalibus. Quia tamen ha-
bent compositionem ex substantia, & sub-
sistentia, & alias infra examinandas, ideo
comparati cum Deo, in quo nulla est
compositio, videntur esse corporei, eo
modo quo tepidum comparatum cum fri-
gido videtur esse calidum. Et hinc aliqui
occasionem sumpserunt dicendi, illos esse
corporeos.

Ad 6. Nego consequentiam. Cum
enim tam potentia, quam actus sint in
genere qualitatis, non constituunt sub-
stantiam. Quamuis ergo Angeli habeant
potentiam, & actus distinctos spirituales,
non tamen sunt corporei, seu corporali-
ter compositi. Primò quia hæc composi-
tio non est substantiæ angelicæ, sed in
substantia angelica, adæquatè constituta
in suo esse essentiali, & ideo illi accidit.
Et deinde quia componentia sunt spiri-
tualia; & ideo non faciunt compositio-
nem physicam, sed metaphysicam.

ARTICVLVS V.

An Angeli habeant aliquam compositionem ?

Videntur Primò habere compositionem physicam ex esse, & essentia, ut docent communiter Thomistæ, cessantes, omnium creaturarum essentias esse realiter distinctas ab earum existentijs. Eorum fundamenta sunt, Primò quod essentia creaturarum est aterna, improducta, & indestructibilis; existentia vero creatur in tempore, & perit. 2. Solius Dei essentia est suum esse, & ideo ipse solus existit necessario. 3. Essentia habet esse irreceptum, non autem existentia. 4. Nulla creatura est actus purus, excludens omnem potentialitatem. Ergo non excludit compositionem ex esse, & essentia. 5. Existentia cum sit vltima actualitas, non potest esse subiectum accidentium. Ergo si esset idem cum essentia, hæc non posset subijci accidentibus. 6. Modus agendi sequitur modum essendi. Ergo si agit per virtutem superadditam, existit per existentiam superadditam, ut docet Phil. 3. de an. t. 9. *Aliud est magnitudo, & magnitudinis esse: & aqua, & aquæ esse.* 7. Angeli mouentur ab intrinseco. Ergo constant partibus, cum nihil à se ipso moueatur.

2. Vi;

2. Videntur nullam habere compositionem, etiam metaphysicam. Primum via genus sumitur à materia, & differentia à forma, ut dicitur 8. met. c. 2. & . Sed Angeli non habent compositionem ex materia, & forma. Ergo neque habent ex genere, & differentia. 2. Diximus in disp. met. substantiam creatam esse negativam. Sed negatio non potest venire in compositionem cum ente. Ergo quamvis in Angelis admittantur natura, & substantia, non tamen in illis faciunt compositionem. 3. Angeli sunt formæ per se subsistentes. Ergo nullam habent potentialitatem ad alias formas, adeoque excludunt à se compositionem ex substantia, & accidentibus.

Conclusio, *In Angelis non est compositio ex materia, & forma: & ex esse, & essentia, sed solum ex genere, & differentia: ex substantia, & accidentibus: & ex natura, & substantia.*

Prima pars patet ex dictis hinc ar. 3. ubi probauimus, Angelis non conuenire corporeitatem physicam. Sed si constarent ex materia, & forma, illis competeret physica corporeitas. Ergo ex illis non constant.

Secundam partem fusè probauimus in 1. phys. disp. 2. ar. 7. ubi statuimus nullius rei existentiam physicè distingui ab eius essentia. Ergo cum neque distingua-

tur in Angelis, non potest in illis admitti earum compositio. Neque obstat quòd ibidem promiserimus propugnare hic cum Egidio partem oppositam, ut sententia problematicè propugnetur. Si quidem melius, & exactius perpensis rationibus opinionis oppositæ, nullum in illis pondus inuenimus, ut patebit obiectio num solutione. Et ideo relicta huiusmodi opinione in sola probabilitate extrinseca, illam e censu nostrarum sententiarum, ut penitus falsam eliminamus.

Probatur tertia pars, Primò cum Egidio in 2. p. p. d. 3. q. 1. ar. 3. contra Durandum in 2. d. 3. q. 1. Angelus est sub genere, tamquam inferior, neque enim est ipsum genus generalissimum entis ut sic. Ergo illud diuidit tamquam species. Species componitur ex genere, & differentia. Ergo & Angelus. 2. quia quilibet Angelus est ex se intrinsecè determinatus ad certum gradum perfectionis. Ergo est sub aliqua specie, aliter esset illimitatus in sua perfectione, sicut Deus, quod illi repugnat; & per consequens constat ex genere, & differentia.

Quòd si quæras quænam sit differentia Angeli? Respondeo, Angelum sic definitur, *est substantia intellectiua, immaterialis, completa, dependens*. Dicitur *substantia*, ut distinguatur ab accidentibus. Dicitur *intellectiua*, ut distinguatur
brutis.

ritus. Dicitur *immaterialis*, ut distinguatur ab homine. Dicitur *completa*, ut distinguatur ab anima rationali. Dicitur *ependens*, ut distinguatur à Deo. Quare genus remotum Angeli erit *ly substantia*, & cætera erunt eius species subalterna. Genus autem proximum erit *ly substantia intellectiua immaterialis dependens*, & *y completa* erit eius differentia, non quidem unius Angeli ab alio, sed Angeli à non Angelo. Quænam autem sit differentia unius Angeli ab alijs, examinabitur infra, cum agatur de eorum distinctione.

Probatur quarta, Angelus neque est in loco, neque intelligit per suam substantiam, sed per actus, & modos superadditos, quos ita habet, ut possit non habere, sicut probabimus suis locis. Ergo habet potentialitatem ad accidentia, quibus etiam subsistat aliquando, adeoque admittit compositionem accidentalem.

Probatur quinta, Angelus habet naturam limitatam, & finitam, terminatam ad suas perfectiones, & proprietates. Ergo habet propriam subsistentiam, per quam sistit in se, & non transit ad ulteriorem perfectionem. Sed hæc subsistentia est realiter à natura distincta, & separabilis; aliter natura angelica esset inassumptibilis. Ergo facit in Angelo compositionem cum natura.

Ad fundamenta Thomistarum nego.

suppositum. Ad cuius primam probationem nego antecedens, cuius falsitatem ostendimus in 1. phys. loco cit. & ipse D. Thomas q. 3. de pot. ar. 5. ad 2. his verbis eliminat; *Ex hoc ipso quod quidditas esse tribuitur, non solum esse, sed ipsa quidditas creari dicitur, quia antequam esse habeat, nihil est, nisi forte in intellectu creaturis, ubi non est creatura, sed creatrix essentia.* Sed quidditas est essentia. Ergo hæc non est æterna, & improducta, sed est idem cum esse, quod producit, vel creatur.

Ad 2. Nego suppositum, quod solum verificatur de sinitate, quæ dicit independentiam ab alio, non verò de sinitate, quæ dicit identitatem. Sicut ergo Petrus est homo per suam animam, ita eius essentia existit per suam existentiam.

Ad 3. Nego antecedens. Cum enim omne creatum habeat esse receptum à Deo, etiam essentia, quam vidimus ex D. Thoma esse à Deo creatam, habet esse ab illo receptum. Hoc non verificatur de esse Dei, quod quia est à se, ideo non est receptum ab alio.

Ad 4. Nego consequentiam. Cum enim actus purus excludat omnem potentialitatem, non potest Angelis convenire, quibus convenit multiplex potentialitas, ut supra vidimus, quamvis non conveniat potentialitas essentię ad existentiam.

Ad

Ad 5. Nego antecedens, cum existentia non solum non sit vltima actualitas, sed prima, nempe fundamentum cuiusunque actualitatis, quæ non potest competere non existentibus. Ergo actualitas, quam inducit quodlibet accidens, semper supponit actualitatem existentiae in subiecto inhaesionis.

Ad 6. Nego consequentiam. Et dico, illud axioma verificari in hoc, quod mensura operationis desumatur ex agēis perfectione, ita ut agens perfectius, perfectius operetur, & viceversa. Hoc autem non probat, quod si agit per accidentia, existat per accidentia. Ad locum Philosophi dico, textum esse contra aduersarios, nam statim additur, *Sic autem & in multis alijs, sed non in omnibus; in quibusdam enim idem est esse carnis, & carnem*. Quare textus vel non loquitur de essentia, & existentia, vel probat eorum identitatem.

Ad 7. Nego consequentiam. Cum in 7. phys. sufficienter probauerimus falsitatem illius principij, *quidquid mouetur, ab alio mouetur*. Quomodo autem Angeli se moueant, videbimus suo loco.

Ad 1. secundæ sententiæ dico, genus, & differentiam posse considerari physicè, & metaphysicè, & utroque modo sumi à materia, vel forma sibi proportionatis. Cum ergo Angeli habeant solum genus, & differentiam metaphysica, quatenus vide-

licet habent naturam communem, determinatam per aliquod proprium alijs incommunicabile, ut diximus in logica, & considerabimus infra, ideo non habent nisi compositionem metaphysicam, res tantum videlicet ex genere, & differentia metaphysicis; & sub hac distinctione, conruit auctoritas Philosophi, quæ bene intellecta nobis fauet.

Ad 2. Distinguo minorem, negatio non potest componere ens per modum partis intrinsecæ constituentis, concedo: per modum formæ inhærentis, & subdistinguo, non potest componere per inhærentiam positivam, per quam tribuat subiecto aliquem effectum formalem positivum, concedo: per inhærentiam privativam, per quam nullum tribuat effectum formalem positivum, sed solum illum remoueat à subiecto, nego minorem. Et distinguo consequens, non faciunt compositionem positivam, & perfectiuam, concedo: privativam, nego consequentiam. Sicut ergo priuatio caloris componit accidentaliter priuatiuè materiam, ab illa remouendo calefactionem, quæ est effectus formalis caloris; ita subsistentia componit priuatiuè naturam, remouendo ab illa transitum ad ulteriorem perfectionem, ita ut terminetur, & sistat in se.

Ad 3. Nego consequentiam, quæ solum valet in ordine ad formas substantiales,
non

De existentia, & natura Ang. 57
non autem in ordine ad accidentales, quæ
non repugnant per se subsistentibus, ut
sunt velle, intelligere, moueri, locari &c.

A R T I C V L V S VI.
An Angeli sint physice incorruptibiles?

Videntur esse, ut propugnant Scotus
in 1. d. 8. q. 5. & in 4. d. 49. qu. 6.
Alex. de Ales, Bonau; Riccard. Gabriel,
& Aureolus, cum Vasquio hic disp. 182.
c. 2. Primò quia eodem modo est debita
Angelis conseruatio, quo fuit debita crea-
tio. Sed illa fuit gratiosa. Ergo & hæc. Sed
ille est physice, & intrinsecè corruptibi-
lis, cui non est physice debita conserua-
tio. Ergo Angeli sunt physice corruptibi-
les.

2. Sexta Synodus, quæ est Concilium
Constantinopolitanum tertium, sub Aga-
thone Papa sess. 11. in litteris Sophronij
dicit, Angelos esse immortales per gra-
tiam, & non per naturam, forasæ adha-
rens D. Paulo, qui 1. ad Timoth. 6. docet
de Deo, *Rex Regum, & Dominus Dominan-
tium, qui solus habet immortalitatem.* Ex-
go soli Deo conuenit immortalitas per
naturam, ut explicant Gregorius, Cyril-
lus, Ambrosius, & Iustinus, quibus fauet
etiam Plato, qui in Timeo sub finem quin-
ti folij docet, *O Dij Deorum, quorum opi-*
sex idem, paterque ego, opera quidem vos
C 5 mea,

mea, dissolubilia natura. Ergo quia nōmine Deorum intelligit Angelos, putat illos esse natura dissolubiles.

3. Quod non est suapte natura defectibile, destrui non potest, aliter destrueretur indestruibile, quod repugnat in terminis. Sed Angeli sunt à Deo destruibiles. Ergo suapte natura sunt defectibiles.

4. Omnis creatura contingenter existit, cū solus Deus sit ens necessarium. Sed Angeli sunt creaturæ. Ergo contingenter existunt, adeoque possunt non existere, quia pendent à libera voluntate Dei in fieri, & conseruari. Sed quod potest nō existere, est ex natura sua defectibile. Ergo Angeli sunt natura defectibiles.

Conclusio, *Quamuis possint Angeli metaphysicè à Deo destrui, tamen sunt ex natura sua physicè incorruptibiles*, Ita D. Th. hic q. 50. ar. 5. cum quo sentiunt Egid. in 1. d. 2. q. 1. ar. 4. & communiter scholastici, & Patres.

Probatur 1. Omnis physica corruptibilitas prouenit ab aliquo principio intrinseco, nempe à compositione ex materia, & forma. Cū enim materia respiciat omnes formas, & à nulla eius appetitus perfectè satietur, sub quacumque forma existat, retinet separabilitatem ab illa, & coniungibilitatem cum qualibet alia. Sed in Angelis non est huiusmodi compositio, vt probauimus ar. 5. Ergo neque da-
tur

tur principium intrinsecum corruptionis, quæ numquam accidit, nisi per actua-
lem separationem formæ à materia.

2. Angeli sunt substantiæ simplices, excludentes à se omnem physicam compositionem substantialem, vt probatum est supra. Ergo non habent contrarium, per cuius aduentum corrumpantur. Probatur consequentia, omnis corruptio habetur per aduentum formæ contrariæ, vt patet experientia. Ergo Angelis est con-
naturalis exigentia perpetuæ conseruationis, quæ illis debetur ex natura rei, vt igni calor. Immò multò magis, cum sui conseruatio præponderet cuicumque perfectioni accidentali, adeoque appetitu innato ardentius, & principalius appetitur.

3. Anima rationalis est intrinsecè incorruptibilis, vt probauimus in 3. de an. & patet ex Matth. 10. *Nolite timere eos, qui occidunt corpus, animam autem non possunt occidere*, super quem locum Conc. Later. sub Leone X. sess. 8. reprobatur dicentes, animas esse natura mortales; & ipse Leo in sua bulla posita in fronte Concilij, asserit animas esse immortales. Sed Angelus est multò immaterialior, & perfectior, vt patet ex dictis, & dicendis. Ergo potiori iure est incorruptibilis per naturam.

4. Angelis debetur ex natura rei potestas merendi, vel demerendi, fundata in

innata eorum libertate. Sed merito debetur præmium æternum, vt probauimus in trac. de prædest. & demerito debetur pæna æterna. Ergo Angelis debetur æternitas, vt possit à iusto Iudice consequi præmium, vel pænam, præsertim cum in via non possint vtrumque vitare, sed necessario debeant bene, vel male operari.

Ad 1. Nego maiorem. Sicut enim igni debetur physicè calor post sui creationem, quamuis creatio non debeatur; ita & Angelo debetur conseruatio post existentiam, quamuis existentia non debeatur. Et ratio est, quia debitum sequitur ad exigentiam creditoris. Quod autem non existit, nullam habet exigentiam, & ideo non potest illi aliquod deberi. Sed creatio præcedit existentiam creati. Ergo non potest illi esse debita. Hoc non valet de conseruatione, quæ necessario supponit existentiam conseruati. Ergo nulla est paritas.

Ad 2. Dico, à sexta Synodo adstrui Angelis corruptibilitatem metaphysicam, & extrinsecam, non autem physicam, & intrinsecam. Quod patet ex eo, quia illa Synodus loquebatur contra eos, qui dicebant, Angelos esse simpliciter, & metaphysicè indefectibiles, propter independentiam ab omni causa, quod est hæreticum. Vnde patet etiam responsio ad aliorum auctoritatem, & præcipuè Cyrilli, Gregorij, & Damasceni, qui loquuntur

tantum de corruptibilitate metaphysica, & absoluta. Sicut enim Deus posset igni non satisfacere, denegando calorem, ut de facto negauit in fornace Babylonica; ita posset Angelis negare conseruationem, quæ proinde dicitur gratia, non solum quia datur ad exigentiam naturæ angelicæ gratis datæ, sed etiam quia illi gratiosè satisficit, cum Deus ad hoc necessitate ulla metaphysica non teneatur. Quare concursus Dei ad Angeli conseruationem, non est gratia distincta à gratia creationis, sicut neque est conseruatio caloris in igne, spectato solo ordine naturæ, licet in alio ordine superiori sint nouæ gratiæ.

Dices, Conseruatio Angeli est donum indistinctum à dono creationis. Sed hoc est gratuitum. Ergo etiam illud. Et ideo Ambrosius lib. 3. de fide c. 3. inquit, *Neque Angelus immortalis est naturaliter, cuius immortalitas in voluntate est Creatoris.*

Distinguo minorem, donum creationis Angeli est gratuitum, physice loquendo, nego; metaphysice concedo minorem, & sub eadem distinctione etiam consequentiam. Ratio est, quia probauimus in trac. de vis. disp. 3. art. 2. Angelos esse debitos huic rerum uniuersitati. Ergo Deus ut auctor naturæ, tenebatur illos creare. Quia tamen hoc debitum non respiciebat ipsos Angelos, sed uniuersum, cuius

cuius ipsi sunt partes, ideo esto quod creatio sit Angelis indebita, non tamen est indebita conseruatio. Et ratio est, quia per creationem Deus dat Angelo talem naturam, cui debeatur conseruatio. Ergo eius conseruatio quia est debita tali naturæ, spectat ad donum eius creationis, ut eius complementum. Atque adeo tantum abest, quod gratia creationis faciat gratiosam conseruationem, ut potius per hoc ipsum sit gratiosa creatio, quia trahit debitum conseruationis. Aliter non fuisset creata natura intrinsecè indefectibilis. Vnde retorquetur argumentum.

Ad locum D. Pauli respondeo cum D. Tho. hic disp. 50. art. 5. ad 1. ibi esse sermonem de immortalitate perfecta, quæ includit omnimodam immutabilitatem, quam Angeli, non nisi per gratiam assequuntur. Et ideo D. Augustinus super hunc locum lib. 3. con. Maximin. c. 12. sub med. & in ep. ad Diosc. sub med. docet, *Omnis mutatio est quædam mors*. Cum ergo Angeli sint mutabiles non secundum voluntatem, sed secundum accidentia, & proprietates, immò & successionem secundum totum, ut probat Egid. q. 7. de mensura Angelorum, videntur esse mortales. Præterquamquod solus Deus habet ex se immortalitatem, quam Angelus habet ab alio. Ergo bene cum Apostolo, supradixit Ambrosius, immortalitatem Angeli esse

De existentia, & natura Ang. 63
esse in voluntate Creatoris, non quia liberè conseruetur, sed quia liberè creetur.

Ad dictum Platonis resp. cum D. Tho. loc. cit. ad 2. Platonem nomine Deorum intellexisse corpora cælestia, quæ putabat esse ex elementis composita, adeòque esse dissolubilia per naturam. Præterquamquod auctoritas Platonis in hac materia nauci est facienda, posito quòd ille loqueretur tantum ut philosophus de materia theologica, & réuelata, si exponatur de Angelis. Et ideo illi oppono magnum Dyonisium, qui c. 4. de diu. nom. docet, *Intellectuales substantiæ vitam habent indeficientem, & imminorabilem à corruptione vniuersa, morte, & materia, & generatione immundæ existentes.* Cui concinunt Achanasius, Basilus, Fulgentius, Methodius, Theodoretus, alijque plures, quos recenset Bubalus hic q. 50. ar. 5. §. 2.

ARTICVLVS VII.

Solvuntur postrema argumenta, & statuitur in quo consistat Angeli destruitabilitas.

AD 3. Dico, argumentum concludere prò defectibilitate metaphysica, quæ est de essentia cuiuscumque creaturæ, non autem prò physica, quam solam hic Angelis denegamus. Vt verò percipiatur discrimen inter utramque, varijs instantijs

rijs doctrinam enucleabimus .

Dices 1. Annichilabilitas, seu defectibilitas metaphysica, dicit potentiam physicam passiuam in ipso Angelo . Ergo dicit intrinsecam corruptibilitatem.

Nego antecedens . Sicut enim creabilitas non dicit potentiam physicam passiuam in obiecto creabili , alioquin haberet potentiam physicam intrinsecam ad essendum, antequàm esset, quod repugnat in terminis; ita annichilabilitas non dicit potentiam intrinsecam passiuam in annichilabili. Atque adeo sicut habetur creabilitas Angeli possibilis , per non repugnantiam ex parte ipsius , & per potentiam actiuam extrinsecam Dei ; ita annichilabilitas Angeli existentis , habetur per extrinsecam virtutem Dei, & per non repugnantiam ex parte Angeli, seu negatione repugnantiae , ad actionem destructiuam ipsius, quæ propriè non est actio, sed est subtractio diuini concursus necessarij ad eius conseruationem, unde necessariò resultat eius annichilatio . Hæc autem non repugnantia non est potentia aliqua physica, sed purè logica ex parte Angeli, quia (ut docet D. Thomas 1. p. q. 104. art. 3. ad 3.) annichilatio est defectus actionis conseruatiuæ , & ideo neque est motus, neque mutatio .

Dices 2. Quidquid potest simpliciter amittere esse , non est natura sua immor-
tale ,

talē, ut habetur expresse 1. de celo t. 130.
Sed Angelus potest simpliciter amittere
esse. Ergo non est natura sua immortalis.

Distinguo maiorem, quicquid potest
amittere esse per corruptionem, seu desit-
tionem intrinsecam; est mortale, concedo;
per puram desitionem extrinsecam, & me-
taphysicè tantum possibilem, est mortale,
nego. Et admissa in Angelo sola desitio-
ne extrinseca, & metaphysica, nego con-
sequentiam. Ad Philosophum dico, il-
lum loqui de amissione esse per corruptio-
nem; & desitionem intrinsecam, non au-
tem per destructionem, quam ut possibi-
lem non agnuit. Quod si opponas alium
textum eiusdem ex 1. de celo, quod cuius
est initium, erit finis; Respondeo quòd
si procedat de facto, hoc dictum est fal-
sum, cum Angeli non sint habituri finem,
ut docet fides. Quòd si procedat de possi-
bili, dico, Angelos posse quidem habere
finem extrinsecè per destructionem, non
autem per corruptionem, & ideo non
sunt natura mortales.

Dices 3. Angelus ex natura sua subij-
citur Deo, à quo destrui potest. Ergo
per potentiam physicam, & realem pas-
suam.

Nego consequentiam, cum D. Tho.
2. con. Gen. c. 30. & 55. & q. 5. de pot.
ar. 3. docente, totam subiectionem An-
geli, in ordine ad annihilabilitatem sal-
uari

uari ex parte Angeli per solam potentiam logicam, vt cum alijs pluribus docet noster Gibbo hic disp. 16. dub. vlt. n. 13. Vnde sequitur, non dari in Angelis aliquid intrinsecum exigens eorum defitionem, sicut datur in rebus corruptibilibus.

Dices 4. Annihilabilitas Angeli non est pura denominatio aliqua illi extrinseca. Ergo dicit aliquid illi intrinsecum.

Nego antecedens. Nam (vt docet D. Thomas 1. p. q. 75. art. 6. ad 2.) *Sicut posse creari dicitur aliquid, non per potentiam passiuam, sed solum per potentiam actiuam creantis, qui ex nihilo potest aliquid producere; ita cum dicitur aliquid vertibile in nihil, non importatur in creatura potentia ad non esse, sed in creatore potentia ad hoc quod esse non influat.* Ergo est pura denominatio illi extrinseca. Præterquamquod potentia annihilatiua in Deo, supponit in Angelo non repugnantiam ad non esse. Ergo dicit aliquid illi intrinsecum, nempe potentiam logicam supra assertam.

Dices 5. Non repugnantia ad non esse, est potentia ad hoc, vt sit terminus à quo annihilationis. Ergo dicit potentiam physicam, per quam possit terminare defitionem.

Nego antecedens. Et dico, quod sicut non repugnantia ad creari, non dicit vllam potentiam physicam, quæ suscipiat,
&

& recipiat creationem; alioquin cum prius sit subiectum, quàm ea, quæ sunt in ipso, vt habetur ex 1. phys. t. 52. daretur in ipso Angelo potentia physica, & realis præcedens sui creationem, quod repugnat; ita non repugnantia ad destrui, seu ad esse terminum à quo destructionis, non dicit aliquod physicum in Angelo, quod suscipiat destructionem, respectu cuius Angeli substantia, non est formaliter terminus, sed solum denominatiue à potentia destructiua; eo modo quo Deus denominatur creator, per relationem creationis, existentem in ipso termino creato.

Dices vltimò, Angelus potest transire de esse ad non esse, sicut transiuit de non esse ad esse. Ergo habet potentiam susceptiuam vtriusque termini, à quo, & ad quem.

Nego consequentiam, quæ solum valet in generabilibus, & corruptibilibus, quæ cum non fiant, nec pereant adæquatè, habent materiam primam, quæ transit ex vno ad alium terminum. Hoc non valet de Angelis, qui cum sint puri spiritus, fiunt, & pereunt adæquatè. Sicut ergo cum transire de non esse ad esse, nihil præcessit ad eorum esse, ita nihil eorum remaneret, si ex esse transirent ad non esse, quod non fieret per verum transitum subiecti ex forma ad priuationem, vt accidit in corruptibilibus, sed per solam
fuga

successionem negationis ad esse angelicum.

Vnde patet responsio ad 4. Siquidem Angeli potuerunt quidem simpliciter non existere, quia potuerunt non fieri. Si tamen creati fuerint, exigunt conseruationis & ideo spectatis rerum naturis, & in ordine ad ordinariam Dei potentiam, necessario existunt, necessitate physica, & naturali, non autem necessitate metaphysica, quæ soli conuenit Deo.





DISPUTATIO II.

De discrimine, & numero Angelorum.

Rostquam statuimus dari Angelos, eosque esse substantias completas per se subsistentes, physicè incorruptibiles, omnisque corporeitatis expertes, agendum est de eorum discrimine, & multitudine. Quæremus ergo primò, an omnes differant inter se specie, vel genere, & quam convenientiam habeant cum anima rationali! Et deinde eorum classes, & numerum indagabimus.

ARTICVLVS I.

An omnes Angeli differant inter se specie?

Videntur omnes differre, vt propugnant plerique Thomistarum, qui vsque adeo adhærent huic opinioni, vt putent impossibile metaphysicè, dari plures Angelos solo numero differētes. Commune omnium fundamentum est, quia omnis distinctio purè numerica habetur per solam materiam physicam, vt docet Phil.

Phil. 12. met. t. 49. Cum ergo in Angelis neque sit, neque possit esse materia physica, ideo non possunt ab inuicem solo numero differre, quia differunt per solam formam.

2. Videntur omnes esse eiusdem speciei, nec posse vnum ab alio differre specie, ut in oppositam sententiam abeuntes, docuere S. Bonaventura in 2. d. 9. q. 1. ar. 1. & Albertus Magnus in sum. p. 2. q. 8. in solut. questionis. Eorum fundamenta sunt, Primò quia in omnibus conueniunt. Ergo nihil habent, per quod specie differant. 2. Animæ rationali repugnat multiplicari specie. Ergo & Angelis. 3. Sunt in proximo gradu perfectionis, respectu Dei. Cum ergo de illius numerica immultiplicabilitate participare non possint, debent de eius immultiplicabilitate specifica participare. Et hæc opinio tam altas radices iecit olim in scholis, ut Argentinas in 2. d. 3. q. 2. ar. 2. dicat, eam fuisse communem suo tempore, ut refert noster Gibbo hic disp. 16. dub. 4. nu. 1. quamuis Argentinas hoc non asserat, & solum dicat loco citato, *Alia opinio est, quod quamuis Angeli, & animæ differant specie, tamen omnes angeli sunt eiusdem speciei; & pro opinione ista videntur sonare multæ sanctorum auctoritates.* Et deinde in resolutione questionis tubdit, *Sed quia communius tenetur, quod*

De discrimine, & numero Ang. 71
quòd omnes differant specie, ideo tenendo
hanc conclusionem &c. Quate in tali Do-
ctore vellem maiorem fidelitatem in ci-
tandis auctoribus, cum illum sæpe falla-
cem deprehenderim; & præcipuè in hac
materia, vbi n. 3. inquit, Scotum docere,
de facto omnes Angelos differre specie,
licèt possint solo numero multiplicari,
cùm oppositum omninò asserat, vt pro-
bat Mastrius hic disp. 2. q. 1. ar. 2. & ni-
hil sit tritius penès Scotistas, quàm plu-
ralitas numerica plurium Angelorum;
Immo Mastrius tali loco n. 16. docet, in
via Scoti esse multò probabilius, omnes
Angelos de facto productos esse eiusdem
speciei, adeoque solo numero differentes.

3. Videntur omnes Angeli per suam
entitatem habere, vt differant ab omnibus
alijs, non solum specie, sed etiam nume-
ro, vt docet noster Gibbo hic disp. 16.
dub. 4. §. 2. ita vt simul, & semel differant
specie, & numero. Eius fundamenta
sunt. Primò quia quilibet Angelus per
suam entitatem redditur vnus numero,
singularis, & indiuiduus. 2. Prima sub-
stantia ideo est singularis, & indiuidua,
quia neque est in subiecto, neque de illo
dicitur, vt nos definiuimus in log. lib. 4.
disp. 3. ar. 1. Sed Angelus per se ipsum
habet, quòd non sit in subiecto, cùm in-
nulla materia sit receptibilis. neque dici-
tur de subiecto, quia non habet inferiora,
de

de quibus pradicetur . Ergo per se ipsum
est prima substantia , adeoque singularis
& indiuiduus . 3. Vnitas est passio entis
Ergo vnde habetur esse ens , habetur esse
vnum . Sed Angelus habet à suo actu per
se subsistenti , quod sit ens . Ergo ab eo-
dem habet, quòd sit vnus , vnitatem specifi-
ca , & numerica . 4. Angelus à parte rei
non est forma aliqua vniuersalis , abstra-
cta ab hecceitatibus . Ergo per se ipsum
est singularis . Ex alia parte quia singuli
per se ipsos habent, vt constituent singulas
species, ideo neque supernaturaliter pos-
sunt non constituere , vt docet in 1. & 3.
assertione . Ergo per se ipsos differunt
specie, & numero ab omni alio .

4. Videntur omnes Angeli defacto dif-
fere specie, posse tamen à Deo creari plu-
res solo numero differentes, quamuis non
possint dari plures, qui sint eiusdem spe-
ciei , vt docet Egid. in 2. d. 3. q. 2. ar. 3.
Probat primum , quia distinguuntur per
formam, per quam non potest haberi, nisi
distinctio specifica . Probat secundum,
quia non repugnat, quamuis non decuerit
à Deo illos creari . Probat tertium , qui
non possunt distingui , nisi per formam .
Hac sunt eius verba , *Angelorum species
tot sunt, quot Angeli, duoque Angeli eius-
dem speciei dari non possunt, cum sint for-
mæ per se existentes ; idque patet ex Ange-
lorum essentia, ordine, & perfectione.* Deus

De discrimine, & numero Ang. 73
nam plures eiusdem speciei Angelos crea-
potuit, sed non deuit; ubi non probat
iusmodi indecentiam.

Conclusio, Quamuis possint Angeli,
tam naturaliter, in sua specie atoma mul-
tiplicari, & de facto plures fuerint multi-
ficati, non tamen omnes sunt eiusdem spe-
iei. Ita Scotus, Henricus, Durandus,
Quarez, Esparla &c.

Hæc conclusio quamuis fuerit à nobis
probata quoad omnes partes in logica,
lib. 2. disp. 2. ar. 6. tamen placet hic ad
inferiorem doctrinam, illam alijs ratio-
nibus roborare.

Probatur prima pars primò, Posset
Deus quemlibet creatum Angelum de-
struere, aliumque illi simillimum creare.
Sed hic secundus esset eiusdem speciei
atomæ cum primo. Ergo primus erat in
sua specie multiplicabilis. Minor patet,
aliter secundus non esset primo simili-
mus. Maior probatur, destructo Ange-
lo Michael e.g. posset Deus illum repro-
ducere. Ergo posset etiam non bis eum-
dem producere, sed duos similes successi-
uè producere, intra eandem speciem.
Neque enim Deus teneretur, vel speciem
relinquere irreparatam, vel reparare per
idem individuum ad esse reuocatum. Er-
go posset illam reparare per aliud indivi-
duum destructo simillimum, adeoque
eiusdem speciei. Quis enim est adeo fer-

D

reus,

teus, ut dicat, Deum non posse destructo Michaelē, quod potuit, illo non producto? Sed illo non producto, potuit primo ponere hanc speciem per Raphaelē. Ergo etiam destructo Michaelē, poterit ponere per Raphaelē, ut apertè admittitur à D. Tho. de spiritual. creat. art. 8. ad 4. *Natura huius Angeli non prohibetur esse in multis, ex hoc quod pertinet ad rationem speciei, sed ex eo quod pertinet ad rationem individui.* Ergo Angeli natura est plurificabilis in sua specie, non multiplicata hecceitate.

2. Potest idem Angelus per eundem suum intellectum, habere circa idem obiectum plures cognitiones solo numero distinctas, non quidem simul, sed successive. Ergo potest haberi numeralis plurificatio, etiam per formas, præciso ordine ad materiam, & ad subiectum. Consequentia est evidens; nam huiusmodi cognitiones, cum sint spirituales, nullam habent materiam. Præterea cum sint actus immanentes eiusdem intellectus, habent commune subiectum. Ergo neque numero plurificatur per materiam, neque per subiectum. Probatur antecedens, omne successive identificatur realiter cum sua duratione, ut probauimus in 4. phys. & in 1. de generat. Sed huiusmodi cognitiones, cum distinguantur à substantia Angeli, sunt essentialiter fluentes. Ergo
iden.

De discrimine, & numero Ang. 75
ntificantur cum sui duratione, adeo-
e eadem numero manere non possunt.
d hę quamuis distinguantur per formas,
stinguuntur solo numero per proprias
ccetates. Ergo etiam Angeli possunt
lo numero distingui per proprias hec-
itates. Et idem valet de materia prima,
æ solo numero per se ipsā plurificatur.

3. Si Michael esset immultiplicabilis
sua specie, contineret totam perfectio-
em speciei. Ergo esset infinitus, quia
ontineret perfectionem infinitorum in-
uiduorum. Sicut enim si Petrus conti-
eret totam naturam humanā, quæ conti-
etur in infinitis indiuiduis, esset infini-
us, ita & Michael, non tamen esset infini-
us simpliciter, sed solum secundum quid,
ut Petrus.

Dices, Petrus quia contineret totam
perfectiōem hominis, contineret etiam
totam perfectiōem generum, quæ prædi-
antur de homine. Ergo contineret totam
perfectiōem entis, quæ est simpliciter in-
nita.

Nego consequentiam, quia cum illa
genera prædicentur descensu disiunctiuo,
on verificantur de homine secundum
bstractionem, sed solum ut contracta
er hominis differentiam.

Probatur secunda pars, De facto An-
eli ut existunt à parte rei, sunt substantię
ngulares, & indiuiduæ; aliter daretur

uniuersale à parte rei, quod in logica re-
 jecimus ut falsum. Sed non omnes parti-
 cipant eandem perfectionem, & proprie-
 tates, quia unus illuminatur ab alio, ut
 videbimus infra. Ergo aliqui reducuntur
 ad aliquam rationem communem proximi-
 mē, & immediatē, ad quam alii non red-
 cuntur, sub eodem remoto genere. Nam
 ex. g. Seraphim, quia omnes aequè partici-
 pant esse Deo proximos in perfectione,
 reducuntur ad rationem communem na-
 turæ seraphicæ, ad quam Cherubim non
 reducuntur sub eodem genere remoto, ut
 patebit, cum agemus de differentia gene-
 rica Angelorum. Ergo Seraphim sub tra-
 ctatione, tamquā sub genere proximo di-
 ferunt solo numero, sicut Cherubim di-
 ferunt solo numero sub suo genere proxi-
 mo naturæ cherubicæ, & sic de aliis hy-
 rarchijs, & ordinibus, ut egregiè docet
 Damascenus in elementario c. 12. pen-
 Scotum quod l. 2. art. 1. inquit, *Secun-*
dum unumquemque ordinem Angelorum
differentes hypostases condidit, non solum
hoc, sed etiam secundum unamquamque
speciem. Et ideo communiter cum Dy-
 nisco uniuersa multitudo Angelorum di-
 stribuitur in tres hyerarchias, veluti in
 tria genera proxima, seu species subalte-
 ras, sub quorum singulis tres chori, vel
 ti tres species atomæ contineantur.

Vnde patet probatio tertiæ partis. Si
 quidem

De discrimine, & numero Ang. 77
identicut Angeli, Archàngeli, & Thro-
differunt inter se specie, sub infima
erarchia, ita Dominationes, Principa-
s, & Potestates, quæ sunt in secunda
erarchia, & Virtutes, Cherubim, & Se-
phim in suprema hyerarchia differunt
ter se specie, & sub singulis speciebus so-
numero. Quanam autem sit ratio pro-
ia, siue generica, siue specifica, siue nu-
merica, sciri non potest, ut apertè fatetur
Augustinus lib. con. Origenistas ad Oro-
um cap. 10. & 11. *Sedes, Dominationes,*
Principatus, Potestates &c. firmissimè cre-
o, & differre inter se indubitata fide teneo,
sed quantum ista sint, et quomodo differant,
nescio. Cui concinens Gabriel Valquez
hic disp. 181. c. 3. inquit, *De hac re nihil*
certi sciri potest, sed est res omninò incer-
ta. Quod idem asseritur à Molina hic ar.
4. §. licet autem.

Ad fundamentum primæ sententiæ res-
pondeo primò negando antecedens, cum
distinctio numerica possit haberi per
proprietaem hypostaticam. Ad Philo-
sophum dico, vel illum in loco citato lo-
cutum fuisse de distinctione numerali re-
rum corporearum, vel nomine materiæ
intellexisse potentialitatem. Ergo eius
auctoritas, vel non facit ad rem, vel nobis
fauet, vt dictum est in logica. Respon-
deo 2. cum nostro Argentine in 2. d. 3.
q. 2. ar. 2. ad 1. negando consequentiam.

Neque enim Angeli differunt numero per formam, sed per aliquid quod est in forma. *Secus enim est* (inquit ipse) *differre per formam, seu per formam; & differre in forma.* Duo enim Angeli eiusdem speciei, non differunt, bene differrent in forma, non tamen per formam; sicut Sortes, & Plato differrent in humanitate, cum alia sit humanitas Sortis, & alia Platonis, non tamen differunt humanitate, siue per humanitatem. Demum cum forma sit correlatiua materiae, non potest dari ubi non est materia. Cum ergo in Angelis nulla sit materia, neque vlla est forma, adeoque differunt specie per suam substantiam pure spirituales, & per eandem differunt etiam numero, quatenus affectam diuersas proprietatibus, & accidentibus.

Ad 1. secundae sententiae nego antecedens. Nam aliqui Angeli quia differunt in essentialibus, differunt specie: & quia alij differunt in accidentalibus, differunt solo numero. Ergo quia nullus est Angelus, qui comparatus cum alijs, non differat specie, vel numero, ideo nullus est, qui in omnibus conueniat cum alijs.

Ad 2. Nego antecedens, nam in 3. de anima disp. 1. ar. 2. probauimus, esse possibile plures animas rationales speciei differentes. Neque obstat, quod in linea substantiarum spiritualium teneant vltimum locum. Nam in primis hoc est de

De discrimine, & numero Ang. 79
facto, non de possibili. Deinde sicut
communiter asseritur, hunc ultimum lo-
cum occupari à specie atoma, cur non
poterit etiam occupari à subalterna? Re-
censeantur quæ diximus in loco citato,
nam plura inuenientur curiosissima.

Ad 3. Nego consequentiam, quia po-
test hæc proximitas esse generica, & non
specifica. Sicut enim per hoc quod vnus
homo fuerit à Verbo assumptus, dicitur
homo assumptus, denominatione cadente
supra totam speciem; ita per hoc quod
suprema species sit Deo proxima, potest
dici, quod Angelus sit Deo proximus,
denominatione cadente supra totum An-
gelorum genus, quamuis in tali genere
dentur gradus propinquitatis, iuxta di-
uersitatem specierum contentarum in eo.

A R T I C V L V S II.

*Soluuntur fundamenta tertiæ, & quar-
tæ sententiæ.*

AD 1. tertiæ sententiæ nego antece-
dens. Vel enim est sermo de indi-
uiduatione physica, vel de metaphysica?
Si primum, cum talis indiuiduatio ha-
beatur per complexum proprietatum, &
accidentium alteri incommunicabile,
non dicit solam substantiam, & entita-
tem Angeli, per quam constituitur sub-

D 4

tali

tali specie, sed illam ut affectam talibus
 accidentibus, & proprietatibus. Si vero
 dicatur secundum, individuatione meta-
 physica est indivisio in se, & divisio
 quolibet alio, ut toties diximus cum D.
 Thoma. Hæc autem potest quidem fun-
 dare distinctionem numericam, non au-
 tem specificam; quæ cum sit inter spe-
 ciem, & speciem, admittit divisibilita-
 tem in inferiora, de quibus singulæ nate-
 ræ specificæ sunt prædicabiles. Ergo non
 patitur indivisionem in se; & multò mi-
 nus divisionem à quolibet alio, cum sin-
 gula individua debeant convenire in na-
 tura communi. Hoc autem non obstat
 distinctioni numericæ, quia in ipsa con-
 uenientia prædicatorum essentialium, da-
 tur discrepantia accidentalium, per quam
 possunt haberi diuersæ individuationes.

Ad 2. Nego, primam substantiam
 ideo esse individuum, & singularem, quia
 neque est in subiecto, neque de illo dici-
 tur, si ly *ideo* dicat causam formalem ade-
 quatam. Siquidem requiritur etiam quod
 sit subiectum *in quo*, & *de quo*, ut proba-
 uimus in log. lib. 4. disp. 3. ar. 1. Quia
 ergo Angeli non differunt numero per
 solam suam substantiam, sed etiam per
 accidentia, quæ in illa insunt, ideo per
 se ipsos non sunt singulares. Ex alia par-
 te quia differunt specie per sola prædica-
 ta essentialia, ideo id, per quod differunt

De discrimine, & numero Ang. 81
numero, non est illud idem, per quod
differunt specie.

Ad 3. Nego postremam consequen-
tiam. Cum enim ens pradicetur de sub-
stantia, & accidente, sicut facit vnum
substantiale, ita facit vnum accidentale.
Quia ergo Angelus per suum actum per
se subsistentem, est ens substantiale, &
per suum actum accedentem, & inhzren-
tem, est ens accidentale, ideo per primum
est vnus vnitate specifica, & per secun-
dum vnitate numerica, distinctis causis
formalibus vtriusque unitatis.

Ad 4. Distinguo consequens, per se
ipsum est singularis, si ly *per se ipsum* in-
telligatur prò toto esse talis Angeli, siue
essentiali, siue accidentali, concedo; ne-
que enim emendicat ab alijs suam indivi-
duationem, quam habet per suas proprie-
tates, & accidentia. Si verò intelligatur
prò eius dumtaxat esse substantiali, nego
consequentiam. Et negando suppositum
alterius partis, quòd singuli Angeli per
se ipsos habeant constituere singulas spe-
cies, nego postremam consequentiam, vt
omninò absurdam, eò quia confundat
distinctionem numericam cum specifica.

Dices, Petrus distinguitur specie, &
numero à bucephalo. Ergo hæ duæ di-
stinctiones possunt simul eidem conue-
nire, & haberi per idem, vt videtur ad-
mittere lib. 2. log. disp. 2. ar. 6. ad 2. Et

idem valet de vna natura specifica respectu alterius. Siquidem natura humana, vt abstracta, distinguitur specie, & numero à natura equina.

Nego antecedens. Siquidem sicut ad distinctionem specificam requiritur genus proximum commune, quod diuidatur ex æquo; ita ad distinctionem numericam requiritur species atomata, quæ diuidatur. Sicut ergo Petrus non distinguitur specie à lapide, sed genere, ita non distinguitur numero à bucephalo, sed specie. Nec valet paritas de ipsis speciebus. Siquidem natura humana, & equina, vel considerantur in ordine ad animal, sub quo proximè continentur, & quia sunt species subijcibiles, ideo differunt solo numero, quatenus vtraque natura per modum vnius totius metaphysici, est vnum membrum diuidens talis generis. Vel considerantur in ordine ad inferiora, in quibus possunt inesse, & quia constituunt duas naturas de pluribus prædicabiles in quid, ideo non differunt numero, sed specie, quatenus ut tales non sunt quid vnum singulare, sed vtraque est vnum vniuersale de pluribus prædicabile. Quia ergo differre numero, & specie, non conuenit illis secundum eandem comparisonem, ideo in illis non habetur per vnum, & idem, sed vnum per subijcibilitatem, & aliud per prædicabilitatem

tatem, quæ quamvis reducantur materialiter ad eandem physicam entitatem, tamen formaliter valde distinguuntur. Unde patet quomodo sit intelligenda doctrina nostra citata. Siquidem in Angelis, illud per quod vnus differt specie ab alio, non distinguitur radicaliter ab eo, per quod differt numero ab alijs, sed solum formaliter, & per diuersam comparationem; Neque enim Michael e. g. differt specie, & numero ab eodem Raphaele, sed à Raphaele differt specie, & numero à Gabriele; eò quia cum primo comparatur secundum essentialia, ut formaliter talia, & cum secundo secundum eadem essentialia, sed accidentaliter diuersa. Et ideo conclusimus in loco citato, ergo per eandem substantiam, per quam specie differunt, differunt etiam numero, sed quatenus affectam diuersis proprietatibus.

Ad 1. quartæ sententiæ nego antecedens, cum supra statutum sit, Angelos nõ distinguui per formam, sed per ea, quæ sunt in forma.

Ad 2. Nego secundam partem antecedentis, quòd non decuerit à Deo creari plures Angelos eiusdem speciei, quod sicut gratis dicitur, ita meritò negatur.

Ad 3. Patet responsio ex dictis. Quomodo autem sine contradictione cohzreant hæc duo, Duo Angeli eiusdem speciei dari non possunt: & Deus plures eius-

84 Disp. II. Ar. II.
*dem speciei Angelos creare potuit, videtur
qui non est partibus addictus.*

ARTICVLVS III.

*An omnes Angelorum species reducantur
ad idem genus proximum?*

Videntur reduci. Primò quia si reducerentur ad plura, differrent genere inter se. Hoc autem repugnat. Primò quia tolleret subordinationem vnius ab alio. 2. Tolleret commercium, & amicabilem societatem, quæ non possunt exerceri inter genericè dissimilia. Ergo omnes reducuntur ad idem genus.

2. Si Angeli admitterent plura genera, vnus Angelus magis differret ab alio Angelo, quàm ab anima rationali, quæ sola specie differt ab Angelis. Sed hoc est abiurdum, eò quia anima sit in infimo gradu substantiarum intellectualium. Ergo non admittunt generum pluralitatem.

3. Genus essentialiter dicit potentiam contractionis à differentijs, ratione cuius assimilatur materiæ. Ergo qui pluribus generibus subiaceret, plus participaret de materialitate, quo admissio, vnus Angelus esset immaterialior alio. Hoc autem est absurdum, docente Athanasio q. 8. ad Anthiocum, *Vna, & eadem est*

De discrimine, & numero Ang. 85
est essentia Angelorum, sicut etiam una est
essentia hominum. Cui consonat Anzel-
mus lib. 2. cur Deus homo c. 21. inquit,
omnes Angeli sunt unus nature. Et ra-
tio est, quia si unus esset immaterialior
alio, haberent diuersam naturam, adeo-
que non omnes essent in supremo loco
substantiarum purè spiritualium.

Conclusio, Non omnes Angelorum spe-
cies reducuntur ad idem genus proximum,
quamuis omnes reducantur ad idem genus
remotum.

Secunda pars admittitur ab omnibus,
vt eruditè prosequitur Stephanus Buba-
lus hic q. 50. ar. 4. q. 1. dishe. 1. §. 3. Et
facile probatur, nam de omnibus Ange-
lis potest verè prædicari *in quid*, quòd
sint substantiæ completæ, spirituales, in-
tellectiue. Non posset autem hoc de il-
lis verè prædicari, nisi haberet rationem
generis omnibus communis, ex quo com-
ponentur, eò quia prædicatio *in quid* non
conueniat, nisi generi, & speciei, vt pro-
bauimus in logica. Ergo cum Angeli
componentur ex genere, & differentia,
vt probauimus disp. 1. ar. 5. verè habent
aliquod genus commune remotum, in
quo omnes conueniant.

Probatur prima pars. Primò, quia si-
cut Angeli distribuuntur in tres hierar-
chias, & harum singulæ in tres alios or-
dines inferiores subordinatos; ita pro-
babile

babile est, singulas illas hierarchias constitui per aliquam differentiam particularem, quæ ita contrahat rationem illam vniuersalem communis generis, vt constituat speciem subalternam, quæ sit species respectu communis generis, & genus respectu specierum inferiorum, vt est corpus respectu substantiæ, & viuens respectu corporis, & animalis. Quare genus proximum Seraphim erit egr. flagrantia diuini amoris, & Cherubim perfectio habitus scientifici &c. vt fusè prosequitur D. Dionysius in lib. de celesti hierarchia. Rationem affert Egidius hic d. 3. q. 2. ar. 5. post med. *Est enim diligenter notandum (vt ipse inquit) quòd quando sic mutatur notabiliter gradus, non solum facit differentiam in specie, sed etiam in genere.* Cum ergo valde notabiliter mutantur hi ordines, & chori Angelorum, iuxta communem loquendi modum theologorum, dicendum est, eos quoque constituere diuersa genera, seu species subalternas.

Quòd si opponas, has esse perfectiones accidentales, & ad summum proprietates quarto modo, Respōdet ibidem Egidius, *Cum non omnino notæ sunt differentie substantiales, licet uti differentiis accidentalibus, ad exprimendum differentias essentielles, sicut per esse pennatum, esse non pennatum, vel esse bipedem, vel quadrupedem assigna*

De discrimine, & numero Ang. 87
Signamus differentias essentielles. Atque
deo cum nobis non innotescant differen-
tiae ultimae Angelorum, bene possumus
ti differentiis accidentalibus nobis no-
tis, ad illas explicandas. Quod autem dif-
ferentias essentielles nesciamus, aperte as-
seritur ab Augustino supra laudato, cui
concinit Damascenus lib. 2. de fide c. 3.
inquiens, *De essentia quidem æqualis nẽ na-
turæ inter se, an dispares sint, haudqua-
quam compertum habemus*. Solus ille sci-
t, qui eos creavit Deus, quique omnia per-
specta, atque explorata habet.

Probatur 2 Si hæ hierarchiæ non con-
stituerent singulæ singula genera subalter-
na, frustra assignarentur tamquam inter
se diuersæ. Vel enim e. g. omnes Angeli
primæ hierarchiæ habent aliquod prædi-
catum omnibus commune, per quod di-
stinguantur ab alijs hierarchiæ inferioris,
vel non? Si primum, ergo omnes huius
hierarchiæ Angeli constituunt unum ge-
nus particulare, intra quod deinde ab in-
uicem per alias peculiares differentias di-
stinguuntur specie, & intra proprias spe-
cies per proprias individuationes nume-
ro distinguuntur. Si secundum, ergo non
magis distat unus Seraphim à Cherubim,
quàm ab alio Seraphim. Cur ergo dica-
tur, illum esse in ordine superiori, & hunc
in inferiori? Præsertim cum non possit
recurri ad similitudinem in natura, quæ
fun-

fundaret unitatem specificam, sicut fundat in hominibus, ratione cuius omnis homo, quamvis in suo ordine imperfectissimus, excedit in perfectione omnes equos, canes &c. quamvis in suis ordinibus perfectissimos. Ergo dicendum est, Seraphim habere aliquam perfectionem genericam communem omnibus in tali ordine, per quam genere distinguuntur Cherubim, & sub qua, tamquam sub genere proximo contineantur, & per differentias, siue individuationes particulares, alij specie, eò quia habeant sub illo diuersas definitiones essentielles, & alij sub illis speciebus subalternis, solum numero distinguantur, sicut sub genere animalis continentur homo, leo, & canis, & singulæ talium animalium species, suis individuationibus, numero multiplicantur.

Ad 1. Nego minorem. Ad cuius primæ probationem dico, per generum multiplicitatem, non solum non tolli Angelorû subordinationem, sed mirificè perfici, & conseruari. Siquidem sicut infima hierarchia subordinatur mediæ, ita hæc subordinatur supremæ, ita ut subordinatio cadat in totum genus. In ipsis autem generibus hæc subordinatio subdividitur in species, ita ut species infima subordinetur mediæ, & hæc supremæ. Quare Angeli subordinantur Archangelis, & hi Thronis, quamvis omnes hæc species reducantur

ur ad idem genus proximum, quod totū
abordinatur medio, in quo Dominatio-
es subordinantur Principatibus, & hi Po-
estatibus, constituentibus genus medium
ubordinatum supremo, in quo Virtutes
ubordinantur Cherubim, & hi Seraphim,
ita ut semper subordinatio generis ad ge-
nus saluetur per hoc, quòd infimum su-
perioris attingatur à supremo inferioris.
Ad 2. Nego sequelam, quæ solūm fortas-
sis haberet locum in generibus dispa-
tis, non autem in subordinatis.

Ad 2. Nego maiorem, ex falso suppo-
sico quòd anima rationalis differat ab
Angelo sola specie, vt patebit.

Ad 3. Nego minorem. Ad auctori-
tates oppositas dico, illas esse exponen-
das de vnitae generica, secundū genus
remotum substantiæ spiritualis intelle-
ctualis, in quo omnes Angeli æquè con-
ueniunt, non autem de vnitae specifica,
secundū quam vnus Angelus est simpli-
cior alio, vt docet Egid. hic d. 3. p. p.
q. 2. ar. 5. dub. 3. litterali inquit, non
solūm vnus Angelus est simplicior alio, sed
non sunt duo Angeli æquè simplices, quia
per se distant gradatim à Deo, sicut numeri
essentialiter differentes semper distant gra-
datim ab vnitae, vt non sit inuenire duos
numeros sic differentes, æqualiter ab vni-
tate distantes. Et deinde concludit, Non
ergo erit reperire duos Angelos secundū
ordi-

ordinem perfectionis, siue secundum simplicitatem essentie aequaliter distantes à Deo. Et quia quod propinquius unitati, est simplicius, non erunt duo Angeli a què simplices, sed semper vnus erit simplicior alio. Quod ergo tribuitur differentibus specie, quantò magis conueniet genere differentibus?

ARTICVLVS IV.;

An Angeli differant specie atoma ab anima rationali?

Videntur differre, vt aperte docet Egid. in 2. d. 3. q. 2. ar. 5. Primo quia sunt sub eodem genere proximo substantie spiritualis intellectiue vt sic, sub quo habent diuersas definitiones essentielles. Ergo differunt specie atoma, iuxta doctrinam traditam in logica lib. 2. disp. 2. ar. 8.

2. Anima rationalis non differt ab Angelo, nisi per hoc, quòd ordinetur ad corpus, ad quod Angelus non ordinatur. Sed hæc ordinatio est illi extrinseca, & accidentalis. Ergo non potest inducere diuersitatem essentialem, cuiusmodi est generica. Probatur minor, quia hæc ordinatio prouenit adæquatè à diuina voluntate, ita disponente, vt posset aliter disponere, & posset etiam Angelum ordinare

nare ad corpus. Aliter si esset animæ in-
rinsca, & essentialis, non posset, nisi
violenter existere à corpore separata,
quod faceret mortem miraculosam, ex-
trinsecus tantum à Deo prouenientem,
cuius oppositum statuimus in lib. de Mi-
storum corruptibilitate, & alibi.

Conclusio, *Angeli omnes differunt ge-
nere ab animabus rationalibus, sicut hæ ab
hominibus, & ab animabus brutorum. Ita*
Egid. loco supracitato, inquiens, *Licet
omnes animæ humanæ nõ faciant nisi unam
speciem, genere tamen differt anima homi-
nis à quolibet Angelo. Sic etiam differt
huiusmodi anima genere à qualibet anima
brutorum. Quare quando dixit, animam
hominis differre specie ab Angelo, expli-
candus est de specie subalterna, & non de
atoma, sicut etiam D. Thomas idem do-
cens q. 75. ar. 7.*

Probatur prima pars, Primò quia An-
geli sunt omninò independentes ab omni
materia physica, eò quòd sint formæ sim-
plices per se subsistentes, ut probauimus
disp. 1. ar. 3. Animæ verò hominum, pro-
pter ordinem essentialem, quem dicunt
ad corpus, sunt quodammodo materiali-
zatz, eò quòd pendeant à materia, saltem
in esse completo, & subsistente. Sed omne
purè spirituale, distinguitur genere ab
omni quocumque modo materiali. Ergo
omnes Angeli distinguuntur genere ab
omni

omni anima rationali. Probatur minor, quia in linea prædicamentali, substantia ut sic primò diuiditur in corpoream, & incorpoream, tamquam in species subalternas, ad quas reducuntur omnes alie, usque ad species atomas. Ergo substantie purè spirituales distinguuntur genere à non purè spiritualibus.

Neque obstat quòd etiam Angelus habeat compositionem ex genere, & differentia, ut admissimus d. 1. ar. 5. Siquidem hinc acquirit multum materialitatis respectu Dei, qui est actus purissimus, non autem respectu animarum, quæ in genere intelligibilium sunt puræ potentie, ut docet ibid. Egid. ex Auer. 3. de an. com. 18. & 19. Angeli verò licet non sint actus puri, cò quia admittant aliquid potentialitatis, tamen quia habent plus de actualitate, quàm de potentialitate, non sunt puræ potentie; & ideo comparati cum animabus, sunt purè spirituales.

2. Inter Angelum, & animam datur enormis differentia, non solum in modo operandi, sed etiam in modo essendi. Ergo differunt plusquam specie. Consequètia patet, nam quæ habent communem naturam, non possunt enormiter differre, in essendo, & operando, ut patet inductione. Antecedens probatur cù Egidio ibid. Nam primò anima est unibilis, & non Angelus. Secundò intelligit discurrendo,

o, & ratiocinando; Angelus autem sine
i scursu. 3. Perficitur ab inferioribus, eò
uia perficiatur per coniunctionem cum
corpore. 4. Et magis vertibilis animus,
uam Angelus, quia non tam clarè cogno-
cit. 5. Ad exprimendum suum conceptum,
utitur corpore, & voce. 6. Non potest uti
libero arbitrio, nisi utatur potentijs orga-
nicis, propter corporis impedimentum &c.
Hæc autem tam enormis differentia salua-
ri non potest per solam diuersitatem spe-
cificam; alioquin etiam Angelus, & canis
differrent sola specie, quod est absurdum.
Ergo debet saluari per differentiam gene-
ricam.

Probatur secunda pars, quia homo ut
homo, dicit essentialiter materiam orga-
nicam, corruptibilitatem intrinsecam,
partium extensionem, passibilitatem sen-
sibilem, & alia huiusmodi, quæ animæ se-
cundum se non conveniunt. Ergo diffe-
runt ut corporeum, & incorporeum, quod
necessario trahit genericam differentiam,
ut dictum est.

Probatur tertia pars ex eodem princi-
pio, quia anima secundum se nullam di-
cit materialitatem, quam solum contrahit
per coniunctionem cum corpore. Animæ
verò brutorum omnes sunt materiales, &
eductæ e potentia materiæ. Ergo eadem
anima rationalis, quæ facit hominem,
differre specie à cane, differt genere ab
vtro-

utroque, si ut à corpore abstracta consideretur. Et ideo concludit Egid. loc. cit. *Sic etiam differt huiusmodi anima genere à qualibet anima brutorum, sicut incorruptibile à corruptibili. Magis autem possumus concedere, quòd homo sit eiusdem generis cum bruto, quàm quòd anima hominis sit eiusdem generis cum anima bruti.*

Ad 1. Nego antecedens. Et dico, substantiam spirituales intellectiuam ut sic, non esse genus proximum respectu Angelorum, & animarum. Nam subdividitur in intellectiuam cum discursu, & sine discursu, tamquam in alia genera, sub quorum primo reducuntur plures species possibiles animarum rationalium, ut probauimus in 3. de anima, & sub secundo plures species Angelorum. Ergo non est genus proximum, sed remotum, quod ad summum habet rationem speciei subalternæ, quam solam adstruxit Egidius inter Angelos, & animas rationales, nisi quis velit, illum locutum fuisse contradictoria.

Ad 2. Nego antecedens. Et dico, animam hominis, non solum distingui ab Angelo per ordinationem ad corpus, sed etiam per hoc quòd intelligat cum discursu, quod est principalius, & immediatius discretium vnius ab alio. Deinde nego, ordinationem ad corpus esse animæ extrinsecam, & accidentalem. Quamuis
enim

animam illam originariè habuerit à Deo, à quo accepit suum esse, non tamen habuit à aliquo extrinsecus sibi impactum, sed à aliquo sibi essentiale; ut probauimus loco citato. Ad illationem quòd mors esset homini miraculosa, & violentus animæ status separationis, nego primum, & admitto secundum, eò quòd mors proveniat ex principijs intrinsicis humanæ conditionis, fundatæ in pugna elementorum sibi inuicem aduersantium per contrarias qualitates, ut fusè probavi in libello mistor. corruptib. disp. 1. ar. 1. Quare tantum abest quòd mors sit homini miraculosa, ut esset miraculosa præseruatio; sicut ibid. probauimus ar. 2. Quòd autem status separationis sit animæ violentus, patet ex eo, quòd appetat intrinsecè appetitu innato, & elicitò reuniri cum suo corpore, ut toties probauimus. Ergo separatio ab illo, est contra eius exigentiam, & ideo est illi violenta. Quia tamen fit ex contrarietate componentium corpus, quod actuat, ideo non est homini miraculosa, ut nuper diximus.

ARTICVLVS V.

An Angeli sint numero innumerabiles?

Videntur Primò esse tantum septem. Primò quia Tobia 12. legitur, *Ego sum*

sum Raphael Angelus unus ex septem, qui adflamus ante Dominum. Sed omnes Angeli adstant ante Dominum. Ergo non sunt plures, quàm septem. 2. Dicitur Apoc. 5. Sunt septem spiritus Dei missi in omnem terram. Sed spiritus Dei, qui mittuntur, sunt Angeli. Ergo Angeli sunt septem.

2. Videntur Angeli non esse plures, quàm orbés cælestes, vel ad summum quicorum motus (quos mathematici dicunt esse numero quadraginta septem, licet alij extendant ad numerum quadraginta novem) ut visus est innuere Philosophus 12. met. cap. 7. & 8. cui adhæresere Auerroes comm. 48. & Rabbi Moyses lib. 2. More c. 7. Fundamenta possunt esse, Primo quia Angelorum finis est motus orbium cælestium, unde suam desumunt perfectionem. Tot ergo debent esse Angeli, quot orbés, ut motores mobilibus correspondant; alioquin si Angeli essent plures, non omnes possent consequi suum finem. 2. Natura nihil facit frustra. Sed si Angeli essent plures orbibus, eorum excessum fecisset frustra, quia qui non haberent orbés mouendos, essent otiosi in rerum natura. Ergo non sunt plures. 3. Cum Angeli defatigari non possint, ob abstractionem à materia, non indigerent aliorum vicibus adiuuari in tali motu. Ergo qui senel fuisset applicitus alicui orbi, assiduò

Si duò illum cieret . Atque adeo qui or-
bus non fuissent appliciti , essent perpe-
tuo in naturali exigentia, & inclinatione
minò inexplebili , quod physicè repu-
nat. 4. Si omnes mundi partes se inuicè
non iuvarent , mündus non esset bene di-
positus . Sed Angeli non possunt alijs iu-
vare, nisi cælos mouendo. Ergo non dan-
tur qui non moueant .

3. Videtur Angelorum numerus esse
infinitus, ut aliqui autumant. Primò quia
Ieronimus c. 14. de cælesti hier. docet ,
angelos excedere numerum omnium re-
rum materialium . Sed hæ sunt infinitæ .
Ergo & illi. 2. Angeli replent cælum em-
pyreum . Sed hoc cum sit immensum, fi-
nitis repleri non potest . Ergo sunt infiniti.
3. Dicitur Iob 25. *Numquid est nume-
rus militum eius?* Sed multitudo ingens,
in qua non est numerus, non est finita .
Ergo est infinita . 4. Omnibus rebus in-
terioribus, saltem secundum speciem, sunt
constituti Angeli ad custodiam , ut omnes
contemplantur, & videbimus infra . Sed hæ sunt
numerabiles . Ergo cum Angeli earum
custodes sint solum ex infimo ordine , qui
est minimus quoad numerum , hi cum
omnibus alijs aliorum ordinum , consti-
tuunt multitudinem infinitam.

4. Videntur Angeli esse in aliquo par-
to numero , excedente tamen numerum
cælestium orbium . Primò quia quò ali-

E quid

quid est nobilius, eò minus multiplicatur ut videre est in Sole, astris, ipsoque Deo qui ut omnium perfectissimus, nullatenus multiplicatur. Ergo cum Angeli sint omnium creatorum nobilissimi, minimè omnium debent multiplicari. 2. Quò aliud est Deo propinquius, eò magis participat de eius unitate. Ergo cum Angeli sint Deo propinquissimi, maximè omnium participant de eius unitate. 3. Deus omnia fecit in numero, pondere, & mensura, ut dicitur Sap. 11. Et ideo D. Augustinus super hunc locum vestigijs Platonis inharens, docet, Deum numeris mundum fabricasse. Non potuit autem mundum numeris fabricare, nisi eius partes numericè fabricasset. Ergo cum Angeli sint præcipua pars mundi, fuerunt & ipsi numericè fabricati. Non potuerunt autem numericè condi, nisi eodem modo à Deo procederent, sicut numeri ab unitate. Sed numeri propinqui unitati sunt pauci. Ergo partes Deo propinquæ, ut Angeli, sunt etiam paucæ.

5. Videtur nullus dari numerus Angelorum, ut docuere nonnulli veterum, putantium, unum tantum dari Angelum omnibus muneribus sufficientem. Primum quia omnis numerus est species quantitatis, quæ fundatur in materia. Ergo si Angeli haberent numerum, essent materiales, & quanti. 2. Si haberent numerum, spe-

pectarent ad arithmeticam, quæ est pars mathematicæ. Ergo vel Angeli essent quanti, & materiales, vel mathematica, esset scientia abstracta, quæ sunt absurda.

Conclusio, *Angelorum numerus est maximus, non tamen infinitus.* Est communis inter theologos.

Probatur prima pars 1. infinitis locis sacrorum codicum, ut Matth. 16. Dominus dixit Petro, *Putasne quia non possum rogare patrem meum, & exhibebit mihi modò plusquam duodecim legiones Angelorum?* Et Danielis 7. *Millia millium ministrabāt ei, & decies centena millium assistebant ei.* Et Apoc. 5. *Vidi, & audiui vocem Angelorum multorum, & erat numerus eorum millia millium.* Et psal. 76. *Currus Dei decem millibus multiplex, millia latantium, & aliis multis.*

2. Cum homines, qui sunt, fuerunt, & erunt, sint in maximo numero, eorumque custodes sint solum ex infimo choro tertie hierarchiæ, ut communis fert opinio theologorum, sequitur, Angelorum multitudinem esse ingentem, præsertim cum in probabili sententia, quam communis amplexa est Doctorum turba, nullus Angelus duos homines, vel simul, vel successivè custodiat, sed singuli singulos tantum. Præterea numerus ordinis, seu chori inferioris assidue exceditur à numero superioris. Cum ergo Angelorum numerus

oſtens multiplicetur, ſeruata ſemper ſequi altera proportionē exceſſus, debet cōplere ingentem, & incomparabilem multitudinem, de qua iure Dyoniſ. lib. de cæl. hier. c. 14. inquit, *Multi ſunt beati exercitus ſupernarum mentium, infirmam, & conſtrictam excedentes noſtrorum materialium numerorum commenſurationem.*

Probatur ſecunda pars, Deus de facto omnia fecit in numero, pondere, & menſura, vt dicitur Sap. 11. Sed hoc non verificaretur de Angelis, ſi eſſent infiniti, eò quia infinitum nulla certi numeri menſura comprehendatur, ut probauimus in 3. phyſ. Ergo non ſunt infiniti. Præterea infinitum non poteſt diuidi in duas, vel tres partes æquales, vt ibidem probauimus. Sed Angelorum multitudo fuit diuiſa in tres partes æquales, quarum vna adhaſit rebellionī Luciferi, vt dicitur Apoc. 12. *Cauda draconis trahebat tertiam partem ſtellarum cæli, & miſit eas in terram.* Ergo non eſt infinita.

A R T I C V L V S VI.

Soluuntur fundamenta contraria.

AD 1. primæ ſententiæ, quæ potius error appellari poteſt, nego minorem. Quamuis enim omnes Angeli ſint in cælo Deo præſentes, non tamen Deus illis

illis utitur eodem modo, sed alijs alijs propinquitis, secundum conditionem naturæ, & perfectionis ipsorum. Sicut ergo non omnes aulici adstant coram Rege, pro seruitijs intimioribus, sed tantum primores, & magnates; ita Deus selegit sibi pro negotijs secretioribus septem ex dignioribus, quorum vnus est Raphael, qui apparuit Tobiz, relictis alijs pro famulatu demissiore. Vnde patet solutio ad 2. Siquidem per hoc quod Deus selegerit septem Angelos, qui terræ præficerent, non sequitur, illis totum numerum absorberi. Nam in eodem capite quinto Apoc. subditur, *Audiui vocem angelorum multorum, & erat numerus eorum millia millium.*

Ad 1. secundæ sententiæ nego antecedens. Primò quia si substantiæ separatæ essent propter materiales, & corporeas, essent illis imperfectiores. Nam (vt docet D. Thomas hic q. 50. ar. 3. ad 3.) *finis est nobilior his, quæ sunt ad finem.* Non ergo Angeli sunt tacti ad cælos mouendos, vt intulit Philotophus loco citato, adeoque neque debet eorum numerus cælorum numero coaptari. Quod etiam ipse cognoscens Aristoteles, ingenuè ibi fatetur (vt obseruat Angelicus loco citato) hanc suam illationem esse solum probabilem, illamque à se factam, propter defectum melioris, qua Angelos euiden-

ter cognitos patefaceret . Deinde essent in infimo gradu substantiarum intellectiuarum , vt probat Egid. hic q. 2. ar. 2. Sicut enim anima rationalis ideo est in infimo gradu talis generis , quia sine corpore non potest consequi suum finem ; ita esset Angelus , qui sine cælis non posset assequi suum finem , quod est absurdum . 3. Non minus absurdum esset , quod Angeli felicitas esset essentialiter alligata cum actione exteriori ad cælum . Cum enim sit intellectiuus , & volitiuus , eius essentialis felicitas habetur per actus immanentes intellectus , & voluntatis , vt dictum est in trac. de beat. Ergo non potest esse necessaria actio externa . Neque valet instantia de anima rationali . Nam cum beatitudo sit operatio , & hæc sequatur ad esse , et cum anima non possit perfectè subsistere sine corpore , ideo nec potest perfectè beari . Hoc non valet de Angelo , qui sicut perfectè subsistit sine corpore , ita potest perfectè beari .

Ex quibus patet responsio ad 2. & 3. que conantur probare Angelorū otiositatem , & dispositionem diminutam sine motu . Cum enim finis Angeli non sit motus cæli , cessat vtræque ratio .

Ad 4. Nego minorem . Et dico , quod Angeli non solum iuuant alias partes vniuersi per motum cæli , sed etiam custodiendo rerum species , & hominum individua ,

uidua, illuminando inferiores Angelos, ita ut eorum infimi supremis rerum corporearum profint. Præterquamquod non est necesse, quod omnes partes quomodocumque iuuent omnes alias partes, sed satis est ad bonum mundi regimen, quod aliquas iuuent, ut faciunt Angeli, quorum superiores illuminant inferiores, hi homines, & homines cætera alia.

Ad 1. tertiæ sententiæ nego minorem. Quamuis enim res materiales videantur nobis innumerabiles, propter defectum nostræ capacitatis, non tamen sunt infinitæ, eò quia cum omnes sint quantæ, & vna extra aliam, occuparent spatium infinitum, quod intra mundum non datur, ut probauimus in 1. de calo.

Ad 2. Dico, Cælum empyreum reple-ri ab Angelis, non quidem locali situa-tione, sed quoad decorem, & ornatum, ut explicat Egid. hic q. 2. ar. 2. respon-dens ad arg. dub. 4. Ergo ex vastitate cæ-li non probatur infinitas Angelorum.

Ad 3. patet responsio ex responsione primi. Cum enim nos non simus suffici-entes Angelorum numerum supputare, ideo videtur innumerabilis.

Ad 4. Dico, Angelos non esse destina-tos ad custodiam indiuiduorum omnium specierum, sed solum ipsarum specierum, nè pereant. Species autem non sunt infi-nitæ. Immo neque sunt infinita indiui-

dua specierum, vt dantur, & dabuntur in hoc ordine rerum. Ergo licet singulorum custodia incumberent, non essent infiniti. Neque obstat, quòd singula rerum corporearum indiuidua, ratione quantitatis, possint diuidi in infinitas partes, vt admissimus in 6. phys. Cum enim Angeli non præsint partibus, sed totis, eorum diuisibilitate non augescunt.

Ad 1. quartæ sententiæ nego antecedens. Nam astra sunt inter corporea nobilissima, & tamen sunt innumerabilia. Præterea homo est omnium animalium nobilissimus, licet multiplicatus in plura indiuidua, in quæ phoenix non multiplicatur. Et idem proportionaliter dico de multis viuentium sensibilium speciebus, quarum indiuidua sunt multò pauciora, quàm hominis, vt psittacorum, leonum, elephantum, & similium. Ergo multiplicitas in aliquo genere, seu specie, non semper arguit eiusdem imperfectionem, & econuerso.

Ad 2. Nego antecedens. Docet enim hic D. Thomas ar. 3. ad 2. *Ex hoc quòd natura angelica est Deo propinqua, oportet quòd habeat minimum de multitudine in sui compositione, non autem ita quòd in paucis saluetur*. Præterquamquòd sicut Angeli non sunt omnes similes in natura, & perfectionibus, ita nec omnes sunt Deo æquè proximi, sed vnus proximior alio.

alio. Quamuis ergo ex eorum propinquitate probaretur paucitas, non tamen probaretur paucitas omnium. Sicut enim Deo propinquiore essent pauciores, ita remotiores essent plures. Ergo quia diffunduntur in tot classes gradatim à Deo distantes, adhuc complent numerum copiosum, quamuis non seruetur æqualitas indiuiduorum in singulis speciebus.

Ad 3. Nego minorem subsumptam, eò quia potuit Deus omnes Angelos numericè simul creare, quatenus ex mirabili illa subordinatione unius ad alium, pulcherrimus adhuc numerus apparet. Nec valet paritas numerorum. Siquidem omnis numerus conflatur ex unitate toties geminata, nam binarius sunt duæ unitates, ternarius tres, & sic deinceps; & ideo crescete numero, quia crescit unitas, ideo receditur ab unitate. Deus autem cum producit ad extra, non geminat seipsum, qui non venit in aliorum compositionem, sed geminat terminum; & ideo potest in illo seruare numerum, tam in accessu, quam in recessu à sua perfectione, promovendo inæqualem eiusdem participationem, iuxta finem sibi liberè præstitutum.

Ad 1. quintæ sententiæ Nego antecedens, si sermo sit de quantitate molis, cum etiam quantitas virtutis faciat numerum, ut diximus in logica. Ergo non omnis numerus est species quantitatis materialis.

Ad 2. Nego sequelam, quæ solum valet, si numerus Angelorum esset quantitativus, cum mathematica solum respiciat quantitatem. Et ideo D. Thomas hic ar. 3. ad 1. docet, *In angelis non est numerus, qui est quantitas discreta, causatus ex divisione continui, sed causatus ex distinctione formarum, prout multitudo est de transcendentibus, quem vocauimus numerum metaphysicum.* Illi concinit Egid. hic q. 2. ar. 2. docens, *Si loquamur de numero constituto ex unitatibus substantialibus, sic in Angelis est numerus, quia sunt ibi plures unitates substantiales.* Ergo non unus tantum est Angelus, sed plures, distincti in tres hierarchias, & nouem choros.

ARTICVLVS VII.

An Angeli sint plures, quàm homines, & omnes res corporales totius mundi?

Videntur Primò esse plures homines, quàm Angeli, ut propugnat noster Gibbo hic disp. 16. dub. 3. n. 10. ubi citat prò se plures alios non infimæ notæ, quamuis suppresso nomine, licet in fine relinquat quæstionem insolutam, ut problematicè defendendam. Eius unicum fundamentum est hoc.

Angeli reprobī, respectu totius collectionis Angelorum, habent solum rationem tertiæ partis. Sed respectu hominum

De discrimine, & numero Ang. 107

vix habent rationem undecimæ partis. Ergo totus numerus Angelorum exceditur à numero hominum, sicut tria exceduntur ab undecim. Consequentia est evidens, quia ita se habet excessus collectionis ad collectionem, sicut excessus collectionum ad partem. Sed excessus collectionis angelicæ supra suos reprobos, se habet ut duplus, & excessus hominum supra eoidem se habet ut decuplus. Ergo collectio hominum excedit collectionem Angelorum, sicut undecim excedunt tria. Probat maiorem ex 12. cap. Apoc. ubi dicitur, *Cauda draconis trahebat tertiam partem stellarum cæli*, hoc est iuxta communem expositionem, quòd tertia pars Angelorum secuta fuerit in peccando Luciferum. Probat minorem, tot erunt electi ex hominibus, quot sunt Angeli prævaricatores, in quorum sedes assumantur, ut dicitur psal. 109. *Iudicabit in nationibus, implebit ruinas: & ad Eph. 1. Instaura omnia in Christo, quæ in cælis, & quæ in terra sunt in ipso*. Sed electi ex hominibus sunt plusquam decuplò pauciores, quàm reprobis, ut probauimus in trac. de prædest. Ergo Angeli reprobis respectu hominum, vix habent rationem undecimæ partis.

Confirmat hoc auctoritate Gregorij Papæ hom. 34. in Euang. dicentis, *Super na illa ciuitas ex Angelis, & hominibus*

constat, ad quam tantum credimus humanum genus ascendere, quantos illic contigisse electos Angelos mansisse, ut Ecclesia triumphans ex duabus partibus aequalibus constaret. Ergo iuxta Gregorium, tot erunt electi homines, quot Angeli. Sed homines electi sunt incomparabiliter pauciores reprobis. Ergo si soli electi correspondent duabus partibus Angelorum, omnes homines erunt incomparabiliter plures Angelis.

Videtur 2. quod Angeli non sint plures, quam res corporeæ, quia cum hæc per supra millicuplam proportionem excedant numerum hominum, per necessariam consequentiam excedent numerum Angelorum, qui sunt hominibus pauciores.

Conclusio, *Angeli sunt plures, quam homines, & species rerum omnium corporalium.*

Probatur prima pars ex dicendis, cum agemus de custodia Angelorum, singulis hominibus, tam electis, quam reprobis assignantur à Deo singuli angeli, qui illos custodiant. Ergo non sunt plures homines, quam Angeli eorum custodes. Sed hi sunt ex infimo choro infimæ hierarchiæ, quorum numerus est infimus respectu aliorum chororum superiorum, ut innuimus ar. 5. Ergo multitudo Angelorum est multò maior, quam hominum. Immo Hilarius in cap.

18. Matth. putat, vniuersam creaturarum intellectualium multitudinem diuidi in centum partes, quarum vnā tantum occupet homo, & cæteras Angelus, fundatus parabola Christi Domini de centum ouibus, quarum vnā aberrantem quærat pastor, relictis alijs, inquit, *Ovis vna homo intelligendus est, & sub homine vno vniuersitas sentienda est. Sed in vnius Adæ errore, omne hominum genus aberrauit. Ergo nonaginta nouem non errantes, multitudo angelorum caelestium opinanda est, quibus in celo est lætitia, & cura salutis humanæ.* Quod argumentum vrgetur ex eo, quod si soli angeli iusti superant homines quasi centies, quid facient, si illis addantur etiam Dæmones, quorum tanta est multitudo, vt in probabili multorum opinione, singulis hominibus singuli ex illis deputentur, vt cum angelis custodibus præliantes, sibi assignatos impellant ad malum?

Probatur secunda pars, Primò quia est probabilis opinio, quam tuetur Angelicus 1. p. q. 113. ar. 2. singulis rerum corporearum generibus, & speciebus à Deo singulos angelos ad custodiam deputari, vt diximus de hominibus, & probabimus intra. Ergo cum huiusmodi custodes non seligantur, nisi ex infimo choro infimæ hierarchiæ, nè videlicet rebus vilioribus nobiliores custodes deputentur, rerum
omnium

omnium corporalium species erunt plusquam centuplò angelis pauciores. Et ideo inquit Dyon. c. 14. de cal. hier. *Multi sunt beati exercitus supernarum mentium, infirmam, & constrictam excedentes nostrorum materialium numerorum commensurationem.*

2. Maiestas curiæ indicat Principis maiestatem. Ergo cum Deus sit Rex Regum, & Dominus dominantium, debuit sibi condere talem curiam, quæ & loci pulchritudine, & aulicorum numero, & dignitate venerationem sibi proportionatam excitaret. Sicut ergo in hoc orbe inferiori tot specierum fulgoribus honoratur, ita in orbe superiori, in eius sedem, & solium destinato, non debuit aulicorum paucitate, & paupertate vilescere, sed rerum corporearum species celestium mentium cæibus superare. Iure igitur D. Tho. q. 6. de pot. ar. 6. docet, *substantiæ incorporeæ (ut dicit Dyon. 14. c. cal. hier.) omnem multitudinem specierum materialium transcendunt.* In quo aduertendum est, tam Dionisium, quam D. Thomam loqui de speciebus, non autem de indiuiduis rerum corporalium, iuxta sensum nostræ conclusionis. Neque enim auderem dicere, esse plures angelos, quam culices, muscas, vermes, formicas, arbores, herbas, pisces, aues &c.

Ad 1. Dico, locum Apocalypsis, in quo

quo fundatur argumentum, non esse exponendum in rigore arithmetico, ita ut Angeli preuaricatores sint verè tertia pars totius angelicæ multitudinis, sed solum moraliter, ita ut significet partem considerabilem. Nisi velimus dicere, quòd cauda draconis traheret tertiam partem Angelorum, non quidem casu effectiuo, sed suggestionem, ut caderent, & sibi adhererent, & cadentes in terram proijciebat, non tamen omnes ceciderunt, quia plerique illi restiterunt. Et ideo subditur, *factum est prælum magnum in celo, Michael, & angeli eius præliabantur cum dracone, & draco pugnabat, & angeli eius, hoc est illi, qui ei adheferant, & non valuerunt, hoc est non potuerunt vincere quos ad sibi consentiendum sollicitabant; & ideo neque locus inuentus est eorum amplius in celo. Et proiectus est draco ille magnus, serpens antiquus, qui vocatur Diabolus, & Satanas, qui seducit vniuersum orbem, & proiectus est in terram, & angeli eius cum illo missi sunt. Et iuxta hanc expositionem, quamputo legitimam, quia adheret textui, tertia quidem pars Angelorum tentata fuit, & ad prælum vocata, non tamen tota cecidit, immò quia tentatores victi fuerunt, secundum maiorem partem, cum electis associata, remansit in celo. Vnde corrui totum argumentum.*

Ad confirmationem dico, D. Gregorium

rium esse exponendum de æqualitate hominum electorum cum Angelis, non quidem secundum numerum, sed secundum gloriam, & sedium maiestatem. Sicut enim homines assumuntur ad reparandas ruinas Angelorum, ita debent in eorum sedibus collocari, eaque inter beatos angelos tenere loca, quæ præuicatores tenuissent, unde fiet æqualitas hominum, & Angelorum.

Vnde patet responsio ad 2. quod quia nititur falso fundamento excessus hominum supra Angelos, se ipso ruit.





DISPUTATIO III.

De Assumptione corporum.

VT perfectè intelligatur immaterialitas Angelorum, debemus illos cum corporibus comparare, ut facit D. Thomas q. 51. Quæremus ergò primo an, & quomodo possint assumere corpora? Et deinde an verè illa assumpserint aliquando?

ARTICVLVS I.

An possint Angeli assumere corpora?

Videntur 1. non solum posse, sed de facto habere corpora sibi vnita, ut putauit Origenes lib. 1. periarch. c. 6. qui vestigijs Platoniorum inhærens, docuit, omnia corpora cælestia esse informata Angelis, eo modo, quo materia organica hominis informatur anima rationali, adeoque esse viuientia intellectiua. Eius fundamentum potuit esse, quia cum cælestia corpora perpetuò, inuariatoque tenore

re moueantur, eorum motus est ab intrinseco, aliter esset illis violentus, & non durabilis. Ergo cum moueantur ab Angelis, ut probatum est in 3. de calo, sunt eorum formæ, & animæ motrices.

2. Videntur Angeli nullo modo posse assumere corpora. Primò quia vnirentur cum illis, quod Angelis repugnat, & quia sint formæ completæ per se subsistentes, adeoque nec possunt compleri, nec perfici per corpora. 2. Si assumerent corpus, illud viuificarent, adeoque possent per illud exercere operationes vitales videndi, loquendi, comedendi &c. quæ repugnant substantiæ completæ purè spirituali. 3. Si posset spiritus assumere corpus, posset falsificari dictum Christi Lucæ 24. *Palpate, & videte, quia spiritus carnem, & ossa non habet, sicut me videtis habere.* Sed hoc est absurdum. Ergo non potest. 4. Si posset assumere corpus, posset fieri vnum substantiale cum illo, sicut Verbum diuinum per assumptionem humanitatis factus est homo. Sed hoc repugnat Angelo. Ergo & illud.

Conclusio, Non potest Angelus assumere corpus, per modum formæ illud informantis; potest tamen per modum formæ assistentis, immò etiam per modum perficientis, & terminantis intrinsecè naturam corpoream, & per applicationem virtutis, eiusque præsentiam ad corpus, etiam cum

repræsentatiuæ assumptis per assum-
um .

Probatur prima pars , quia Angelus est substantia completa per se subsistens . Ergo non potest fieri forma informans , de cuius intrinseca ratione est , quod sit aliquid incompletum , perfectibile , & complebile per aliud sibi intrinsecè vnitum .

Probatur secunda , quia probauimus in 3. de cælo , de facto ab Angelis moueri cælos , quod non facerent , si illis non assisterent . Sed ex actu valet consequentia ad posse . Ergo possunt .

Probatur tertia aduersus Esparsam hic q. 7. & Vasquium disp. 183. c. 2. in fine , non repugnat naturæ angelicæ , quod per diuinam virtutem , trahatur ex propria subsistentia ad alienam . Ergo poterit trahi ad subsistendum subsistentia canis e. g. & cuiuslibet alterius naturæ corporæ . Immo plures recentiores docent , Demones cruciari ab igne per hoc , quod diuinæ virtute transierint ad subsistentiam ignis . Neque obstat quod subsistentia Angeli , & cuiuslibet alterius naturæ creatæ sit negatio vnionis , etiam aptitudinalis cum alio , à quo intrinsecè perficiatur , vt nos docuimus in disp. met. lib. 2. disp. 3. art. 1. Vnde intulimus , non posse ab vlla persona creata assumi naturam alienam . Nam in primis hoc debet intelligi de natura non substantialiter sumpta . sed suppositi-

liter ,

liter, ita vt per assumptionem inuariata natura, sit etiam inuariata persona. deinde in ordine ad vires naturæ, non autem in ordine ad vires omnipotentis. Siquidem posset Deus, retenta eadem natura Angeli, illam personare per diuersam hypostasim, vt videbimus in articulo sequenti.

Probatur quarta, quia possunt Angeli penetrari cum aliquo corpore quoad locum, illudque mouere, eo modo quo moueretur à propria forma, per veram, & realem motionem. Hoc autem possunt facere, vel formando sibi de nouo corpora aliqua aerea, vel per modum vestium vera introeundo, vt faciunt Dæmones in ænergumenis, sicut legimus toties factum.

Probatur quinta, quia per huiusmodi corporum assumptionem, possunt ita circa illa applicare suam virtutem actiuam, vt ex motioribus appareat, motores esse angelos, quod facillè facerent, si Deo permittente, tales in assumptis corporibus operationes elicerent, vt superarent illorum naturalem capacitatem, vt impellere homines rudiores ad varia idiomata, illis incognita, ad discursus scientificos, gressum per aera, & super aquas &c.

Ad fundamentum primæ sententiæ nego antecedens. Ad cuius probationem dico, motum cæli, quamuis sit ab Angelo,

, neque esse violentum, neque naturalem, sed praternaturalem, vt probaui in de cælo disp. 2. ar. 2. & ideo esse durabilem, non tamen in æternum, sed solumque ad finale iudicium, vt inibi probaui, quamuis ar. 7. eiusdem disp. putauerim esse quoque probabile, quod in æternum durabit. Cum enim Angeli non cessentur in operando, possunt in calorem motu, etiam cum gaudio, durare per totam aternitatem, præsertim cum non proinde impendantur à visione beatifica.

Ad 1. secundæ sententiæ nego antecedens, si procedat de vnione substantiali, tunc autem si de accidentali, & extrinseca, sufficienti ad applicationem virtutis per modum formæ assistentis, & non informantis.

Ad 2. Nego quod Angelus viuificaret corpus assumptum. Quamuis enim in assumptione corporis viui exercere posset liquas operationes, de se non intrinsecè, et quoad substantiam vitales, cuiusmodi sunt loqui, comedere, progressiue mori, generare, & similes, quæ solum sunt vitales quoad modum, tamen non esset exercere operationes vitales quoad substantiam, vt sunt intelligere, velle, vivere, audire &c. Et ratio discriminis est, via ad primi generis actiones, quia fiunt per solum motum localem, sufficit assistentia

Stentia formæ, quæ valeat talia corpora
 taliter mouere, sicut mouerentur à pro-
 prijs formis. & per earum impulsu in
 tationem. Ad operationes autem secu-
 di generis, quia sunt immutatiuæ moue-
 tis, & mori, requiritur capacitas ex par-
 vtriusque, ad illas eliciendas, vel patien-
 das cum sui immutatione, quam non ha-
 bet Angelus. Explico vtrumque, per hoc
 quod Angelus prauus, factus succubus
 excipiat semen viri secum congregien-
 tis, quod deinde factus incubus transmi-
 tat in venter matris, ex quo concipiat
 nullam patitur Dæmon mutationem, cui
 totum hoc fiat per motum localem, quo
 semen alienum ex se prolificum, transmi-
 titur ex vno ad aliud vas, cum imitatione
 impulsus, quo transmitteretur à viro, &
 quo defluxit. Sin autem Angelus per oc-
 lum videret, deberet prius in se recipere
 speciem obiecti, transfusam per tale or-
 ganum, & deinde ipsam corpoream vi-
 sionem, quod quia illi repugnat, idem
 etiam repugnat talis actus. Et idem dicitur
 de alijs.

Ad 3. Nego maiorem. Et ratio est, quia
 Christus Dominus non putauit sufficiens
 ad probandam realitatem sui corporis
 quod discipuli illud viderent, & palpa-
 rent, quod potuisset fieri etiam præstigio
 se. Et ideo subdit Lucas in tali loco, ad
huc autem illis non credentibus dixit, ha-
betis

*tis hinc aliquid, quod manducetur &c. & cum manducasset coram eis, sumens reliquias dedit eis. Neque hoc contentus, dicit ad eos, hæc sunt verba, quæ locutus sum d vos, cum adhuc essem vobiscum, rediens in memoriam, quæ toties ab eo au-
lierant, tunc aperuit illis sensum, ut intel-
ligerent scripturas. Et tandem, eduxit eos
oras in Bethaniam, & eleuatis manibus
benedixit eis &c. & dum benediceret illis,
recessit ab eis, & ferebatur in celum. Ar-
gumentum ergo Christi tot alijs confir-
matum, falsificari non poterat, non quòd
ingula etiam corporibus assumptis con-
uenire non possent, sed quòd complexum
ex omnibus, non nisi vero, & reali viuenti
corpori conueniat. Præterquam quòd ius-
to Dei iudicio prouisum est, ad præca-
uenda præstigia diabolica, ut tam Angeli
boni, quàm mali in huiusmodi apparitio-
nibus, semper aliquid operentur, ut faci-
lè discernantur. Siquidem (ut acutè ob-
seruat S. Ignatius in suo aureo libello
exercitiorum spiritualium) spiritus ne-
quam, quia omnia dirigunt ad animarum
deceptionem, si aliter nocere nequeant,
suam detegunt caudam serpentinam, sen-
sim trahentes ad aliquem finem prauum;
sicut econuersò Angeli sancti, quia omnia
dirigunt ad maiorem Dei gloriam, sem-
per promouent animarum salutem. Et
ideo nullus, nisi volens decipi potest. De-
mun*

immum quia Angelus, siue bonus, siue malus, non potest inducere in corpus phantasticum omnes qualitates proprias viuētis, & multò minùs temperamentum proportionatum, ideò si exactè, & accuratè applicentur visus, & tactus, fieri non potest, ut apparitiones præstigiøsæ non detegantur, cùm plurimum experientia comperitum sit, in congressu virorum cum demonibus succubis, excitari quidem venere ab initio, tamen paulatim in progressu languescere, ob defectum temperamenti necessarij ad illum actum, & præcipuè passibilium qualitarum, unde capta voluptas præfocatur, ut videre est penès Martinum Del rio lib. disq. magicarum. Quia ergo Christus Dominus perfectum exigebat experimentum à discipulis de realitate sui corporis per visum, & tactum, ideo eius argumentum nulli suberat falsitati.

Ad 4. Nego minorem. Et dico, posse Angelum incarnari, eo modo quo Verbum est incarnatum. Quia tamē hæc opinio videtur repugnare nostris dictis, & non ita facillè admittitur in scholis, ideo ut eius veritas omnibus appareat, placet illam ad exactissimum pensum reuocare, quod præstabimus minutatim soluendo quidquid contra illam, tam ex nostris, quam ex alienis afferri potest, ut patebitur. sequenti.

A R T I C V L V S II.

An possit Angelus assumere naturam corpoream vnione intrinseca substantiali?

Videretur non posse , vt passim propugnatur in scholis cum D. Tho. 3. p. . 3. ar. 1. Primò quia si possit Angelus assumere naturam corpoream , esset falsum quod diximus in disp. met. lib. 2. d. . ar. 1. post med. quod videlicet nulla persona creata possit assumere alienam naturam . Sed hoc non debet admitti , quia admitterentur contradictoria. Ergo neque illud .

2. Communiter censetur impossibilis vnio substantialis inter hircum , & ceruicem , & ideo hircocervus ex illa resultans censetur chimæricus . Hoc autem non esset , si posset Angelus vniri substantialiter cum cane , quia magis distat Angelus à cane , quàm hircus à ceruo . Ergo non potest vniri .

3. Hæc vnio vel fietet in persona , vel in natura ? Non potest dici primum , quia cum persona includat formaliter negationem vnionis cum alio , diceret simul vnionem , & eius negationem , quod repugnat , vt diximus loco nuper citato . Neque secundum , quia assumere est ad se sumere . Hoc autem cum sit quidam

F actus ,

actus, conuenit personæ, & non naturæ, vt docet D. Thomas loc.cit. Ergo hæc unio non posset fieri in natura, neque in persona.

4. Si Angelis vniretur substantialiter cum cane e.g. fieret canis. Sed hoc est impossibile. Primò quia Angelus est substantia completa. Ergo non potest perfici per modum partis intrinsecæ in toto substantiali. 2. Subsistentia Angeli, cum sit finita, non potest terminare alienam naturam, sicut subsistentia Verbi, quæ ut infinita, potest extendi ad terminandam intrinsecè quamlibet aliam naturam. Ergo non potest vniri per communicationem propriæ subsistentiæ. 3. In tali communicatione vel retineretur in cane subsistentia Angeli, vel non? Si primum, ergo cum sit negatio unionis cum alio, simul cum unione, retineretur eius negatio, & rediret absurdum secundi argumenti. Si secundum, ergo hæc unio non fieret per communicationem subsistentiæ, immò utriusque naturæ periret subsistentia; & sic fieret ex duabus naturis indiuiduis, una natura omnibus communis, quod est maius absurdum. 4. Vel natura Angeli transiret in naturam, & substantiam canis, eo modo quo in eucharistia panis transit in corpus Christi, vel canis natura in Angeli naturam? Neutrum dici potest, quia in primo casu daretur solus canis, & in secundo

undo solus Angelus, sicut in eucharistia
atur solum corpus Christi, pereunte pa-
ie per veram transubstantiationem. Ergo
hoc modo non fieret assumptio, sed tran-
substantiatio.

**Conclusio, Potest Angelus supernatu-
raliter adiutus assumere naturam corpo-
ream, vnione intrinseca substantiali.**

Probatur euidenter ex dictis in disp.
met. libr. 3. disput. 1. art. 3. concl. 1. ubi
probauimus, omnia extrema positiua rea-
lia posse intrinsecè, & substantialiter uni-
ri. Et ratio in summa est, quia nulla ex-
trema positiua realia, magis differunt in-
ter sese, quàm Deus, & creatura, inter
quos datur infinita distantia. Sed inter
Deum, & creaturam, non solum est pos-
sibilis, sed datur de facto unio hypostati-
ca, seu substantialis, ut patet in mirabili,
& ineffabili composito Christi Domini.
Ergo à fortiori potest dari inter quolibet
alia extrema positiua, adeòque etiam inter
Angelum, & quamlibet naturam corpo-
ream, qui semper minus distabunt, quàm
Deus, & homo, adeòque habent maiorem
conuenientiam, & unibilitatem.

Ad 1. Nego antecedens. Nam ibi lo-
cuti sumus de persona; hic autem loqui-
mur de natura, ut exposuimus in 1. ar. in
probatione tertiæ partis conclusionis. Er-
go omnia sibi coherent.

Ad 2. Nego consequentiã. Ex eo enim

quòd per errorem à pluribus censeatur impossibilis hircocervus, per unionem intrinsecam naturarum, non sequitur, illum esse impossibilem, cum eius possibilitatem fusè probauerimus in disp. met. loco nuper citato. Ergo hinc potius confirmatur assertio, & retorquetur argumentum.

Ad 3. Dico, quod hæc unio fieret in natura substantialiter sumpta, non autem suppositaliter, ut diximus in 1. ar. in probatione tertiæ partis Ad auctoritatem D. Thomæ dico, illum loqui de assumptione actiua, adæquatè commensurata proprijs viribus assumptis, cuiusmodi fuit assumptio humanitatis facta à Verbo æterno, de qua sola quætionem agitabat, non autè de assumptione factibili à creatura, per vires supernaturaliter additas, de qua hic loquimur. Disparitas evidens est, quia assumptio commensurata viribus proprijs assumptis, debet in assumente præsupponere principium completum assumptivum; & ideo quia assumptio est actio, debet præsupponere suppositum, seu personam, ex qua fluat. Assumptio autem factibilis per vires extrinsecus à Deo superadditas, non debet præsupponere principium proximum formale operativum, in ipso assumente, sed sufficit quòd præsupponat principium radicale remotum, quod est sola natura assumptis, cum sua naturali virtute.

tute . Ergo non debet præsupponere suppositum , seu personam . Sicut enim visio beatifica non præsupponit in potentia naturali principium proximum operativum , sed infunditur à Deo per lumen gloriæ ; ita & in actu assumptionis .

Dices , ad visionem beatificam concurrat etiam virtus naturalis , ut principium proximum inadæquatum , ut dictum est in tract. de visione . Ergo præsupponit principium proximum .

Nego consequentiam , quia virtus naturalis , licet ut supernaturaliter confortata , concurrat proximè ad visionem , tamen secundum se considerata , abstracto lumine gloriæ , est principium remotum , & non proximum visionis , quod sic evidenter ostendo . Principium proximum est illud , quod est ultimè completum , & cui nihil deest ad operandum , sed est in actu ad omnia requisita . Sed virtus naturalis intellectus creati , priusquam eleuetur per lumen gloriæ , non est proximè , & ultimè completa ad visionem Dei , sed est in potentia ad principale requisitum . Ergo non est principium proximum , sed remotum . Accedente autem lumine , quia per illud ultimè completur , & fit in actu ad omnia requisita , fit principium proximum inadæquatum visionis .

Dices 2. Vel assumptio actiua corporis esset à natura Angeli , ut in se subsistente ,

vel non? Si primum, ergo hic actus præsupponeret personam assumptis, adeoque eius subsistentiam, quod reuocaret absurdum unionis cum eius negatione. Si secundum, ergo actio assumptionis non esset à supposito, sed à natura, quod ut falsum reiecit in trac. de Trinitate.

Respondeo, quod hæc assumptio esset quidem à natura Angeli, ut subsistente, non tamen per propriam subsistentiam sibi naturaliter debitam, sed per aliam à Deo gratiose collatam, eo modo quo natura humana in Christo, amissa propria subsistentia, subsistit sola subsistentia Verbi. Quando ergo Deus uniret Angelum cum corpore, quia per aduentum unionis periret utriusque subsistentia, ideo daret Angelo aliam subsistentiam, per quam subsisteret utraque hæc natura, ita ut ubi separatæ, singulæ habebant proprias subsistentias, unitæ habeant unam solam, quæ ita esset in Angelo, ut terminaretur ad corpus. Ex quo fieret, ut quia Angelus haberet subsistentiam, per quam ex se subsisteret, & in natura corporis, esset suppositum assumptivum; natura verò corporis, quia subsisteret solum in supposito Angeli, esset assumptibilis, & non assumptiva, ut melius infra patebit.

Dices 3. Hæc nova subsistentia, quam Deus tribueret supernaturaliter Angelo, vel esset potitiua, vel negatiua. Si primum
ergo

ergo non esset similis consumptz; & sic Angelus non esset idem suppositum, quod erat, sed mutaretur intrinsecè, adeoque non esset idem Angelus ac fuit. Si secundum, ergo redirent eadem absurda.

Respondeo quòd esset positiua, & esset modus substantialis. Haberet ergo duplicem modum, unum per quem subsisteret in se, & alium, per quem extenderetur etiam ad subsistendum in aliena natura, quam terminaret. Ad illationem dico, quòd talis Angelus esset quidem suppositaliter alius, non tamen substantialiter, sicut est natura humana in Christo Domino. Cum enim subsistentia non constituat, sed terminet intrinsecè naturam, eius variatio non variat substantiam, sed suppositum.

Ad 4. Nego minorem. Ad cuius primam probationem concedo consequentiam, quæ non facit ad rem. Neque enim Angelus fieret canis, per hoc quòd eius substantia conuerteretur in naturam caninam, & viceversa: vel per hoc quòd de substantia completa, fieret incompleta per modum actus, siue potentie: vel per hoc quod utriusque natura confunderetur in unam tertiam per identitatem, quæ sunt impossibilia, sed per hoc quòd ablata diuinitus eius subsistentia, illi daretur alia, per quam utriusque natura subsisteret in eodem Angeli supposito, modo nuper explicato.

Ad 2. probationem nego antecedens, & paritatem. Ratio primi est, quia multa possunt supernaturaliter fieri, quæ non possunt secundum ordinem naturæ. Sicut ergo virtus naturalis intellectus creati, quæ de se est finita subiectivè, & obiectivè, potest supernaturaliter extendi ad obiectum infinitum, retenta finitate subiectiva, ita potest substantia Angelo communicari, quæ licet finita, ita terminet naturam Angeli, ut extendatur etiam ad terminandam naturam canis. Ratio secundi est, quia cum Verbum sit Deus, est essentialiter immutabilis, & actus purus, adeoque non potest habere substantiam realiter superadditam, sed subsistit per suum esse. Quia ergo non potest uniri cum alio per mutationem substantiæ, si hæc esset finita, quia est essentialiter determinata ad naturam divinam, non posset extendi ad aliam terminandam. Hoc non valet de Angelo, qui cum sit intrinsecè variabilis, & subsistat per aliquod negativum superadditum, per illius variationem in modum positivum, potest extendi ad alienam naturam. Ergo paritas non est ad rem.

Ad 3. patet responsio ex dictis, quibus statuimus, non remansuram Angeli substantiam negativam, sed aliam positivam superadditā, per quam subsisteret Angelus in se, & canis in Angelo. Ex quo non sequeretur absurdum inculcatum ab arguē-

te,

te, sicut non sequitur in Christo Domino, eò quia naturæ non confunderentur in unam, nec remaneret sine termino intrinseco; & sic non fierent una natura communis, sed fieret unum suppositum ex duabus naturis.

Vnde patet solutio ad 4. eò quia neutrius natura transiret in naturam alterius, sed utraque remaneret substantialiter eadem, quamvis immutarentur suppositaliter. Videantur quæ diximus in disp. met. lib. 3. disp. 1. ar. 3. nam valde proderunt ad huius intelligentiam questionis.

ARTICVLVS III.

An aliquando Angeli assumpserint vera corpora?

Videntur Angeli numquam assumpsisse vera corpora, immò neque in corporibus phantasticis exercuisse veras actiones, sed omnes eorum apparitiones accidisse secundum videntium imaginationem, ut plures veterum censuere, quibus adhæsit Vdalricus in som. lib. 4. penes Carthus. in 2. d. 8. q. 1. quibus videtur favere Damascenus lib. 2. de fide c. 4. ubi loquens præcipue de angelis pravis inquit, *Permissione Dei facta, & fortitudinem habent, & transferantur, & transformantur in quam volunt figuram, secundam imaginationem.*

Fundamenta possunt esse. Primò quia eodem modo Angeli apparuerunt, sicut lamiae, & striges, quae toties apparent sub forma hirci, felis, lupi, & similium belluarum, quarum tamen vera corpora non assumunt, sed solum opera Dæmonum deprauant videntium imaginationem, ut tales videantur, & iudicentur; & saepe accidit, ut necatae, vel mutilatae sub talibus formis, relictæ à Dæmone, redirent ad formam, & figuram humanam. Ergo etiam ipsi Angeli taliter apparuerunt. Consequentia patet, quia si Dæmones possent sibi assumere vera corpora, possent etiam alijs. Antecedens patet ex definitione Concilij Ancirani, seu Antiquirensis, ut refertur in can. *Episcopum* 26. q. 5. ut refert Vasquez disp. 184. c. 1.

2. Si possent Angeli assumere vera corpora, & de facto illa assumpsissent aliquando, non possent ut certæ, & reales credi apparitiones diuinæ, quæ recensentur in sacris paginis vtriusque testamenti. Siquidem possemus dubitare, an fuerint præstigiola, à Diabolis facta, ad homines decipiendos. Hoc autem vergeret in magnum præiudicium nostræ fidei, quæ cum nitratur sacris paginis, si harum vacillaret auctoritas, niteretur fundamento fallibili, unde amitteret certitudinem, & infallibilitatem. Ergo Angeli numquam assumpserunt vera corpora, cum hoc sit proprium

prium solius Dei.

3. Legimus in historijs ecclesiasticis , defunctorum animas , tam bonas , quàm malas apparuisse aliquando viventibus . Sed animæ separatæ neque possunt mouere , nec assumere vera corpora . Ergo earum apparitiones fuerunt phantasticæ . Idem possumus dicere de apparitionibus Angelorum . Ergo nunquam Angeli assumpserunt vera corpora .

Conclusio, Sæpe Angeli tam boni, quàm prauī assumpserunt vera corpora , vel saltem in corporibus assumptis exercuerunt veras , & sensibiles actiones ; numquam tamen assumpserunt per unionem hypostaticam .

Probatur prima pars cum D. Thoma . q. 51. ar. 2. Quod videtur imaginariè , est in sola imaginatione videntis . Ergo non videtur indifferenter ab omnibus . Sed Angeli sæpe ita apparuerunt , vt viderentur indifferenter ab omnibus . Ergo tales apparitiones non fuerunt imaginariæ , sed per veram realitatem corporis assumpti , quod esset extra videntes , eorumque terminaret visionem . Antecedens patet ex libris de anima , vbi ostensum est , opus imaginarium esse immanens imaginanti , vtpote fictum ab eius imaginatiua . Consequentia probatur experientia , qua docemur , opera imaginata , & phantasiata non esse alijs sensibilia . Probatur antecede-

dens subsumptum apparitionibus factis
 Abrahæ, Loth, Tobiz, & tot alijs, in quibus
 Angeli clarè, & longo tempore ab
 omnibus visi sunt, vt legitur Genes. 18.
 & 19. Tob. 5. & Lucæ 1. Gabriel Angelus
 apparuit sanctissimæ Dei genitrici, præter
 eas, quas legimus in vitis Sanctorum,
 vt S. Agnetis, Ceciliz, & Franciscæ Romanæ,
 de qua docet Ecclesia, quòd familiari
 Angeli consuetudine vteretur. Immo
 aliquando etiam bestiis visibiliter apparuerunt,
 vt legitur Num. c. 22. *Cernens asina Angelum stantem in via euaginato gladio, auertit se de itinere, & ibat per agrum.* Et infra, *Cumque vidisset asina stantem Angelum, concidit.* Et inferius,
Protinus aperuit Dominus oculos Balaam, & vidit Angelum stantem in via euaginato gladio. Cui Angelus inquit, *cur tertio verberas asinam tuam? Ego veni, vt aduersarer tibi &c.* Ergo vel corpus talis Angeli
 fuit verum corpus ab eo specialiter assumptum,
 vel saltem per illud exercuit veram locutionem,
 sensibilem resistantiam, minas, præceptum, & alia, quæ
 narrantur in tali loco. Bene igitur concludit
 Magister in 2. d. 8. litt. A. *Assumunt verò aliquando corpora, Deo præparante, ad impletionem ministerij sui sibi à Deo iniuncti, eademque post expletionem deponunt.*

Probaturs secunda pars, quia non debemus

bemus admittere ut factum à Deo, vel ab eius ministris, nisi quod legimus in sacris paginis, vel eo reuelante didicimus. Deus autem nusquam vel sacris paginis, vel priuata reuelatione manifestauit, Angelos, siue bonos, siue prauos fuisse incarnatos. Ergo hoc asserere esset ad minus temerarium, docente Augustino in enchir. c. 59. *Cum ista queruntur, & ea sicut potest quisquē contrectat, non inutiliter exercentur ingenia, si adhibeatur disceptatio moderata, & absit error opinantium se scire quòd nesciunt. Quid enim opus est, ut hæc, atque huiusmodi affirmantur, vel negentur, vel definiantur cum discrimine, quando sine crimine nesciuntur?*

Ad auctoritatem Damasceni, adductam ab Vdalrico oppositum sentientis quoad primam partem conclusionis, dico, verissimum esse, ut plurimum Angelos apparere in somnijs, vel per commutationem phantasie, non tamen semper. Cum ergo Damascenus asseruerit quod plerumque ab Angelis factitatur, & non negauerit quòd factum fuerit aliquando, eius auctoritas non impugnat conclusionem.

Ad 1. ex oppositis fundamentis negotiū antecedens, cum plura possit Angelus in se, quàm in alios, Deo coercente Daemonum vires, nè noceant quantum possunt. Ex eo ergo quòd lamias, & striges vel per somnum,

somnum, vel per aliam præstigiosam apparentiam decipiant, non sequitur, quod ipsi non possint assumere vera corpora. Cum enim habeant vires sufficientes ad ciendum in corpora motum localem, & ad eorum configurationem, si Deus permittat, possunt quodcumque corpus efformare, per quod sensibilibiter operentur, ut cū Dæmon sub forma serpentis decæpit Euam, ut dicitur c. 3. Genes. & sub forma pulchræ mulieris tentauit Antonium. Ad Concilium Anciranum dico, ab illo definiri quod sæpe accidit, nempe lamias somno graui sopitas, putare se multa agere, quæ somniant somnijs dæmoniacis, non autem quod semper accidit, sicut diximus de Damasceno, iuxta expositionem Alphonfi à Castro lib. 1. de iusta hæret. punit. c. 16. Alexandri, & Gabrielis. Præterquamquod nulla est ratio, cur non possit Dæmon sibi assumere, vel efformare de nouo aliquod corpus, cui alliget strigem, ita ut ad eius motum & illa moueatur, ut sæpe facit de equis, quibus noctu utitur ad vectandas lamias, qui mane ad stabulum reducti, inueniuntur labore, laffi, & sudore perfusi. Hoc tamen non obstat, quod si taliter vectæ striges gladio percutiantur, vulneribus non subiaceant, quia in tali vectatione, siue corporis assumpti, siue phantastici, realitatem sui corporis non deponunt, nec possunt deponere.

ponere ; & ideo retinent naturalem passibilitatem .

Ad 2. Nego maiorem , quia (ut probauimus in trac. de visione disp. 15. ar. 3.) quando Deus vel per somnium , vel Angelicis apparitionibus aliquid reuelat , occultis , & specialibus vijs se manifestat , ita ut patientes reddat certos , huiusmodi impressiones esse diuinas , & nullum relinquat ambigendi locum de opposito . Vnde sequitur , angelicas apparitiones , Deo volente factas , & descriptas in sacris paginis , non fuisse fallaces , quia semper cum euentu coniuncta sunt , ut fuerunt somnia Ioseph , & Nabucdonosor , apparitiones Angelorum facta Abraham , Loth , Tobia , & aliis .

Dices , Deus ante aduentum Christi , nullum unquam assumpsit verum corpus sensibile , & tamen saepe apparuit , ut legitur Exod. 3. sub initium , *Apparuit ei Dominus in flamma ignis de medio rubi .* Et post pauca , *Ego sum Deus patris tui , Deus Abraham , & Deus Isaac , & Deus Iacob &c.* Et ferè nullum est caput in toto hoc libro , in quo non narretur aliqua noua apparitio Dei facta Moyse . Ergo huiusmodi apparitiones fuerunt imaginariae . Cur ergo idem non dicamus de apparitionibus Angelorum ?

Distinguo antecedens , non assumpsit corpus per unionem hypostaticam , concedo :

cedo : modo supra explicato , nego antecedens , cum Chrysoſtomo , Nicephoro , Eusebio , alijsque penès Pererium in cap. 3. Danielis , & cum illo consequentiam . Præterquamquòd possem cum alijs dicere , huiusmodi apparitiones divinas fuisse patratas ministerio Angelorum , qui assumptis iussu Dei veris corporibus , nomine Dei operabantur , & loquebantur . Ad hoc dicendum adducor à D. Stephano prothomartire , qui statutus in medio Concilij Iudæorum , ut sui redderet rationem , mentionem faciens de apparitionibus divinis , hæc dixit , ut legitur in actis Apostol. c. 7. *Apparuit illi in deserto montis Sina Angelus in igne flammæ rubi . Moyses autem videns admiratus est visum .* Et inferius extendens explicationem etiã ad alias apparitiones , subdit . *Hic est , qui fuit in Ecclesia in solitudine , cum angelo , qui loquebatur ei in monte Sina , & cum patribus nostris .* Ergo Deus usus est angelis in huiusmodi apparitionibus , per quorum vera corpora assumpta loquebatur , ut exponit hic Sanctus , qui afflatu sancti Spiritus Christum prædicabat .

Ad 3. Nego minorem . Quamvis enim animæ separata non possint ex se movere , nisi corpora , quæ sunt apta informare , tamen possunt etiam virtute divina movere & alia . Præterquamquòd etiam si admit-
tatur minor , non tamen est necessario cō-
cedenda

cedenda consequentia , quia sicut animæ
separatæ secundum propriam virtutem
apparere non possunt, ita cum adiguntur
à Deo ad apparendum, possunt ab eodem
alicui Angelo assignari, à quo prouidean-
tur de corpore , in quo appareant .





DISPUTATIO IV.

De Angelorum creatione.

Quia fusè in 6. physicorum egimus de rerum creatione, & reliqua quæ fortè omisimus, addemus in tractatu de opere sex dierum, ideo hic supposita Angelorum creatione, eius tātummodo tempus, & locum inuestigabimus. Quæremus ergo 1. An Angeli sint creati ante mundum corporeum? Et deinde an sint creati in cælo empyreo? Quorum occasione, plura dicemus de ipso cælo empyreo.

ARTICVLVS PRIMVS.

An Angeli sint creati ante mundum corporeum?

Gregorius patrum cæterua, nempe Origenes hom. 4. in Isaiam, Greg. Naz. or. 38. de natali Domini, Damascenus lib. 2. fidei c. 3. Basiliius homil. 1. hexam. Chrysostomus lib. 1. de prouid. sub initium, alijque quamplures respondent

dent affirmatiuè, quibus accedentes nonnulli latinorum, ut Hieronymus, Hilarius, & Ambrosius, tantum pondus huic addiderunt opinioni, ut Cassianus collatione 8. c. 7. dixerit, illam suo tempore haberi ab omnibus, non solum Orientalis, verumetiam Occidentalis Ecclesie, tamquam irrefragabilem. Fundamenta sunt.

1. Quia in libris Geneseos, in quibus Moyses describit uniuersa, quæ Deus creauit in principio huius mundi visibilis, nullam facit mentionem de Angelis. Ergo supposuit iam antecederent creatos; aliter non debuisset illos omittere.

2. Dicitur lib. Iob c. 38. sub initium, *Vbi eras quando ponebam fundamenta terræ?* Et paucis interiectis, *Cum me laudarent simul astra matutina, & iubilarent omnes filij Dei?* Sed astra matutina, & filij Dei sunt Angeli, ut admittunt omnes expositores. Ergo quando Deus creauit cælum, & terram, quod fuit initium mundi visibilis, erant Angeli Deum laudantes; aliter Deus non potuisset simul associare, initium mundi cum laudibus Angelorum, qui non potuissent tunc laudare, nisi prius creati essent.

3. In eodem libro Iob c. 40. sub medium dicitur de Lucifero, sub nomine Behemot, *Ipse est principium viarum Dei, qui fecit eum.* Ergo Lucifer factus est pri-
mus

mus omnium creaturarum. Æquum enim erat, ut qui cunctas creaturas perfectione, & dignitate præstabat, creationis etiam tempore superaret. Nomine autem Luciferi sumitur totum genus Angelorum.

4. Dicitur in ep. ad Titum sub initium primi capitis, *quam promisit* (intellige vitam æternam) *qui non mentitur Deus, ante tempora secularia*. Promissio verò non fit sibi, sed aliis. Ergo ante tempora secularia, hoc est ante mundum visibilem erant Angeli, quibus promissa erat vita æterna.

Conclusio, Omnes Angeli fuerunt à Deo creati simul cum celo, & terra.

Quòd Angeli fuerint à Deo creati, est de fide, ut constet ex multiplici testimonio sacrorum codicum, & definitione Ecclesiæ. Nam primò habemus Daniel. 3. *Benedicite Angeli Domini Domino*. Non essent autem Domini, si ab illo non fuissent facti, sed essent ab omni causa independentes, ut somniauit Philosophus 8. met. t. 16. ex eò quòd putauerit, formas immateriales nullam habere causam suam esse. Quamvis enim S. Tho. hic respondendo ad 2. conetur interpretari Philosophum de causa formali intrinseca, & non de extrinseca efficiente; quia tamen verè loquitur de independentia in genere efficientis, ideo contra illum, stylum acutimus in 8. phys. disp. un. ar. 1. concl. 2.

ubi

ubi probauimus, etiam purè philosophicè posse euidenter probari, omne distinctum à Deo esse à Deo: & ibid. ar. 3. concl. 2. sub proprijs terminis probauimus, Angelos fuisse à Deo factos in tempore. Deinde Io. 1. dicitur, *Omnia per ipsum facta sunt.* 3. Dicitur ad Coloss. 1. *In ipso condita sunt vniuersa in calis, & in terra, visibilia, & inuisibilia, siue throni, siue dominationes, siue principatus, siue potestates, omnia per ipsum, & in ipso creata sunt.* 4. In Concilio Niceno statutum est, ut illis verbis symboli, *factorem cali, & terræ*, adderentur hæc alia, quæ comprehenderent etiam angelos, *visibilium omnium, & inuisibilium.* 5. In c. firmiter de summa Trin. refertur per extensum definitio Lateranensis, de qua infra. Et demum Apoc. c. 14. dicitur, *Adorate Deum, qui fecit calum, & terram, mare, & omnia, quæ in eis sunt*, vt dicitur etiam Exod. 20. vt mox patebit. Ergo creatio Angelorum est de fide.

Quod autem fuerint creati simul cum mundo visibili, in quo est potissima difficultas contra Græcos, Probatur 1. Ecclesiastici 18. initio dicitur, *Qui viuit in æternum, creauit omnia simul.* Ergo etiam Angelos, ut infert Egid. d. 2. q. 1. ar. 1. Deinde Genes. 1. dicitur, *In principio creauit Deus calum, & terram.* Hoc autem non esset verum, si antea aliquid aliud creat.

creasset, ut infert hic S. Tho. ar. 3. Ergo ante cælum, & terram nihil creauit. 3. In Concilio Lateranensi nuper citato definitur, Qui sua potenti virtute simul ab initio temporis vtramque de nihilo condidit creaturam, corporalem scilicet, & spirituales, angelicam videlicet, & humanam. Quæ autoritates sunt adeo validæ, ut Ferrariensis 2. con. Gen. c. 83. Canus lib. 6. de locis c. 5. Molina, & alij censeant, opinionem oppositam esse erroneam. 4. Egidius d. 2. q. 1. ar. 1. addit hanc rationem, Magis conducit decori, & pulchritudini vniuersi, vt Deus omnia sin ul creauerit, vel in materia præiacenti, vt corporalia: vel in naturali sua perfectione, vt spiritualia, vel in suo simili, vt animam rationalem. Ergo ita creauit. Quintò probatur ex c. 20. Exodi, in quo dicitur, Sex diebus fecit Dominus cælum, & terram, & mare, & omnia, quæ in eis sunt, & requieuit in die septimo. Ergo quidquid est, siue in cælo, siue in terra, siue in mari, factum est intra spatium sex dierum. Sed Angeli sunt in cælo, ut omnes fatentur. Ergo hoc tempore facti sunt. Demum Probatur ex c. 12. Apoc. in quo dicitur, factum est prælium magnum in cælo, Michael, & angeli eius præliabantur cum dracone, & draco pugnat, & angeli eius; & non valuerunt, neque locus inuentus est amplius eorum in cælo. Et post pauca, & proiecclus est in terram.

ram (nempe draco) & angeli eius cum illo missi sunt . Et infra, postquam vidit draco quod proiectus esset in terram &c. Ex quibus deducitur , Luciferum expressum nomine draconis , cum suis sequacibus , statim post peccatum expressum per pugnam, deiectum esse e celo , & detrusum in terram, hoc est in carcerem tartari , qui est in centro terræ . Ergo quando peccauit , erant cælum , & terra . Sed peccauit post pauca instantia suæ creationis , ut videbimus infra . Ergo non creatus est ante cælum, & terram, sed post, quia fuerunt Angeli in celo creati , vel saltem simul cum celo , & terra .

Confirmantur , si fuissent facti ante cælum , & terram , vel omnes permanissent in gratia, vel non ? Si primum , ergo cum inflexibiles sint , non potuissent deinde peccare , sed adhæsisent bono , cui semel adhæserant . Si secundum , ergo aliqui præuicati fuissent . Quam ergo penam subiissent ? Non ignem , quia non erat . Non aliam , quia nihil erat cruciatium . Neque solam penā damni , quia nondum Deus statuerat locum beatitudinis , in quo se reuelaret facie ad faciem . Ergo tanto tempore fuissent sine pœna , & sancti fuissent sine præmio , quod repugnat scripturæ allatæ , & sexcentis aliis .

Ad auctoritatem Patrum oppositum , sentientium , quamuis non desint , qui illos

los damnent erroris, vel adminis temeritatis, ut Ferrariensis, Canus, Molina, & Zumel, quod multò magis valeret post definitionem Lateranensis. Quia tamen Egidius, & D. Thomas modestius loquuntur hac super re. Nam ille d. 2. q. 1. ar. 1. in corpore ait, *Nos autem nullam partem pertinaciter asserimus; tamen quia hoc tenetur communius, quod tempore, & duratione utraque sit facta simul, ideo ad hanc partem magis declinamus*: Et D. Thomas q. 61. ar. 3. in fine corporis inquit, *Non est igitur probabile, ut Deus, cuius perfecta sunt opera, ut dicitur Deus. 32. creaturam angelicam seorsim ante alias creaturas creauerit. Quamvis contrarium non sit reputandum erroneum, præcipue propter sententiam Gregorij Nazianzeni, cuius tanta est in doctrina christiana auctoritas, ut nullus umquam eius dictis calumniam inferre præsumpserit; ideo nec ego audeo illos damnare erroris, vel temeritatis.*

His tamen non obstantibus, Bannes, Suarez, & Valentia, quibus nuper accessit Andreas Lao disp. 309. n. 3296. adhuc putant, post definitionem Lateranensis, sententiam oppositam esse adminis temerariam, cum in illa saluari non possit simultas creationis asserta à Cōcilio. Quare dico, Gregorium, Damascenum, Hieronimum, aliosque patres, qui fuerunt
ante

ante definitionem Lateranensis, nullo modo esse damnandos, quia hæc erat materia disputabilis. Quicumque autem auderet nunc cum illis sentire quoad hoc, puto quod saltem temeritatis notam non euaderet, eò quia leuissimis ductus rationibus, Ecclesiæ definitioni pertinaciter contradiceret. Aliter esset licitum contradicere cuicumque definitioni Ecclesiæ, & sic corrueret Ecclesiæ auctoritas, & periret fides, quæ illi innitur.

Quod autem leuissimis rationibus duceretur, probo singulas euertendo. Vasquez disp. 224. c. 2. ait, *ly simul* significare idem & *pariter*, quod videlicet fuerit creata corporalis creatura, & pariter incorporea. Sicut enim dicitur psal. 48. *Simul insipiens, & stultus peribunt*, simultate mortis, & non durationis; ita in casu nostro. Et hanc expositionem approbat ut legitimam noster Gibbo hic disp. 24. dub. 1. n. 10. quam confirmat psal. 13. *Omnes declinauerunt, simul inutiles facti sunt*, hoc est pariter. Petauius lib. 1. de Angelis c. 15. docet, finem Concilii fuisse stabilire contra Origenem, creaturas corporeas non fuisse à Deo factas, occasione peccati angelorum, ut essent illorum veluti carcer, & ergastulum, sed per se, & primaria intentione. Vnde ait, *ly simul* esse exponendum de simultate diuinæ intentionis, qua utramque creaturam

G

æquè

æquè primò intendit.

Verùm utraque hæc expositio meritò irridetur à Gonetto hic disp. proem. ar. 2. n. 29. Siquidem cùm Concilium definiat, Deum *ab initio temporis simul* condidisse vtramque creaturam, determinat dictum ad simultatem durationis, non quidem mathematicè, ita ut dicat simultatem instantaneam, sed physicè, ita ut dicat tempus diuisibile, cum latitudine sex dierum, quibus Deus fecit omnia. Vndè corrui expositio utriusque.

Gonettus ipse ibidem, quem sequitur Gibbo loco citato, ait quòd licèt verè Concilium ibi statuerit simultatem temporis, quoad creationem Angelorum, & corporcorum, quia tamen *hoc dixit incidenter, nec ibidem patrum græcorum sententiam damnare intendebat, nempe Aristotelis dicentis, omnia esse ab æterno, & Origenis ponentis solas creaturas spirituales per se fuisse à Deo productas, ideo hæc opinio non debet censeri hæretica, vel temeraria. Et ratio ipsius est, quia ad dignoscendum, an aliquid sit ab Ecclesia definitum, attendendum est ad errorem, quem intendit damnare; quæ verò incidenter apponuntur, non censentur esse fidei dogmata. Et affert instantiam ex Tridentino sess. 6. can. 11. in quo definitur, iustificationem fieri per gratiam in hærentem, non tamen redditur hæretica, vel temeraria*

ria opinio, quòd charitas non sit inherens, eò quia intentum Concilij erat pro- scribere errorem Lutheri asserentis, nos iustificari per gratiam Dei extrinsecam, & solùm incidenter aliud definiuit.

Sed hæc doctrina mihi non probatur, utpote quæ est iniuriosa Ecclesiæ, eiusque definitionum pondus eneruat, quo ad- misso, eius vacillat auctoritas. Si enim fiat aditus, ad distinguendas veras defini- tiones à falsis, eò quia illæ fuerint per se intentæ, hæc verò solùm per accidens, pos- sumus licitè dubitare de veritate omnium eius definitionum, tamquam fallibilium, immò patenter asserere, Ecclesiam non habere infallibilem assistentiam Spiritus Sancti in rebus fidei, & posse errare in definiendo quid sit de fide, quòd totam Christi euerteret fidem. Consultius ergo Vasquez, & Petavius conati sunt de- finitionem interpretari, quàm illam ex- ponere falsitati. Quomodo enim stare potest definitionis veritas infallibilis, cum veritate sui contradictorij, ita ut illi possit licitè contradici? Ad instantiam le Tridentino dico, fieri non posse, quòd lamnetur Lutherus dicens, iustificatio- nem fieri per gratiam extrinsecam, nisi lamnetur negans fieri per gratiam intrin- secam. Posito enim quòd sit necessaria ratio, & hæc non possit esse extrinseca, necessario debet esse intrinseca. Si ergo

intentum Concilij fuit proscribere errorem Lutheri, spectat ad eius primariam intencionem, quod iustificatio fiat per gratiam intrinsecam; adeoque hoc est de fide, & oppositum dicere esset erroneum, ut sibi minimè constans docet ipse Gonetustrac. 9. de iustificat. disp. 1. ar. 2. ubi probat, per canonem hunc undecimum sessionis sextæ Tridentini, esse de fide, iustificationem fieri per gratiam intrinsecam.

Ad eius rationem fundamentalem dico, verum esse, quod in definitionibus Ecclesiæ attendendus sit error, qui per illas proscribitur, non tamen ut secundum alia impugnentur, sed ut magna cum reuerentia exponantur, siquid in illis occurrerit, quod videatur alijs repugnare, ut diximus disp. 1. ar. 3. ad 4. ubi dictum Io: Episcopi Thesial. de Angelorum figurabilitate, approbatum à Concilio Nicæno cōsiderauimus.

A R T I C V L V S II.

Soluuntur obiecta.

AD I. Patet responsio ex dictis ar. 1. disp. 1. ad fundamentum Sedducaorum, ubi multis ostendimus, qua ratione mundi cronologista explicitam fecerit de Angelis mentionem, illosque inuoluerit in prima calis, terræq; molitione.

Ad

Ad 2. Nego subsumptam, & postremam consequentiam. Et dico, potuisse Deum associare initium mundi cum laudibus Angelorum, simul illos cum cælo creando. Sicut enim Sol in primo suæ creationis instanti cælum, & terram illuminavit, ita Angeli in suum conditorem laudes emisere. Ergo initio mundi erant Angeli, non quidem in suæ durationis præexistentia conseruati, sed in prima sui duratione creati. Et ideo dicitur, quòd iubilarent omnes filij Dei, quia statim facti, agnoscentes excellentiam suæ naturalis conditionis, ad iubilandum excitabantur.

Ad 3. Nego consequentiam. Sicut enim communiter exponitur ille locus, cum D. Greg. lib. 32. moral. c. 18. & Aug. 11. de ciu. c. 6. Ruperto, & alijs, dico Luciferum appellari principium viarum Dei, hoc est principium creaturarum, non quidem ordine temporis, sed naturæ, quatenus ipse inter alias tenet primatum, quoad excellentiam naturalis perfectionis, & dignitatis. Nisi velimus dicere, illum vocari principium, etiam ordine durationis, quatenus factus est in principio omnium creaturarum, negatiuè, sed non, positiuè, inquantum nullum creatum illius duratione præcesserit, non tamen ipse præcesserit omne creatum. Sicut enim dicitur de cælo, quòd sit factum in prin-

creatos in cælo aliquo inferiori, ex quo fuerint deiecti præuaricatores, & euecti fideles ad empyreum.

2. Non fuit decens, quòd labes peccati appareret in empyreo sede beatitatis, in qua nihil coinquinatum admittitur. Ergo sicut Adam fuit creatus extra paradysum voluptatis, ita & Angeli extra empyreum.

3. Angeli sunt substantiæ omninò immateriales, & incorporeæ, ut supra probauimus disp. 1. ar. 3. Ergo non debuerunt fieri in cælo aliquo materiali, sicut est empyreum; nè dicamus, ab illo pependisse, saltem in fieri, sed extra omnem corpulentam substantiam.

Conclusio, *Angeli fuerunt creati in cælo empyreo.* Ita D. Tho. q. 61. ar. 4. cui concinit Egidius in proem. secundæ dist. sub finem ex Magistro inquiring. *Primo inquit, ubi facti fuerint Angeli, & ostendit quod fuerant facti in cælo. Secundo inquit, cuiusmodi fuerit illud cælum, dicens quòd non fuerit firmamentum, sed empyreum.* Quare de hoc non instituit quæstionem sub proprijs terminis, sed transit ad agendum de ipso empyreo.

Probatur 1. Cùm Angeli præsideant mundo corporeo, conuenientissimum fuit, quòd in supremo cælo, tamquam in parte nobilissima crearentur. Et ideo ait Strabus super caput 1. Gen. *Cælum non visibile*

sibile firmamentum hic appellat, sed empyreum, quod statim factum, Angelis est repletum. 2. Dicitur Lucæ 10. sub medium, Videbam Satanam tamquam fulgur de calo cadentem. Hoc autem celum fuisse empyreum testantur Magister in 2. d. 2. lit. F, Strabus, Beda, D. Thomas, & communiter alij. Cum ergo Satanus non potuerit cadere, nisi ex loco, in quo fuit creatus, eius creatio facta fuit in empyreo. 3. Dicitur in ep. cathol. Iudæ sub in. Angelos verò, qui non seruauerunt suum principatum, sed dereliquerunt suum domicilium, in iudicium magni diei, vinculis æternis sub caligine reseruauit. Sed Angeli non habebant suum principatum, & domicilium, nisi in empyreo, quod sicut fuit præparatum pro hominibus iustis, ut dicitur Matth. 25. Venite benedicti, possidete regnum, vobis paratum à constitutione mundi, multò magis pro Angelis, quorum solas ruinas reparant homines. Ergo si illud dereliquerunt, iam possidebant. Et ideo Egid. in 2. p. p. d. 2. q. 2. ar. 4. dub. 4. ait, Lucifer cecidit de triplici celo, videlicet de celo, quod ornabat, & hoc fuit empyreum; de celo à quo ornabatur, & hoc fuit calum gratiæ, si fuit creatus in gratia, vel innocentia, quia fuit creatus innocens: & de celo, in quod volebat ascendere, & hoc fuit calum diuinitatis, in quo quamuis non fuerit, quia diuinam essentiam non vidit,

creatos in cælo aliquo inferiori, ex quo fuerint deiectioni præuaricatores, & euecti fideles ad empyreum.

2. Non fuit decens, quòd labes peccati appareret in empyreo sede beatitatis, in qua nihil coinquinatum admittitur. Ergo sicut Adam fuit creatus extra paradysum voluptatis, ita & Angeli extra empyreum.

3. Angeli sunt substantiæ omninò immateriales, & incorporeæ, ut supra probauimus disp. 1. ar. 3. Ergo non debuerunt fieri in cælo aliquo materiali, sicut est empyreum; nè dicamus, ab illo pependisse, saltem in fieri, sed extra omnem corpulentam substantiam.

Conclusio, *Angeli fuerunt creati in cælo empyreo*. Ita D. Tho. q. 61. ar. 4. cui concinit Egidius in proem. secundæ dist. sub finem ex Magistro inquiring. *Primo inquit, ubi facti fuerint Angeli, & ostendit quod fuerant facti in cælo. Secundo inquit, cuiusmodi fuerit illud cælum, dicens quòd non fuerit firmamentum, sed empyreum. Quare de hoc non instituit quæstionem sub proprijs terminis, sed transit ad agendum de ipso empyreo.*

Probatur 1. Cum Angeli præsideant mundo corporeo, conuenientissimum fuit, quòd in supremo cælo, tamquam in parte nobilissima crearentur. Et ideo ait Strabus super caput 1. Gen. *Cælum non visibile*

sibile firmamentum hic appellat, sed empyreum, quod statim factum, Angelis est repletum. 2. Dicitur Luca 10. sub medium, Videbam Satanam tamquam fulgur de calo cadentem. Hoc autem celum fuisse empyreum testantur Magister in 2. d. 2. lit. F, Strabus, Beda, D. Thomas, & communiter alij. Cum ergo Satanus non potuerit cadere, nisi ex loco, in quo fuit creatus, eius creatio facta fuit in empyreo. 3. Dicitur in ep. cathol. Iudæ sub in. Angelos verò, qui non seruauerunt suum principatum, sed dereliquerunt suum domicilium, in iudicium magni diei, vinculis æternis sub caligine reseruauit. Sed Angeli non habebant suum principatum, & domicilium, nisi in empyreo, quod sicut fuit præparatum pro hominibus iustis, ut dicitur Match. 25. Venite benedicti, possidete regnum, vobis paratum à constitutione mundi, multò magis pro Angelis, quorum solas ruinas reparant homines. Ergo si illud dereliquerunt, iam possidebant. Et ideo Egid. in 2. p. p. d. 2. q. 2. ar. 4. dub. 4. ait, Lucifer cecidit de triplici celo, videlicet de celo, quod ornabat, & hoc fuit empyreum: de calo à quo ornabatur, & hoc fuit calum gratiæ, si fuit creatus in gratia, vel innocentie, quia fuit creatus innocens: & de calo, in quod volebat ascendere, & hoc fuit calum diuinitatis, in quo quamuis non fuerit, quia diuinam essentiam non vidit,

creatos in cælo aliquo inferiori, ex quo fuerint deiecti præuaricatores, & erecti fideles ad empyreum.

2. Non fuit decens, quòd labe peccati appareret in empyreo sede beatitatis, in qua nihil coinquinatum admittitur. Ergo sicut Adam fuit creatus extra paradysum voluptatis, ita & Angeli extra empyreum.

3. Angeli sunt substantiæ omninò immateriales, & incorporeæ, ut supra probauimus disp. 1. ar. 3. Ergo non debuerunt fieri in cælo aliquo materiali, sicut est empyreum; nè dicamus, ab illo pendisse, saltem in fieri, sed extra omnem corpulentam substantiam.

Conclusio, *Angeli fuerunt creati in cælo empyreo*. Ita D. Tho. q. 61. ar. 4. cui concinit Egidius in proem. secundæ dist. sub finem ex Magistro inquiring. *Primo inquit, ubi facti fuerint Angeli, & ostendit quod fuerant facti in cælo. Secundo inquit, cuiusmodi fuerit illud cælum, dicens quòd non fuerit firmamentum, sed empyreum. Quare de hoc non instituit quæstionem sub proprijs terminis, sed transit ad agendum de ipso empyreo.*

Probatur 1. Cùm Angeli præsideant mundo corporeo, conuenientissimum fuit, quòd in supremo cælo, tamquam in parte nobilissima crearentur. Et ideo ait Strabus super caput 1. Gen. *Cælum non visibile*

sibile firmamentum hic appellat, sed empyreum, quod statim factum, Angelis est repletum. 2. Dicitur Lucae 10. sub medium, Videbam Satanam tamquam fulgur de calo cadentem. Hoc autem celum fuisse empyreum testantur Magister in 2. d. 2. lit. F, Strabus, Beda, D. Thomas, & communiter alij. Cum ergo Satanus non potuerit cadere, nisi ex loco, in quo fuit creatus, eius creatio facta fuit in empyreo. 3. Dicitur in ep. cathol. Iudæ sub in. Angelos verò, qui non seruauerunt suum principatum, sed dereliquerunt suum domicilium, in iudicium magni diei, vinculis æternis sub caligine reseruauit. Sed Angeli non habebant suum principatum, & domicilium, nisi in empyreo, quod sicut fuit præparatum pro hominibus iustis, ut dicitur Matth. 25. Venite benedicti, possidete regnum, vobis paratum à constitutione mundi, multò magis pro Angelis, quorum solas ruinas reparant homines. Ergo si illud dereliquerunt, iam possidebant. Et ideo Egid. in 2. p. p. d. 2. q. 2. ar. 4. dub. 4. ait, Lucifer cecidit de triplici celo, videlicet de celo, quod ornabat, & hoc fuit empyreum: de celo à quo ornabatur, & hoc fuit calum gratiæ, si fuit creatus in gratia, vel innocentia, quia fuit creatus innocens: & de celo, in quod volebat ascendere, & hoc fuit calum diuinitatis, in quo quamuis non fuerit, quia diuinam essentiam non vidit,

creatos in cælo aliquo inferiori, ex quo fuerint deiectioni prauaricatores, & euecti fideles ad empyreum.

2. Non fuit decens, quòd labes peccati appareret in empyreo sede beatitatis, in qua nihil coinquinatum admittitur. Ergo sicut Adam fuit creatus extra paradysum voluptatis, ita & Angeli extra empyreum.

3. Angeli sunt substantiæ omninò immateriales, & incorporeæ, ut supra probauimus disp. 1. ar. 3. Ergo non debuerunt fieri in cælo aliquo materiali, sicut est empyreum; nè dicamus, ab illo pependisse, saltem in fieri, sed extra omnem corpulentam substantiam.

Conclusio, *Angeli fuerunt creati in cælo empyreo*. Ita D. Tho. q. 61. ar. 4. cui concinit Egidius in proem. secundæ dist. sub finem ex Magistro inquiring. *Primo inquit, ubi facti fuerint Angeli, & ostendit quod fuerant facti in cælo. Secundo inquit, cuiusmodi fuerit illud cælum, dicens quòd non fuerit firmamentum, sed empyreum. Quare de hoc non instituit quæstionem sub proprijs terminis, sed transit ad agendum de ipso empyreo.*

Probatur 1. Cum Angeli præsideant mundo corporeo, conuenientissimum fuit, quòd in supremo cælo, tamquam in parte nobilissima crearentur. Et ideo ait Strabus super caput 1. Gen. *Cælum non visibile*

sibile firmamentum hic appellat, sed empyreum, quod statim factum, Angelis est repletum. 2. Dicitur Lucæ 10. sub medium, Videbam Satanam tamquam fulgur de calo cadentem. Hoc autem celum fuisse empyreum testantur Magister in 2. d. 2. lit. F, Strabus, Beda, D. Thomas, & communiter alij. Cum ergo Satanus non potuerit cadere, nisi ex loco, in quo fuit creatus, eius creatio facta fuit in empyreo. 3. Dicitur in ep. cathol. Iudæ sub in. Angelos verò, qui non seruauerunt suum principatum, sed dereliquerunt suum domicilium, in iudicium magni diei, vinculis æternis sub caligine re seruauit. Sed Angeli non habebant suum principatum, & domicilium, nisi in empyreo, quod sicut fuit præparatum pro hominibus iustis, ut dicitur Matth. 25. Venite benedicti, possidete regnum, vobis paratum à constitutione mundi, multò magis pro Angelis, quorum solas ruinas reparant homines. Ergo si illud dereliquerunt, iam possidebant. Et ideo Egid. in 2. p. p. d. 2. q. 2. ar. 4. dub. 4. ait, Lucifer cecidit de triplici celo, videlicet de celo, quod ornabat, & hoc fuit empyreum: de celo à quo ornabatur, & hoc fuit calum gratiæ, si fuit creatus in gratia, vel innocentie, quia fuit creatus innocens: & de celo, in quod volebat ascendere, & hoc fuit calum diuinitatis, in quo quamuis non fuerit, quia diuinam essentiam non vidit,

intentum Concilij fuit proscribere erro-
rem Lutheri, spectat ad eius primaria in
intentionem, quòd iustificatio fiat per
gratiam intrinsecam; adeòque hoc est de
fide, & oppositum dicere esset erroneum,
ut sibi minimè constans docet ipse Go-
nnetust rac. 9. de iustificat. disp. 1. ar. 2.
ubi probat, per canonem hunc undeci-
mum sessionis sextæ Tridentini, esse de
fide, iustificationem fieri per gratiam in-
trinsecam.

Ad eius rationem fundamentalem di-
co, verum esse, quòd in definitionibus Ec-
clesiæ attendendus sit error, qui per illas
proscribitur, non tamen ut secundùm alia
impugnentur, sed ut magna cum reueren-
tia exponantur, siquid in illis occurrerit,
quod videatur alijs repugnare, ut diximus
disp. 1. ar. 3. ad 4. ubi dictum Io: Epi-
scopi Thesial. de Angelorum figurabili-
tate, approbatum à Concilio Nicæno cõ-
siderauimus.

A R T I C V L V S II.

Soluuntur obiecta.

AD I. Patet responsio ex dictis ar. 1.
disp. 1. ad fundamentum Seddu-
caorum, ubi multis ostendimus, qua ra-
tione mundi cronologista explicitam fe-
cerit de Angelis mentionem, illosque in-
uoluerit in prima cæli, terræq; molitione.

Ad

Ad 2. Nego subsumptam, & postremam consequentiam. Et dico, potuisse Deum associare initium mundi cum laudibus Angelorum, simul illos cum cælo creando. Sicut enim Sol in primo suæ creationis instanti cælum, & terram illuminavit, ita Angeli in suum conditorem laudes emisere. Ergo initio mundi erant Angeli, non quidem in suæ durationis præexistentia conseruati, sed in prima sui duratione creati. Et ideo dicitur, quòd iubilarent omnes filij Dei, quia statim facti, agnoscentes excellentiam suæ naturalis conditionis, ad iubilandum excitabantur.

Ad 3. Nego consequentiam. Sicut enim communiter exponitur ille locus, cum D. Greg. lib. 32. moral. c. 18. & Aug. 11. de ciu. c. 6. Ruperto, & alijs, dico Luciferum appellari principium viarum Dei, hoc est principium creaturarum, non quidem ordine temporis, sed naturæ, quatenus ipse inter alias tenet primatum, quoad excellentiam naturalis perfectionis, & dignitatis. Nisi velimus dicere, illum vocari principium, etiam ordine durationis, quatenus factus est in principio omnium creaturarum, negatiuè, sed non positiuè, inquantum nullum creatum illum duratione præcesserit, non tamen ipse præcesserit omne creatum. Sicut enim dicitur de cælo, quòd sit factum in prin-

G 3

cipio

cipio, hoc est prima die, licet fuerit factum simul cum terra, & aquis; ita Lucifer factus est in principio, licet fuerit factus cum caelo, & terra sibi concreatis.

Ad 4. Nego consequentiam. Et dico ly *ante tempora secularia*, cadere supra diuinam promissionem, de nobis danda vita æterna, non autem supra eius actua- lem collationem, ut exponit Aug. 12. de ciuit. c. 16. Quamuis enim promissio fiat alteri, non tamen est necesse, ut promissarius actu existat in se, sed satis est quod existat obiectiuè in mente promittentis. Sicut enim terreni principes promittunt suis amicis feuda, etiam possidenda ab eorum filiis nascituris; ita Deus futuris Angelis, & hominibus promittit vitam æternam.

Neque obstat, quod idem Apostolus 2. ad Timoth. c. 1. dicat, *secundum gratiam, quæ data est, ante tempora secularia*, ubi fit mentio de actuali collatione. Nam si totus afferatur textus, suo pondere ruit argumentum. Siquidem dicitur, *secundum propositum suum, & gratiam, quæ data est nobis in Christo Iesu, ante tempora secularia*. Nos autem non eramus ante tempora secularia. Ergo si Apostolus loquitur de gratia nobis collata, debet exponi de collatione, statuta in Dei proposito, pro nobis tunc existentibus in eius mente, secundum solam præsen-
tiali.

De Angelorum creatione. 151
tialitatem aternitatis. Et idem dico de
Angelis.

ARTICVLVS III.

An Angeli sint creati in cælo empyreo?

Videntur non fuisse creati in illo.
Primò quia Aug. lib. 3. super Ge-
nesi. ad litt. c. 10. ut videre est in 3. tomo,
putauit, Angelos fuisse creatos in supre-
ma regione aeris, cui adhæret Rupertus
lib. 1. in Genes. c. 11. Nec videtur dis-
sentire Hyeronimus, qui commentans
caput 14. Isaia inquit, si *Angelus erat in*
cælo positus, quomodo dixit ascendam in
cælum? Et soluit questionem dicens, cum
esset in cælo, idest in firmamento, in cælum,
vbi solium Dei est, cupiebat ascendere.
Hinc Suarius arripuit occasionem dicen-
di, Angelos fuisse creatos in cælo syde-
reo, quod dicitur firmamentum, ut docet
lib. 1. de Angelis c. 4. Ergo non fuerunt
creati in empyreo.

Confirmatur, si omnes Angeli fuissent
in empyreo creati, non potuisset Luci-
fer cum suis asseclis optare ascensum ad
illud, ut dicitur Isaia 14. *In cælum con-*
scendam, super astra Dei exaltabo solium
meum, sedebo in monte testamenti, in la-
teribus Aquilonis. Ascendam super alti-
tudinem nubium, similis ero Altissimo. Er-
go probabilissimum est, omnes fuisse

creatos in cælo aliquo inferiori, ex quo fuerint deiectioni præuaricatores, & euecti fideles ad empyreum.

2. Non fuit decens, quòd labes peccati appareret in empyreo sede beatitatis, in qua nihil coinquinatum admittitur. Ergo sicut Adam fuit creatus extra paradysum voluptatis, ita & Angeli extra empyreum.

3. Angeli sunt substantiæ omninò immateriales, & incorporeæ, ut supra probauimus disp. 1. ar. 3. Ergo non debuerunt fieri in cælo aliquo materiali, sicut est empyreum; nè dicamus, ab illo pendisse, saltem in fieri, sed extra omnem corpulentam substantiam.

Conclusio, *Angeli fuerunt creati in cælo empyreo*. Ita D. Tho. q. 61. ar. 4. cui concinit Egidius in proem. secundæ dist. sub finem ex Magistro inquiring. *Primo inquit, ubi facti fuerint Angeli, & ostendit quod fuerant facti in cælo. Secundo inquit, cuiusmodi fuerit illud cælum, dicens quòd non fuerit firmamentum, sed empyreum. Quare de hoc non instituit quæstionem sub proprijs terminis, sed transit ad agendum de ipso empyreo.*

Probat 1. Cùm Angeli præsideant mundo corporeo, conuenientissimum fuit, quòd in supremo cælo, tamquam in parte nobilissima crearentur. Et ideo ait Strabus super caput 1. Gen. *Cælum non visibile*

sibile firmamentum hic appellat, sed empyreum, quod statim factum, Angelis est repletum. 2. Dicitur Lucæ 10. sub medium, Videbam Satanam tamquam fulgur de calo cadentem. Hoc autem celum fuisse empyreum testantur Magister in 2. d. 2. lit. F, Strabus, Beda, D. Thomas, & communiter alij. Cum ergo Satanas non potuerit cadere, nisi ex loco, in quo fuit creatus, eius creatio facta fuit in empyreo. 3. Dicitur in ep. cathol. Iudæ sub in. Angelos verò, qui non seruauerunt suum principatum, sed dereliquerunt suum domicilium, in iudicium magni diei, vinculis æternis sub caligine reseruauit. Sed Angeli non habebant suum principatum, & domicilium, nisi in empyreo, quod sicut fuit præparatum pro hominibus iustis, ut dicitur Matth. 25. Venite benedicti, possidete regnum, vobis paratum à constitutione mundi, multò magis pro Angelis, quorum solas ruinas reparant homines. Ergo si illud dereliquerunt, iam possidebant. Et ideo Egid. in 2. p. p. d. 2. q. 2. ar. 4. dub. 4. ait, Lucifer cecidit de triplici celo, videlicet de celo, quod ornabat, & hoc fuit empyreum; de calo à quo ornabatur, & hoc fuit calum gratiæ, si fuit creatus in gratia, vel innocentie, quia fuit creatus innocens: & de calo, in quod volebat ascendere, & hoc fuit calum diuinitatis, in quo quamuis non fuerit, quia diuinam essentiam non vidit,

tamen fuisset, si non peccasset, non quidem per naturam, sed per gratiam. Et ideo propriè de hoc non cecidit secundum realitatem, quia numquam fuit possessum, sed cecidit de spe, & ordinatione ad illud.

Dices, homo fuit eiectus è paradiso, in quo non fuit creatus. Ergo etiam Angelus potuit deijci ex empyreo, quamvis non fuerit in illo creatus.

Nego consequentiam. Disparitas est, quia (ut docet D. Tho. q. 102. ad 1.) Em-pyreum fuit locus congruus naturæ angelicæ, & ideo illi naturaliter debitum. Paradisus autem non debebatur naturæ humanæ. Atque adeo quia fuit Adam in illo positus tamquam in palæstra, ad ostendendam suam fidelitatem, cum in illo defecerit, meruit deiectionem ab illo, & reditum ad locum proprium. Angelus autem quia non habuit locum proprium suæ creationis, nisi empyreum, cum in illo defecerit, ab illo deiectus fuit.

Ad 1. Nego consequentiam. Ad auctoritatem Augustini respondeo primò cum D. Tho. hic q. 61. ar. 4. ad 2. nomine supremi aeris potuisse Augustinum intelligere supremum cælum, cum quo aer (ut ipse ait) *quamdam convenientiam habet, propter suam subtilitatem, & diaphaneitatem.* Respondeo 2. cum eodem ibidem, Augustini dictum procedere, non de omnibus Angelis, sed solum de ijs, qui peccaverunt,

uerunt, qui secundum quosdam fuerunt de inferioribus ordinibus. Ad quod asserendum præbet fundamentum ipsemet Augustinus, qui loco cit. initio capitis ait, *Etsi demones aerea sunt animalia, quoniam corporum aereorum natura vigent, & propterea morte non dissolvuntur, quia præualet in eis elementum, quod ad faciendum, quam ad patiendum est aptius.* Et infra, *Superior verò pars aeris, propter puram tranquillitatem celo, cui collimitatur, communi pace coniungitur, & eius vocabulo nuncupatur, In qua fortassis parte (in quo obserua quod loquitur dubitanter) fuerunt ante trasgressionem suam trasgressores Angeli, cum principe suo, nunc Diabolo tunc Archangelo; nam nonnulli nostri non eos putant caelestes, vel supercaelestes angelos fuisse, vbi loquitur in sententia aliorum, quamuis illam ut probabilem amplectetur.*

Potest autem hæc opinio suaderi, quia Angeli distribuuntur in tres hierarchias, quarum postrema, utpote cui credita est administratio rerum corruptibilium, probabiliter creata est in suprema aeris regione, ut facilius ex illa ad rerum inferiorum custodiam incumberent. At media, utpote quæ destinata est ad regimen corporum caelestium, probabile est, quod in illis creati fuerint, singuli in singulis corporibus, vel orbibus, ad quorum cu-

ram, vel motum destinabantur. Tertia demum omnium suprema in perfectione, & dignitate, utpote destinata ad immediatum seruitium, & assistentiam ipsius Dei, potuit probabiliter, & condecenter in loco omnium supremo, & perfectissimo creari, quidquid contendat Andreas Lao disp. 310. n. 3299. & 3304.

Ad confirmationem. Nego antecedens ex falso supposito, quòd Lucifer optauerit ascendere ad empyreum. Et dico cum Magistro in 2. d. 2. lit. H. docente, *Ibi celum vocat Dei celsitudinem, cui parificari volebat*; cui subscribunt Egid. & D. Tho. in resp. ad 3. ar. 4. q. 61. quod nomine celi, ad quod volebat ascendere, non intelligebatur empyreum, sed cælum deitatis, ut explicat Egid. vel Sanctæ Trinitatis, ut D. Thomas.

Ad 2. Nego antecedens. Primò quia etiam Adam peccauit in paradiso voluptatis, sibi destinato ut sede naturalis beatitudinis. Deinde quia congruentissimum fuit, quòd militantibus Angelis theatrum illud assignaretur, quod simul esset stimulus ad pugnandum contra rebelles, & premium pro victoria, & econuerso ex quo posset victis pudor suboriri, ob temeritatem, quòd in summa supremi Imperatoris aula tantum facinus auderent, & esset parata pœna, qua ex tanta sublimitate, ad tam vilem infimi loci sedem deturbarentur.

tur . Sicut enim Sol cæno non deturpatur,
ita nec cælum peccato non tolerato , sed
statim expulso denigratur .

Ad 3. Nego consequentiam . Ad cuius
probationem dico cum D. Tho. loc. cit.
ad 1. quod creatio non inducit Angelo
vllam dependentiam à loco , quia potuit
extra illum creari , immò ante omnem lo-
cum corporeum , ut ipse probabiliter opi-
natur . Et ratio est , quia locus nihil influic
ad creationem , Ergo se habet per acci-
dens , & impertinenter ad illam .





DISPUTATIO V.

De Caelo Empyreo.

Vidimus Angelos, saltem perfectiores esse creatos in caelo empyreo. Agendum nunc est de ipso caelo empyreo, ut melius percipiatur locus creationis angelicæ. Quæremus ergo 1. An, & quomodo possit probari eius existentia. 2. An sit corpus ex se lucidum? 3. An influat in hæc inferiora? Et demum an sit sedes beatorum?

ARTICULVS I.

An possit solo lumine naturali indagari existentia caeli empyrei?

Videtur posse, ut contendit aliquis recentior. Primò quia in trac. de visionem disp. 1. ar. 3. & 4. statuimus, posse solo lumine naturali euidenter probari, dari Deum. Deus autem est insensibilis, & infinitus. Ergo multò magis poterit probari, dari empyreum, quod in se est sensibile, & finitum.

2. Ex

2. Ex effectu potest philosophus cognoscere causam. Sed empyreum, ut influens in hæc inferiora, est causa omnium effectuum sublunarium, ut probauimus in 3. de cælo disp. 2. ar. 3. Ergo potest philosophicè indagari.

3. Nullum corpus est inscrutabile à natura. Sed empyreum est corpus. Ergo non est inscrutabile à natura.

Conclusio, *Quamuis possit lumine naturali aliquo modo cognosci, & suaderi cælum empyreum; non tamen potest eius existentia euidenter cognosci, & probari.* Ita Egid. in 2. p. 1. d. 2. q. 2. ar. 3.

Probaturs secunda pars, Primò quia calorum numerus, & magnitudo non potest aliunde ratione naturali probari, quam ex motu, & aspectu, ut dictum est in 3. de cælo disp. 1. ar. 1. Sed Empyreum neque mouetur, neque cadit sub sensum, propter enormem, & ingentem distantiam à terra. Ergo non cadit sub clarum, & euidentem notitiam luminis naturalis; & à fortiori neque potest euidenter probari, eò quia probationes fundentur in cognitione obiecti.

2. Sensus noster non ascendit octauam sphaeram; ut hic docet Egidius. Et asserit rationem, quia tota illa octaua sphaera *spissa est, adeo ut non sit visui peruia. Licet enim non sit in qualibet sui parte æqualiter spissa, in omnibus tamen partibus habet tantam*

tantam spissitudinem, quæ visui obstat. Quia tamen satis communiter admittitur nona sphaera, ideo subdit, *cælum nonum, seu vltimum mobile secundum se, & in se non subiacet sensui, tamen secundum suos effectus sensui subiacet*. Vt autem ostendat quomodo sit sensibile per effectum, subdit, *compertum est per instrumenta astronomica, & per armillas, quod octaua sphaera moveatur diuersis motibus. Et quia vna, & eadem sphaera non posset habere diuersos motus, nisi esset aliqua alia superior, quæ eam giraret, rationabiliter ponitur, quod sit aliqua sphaera supra illam*. Concludit demum de empyreo, quia nec ipsum secundum se subiacet sensui, nec secundum suos effectus sufficienter sensui est subiectum, ideo per rationes necessarias notitiam habere de ipso non est possibile, sed per rationes probabiles inuestigare ipsum esse, non est inconueniens. Aduertendum autem est, Egidium huc supponere, sphaeras celestes esse solum nouem, cum nos in 3. de cælo disp. 1. ar. 1. probauerimus esse undecim.

Probatur prima pars, Primò auctoritate omnium theologorum, & ferè omnium philosophorum nostri temporis, unanimiter assentientium, empyreum esse locum felicitatis, & sedem beatorum, quamuis aliqui discrepent in modo illud admit-
tendi, ut ostendi in 3. de cælo loco nu-

per cit. Ergo quamuis euidenter physice non appareat, tamen esset irrationabile, illud negare, præsertim cum non desint probabiles rationes ad illud admittendū, ut mox patebit.

2. Spectat ad perfectionem uniuerſi, ut si datur aliquod cælum, quod mouetur, & non mouet, ut est cælum lunæ, & aliud, quod mouet, & mouetur, ut sunt omnes medijs cum primo mobili, detur etiam aliud, quod solum moueat, & nullatenus moueatur. Sed hoc est empyreum. Ergo datur. Maior patet ex 7. phys. t. 37. & 41. & 12. met. t. 35. ex cuius veritate probat Philosophus, dari Deum, qui sit ultimus in ordine causarum, ad euitandum processum infinitum. Quamuis enim in 7. phys. disp. 1. ar. 2. dixerimus, esse possibilem processum infinitum causarum subordinatarum, tamen quia diximus, illum de facto non dari, in ordine de facto remanet in suo vigore principium illud. Neque obstat, quod ibidem probauerimus art. 1. non esse verum aliud principium, *quidquid mouetur, ab alio mouetur*. Siquidem ibi illud exclusimus, ut procedens ex physica necessitate; & ideo non est uniuerſaliter verum; hic autem illud admittimus ex congruentia subordinationis celestium corporum, dando illi solum topicam veritatem, & in hac materia particulari. Minor probatur, nam
omnes

omnes alij cæli supra Lunam, mouentur, & mouent, & nullum est omninò imobile, neque ipsum primum mobile, vt probatum est 3. de cælo disp. 1. ar. 1. in quo probauimus, illud moueri duplici motu tractionis, & uno proprio, nempe ab occasu ad ortum à cælo chrySTALLINO, ab ortu ad occasum à primo mobili, & motu trepidationis, qui est proprius motus.

3. Omnis motus fundatur in aliquo immobili, ut docet August. lib. 8. super Genes. ad litt. c. 1. *Nam non mouetur digitus (inquit) nisi sit fixa palma: sic non mouetur palma, nisi fixo articulo cubiti: nec cubitus, nisi fixo articulo humeri &c.* Ex quibus concludit Egidius, *Vltimum ergo cælum motum, præsupponit immobile, quod est empyreum.* Cætera vide in 3. de cælo loco citato, ubi probatur cælos esse undecim.

Ad 1. Nego consequentiam. Disparitas est, quia Deus est causa prima uniuersalis, necessaria, & infinite perfecta, & ideo non potest admittere defectum existentiz, quæ inuoluitur in eius conceptu formali quidditatiuo. Empyreum autem non est huiusmodi; & ideo potest concipi ut non existens.

Ad 2. Distinguo minorem, est euidēs, & à priori probatum, empyreum esse causam, & influere in hæc inferiora, nego: est obscurum, & solum potest à posteriori

ri aliquo modo hoc probari, sicut nos conati sumus probare in 3. de cælo disp. 2. ar. 3. concl. 4. & multò plura dicentur inferius, concedo minorem. Et distinguo consequens, potest philosophicè aliquo modo indagari, concedo: distinctè, & clarè, nego consequentiam. Neque obstat, quòd possimus ex effectibus Angelos indagare, ut supra ostendimus. Nam (ut docet Egid. hic in resp. ad 3.) Non valet quòd si per rationem naturalem investigare possumus substantias separatas per suos effectus, quòd similiter naturalis rationis ductu per effectum illius cæli (nempe empyrei) possimus arguere illud esse, cum potius supponendo illud cælum esse, arguamus eius effectus.

Ad 3. Nego maiorem, cum multa sint in visceribus terræ, & maris, quorum notitiam tot sæculorum decursu indagare nequiuimus. Quantò magis illa, quæ sunt supra primum mobile, quod est ultimus terminus naturalis cognitionis, quæ cum originem trahat à sensibus, quò non peruenit sensus, peruenire non potest? Et ideo in 3. de cælo disp. 1. ar. 8. ad 1. diximus, empyreum esse potius nobis intelligibile, quàm sensibile, cum solo intellectu à nobis cognosci possit.

ARTICVLVS II.

An Empyreum sit corpus lucidum?

Videtur 1. non esse corpus. Primò quia omne corpus est mobile, ut habetur in 6. Phyl. t. 32. & 48. & 4. met. t. 6. & nos admissimus in 1. phyl. Sed empyreum non est mobile, ut nos docuimus in 3. de celo disp. 1. art. 8. Ergo non est corpus. 2. Empyreum est supra ultimum mobile. Sed ibi nullum est corpus, ut habetur ex 1. de celo t. 100. & 2. t. 27. Ergo non est corpus.

2. Videtur non esse lucidum. Primò quia à nobis videretur, quod repugnat experientia. 2. Quia probauimus in 3. de celo disp. 1. art. 9. non esse diaphanum. Ergo non possumus hic absque contradictione oppositum propugnare.

Conclusio, Empyreum est corpus materiale lucidissimum, secundum partes interiores, non tamen secundum extimas superficies.

Celum hoc esse opacum, quoad concavam extimam superficiem, qua tangit primum mobile, sufficienter probatum fuit in 3. de celo disp. 1. ar. 9. Ergo non est quod aliquid addamus.

Quòd sit etiam opacum quoad ultimam extimam superficiem, quam ibidem ar. 8.

pro-

probauimus else quadratam , facile probamus, Primò quia tali opacitate eius interior lux, ex repercussu superficiei intenditur , & geminatur , quod valde conducit ad concinnitatem cælestis curiæ . Deinde quia hoc modo species visibiles reflectuntur inferius ad oculos beatorum , unde eorum visio intenditur , quæ aliter esset interminata , & subinde valde confusa, & imperfecta. Ergo conueniens fuit, quòd fons ille luminis, destinatus ad beatorum felicitatem, circumquaque opaco veluti syrmate, instar corticis tegeretur. Sola ergo superest probanda prima pars, quòd sit corpus intrinsecus pellucidum, instar speculi . Hoc autem .

Probatur 1. cum Egidio hic in resol. dub. 1. ar. 2. qu. 2. Dicitur empyreum, non ab igne, seu calore (aliter esset instar fornacis, simile tartaro , aptius ad torquenda, quàm ad beanda corpora beatorum) sed à splendore , ut communiter Doctores interpretantur , sicut cælum crySTALLINUM dictum est, non à frigiditate, sed à diaphaneitate : Sed splendor , & diaphaneitas non conueniunt, nisi corpori. Ergo est corpus pellucidum.

2. Media debent proportionari suo fini. Sed finis empyrei est, ut sit sedes æternæ felicitatis . Ergo debet esse corpus aptum ad talem finem . Atque adeo cum etiam corpora , post finale iudicium, sint
do-

donanda beatitudine , ut probauimus in
 trac. de beat. disp. 13. ar. 5. & huiusmo-
 di corpora sint habitura dotes gloriosas ,
 & inter alias etiam claritatem , ut ibid.
 probauimus disp. 8. ar. 5. congruum fuit,
 ut etiam ipsum sit lucidum , ut undequa-
 que beatissima illa lux ditescat, & augea-
 tur , præsertim cum nullum sit ibi pericu-
 lum, quòd tanto splendore beatorum pu-
 pillæ perstringantur , dum ad hoc erunt
 glorificandæ, ut veluti Aquilæ grandes ,
 inexhausto tot corporum lucidissimo-
 rum fulgoribus perfruantur , ut docet
 hic D. Thom. q. 66. ar. 3.

Hæc tamen ratio non placet Egidio
 hic qu. 2. art. 1. dicenti , *Non est necessa-
 rium, Angelos, vel animas beatas esse in
 celo aliquo corporali ; nam & latroni di-
 ctum fuit à Christo, ut Aug. 12. super Gen.
 recitat, hodie mecum eris in paradiso. Fuit
 enim in illo die anima illius latronis bea-
 ta , & vidit Deum per essentiam , non ta-
 men fuit illo die in celo isto corporali . Et
 angeli, qui sunt hic inferius ad nostram cu-
 stodiam deputati , semper vident faciem
 Patris, qui in cælis est .*

Sed vt verum fatear , hæc impugnatio
 non subsistit. Et ratio est, quia argumen-
 tum procedit de empyreo , in ordine ad
 corpora beata . Et Egidius ostendit , il-
 lud non esse necessarium ad Angelos , &
 animas s; paratas, quod non facit ad rem.

Ne.

Neque potest se subducere, intelligendo nomine empyrei beatitudinem formalem, vt subdit inferius. Nam hoc modo non sumitur empyreum, cum quaeritur, an sit corpus lucidum? sed sumitur prout est locus beatitudinis, continens nunc angelos, & animas, recepturus post iudicium etiam corpora.

Multò minus valet quod subdit, ad adstruendam congruentiam empyrei corporeitatis tali pacto, *Congruum est quòd totum vniuersum sit vnum, & connexum, & quòd partes principales eius sint connexæ; alioquin vniuersum esset diffutum, si corporalia, & spiritualia non essent coniuncta.* Non esset autem congruum, quòd substantiæ spirituali connectatur substantia corporalis infima, seu media. Ergo concludit, quòd debeat connecti ipsum empyreum, tamquam corporum nobilissimum, quod confirmat ex Aug. *x 2. de ciu. cap. 1. quòd cælum sit vna ciuitas Dei, cuius ciues sunt angeli, & homines beati, sicut infernus est ciuitas Diaboli, cuius ciues sunt dæmones, & homines damnati.* Nam hic discursus petit principium; neque enim probat, sed supponit, empyreum esse corpus nobilissimum, quod non supposito, ex congruitate connexionis corporalium cum spiritualibus, non equitur, quòd empyreum sit immediate connexum cum substantijs purè spiritibus.

Pro-

Probatur 3. Omne corpus dùm mouetur, debet esse in loco. Locus autem corporis non potest esse, nisi corpus, ut probauimus in 4. phys. Ergo debet esse in aliquo corpore continente. Sed primum mobile mouetur localiter, saltem secundum partes. Ergo est in loco corporeo. Cùm ergo supra illud non sit, nisi empyreum, hoc est corpus, à quo continetur, tamquam à loco, quod esse ex se lucidissimum, probauimus in 3. de celo disp. 3. ar. 1. concl. 3.

Ad 1. Nego minorem. Quamuis enim empyreum, ratione ultimæ superficiei quadratæ, sit de facto à Deo destinatum ad æternam quietem, ut diximus in loco citato, non tamen amisit suam mobilitatem, ratione cuius possit à Deo alio transferri, vel in gyrum moueri, sicut alię spherę. Dicitur ergo immobile, non quia moueri non possit, sed quia numquam mouebitur.

Ad 2. Nego minorem. Ad auctoritatem Philosophi dico, illum in hoc errasse. Nec mirum, quia cùm empyreum non possit apparere solo lumine naturali, ut probauimus ar. 1. illud Philosophus non agnouit.

Ad 3. Nego sequelam. Et dico, empyreum à nobis non videri, non quia cælum chrySTALLINUM intermedium, ratione suę densitatis impediatur visum, quod Egidius
hic

nic in resol. 1. dub. ar. 2. sub med. tribuit
firmamento; nam hos cælos esse ex se pel-
lucidos, raros, immò & lucidissimos pro-
bauimus in 3. de cælo disp. 3. ar. 1. concl.

3. Ergo non sunt ex se apti ad terminan-
dam ultimatè nostram visionem. Neque
ratione improprietatis, quam habet no-
ster oculus ad tantam lucem, ut alij opi-
nantur. Nam cum illa lux sit naturalis, &
tot corporum intermediarum qualitati-
bus refracta, nulla est ratio, cur saltem
medio microscopio, vel alio instrumento
non appareret; vel saltem cur noctis tene-
bras non fugaret. Neque ratione ingen-
tis distantie, ut alij dixerunt. Quamuis enim
esset duplo maior, adhuc non sufficeret
ad occultandum empyreum. Et ratio est,
quia cum corpus eò sit visibilis, quo
maius, excessus in distantia supra stellas,
excessu magnitudinis compensatur. Ergo
si videntur stelle, cur ipsum non videre-
tur? Neque propter subtractionem diui-
ni concursus ad huiusmodi visionem, ut
alij asserunt. Hoc enim sicut gratis dici-
tur ad tuendum positum, cum nulla sit ra-
tio, cur Deus faciat hoc perpetuum mi-
raculum, ita rationabiliter negatur. Ne-
que demum quia empyreum est totum
pellucidum forinsecus, & intrinsecus, ut
docet D. Tho. in 2. d. 2. q. 2. ar. 2. & 1.
p. q. 66. ar. 3. & ideo ex defectu densitatis
necessariè ad amittendum splendorem, &

H ad

ad visum terminandum, videri non posse. Cum enim nos statuerimus oppositum in 3. de celo disp. 1. ar. 9. hæc ratio non subsistit. Præterquamquod alij orbes sunt pellucidi, & videntur.

Dicendum ergo est, empyreum à nobis non videri, quia licet sit pellucidum, tamen habet extimam superficiem opacam, ut probauimus loco nuper citato. Ergo ad summum posset oculus, medio microscopio, vel tubo optico, pertingere ad talem superficiem concavam, qua cum primo mobili continuatur, non tamen ad ipsum celum penetrare. Sicut enim in templo Salomonis, tabernaculum intrinsecus lucidissimum, extrinsecus velò quodam opaco, ab oculis eripiebatur, ita & empyreum per illud expressum, ut docet Angelicus 1. 2. q. 102. ar. 4. opaca superficie occultatur.

Vnde patet solutio ad 4. Siquidem in loc. cit. non diximus, totum empyreum esse opacum, sed solum quoad extimam superficiem.

ARTICVLVS III.

*An empyreum influat in corpora
sublunaria?*

Videtur non influere. Primò quia omne corpus agit per motum. Sed
empy.

empyreum non mouetur . Ergo non agit .
 2. Empyreum ordinatur ad statum glorię.
 Ergo non debet ordinari ad statum gene-
 rationum . 3. Omne agens in agendo re-
 patitur . Ergo si Empyreum ageret in sub-
 lunaria , ab illis repateretur , quod est ab-
 surdum .

Conclusio, *Empyreum influit in corpora
 sublunaria* . Ita D. Tho. 1. p. q. 66. ar. 3.
 Egid. in 2. q. 2. ar. 4. Argentinas ibid.
 dub. 1. Albertus Magnus, Durandus ,
 Suarius, & alij, quos recensuimus in 3. de
 cælo disp. 2. ar. 3. concl. 4. ubi hanc opi-
 nionem propugnauimus . Neque obstat
 quòd D. Thomas in 2. d. 2. q. 2. ar. 3. op-
 positum docuerit . Nam quodlit. 4. q. 2.
 ar. 19. suum dictum retractans , apertissi-
 mè fatetur , à se re meliùs considerata, fuis-
 se relictam priorem opinionem .

Probatur 1. Si Empyreum non influe-
 ret in hæc inferiora , non connecteretur
 cum alijs corporibus , adeoque non con-
 ferret ad pulchritudinem , & concinnita-
 tem vniuersi , quæ sita est , non solum in si-
 metria partium, sed etiam in connexionem,
 & subordinationem, ita ut imperfectius sub-
 datur perfectiori . Non subderetur autem ,
 nisi acciperet aliquod ab illo, videlicet in-
 fluentiam, docente Augustino 3. de Trin.
 c. 4. *Sub ipso Creatore , creaturæ mirabili-
 ter disponuntur , quia corpora inferiora per
 subtiliora , & potentiora quodam ordine re-*

guntur. Ergo quia communiter empyreum recensetur inter partes uniuersi, dicendum est, quod influat immediatè in primum mobile, & deinde per illud mediatè in omnes alios cælos, & tandem illis mediantibus, in omnes regiones sublunares.

2. Secundùm Dyonisium, & Damascenum (ut docet Egid. loc. cit.) uniuersaliter in omnibus rebus reperiuntur substantia, virtus, & operatio. Cum ergo empyreum non possit habere actionem in spiritum, nec in seipsum, debet illam habere in alia corpora; aliter esset destitutum propria actione, quod vergeret in magnam imperfectionem ipsius, & uniuersi. Quid sit autem futurum post finale iudicium, cum cessabit generatio, Egidius non determinat, sed solùm, inquit, quod *tunc immutabitur iste ordo. Nunc autem quamdiù iste ordo durat, non est corpus, quod non habeat operationem in aliud corpus.*

3. Corporum connexio consistit in hoc, quod se inuicem tangant, vel secundùm suppositi superficiem, vel secundùm virtutem. Sed primus contactus, cum sit tenuis, & imperfectus, non potest constituere connexionem aliquam, sufficientem ad faciendum totum per se, sed solùm totum per accidens. Ergo cum mundus sit totum per se, saltem quoad partes principales, debent illæ se inuicem tangere per virtutem. Non possunt autem virtute se
tan-

tangere , ita ut inferiora agant in superiora , quod esset ordinis inuersio , & corruptio . Ergo ita se tangunt , ut superiora agant in inferiora . Cum ergo Empyreum sit omnium supremum , agit in omnia alia .

Ad 1. Distinguo maiorem , omne corpus agit per motum ipsius agentis , nego : vel ipsius , vel passi , concedo maiorem . Cum enim passum possit per sui motum applicari agenti , hæc applicatio sufficit ad recipiendam illius impressionem . Et sic videmus quòd magnes immotus trahit ferrum , & terra immota producit herbas . Immo ar. 1. probauimus , omnem motum fundari in aliquo immobili .

Ad 2. Nego consequentiam . Nam (ut docet Egid. hic in resp. ad 3.) *ideo fit generatio , & corruptio in rebus , ut impleatur numerus electorum , & ut sic perueniatur ad statum gloriæ . Influentia ergo in hæc inferiora , ordinata est ad statum gloriæ .* Præterquamquòd cum influere in subluaria , non impediatur , quò minus empyreum sit sedes beatorum , immò reddit illud aptius ad talem finem , propter operationis dignitatem , potuit simul à Deo ad utrumque ordinari , quamuis eius influxus non promoueret numerum beatorum .

Ad 3. Dico , reactionem non dari , nisi inter contraria , ut probauimus in 1. de gener. disp. 5. ar. 8. Quia ergo empy-

reum non est contrarium corporibus inferioribus, ideo non debet ab illis repati, ut videmus in Sole, & astris.

Quæres 1. An Beati, resumptis corporibus, possint in empyreo loqui ad inuicem, cum ibi non sit aer sonum propagans, & vehens ad aures?

Egidius in 2. p. 1. d. 2. q. 2. in resol. dub. 2. ar. 2. Respondet, quòd Beati habebunt in gutture aerem innatum, sicut habemus in aure. Sed hæc responsio non subsistit, quia hic aer cum sit in faucibus, iuvat quidem ad edendum sonum, non tamen potest illum ad aures aliorum vehere, qui proinde illum non audient. Dico ergo quod licet ibi non sit aer elementaris, tamen est alius aer purior, & defæcator, vel aliud corpus tenuissimum æquiualens, quod iuvet ad vehendas species, & sonum, ut alibi probauimus.

Quæres 2. cur Empyreum cum sit corpus, dicatur intellectuale? Respondeo dici tale, Primò quia non est cognoscibile per sensum, sed per intellectum, ut dictum est. 2. Quia eius influxus non est sensibilis. 3. Quia ornatur Angelis, qui dicuntur astra intellectualia. Et demum quia est destinatum ad hominum, & Angelorum beatitudinem, quæ potissimum consistit in operatione intellectus.



DISPUTATIO VI.

De ævo Angelico .

QUamuis de hac materia non pauca dixerimus lib. 4. phys. disp. 3. ar. 16. tamen placet hic reliqua subnectere ; ut exactam de illa notitiam habeamus. Queremus ergo 1. An sit vnum ævum , quod sit omnium æviternorum mensura ? 2. An distinguatur à tempore , & æternitate ? 3. An sit idem cum esse æviternorum ? 4. An habeat aliquam successionem ?

ARTICVLVS I.

An detur vnum ævum , quod sit omnium æviternorum mensura ?

VIdetur dari , ut opinantur Bannes , & Nazarius , quorum primus illud dicit esse in Lucifero , & postremus in anima Christi , ut refert Pererius lib. 12. de princ. rer. nat. c. 14. Fundamenta possunt esse .

1. Quia anima Christi est maximum æviternum , secundum gratiam , & Lucifer secundum naturam , posito quòd sit

supremus Angelorum, ut plures autem-
mant. Cum ergo tam illa perseveret in-
celitudine gratiæ, & hic perfectionis na-
turalis, in alterutro est ævum, quo men-
surantur omnia æterna.

2. Datur unum tempus, nempe motus
primi mobilis, quod est mensura omnium
temporum. Ergo debet dari unum ævum,
quod sit mensura omnium æternorum.

3. Omnia æva reducuntur ad æternita-
tem. Ergo hæc est ævum omnium ævo-
rum mensura. Neque obstat, quod sit
æternis extrinseca; siquidem cum sit im-
possibilis mensura communis intrinseca,
recurrendum est ad extrinsecam.

Prò resolutione, notandum est, nomen
ævi (ut explicat Suar. disp. 50. met. sect.
9. n. 2.) propriè ex usu theologorum su-
mi prò duratione rerum incorruptibili-
um, licèt aliquandò minùs propriè su-
matur prò ipsa æternitate, & aliquando
magis impropriè prò diuturna duratione,
etiam rerum corruptibilium. D. Thomas
1. p. q. 10. ar. 5. in corp. inquit, *ævum*
est medium inter æternitatem, & tempus,
de utroque participans. Quod videtur
coincidere cum eo, quod asserit Egid. q.
1. de mensura angelor. sub in. ubi post-
quam assignavit tempus, ut mensuram re-
rum transmutabilium, & æternitatem ut
mensuram ipsius Dei, ait, *Angeli autem*
tenent modum medium. Ergo non mensu-
rantur

rantur tempore, nec æternitate, sed mensurantur mensura media, quod dicitur æuum, siue æternitas participata. Latiùs tamen videtur accipere æuum in 2. d. 2. q. 1. ar. 2. ubi illud extendit ad omnia spiritualia incorruptibilia, adeoque etiam ad animas rationales; & iuxta hanc latitudinem accipitur hic à nobis.

Conclusio, Quamuis sit assignabile vñ æuum, quod sit mensura extrinseca omnium æuiternorum creatorum, non tamen est assignabile vñ æuum, quod sit mensura omnibus intrinseca. Est expressè Egidij, qui in 2. d. 2. p. 1. q. 1. ar. 2. sub med. inquit, Solus Deus est super omnia habentia esse participatum, & solus ipse non participat esse, sed est ipsum esse. Et sic est vñ æuum omnium æuiternorum, quia est vnus Deus, in quem tamquam in mensuram, & causam reducuntur omnia æuiterna. Quod idem cænties repetit in illo articulo longissimo.

Probatur prima pars cum D. Thoma 1. p. q. 10. ar. 6. Quodlibet mensuratur simplicissimo sui generis, ut habetur 10. met. t. 3. & 4. Sed inter omnia æuiterna, nullum est simplicius Deo. Ergo debent omnia illo mensurari. Præterea nomine æui, vel intelligimus diuinam æternitatem, vel durationem ipsorum æuiternorum creatorum, quæ dicitur æternitas participata? Si primum, verè illa est men-

H s fura

ura omnium durationum, & ad illam reducuntur omnia alia tempora, ut fux probavi in tract. de Deo uno disp. 10. ar. 3. Ergo est æuum omnium æuorum. Quia tamen est intrinseca soli Deo, ideo est quidem mensura intrinseca diuini esse, ut probauimus ibid. ar. 4. non tamen aliorum æuiternorum. Si secundum, cum hæc in æuiternis unitatem non habeat, ut probabimus infra, non potest in ullo ex illis dari æuum, quod sit omnium supremum, & habeat rationem mensuræ intrinsecæ, respectu omnium.

Probatur assumptum (& erit probatio secundæ partis) cum Egid. in 2. p. 1. d. 2. q. 1. ar. 2. in corp. Si æuum aliquod creatum haberet unitatem, ratione cuius posset dici mensura communis omnibus intrinseca, vel hæc unitas desumeretur ex unitate numeri, vel ex unitate materiæ, vel ex unitate subiecti? Sed nihil ex his dici potest. Ergo nullam habet unitatem, nisi singularem, ineptam ad intentum. Consequentia est euident, quia unitas singularis non potest esse pluribus intrinseca. Ergo non potest plura intrinsecè mensurare. Maior admittitur ab Aduersarijs. Minor probatur, & primò de unitate numeri, quia numerus non habet rationem mensuræ, secundum considerationem mathematicam, & in abstracto, sed solum physicè, & in concre-

to, ut in numerato existens, sicut docet D. Thomas 1. p. q. 10. ar. 6. Et ratio à priori attertur ab eodem ibid. quia uidelicet mensura debet esse aliquid continuum, numerus autem in abstracto non est continuus, quia decem vlnæ panni (sunt eius verba) continuitatem habent, non ex numero, sed ex numerato. Cum ergo numerus in numerato existens, non sit idem omnium, sed diuersus diuersorum, eò quòd diuersificetur ad diuersitatem numeratorum, non potest esse sufficiens fundamentum ad æuorum unitatem.

Deinde probatur de unitate materiæ, quia æuiterna carent materia, siue sensibili, siue intelligibili, ut docet hic Egid. sub in. ex 8. met. t. 2. 14. & 16. Ergo ex hoc capite, æuum in æuiternis non potest habere unitatem. Demum probatur quoad unitatem subiecti, quia vel loquimur de subiecto immediato, vel de mediato? Si primum, cum hoc aliud non sit, quàm esse, siue existentia æuiternorum, & hæc multiplicetur ad multiplicitem essentialium, quibuscum realiter identificatur, ut probauimus in 1. phys. nullam habet unitatem. Si secundum, cum hoc nihil aliud sit, quàm essentia ipsius æuiterni, & hæc multiplicetur in singulis, à fortiori multò minùs potest ipsi æuo refundere unitatem. Ergo non datur æuum æuorum, quod sit mensura intrinsec

omnium æternorum.

Dices, potest æuum accipere unitatem ex diuina æternitate. Ergo est unum, & non multiplex. Nego antecedens, quia cùm æternitas sit creatis extrinseca, non potest alicui æuo dare unitatem intrinsecam, ratione cuius sit mensura intrinseca omnium aliorum, de quo solo procedit quæstio. Vnde sequitur, quòd neque posset desumere unitatem ex tempore. Vel enim loquimur de motu primi mobilis, qui est tempus extrinsecum; & non potest facere, nisi quòd unum æuum sit mensura extrinseca. Vel de tempore intrinseco; & cùm hoc non mensuret nisi motum, per cuius numerum definitur, ad eius multiplicationem multiplicatur, ut diximus in 4 physicorum.

Ad 1. Nego antecedens. Quamuis enim anima Christi verè occupet primum locum in ordine gratiæ, quia tamen hoc non habet ex se, sed ex gratis data vnione cum Verbo, ideo ex se non habet supremum æuum, quod cùm sit forma physica, appellat perfectionem physicam subiecti, secundum quam anima Christi est inferior Angelo, quem solum superat secundum unionem cum Deo. Quoad Luciferum dico primò, illum non fuisse supremum Angelorum, cùm fuerit victus à Michael Archangelo, quod indicat inferioritatem, unde multi probabiliter opi-

opinantur, illum fuisse unum ex Archangelis, ut supra vidimus. Deinde, esto fuerit primus existentium, non tamen possibile. Ergo non fuit simplicissimus, unde eius æuum fuerit omnium primum. Demum quia æua Christi, & Luciferi sunt alijs extrinseca. Ergo quamuis sint prima, non possunt esse mensura communis omnibus intrinseca.

Ad 2. Primò concedo consequentiam, quæ non probat, nisi quòd sicut datur una mensura extrinseca omnium temporum, ita datur omnium æuorum, quod non facit ad rem. Deinde nego consequentiam. Disparitatem affert Egid. ibid. in resp. ad 3. *Habet æuum aliquam pluralitatem, quam non habet tempus, non ratione suæ simplicitatis, sed ratione diuersitatis subiectorum.* Nam tempus vt in subiecto, est in primo motu; & quia non est, nisi vnus primus motus, non est, nisi vnum tempus. Sed æuum vt in subiecto, est in ipsis æuiternis, & quia sunt multa æuiterna, sunt multa æua.

Ad 3. Concedimus totum, quod non probat intentum, cum quæstio sit de mensura intrinseca, & non de extrinseca.

ARTICULVS II.

An, & quomodo ævum distinguatur ab eternitate, & tempore.

QUAMVIS hanc materiam sufficienter explicuerimus in 4. phys. disp. 3. ar. 16. tamen placet illam iterum ad pensum reuocare, ut numeris omnibus absoluator.

D. Thomas 1. p. q. 10. ar. 5. in corp. ut sustineat, ævum esse medium inter æternitatem, & tempus, docet, eorum differentiam desumi ex eo, quod æternitas est mensura rerum, quæ nec sunt in se mutabiles, nec possunt cum mutabilitate coniungi, cuiusmodi est solus Deus. Tempus est mensura eorum, quæ non solum possunt cum mutatione coniungi, sed quæ intrinsecè sunt mutabilia, & de facto mutantur, ut sunt omnia corruptibilia. Ævum autem est mensura eorum, quæ intrinsecè non sunt mutabilia, tamen vel habent, vel saltem possunt habere mutationem coniunctam, cuiusmodi sunt corpora cælestia, quorum esse substantiale est quidem intransmutabile, mutabilitate intrinseca, tamen est transmutabile mutabilitate extrinseca, videlicet secundum locum, quem possunt mutare: & Angeli, qui quamvis intrinsecè sint intransmutabiles, possunt mutari secundum electionem,

ctionem, intellectionem, locum &c. Unde infert, quòd *tempus* habet prius, & posterius: *æuum* non habet in se prius, & posterius, sed ei coniungi possunt: *aternitas* autem neque habet prius, neque posterius, neque ea compatitur, ut inquit in fine corporis.

Alij cum Pererio lib. 12. de principijs rerum natural. c. 7. horum diuersitatem assignant ex eo, quòd *aternitas* neque habeat principium, neque finem: *æuum* habeat principium, sed non finem: *tempus* autem principium, & finem. Cum enim hæc sint species durationis ut sic, & hæc sit veluti quantitas temporaria, debent eius species diuidi more quantitatis dimensionum, secundum initium, & finem.

Alij per hoc quod *aternitas* non habeat prius, & posterius: *æuum* habeat prius, & posterius sine innouatione: & *tempus* habeat prius, & posterius cum innouatione, ut videre est penes D. Th. loco supra citato.

Alij cum D. Bonau. in 2. d. 2. ar. 1. q. 3. in ordine ad successionem, & permanentiam, quòd videlicet *aternitas* sit rei permanentis forma permanens: *æuum* sit rei permanentis forma successiua: & *tempus* sit rei successiue forma successiua.

Conclusio, *Aternitas* differt ab æuo per hoc, quòd illa sit tota simul perfecte: *æuum* imperfecte: *tempus* autem non est totum simul.

Pro-

Probatur, & explicatur, *Æternitas* communiter describitur cum Boetio 5. de consol. prosa 6. *Interminabilis vite tota simul, ac perfecta possessio*. Ex hac autem descriptione apparet manifestum discrimen horum trium. Siquidem tempus non est totum simul, sed existit successivè per partes. *Ævum* autem existit quidem totum simul, non tamen perfectè, ut acutè observat Egidius Columna in 1. d. 8. 1. p. princip. 2. q. 2. ar. 1. litt. D. inquit, *ævum non habet esse perfectè, nam habere aliquod perfectè, est habere ipsum totum* (loquendo de totalitate essentiali, & in actu secundo) *quia totum, & perfectum aut idem penitus, aut proximum secundum naturam est*. Ergo differunt essentialiter. Quòd autem *ævum* non sit totum simul perfectè, probatur, quia non est totum simul totalitate essentiali, sed accidentali, quatenus per accidens factum est, & potest annihilari. Ergo non habet in se totalem possessionem interminabilis vite, quæ est propria æternitatis. Immo *neque habet ipsum totum* (ut pergit Egid.) *quia totum quo fruitur, non est suum, sed eius, à quo accepit, & à quo potest ad nihilum redigi*. Et ideo subdit, *Vnde dicitur 4. de Trin. c. 9. vera autem immortalitas, vera incorruptibilitas, vera incommutabilitas ipsa est æternitas*, ut videlicet ostenderet, ad rationem formalem

lem æternitatis non sufficere immortalitatem, resultantem e spiritualitate, incorruptibilitatem resultantem ex indivisibilitate, & simplicitate, & incommutabilitatem resultantem ex permanentia secundum totum, sed potissimum requiri, quod hæc sint vera, hoc est perfecta, & nulli subdita contingentiae, cuiusmodi non habet ævum, quæ tamen quia habet imperfectè, ideo distinguitur à tempore, quod illis omnino caret.

Ex his plura deducit Egidius in 2.d.2. p. 1. q. 1. ar. 5. Primo siquidem comparando ævum cum tempore, quinque assignat differentias, quorum prima sumitur ex parte rei mensurate; nam ævum mensurat esse, & est per se mensura existentium; tempus autem mensurat motum, & est per se mensura mobilium. Cum enim mensura debeat esse omogenea mensurato, non potest tempus, in quo est successio secundum prius, & posterius, mensurare, nisi motum. Ævum autem, quia caret partium successione (ut videbimus) non potest mensurare, nisi substantias spirituales. Secunda sumitur ex parte modi mensurandi, quia videlicet tempus mensurat partem post partem; ævum autem totum simul. Tertia sumitur ex parte ipsius mensuræ, nam ævum est mensura stabilis, quia est totum simul; tempus autem est mensura mobilis,

lis, quia existit per partes. Quarta ex diverso modo existendi, nam totum ævum existit in nunc æui, nihil autem temporis existit in nunc temporis. Et rationem sumit ex Boetio in lib. de æternitate, quia *nunc fluens facit tempus, nunc stans æternitatem*. Quod autem tempus nihil habeat in suo nunc, ita probat Egid. ex Aug. II. confessi. ubi ait, *tempus nihil aliud est, quam distensio. Præsens nullum habet spatium*. Si ergo tempus (arguit Egidius) nihil aliud est, quam distensio, & quoddam spatium, siue quædam mora, cum præsens nullum habeat spatium, & nullam moram, consequens est, quod nihil sit de tempore in præsentis, seu in instanti. Quinta demum sumitur ex parte ipsius instantis, seu nunc, in quo ait fundari tam ævum, quam tempus, quia in ævo non est nisi unum nunc, sed nunquam intelligimus tempus, nisi intelligendo duo nunc; semper enim intelligimus numerum prioris, & posterioris. Contra verò, nunc, quod facit ævum, est quid stans. Ergo non sunt in ævo plura nunc, ne admittantur simul plura stantia, quod est impossibile, posita successione prioris, & posterioris.

Præter has, assignat etiam sextam differentiam, quod videlicet esse temporis facit anima, seu eius consideratio; ad esse autem æui, nihil facit consideratio

ani.

animæ . Sed quia supponit , partes temporis distingui ex se solum in potentia , & reduci ad actualem distinctionem per extrinsecam assignationem animæ , quod ut falsum reiecimus in 6. phys. ideo hoc discrimen non admittimus .

Deinde comparando ævum cum æternitate , tres ponit differentias . Prima est , quia æternitas initium , & finem non habet , duratione , natura , & possibilitate . Non duratione , quia semper fuit , & semper erit . Non natura , quia cum sit causa rerum , licet aliquid creatum fuisset ab æterno , adeoque illi cœvum duratione , tamen æternitas fuisset prior natura . Et idem valet de parte post . Ævum autem licet possit secundum durationem , carere initio , & fine , non tamen potest illis carere natura , & possibilitate . Secunda est , quia æternitas est essentialiter invariabilis , quatenus est metaphysicè indefectibilis ; ævum autem est variabile , quia potest simpliciter destrui . Tertia , quia æternitas essentialiter , & necessario metitur totum , secundum totum , eo quia non possit deficere ab actuali mensuratione diuini esse , quod non conuenit ævo , quod quia potest deficere , potest non metiri esse æuiterni , licet cum illud actu metitur , metiatur secundum totum . Sed hæc differentia coincidit cum secunda .

Ad

Ad 1. Dico, explicationem D. Thomæ (quam tueretur ut optimam Suar. disp. 50. met. sect. 3. n. 9.) esse quidem sufficientem, ad discernenda hæc tria secundum materialia, non autem secundum rationem formalem durationis, cui est omnino per accidens, quod fit in subiecto mutabili, vel immutabili quoad alia prædicata, quæ sunt extra eius rationem formalem. Ergo non adæquat.

Ad 2. Respondeo, quod hæc differentia sit per accidens, quia si æterna semper fuissent, & semper futura essent, adhuc ævum distingueretur ab æternitate, & tempore, ut advertit D. Tho. 1. p. q. 10. ar. 5. Ergo non sufficit.

Ad 3. Dico, vel *ly prius*, & *posterius* referuntur ad ipsum ævum, & sic fieret successivum, adeoque per partem recedentem veteraretur, & per accedentem innouaretur; vel si non fieret successivum essent simul prius, & posterius, adeoque veteratio, & renouatio, quod repugnat. Si verò referantur ad æternum, cum hoc sit intransmutabile, nec est innouabile, nec veterabile; & ideo non possunt ei convenire prius, & posterius, quæ si dicantur convenire, sequitur contradictio. Merito igitur hæc explicatio, ut insufficiens rejicitur à D. Tho. loc. cit. ad 2. & nobis non probatur, quamvis posset castigari, ut probauimus in 4. phys. disp.

disp. 3. ar. 16. ad 4.

Ad 4. Nego suppositum, quod ævum sit forma successiva. Cum enim nos in 4. phys. statuerimus, etiam successivis esse possibilem durationem permanentem, quantò magis permanentibus? Verùm de hoc agemus inferiùs.

A R T I C V L V S III.

An ævum distinguatur ab esse, seu existentia æterni?

Videtur non distingui, ut contendit Egid. in 2. d. 2. q. 1. ar. 4. resol. dub. 3. cum quo sentiunt Suar. Valentia. Vasq. Hurtadus, & plerique recentiores. Primo quia quod primò, & per se mensuratur alio, est idem realiter cum illo. Sed esse æternorum primò, & per se mensuratur quo. Ergo est idem realiter cum illo. Consequentia est evidens. Maior probatur paritate primi mobilis, cuius motus ideo est idem cum suo tempore, quia ab illo mensuratur primò, & per se. Probatur minor, quia (ut ait Egid. loc. cit.) esse æternorum parificatur ævo. Ergo eodem modo extenditur duratiuè, adeòque ab illo primò, & per se mensuratur.

2. Ita se habet ævum ad æterna, sicut tempus ad temporalia. Sed tempus est idem realiter cum temporalibus. Ergo &
ævum

Ævum cum æuiternis. Minor probatur, quia quòd Petrus duret hodie e. g. nihil est, nisi quòd detur tempus hodiernum, & existentia Petri, quibus præcisè positis, absque ullo superaddito, necessario Petrus est hodie. Ergo duratio eius hodierna est idem cum eius existentia.

3. Illa est forma adæquata denominans, qua sola posita, ponitur denominatio, & qua sola sublata, tollitur denominatio. Sed posita præcisè, vel ablata, existentia æuiterni, ut connotante talem durationem extrinsecam, e. g. hodiernam, æuiternum existit hodie. Ergo adæquata forma illud denominans hodie existens, est sola eius existentia, ut connotans tempus hodiernum.

Conclusio, *Omne ævum creatum distinguitur realiter à suo æuiterno, quod proinde non durat per suum esse*.

Probatur I. Quæ sunt indifferentia, ad hoc ut præstent aliquem effectum formalem, vel non, debent per aliquam formam superadditam determinari. Sed omnis Angelus est indifferens, ad hoc ut duret tanto tempore. Ergo debet ab aliqua forma superaddita determinari. Sed forma determinans Angelum ad extensionem duratiuam, est *ævum*. Ergo hoc est illi realiter superadditum. Maior fuit à nobis fusè probata in disp. met. lib. I. disp. 2. ar. 1. Minor probatur, Primò quia
omnis

omnis Angelus contingenter existit . Ergo sicut potuit simpliciter non existere , ita potuit non existere prò tanto tempore ; adeòque fuit indifferens ad utrumque . Sed hæc indifferentia non potuit auferri per esse angeli , quod potuit non dari , vel dari pro alio tempore . Ergo debuit auferri per ævum superadditum , de cuius ratione formali sit determinare angelum , non solum ad esse in tempore , sed etiam ad esse pro tali tempore . Deinde , esse angeli non petit essentialiter fieri hodie , potius , quàm cras . Ergo est indifferens ad hoc ut fiat hodie , vel cras . Sed hanc indifferentiam non haberet , si eius ævum esset suum esse , quia eius esse esset determinativum formale , ad existendum hodie , vel cras . Ergo non est suum esse .

2. Si ævum angeli esset idem cum suo esse , necessariò existeret pro tali , & tanto tempore , nec posset Deus Angelum creare in alio tempore . Sed hoc repugnat , cum Deus in operationibus ad extra nulli tempori alligetur . Ergo non est . Probo sequelam , causa formalis necessariò præstat suum effectum formalem , à quo non distinguitur realiter , ut toties probauimus . Ergo si causa formalis in Michael e. g. existendi hodie , est sola existentia Michaelis , non posset Michael existere , quin existeret hodie . Atque adeo alterutrum necessariò sequeretur , vel quòd per
for-

formam determinantem ad esse hodie ,
 existeret cras , vel quòd cras existere non
 posset . Probo consequentiam , esse , seu
 existentia Angeli realiter non distingui-
 tur ab eius essentia , ut uniuersaliter pro-
 bauimus de omnibus creaturis in 1. phys.
 Ergo si eius existentia est vltimum, & for-
 male determinativum ad esse hodie, à sua
 sola essentia determinatur formaliter ad
 esse hodie . Ergo vel adessendum cras ,
 deberet accipere nouam essentiam, quod
 est impossibile , vel non posset existere
 cras .

Dices , hoc idem sequitur ex æuo rea-
 liter distincto . Siquidem vel deberet va-
 riri assiduò , prò variatione temporis
 extrinseci , quod illi repugnat , vel si fa-
 ciat correspondere tempori hodierno ,
 non poterit facere correspondere crasti-
 no . Atque adeo sicut absque ulla sui va-
 riatione , per solam variationem tempo-
 ris extrinseci , facit correspondere vtri-
 que tempori ; ita facit ævum identifi-
 catum .

Nego sequelam . Et assigno euidentem
 disparitatem . Ævum distinctum est for-
 ma modalis accidentalis , essentialiter
 affixa tali subiecto , quod essentialiter
 determinat ad hunc effectum formalem.
 Nullum autem est absurdum , quòd sub-
 stantia permanens , per modum superad-
 ditum determinetur ad talem effectum
 for.

formalem. Hoc enim non aufert ab illa indifferentiam, & indeterminationem ad alios effectus formales, non quidem formalem, & proximam, sed radicalem, potentem reduci ad actum per alios modos, ad quos retinet potentialitatem, ut patet in ubicatione, unione, actione &c. At admissa identitate ævi cum substantia Angeli, tolleretur potentialitas, & indifferentia radicalis, ita ut neque metaphysicè posset extendi ad alios effectus formales, nempe correspondentia cum alijs temporibus, in quibus proinde creari non posset. Neque obstat, quòd idem ævum distinctum invariaturum faciat correspondere varijs temporibus. Siquidem hoc habet à Deo, à quo sicut accepit simpliciter esse, ita accepit tantum esse, secundum quantitatem duratiuam. Hoc non valet de substantia Angeli, quæ sicut à Deo gratiosè accepit simpliciter esse, quod sibi non debebatur, ita gratiosè accepit hoc ævum, per quod existeret in tali, & tanto tempore, quod sibi non debebatur. Atque adeo sicut potuit accipere aliud ævum, per quod fuerit ab æterno, & aliud, per quod esset futurus post mille annos; ita postquam accepit ævum, per quod dureret mille annos, potest illo priuari, & accipere aliud, per quod dureret solum centum annos, stante perfectâ subiectione à Deo in fieri, & conservari.

Vrgebis , ævum est duratio indivisibilis. Ergo si habeat quantitatem unius anni , non potest intra illum destrui ; aliter faceret correspondere toti anno , & non faceret , quod repugnat .

Nego consequentiam , quam licet ut probabilem admiserimus in 4. phys. disp. 3. ar. 12. concl. 5. tamen placet illam nunc ut falsam reijcere , iuxta doctrinam assertam ibid. concl. 7. ubi docuimus , destruibilitatem durationis indivisibilis posse problematicè propugnari . Quomodo autem posset à Deo destrui , vide in locis citatis .

Ad 1. Nego minorem . Ad cuius probationem nego antecedens . Cum enim esse æternorum sit indifferens , ad hoc , vel illud ævum , nulli determinatè sumpto parificatur .

Ad 2. Nego minorem , cum oppositum statuerimus in 4. phys. disp. 3. ar. 5. Unde retorquetur argumentum .

Ad 3. Nego minorem , cum possit hodie creari angelus , qui haberet existentiam , ut connotantem durationem hesternam , ut præteritam . Ergo per talem connotationem non existeret heri . Quod si dicas , connotationem debere fieri , iuxta conditionem temporis extrinseci , nempe ut præsentis , vel præteriti , iam admittis quod negas , nempe durationem realiter modaliter superadditam . Quid enim

nim est, dari existentiam Angeli, ut connotantem durationem hodiernam ut præsentem, nisi existentiam Angeli esse affectam duratione modali superaddita, ratione cuius determinatur ad denotandam, seu connotandam talem durationem extrinsecam? Si enim ab illa præscindatur, iam remanet indifferens existentia Angeli, ad illam connotandam ut præsentem, vel præteritam, prout ex beneplacito supremi Conditoris, potest creari hodie, vel cras, & potuit creari heri. Ergo à primo ad ultimum, non admissio æui superaddito, sola existentia auit erni, cum qualibet connotatione, non sufficit, ad hoc ut sit causa formalis existendi hodie.

Et ratio à priori est, quia connotatio temporis extrinseci, debet fundari in aliquo, quod sit in ipsa connotante. Hoc autem non potest esse eius existentia nuda sumpta, quia cum hæc sit identificata cum eius essentia, est indifferens ad connotandum hoc, vel illud tempus, prout est indifferens, ad hoc ut ponatur extra causas hoc, vel illo tempore. Ergo debet esse aliqua forma accidentalis illi adueniens, quæ habeat essentialem connectionem, cum tali tempore extrinseco determinatè sumpto, cuiusmodi est solaturatio, seu æuum.

Dices, eo ipso quòd Michael existat

hodie, iam durat essentialiter hodie. Ergo non est illi necessarium ævum superadditum.

Nego consequentiam. Quia existens hodie, dicit aliquid supra existere simpliciter, nempe durationem hodiernam; sicut existere Romæ, dicit ubicationem Romanam, supra essentiam existentis. Ergo negatur in consequenti, quod admittitur in antecedenti. Videantur quæ diximus in 4. phys. disp. 3. ar. 5. ubi probavimus, esse necessariam durationem superadditam; nam æquè probant ævum superadditum.

A R T I C V L V S IV.

An in ævo sit partium successio?

Videtur esse, ut propugnat D. Bonaventura in 2. d. 2. ar. 1. q. 3. Unde docet, ævum distingui à tempore, ac æternitate per hoc quòd æternitas neque intrinsecè sit successiva formaliter, neque obiectivè in mensurato: Tempus sit formaliter successivum in se, & in mensurato: Ævum autem sit quidem formaliter successivum in se, non tamen in mensurato. Unde infert, ævum esse durationem mediam inter æternitatem, & tempus. Ad hoc autem ut salvet in illo rationem mensuræ, supponendo nobiscum, quòd sic distinguatur à duratione, docet, et

sc

angelicum perpetuò fluere à suo principio, non quidem per variationem suarum partium, ut facit riuus à fonte, sed per variationem partium ipsius æui, seu durationis angelicæ. Quam opinionem amplexati sunt plures recentiores, illamque nouissimè illustrauit Martinus de Esparza in tract. de Angelis q. 8. Eorum præcipua fundamenta reducuntur ad hæc.

Primò quia si ævum esset indiuisibile, non distinguerentur in eo esse, fuisse, & futurum esse. Sed hoc est impossibile, eò quia faceret ævum horarium, infinitum utrinque. Ergo ævum non est intrinsecè indiuisibile. Consequentia est evidens, cum duratio horaria non possit esse infinita. Maiorem supponit ex natura durationis indiuisibilis. Minorem probat, impossibile est, id quod fuit, non fuisse: id quod est, non esse: & id, quod futurum est, non esse futurum, in sensu composito cum eius existentia. Sed in duratione indiuisibili, fuisse, & futurum esse identificantur cum presenti, & inuoluuntur in eadem suppositione de presenti. Ergo est impossibile, quòd illa sit de presenti, quin simul sit impossibile, illam non fuisse, & futuram esse. Sed talis duratio includeret semper in suo conceptu formali, fuisse, & futurum esse. Ergo semper fuisset, & esset futura; & per consequens esset infinita secundum extensionem durationem,

tiuum, quamuis esset horaria, quod repugnat.

2. Quòd partim est, & partim non est, habet partes. Sed ævum partim est, & partim non est. Ergo habet partes. Maior patet, quia quod non habet partes, non potest diuidi in esse, & non esse. Minor probatur, quia potest Deus dare ævum Angelo, per quod formaliter determinetur ad esse semper, & post annum illud destruere. In tali casu fuisset per annum & non esset prò tempore consequenti. Ergo partim esset, & partim non esset.

3. Si Michael haberet durationem, per quam indiuisibiliter duraret hodie, & eras, hodie esset eras, quia haberet durationem crastinam, & eras esset hodie, quia haberet durationem hodiernam. Sed hæc sunt absurda. Ergo non habet durationem intrinsecè indiuisibilem.

Conclusio, Quamuis possent Angeli habere durationem intrinsecè successiuam, tamen probabile est, in eorum æuo, quod habuerunt de facto, nullam esse realem partium successionem, sed solum virtualem extrinsecam.

Probatur prima pars. Primò, quia ita se habet duratio indiuisibilis ad substantias diuisibiles, sicut diuisibilis ad indiuisibiles. Sed illæ possunt esse in tempore per durationem permanentem indiuisibilem, ut probauimus in 4. phys. disp.

3. ar. 11. Ergo & hæ per durationem diuisibilem. Probo maiorem, cum non sit minus difficile, quod corpus duret more spiritus, quàm quod spiritus duret more corporis, cum utrobique sit eadem improprio. Deinde anima rationalis, quamuis spiritualis, & indiuisibilis, est in loco diuisibiliter, ut communis fert opinio, & nos probauimus in 1. de anima; aliter non posset moueri in una parte corporis, quod informat, quin moueretur simul in omnibus alijs, quod repugnat experientia. Ergo etiam potest esse in tempore, per durationem diuisibilem; & idem dico de Angelo, cum substantia indiuisibilitas eodem modo exigit proportionari spatio locali, ac temporario.

Dices 1. cum Suar. disp. 50. met. sect. 5. n. 18. Remanentibus ijsdem principijs, non potest sequi diuersus effectus. Sed posito primo instanti durationis angelicæ, remanent eadem causæ, & eadem principia ad secundum. Ergo nulla est ratio, cur non remaneat primum, sed fiat secundum.

Nego maiorem, si procedat de diuersitate numerica, cum identitas causæ interat solum identitatem specificam effectus, non autem numericam, ut patet in actibus intellectus, & voluntatis, in visionibus, tactibus &c. Præterquamquod potest eadem causa diuersimodè se habere,

re, quod sufficit ad diuersificandum effectum.

Dices 2. Duratio Angeli est idem, atque actio creatiua, & conseruatiua illius. Sed hæc nullas habet partes. Ergo neque illa. Probatur minor, quia talis actio nullum habet principium intrinsecum definitionis. Ergo semper eadem inuariabilis permanet, quod non esset, si haberet partes.

In primis transeat minor, quæ procedit de facto, & non de possibili. Et ad eius probationem dico, ex eo quod aliquid non habeat in se principium intrinsecum definitionis, non sequi quod debeat idem inuariabiliter permanere, cum possit extrinsecè deficere. Et ratio est, quia cum pendeat essentialiter à Deo, potest à Deo destitui per solam sui concursus subtractionem. Deinde dico, quod posset Deus creare, & conseruare Angelum per actionem distinctam à duratione ipsius. Ergo de possibili falsa est maior, quia posset angeli duratio esse diuisibilis, licet eius actio conseruatiua esset indiuisibilis, quod non impediret eius extrinsecam corruptibilitatem.

Dices 3. Ævum est spirituale. Ergo nullas potest habere partes.

Respondeo primò negando consequentiam, quia posset Angelus à Deo conseruari per varia instantia indiuisibilia, ita

ut unum succedat alteri, absque ullo medio, in quo casu totum ævum esset diuisibile, licet partes seorsim essent indiuisibiles. Deinde nego antecedens, loquendo de possibili. Sicut enim anima rationalis unitur cum corpore per modum materialein diuisibilem, & recipit motum, aliasque sensationes materiales, cur non posset Angelus, qui torquetur igne materiali, esse in tempore per durationem materialein?

Probatur secunda pars cum Egid. hic q. 1. ar. 4. & fusiùs in qq. de mensura Angel., D. Tho. 1. p. q. 10. ar. 4. & 5. Suar. disp. 50. met. sect. 5. n. 8. & plerisque theologorum. Ævum debet esse mensura omogenea æternorum, secundum ordinem de facto, & seruatis naturæ legibus. Sed successuum non potest esse mensura omogenea permanentium, nec materiale spiritualis, & viceversa. Ergo cum esse Angeli sit indiuisibile, & omnino spirituale, non mensuratur duratione diuisibili, & materiali, sed ævo sibi proportionato, nempe indiuisibili, & spirituali.

Probatur tertia, Potest ævum comparari cum tempore extrinseco essentialiter successiuo. Ergo possumus in illo concipere partes virtuales, ut concipimus in æternitate, ratione quarum æterna successiue locentur, velint, intelligant &c.

docente Egidio q. 7. de mensura angel. Sciendum est, quod prius, & posterius in aliqua mensura, potest esse dupliciter, vel in se, vel in ordine ad aliud. In ordine enim ad aliud, non est inconueniens, etiam in ipsa æternitate assignare prioritatem, & posterioritatem. Habet enim æternitas prioritatem, & posterioritatem, respectu omnium mensurarum. Quia tamen hæc successio non est extra animam taliter concipientem, & comparantem, ideo est virtualis extrinseca ævis, & æuiternis.

Vnde patet responsio ad 1. Siquidem licet in æuo non distinguerentur intrinsecè fuisse, & futurum esse, tamen distinguerentur extrinsecè, per comparationem cum motu primi mobilis. Et ideo bene ait Suar. disp. 50. met. sect. 5. n. 31. In æuo nihil præterit, nihilque de nouo aduenit. Ergo in eo intrinsecè, & secundum propriam existentiam, non est fuisse, seu futurum esse, & per consequens nec simul in eo esse possunt, quia quæ non sunt, quomodo erunt simul? Quando ergo dicitur quod in æuo non distinguantur præsens à præterito, & futuro, solum verificatur negatiuè, & per denominationem extrinsecam, non autem positiuè, & intrinsecè per identitatem, eo modo quo remouentur ab æternitate. Ex quo non sequitur, quod ævum necessariò sit, loquendo de necessitate antecedenti, & simpliciter;

Nam

Nam cum semper fuerit, & perseveret in
esse, dependenter ab alio, semper est
contingens.

Et hinc etiam corrumpit probatio mino-
ris. Cum enim suppositio illa, qua con-
cipimus in ævo fuisse, & futurum esse,
sit opus nostræ rationis ratiocinantis, est
ævo omnino extrinseca. Ergo non potest
illi refundere necessitatem simpliciter exi-
stendi. Implicat enim in terminis, quod
aliquid fiat necessarium necessitate ante-
cedenti, per aliquid consequens ad suum
esse. Cum ergo hæc suppositio consequatur
ad esse ævi, saltem natura, quia in-
tantum à nobis fit, inquantum illud exi-
stet, ideo non potest illi refundere, nisi
necessitatem consequentem.

Dices, si semel ponatur ævum, non
potest à Deo destrui, quia essentialiter
existeret per tantum tempus. Ergo ne-
cessario simpliciter esset futurum.

Negò antecedens, quia posset destrui
secundum totum, ut egregie probat Egid.
q. 7. de mens. angel. Licet enim exigeret
durare in æternum, & verè posset durare,
si conservaretur in esse, quia tamen non
posset hoc præstare, si non existeret, ideo
posset à Deo destrui, à quo posset non
conservari, eo modo quo lux habet for-
maliter illuminare, non tamen illumina-
ret, si non existeret. Et ratio à priori est,
quia huiusmodi prædicata sunt solum se

cundaria, & semper supponunt prædicatum primum fundamentale, videlicet existentiam. Cum ergo existentia per Deum absolutè perire possit, possunt etià impediri hæc prædicata secundaria, ut fusè, & prò dignitate probauimus in 4. phys. disp. 3. ar. 11. ubi ex professo egimus de hoc.

Ad 2. Nego minorem. Ad cuius probationem dico, quod si ævum post annum destruat, destruitur secundum totum, sicut secundum idem totum duravit per illum annum. Ergo non habet partem quæ duravit, ut distinctam ab alia, quæ destruitur.

Ad 3. Nego maiorem, quia cum esse cras, dicat coexistentiam extremorum, quia hodie non datur tempus crastinum, ideo ævum existens hodie, non est cras, ut evidenter loco supra citato probatum est.

Ex dictis infer, in ævo non dari successionem, nisi privativam, seu negativam, quam Egidius vocat secundum totum, quatenus videlicet sicut de non esse, transit ad esse, ita ex esse posset iterum redire ad non esse. Præterea posset etiam habere successionem extrinsecam positivam, quatenus videlicet potest ipsum ævum alteri succedere, vel alterum sibi succedere, saltem per divinam virtutem, ut videre est penes Egid. in 2. d. 2. q. 1. ar. 4.

DI.



DISPUTATIO VII.

De Loco Angelorum.

Absolutis quæstionibus de quo, seu duratione Angelorum, agendum est de eorum loco. Queremus ergo 1. An Angeli sint in loco? 2. Quomodo sint in loco? 3. An possint simul esse in pluribus locis? An plures Angeli possint simul esse in eodem loco? 5. An possint pro libito esse in loco maiori vel minori. Et demum an possint esse in loco punctali, & in alio angelo?

ARTICVLVS PRIMVS.

An verè Angeli sint in loco?

Videntur non esse, ut nonnulli ex veteribus philosophis asseruere, quos suppresso nomine refert, & confutat D. Thomas in 1. d. 37. q. 3. ar. 1. Eorum fundamenta poterant esse, Primò quia vel essent in loco sibi naturali, vel violento? Non primum, quia cum sint substantiæ

stantia omnino immateriales nullum sibi vendicant locum proprium materiale. Aliter cum omnia corpora sint illis improporcionata, non esset maior ratio, cur unum esset illis naturale, & non aliud, & sic essent in omni corpore, quod excedit eorum virtutem, ut videbimus infra. Neque secundum, quia cum nullam recipiant à corporibus impressionē, non possunt ab illis pati violentiam; & ratio est, quia naturale, & violentū appellant commune subiectum. Sed omnis locus adquatē diuiditur in naturalem, & violentum, cum neuter illis conueniat, nullus conuenit.

2. Quod non est in communi tempore, neque est in communi loco, cum locus, & tempus eodem modo afficiant subiectum. Sed Angeli non sunt in communi tempore, ut dictum est supra. Ergo neque in communi loco, & à fortiori neque in loco aliquo particulari sibi debito, cum sit impossibile, aliquod esse in parte, & sit extra totum.

3. Absolutis à situ, & dimensione, nullus debetur locus. Sed Angeli sunt absoluti à situ, & dimensione, quibus subiacent sola quanta. Ergo nullus illis debetur locus, nisi per accidens cum assumunt corpus. Et idem ait Boetius in lib. de hebdom. sub init. *Communis animi conceptio apud sapientes est, incorporalia in loco*

Loco non esse, ut refert D. Tho. q. 52. ar. 1. ubi videtur & ipse inclinare in hanc opinionem, cum ait, Angelum non esse in loco formaliter, neque illo contineri, seu commensurari, sed potius ipsum locum materiale ab Angelo contineri, sicut corpus continetur ab anima, non tamen tamquam à loco, quia non habet superficiem primam corporis, quod in 4. phys. diximus necessarium ad rationem loci formaliter.

4. Philosophus 4. phys. t. 45. & 57. ait, *non omne quod est, est in loco, sed mobile corpus*. Et rationem attulerat t. 19. *Esse in loco, est mensurari, & contineri loco*. Sed Angelus ex defectu quantitatis dimensionis, neque est corpus, neque potest loco mensurari, seu contineri, ut expressè habetur ibid. t. 35. & 49. Ergo non est in ullo loco. Et ideo Dyonis. 1. de div. nom. inquit, *sensibilibus intelligibilia incomprehensibilia sunt*. Cui concinit Damascenus lib. 1. c. 16. *Spiritualis substantia, & incorporea natura ubi est operatur; & non corporaliter continetur, sed intelligibiliter*.

Conclusio, Verè, & realiter Angeli sunt in loco. Est communis inter catholicos, cum Magistro in 1. d. 37. lit. M. & Egid. in 1. d. 37. p. 2. q. 1. Immo Gregorius de Valentia disp. 4. q. 3. puncto 1. ait, hanc conclusionem esse de fide, & D. Tho.

Thomas loc. cit. inquit, oppositam esse hæreticam.

Probatur 1. multiplici loco sacrorum codicum. Nam dicitur Isaie 14. *Quomodo cecidisti de celo Lucifer? Non potuisset autem de celo cadere, nisi prius in illo fuisset. Ergo quia casus est motus de vno ad alium locum, ubi prius Lucifer erat in celo, iuit ad alium locum, nempe in terram, ut dicitur Apoc. 12. Neque locus inuentus est eorum ampliùs in celo: & proiectus est draco in terram, & angeli eius cum eo missi sunt. Quod confirmatur Lucæ 10. Videbam Satanam, tamquam fulgur de celo cadentem.*

2. Nihil, quod est pars vniuersi, est extra uniuersum. Sed omnis creatura est pars uniuersi. Ergo nulla creatura est extra uniuersum. Sed quod non est extra uniuersum, est in aliqua parte uniuersi. Ergo omnis creatura est alicubi. Cum ergo Angelus sit creatura, est in aliquo loco. Prima consequentia est euidentis in *Calarent*. Minor patet, quia uniuersum complectitur omnes creaturas, ut diximus in 1. de celo. Maior probatur, quia totum nihil est aliud, nisi complexum partium, ut probauimus in 1. de generat. Sed est impossibile, quòd aliquid sit extra illud, quod constituit per modum partis intrinsecæ. Ergo est impossibile, quòd aliqua pars uniuersi sit extra uniuersum.

3. An

3. Angeli operantur in corpore, & circa corpora, ut habemus in multis locis uim veteris, cum noui testamenti. Sed non possunt operari in distans, ut probauimus uniuersaliter de omni agente, etiam increato in 1. de gen. disp. 5. ar. 1. & 2. Ergo sunt localiter presentes corporibus, in quibus, & circa quæ operantur. Aliter agens, & passum non essent loco propinqua, quod promoueret actionem indistans.

Ad 1. Nego minorem. Et dico, Angelis conuenire locum naturalem, & violentum. Naturalem, quatenus illum sibi eligunt voluntariè: & violentum, quatenus ad illum coguntur à Deo, ut accidit Diabolo, vel alio Angelo fortiori. Ad absurdum inculcatum, nego sequelam, quia cum naturalitas loci sequatur locati liberam electionem, potest cadere supra unum præelectum, omisis alijs. Vnde cadit secundum absurdum de violentia, quam non patiuntur Angeli à corporibus immediatè, sed ab agente validiore, adhibente corpora ut instrumenta, sicut est ignis respectu Dei Dæmones cruciantis.

Ad 2. noster Gibbo disp. 18. dub. 1. n. x. Negat maiorem assignando disparitatem, nempe Angelos habere proprium tempus superius nostro, videlicet ævum, non tamen proprium locum nostre superioris rem.

rem. Sed hæc est manifesta petitio principij. Cum enim quærat, an Angelus habeat proprium locum, & an sit in loco communi? Respondetur, esse in loco communi, quia non habet proprium locum. Præterea cum dicit, quod habeat proprium tempus, vel loquitur de extrinseco, & est falsum, cum ævum sit Angelo intrinsecum: vel de intrinseco; & sicut habet ævum, ita habet ubi, quod est illi locus intrinsecus, & proprius. Ergo utrobique par ratio. Respondeo igitur negando minorem. Et dico, quod sicut Angelus per locum intrinsecum sibi proprium, correspondet communi loco; ita per ævum, quod est tempus illi proprium, & intrinsecum, correspondet communi tempori, respectu cuius est omnino per accidens, quod talis correspondentia fiat per partes reales realiter successivas, vel per virtuales virtualiter successivas, sicut est per accidens loco communi, quod locatum illi realiter commensuretur per ubi circumscriptivum, ut extensa, vel per definitivum, ut inextensa.

Ad 3. Nego maiorem. Quamvis enim sit difficultas in modo existendi in loco, de quo infra, non tamen est difficultas in re, cum etiam inextensis conveniat aliqua præsentia localis, seu aliquis modus existendi in loco, qui dicitur definitivus. Ad Boetium dico, ab illo solum negari

An.

Angelis commensurabilitatem loci, quæ fit per ubi circumscriptivum, & propriè dicitur præsentia localis, non autem præsentiam metaphysicam, quæ habetur per indistantiam. Et idem dico de D. Thoma. Ad eius dictum, quod potius Angelus, & anima rationalis contineant corpora, quàm ab illis contineantur, hæret animus, quomodo possit haberi ab inextensis continentia actiua corporum, & non passiva, cum utrobique militet eadem ratio. Tota enim difficultas, quæ est in continentia passiva, est ex eo, quòd Angelus careat quantitate, per quam possit ipsi loco commensurari, quod est de essentia continentia passivæ. Sed hæc eadem, & fortasse maior inuenitur in continentia actiua, quæ fieri non potest sine commensurabilitate continentis cum contento; intantum enim vas dicitur aquam continere, inquantum illam extrinsecus commensurat: & ipsa aqua dicitur à vase contineri, quia ab illo commensuratur; vnde in 4. phys. diximus cum Philosopho, quod sicut vas est locus mobilis, ita locus est vas immobile. Ergo vel inextensa possunt corpore contineri, vel neque possunt illud continere.

Ad 4. Patet responsio ex dictis. Siquidem Philosophus expressè loquitur de præsentia locali, facta per partium commensurationem, ut patet ex ipsis textibus
cita.

citatis. Et idem dico de Dionysio. Ad Damascenum dico, illum loqui de sola præsentia physica, quæ cum ab Angelis habeatur per operationem, optimè ait, illos esse in loco intelligibiliter, nempe per operationem intellectus, & voluntatis.

A R T I C V L V S II.

An Angeli sint ubique.

Videntur esse, ut in oppositam partem abiens opinatur Durandus in 1. d. 37. p. 2. q. 1. n. 26. quamvis n. 38. profiteatur, hoc à se non assertivè, sed solum inquisitivè doceri. Et huic opinioni subscribere etiam ex vetustioribus Origenes lib. 1. in Iob sub med. super illud Iob 1. *circuivi terram &c.* & Tertullianus in apolog. c. 22. qui omnes docent, Angelos per suam substantiam immediatè esse præsentés cuicumque loco. Eorum fundamenta sunt.

1. Si Angelus esset in uno tantum loco, maxime in loco sibi æquali. Sed cum Angelus sit spiritus, nullus locus est illi æqualis. Ergo non est in uno solo loco, sed ubique. Probatür maior, Si Angelus esset solum in loco sibi æquali, hoc esset ex limitatione suæ essentia, sicut corpus est semper ob suam limitationem, in loco sibi æquali dimensivè. Sed hoc est absurdum.

fursum, quia necessariò semper esset in loco sibi æquali, nec posset esse in maiori, vel minori, cuius oppositum statuerimus inferius. Ergo non in loco sibi æquali. Probatur minor, quia æqualitas, vel inæqualitas sunt affectiones quantitatis. Ergo non conueniunt inextentis.

2. Ibi est Angelus, ubi potest operari. Cum enim non detur, vel sit possibilis actio in distans, existentia in loco præexigitur ad operari. Sed Angelus potest operari in omni loco. Ergo est simul in omnibus locis.

3. Determinatio ad locum habetur à situ, & quantitate. Sed Angeli neutrum habent. Ergo nullam habent determinationem ad locum, adeòque sunt in omni loco.

Conclusio, *Angeli non sunt ubique, sed singuli sunt in singulis locis determinatis, maioribus, vel minoribus, prout sunt magis, vel minus perfecti.* Est communis, & opposita opinio rejicitur ut falsa, & temeria à Valentia disp. 4. q. 3. p. 2.

Probatur 1. Quod est ubique, moueri non potest. Sed Angeli mouentur ex uno ad alium locum. Ergo non sunt ubique. Consequentia est euidens. Maior patet ex dictis in 3. phys. Nam *motus est actus entis in potentia prout in potentia*; adeòque necessariò dicit priuationem existentie in eo loco, ad quem fit; nihil enim dici-

dicatur moueri ad locum, in quo actu est. Et ideo quia Deus est ubique, moueri non potest. Minor probatur sexcentis locis sacrorum codicum, ut Tobia 12. ait Angelus Raphael, *Et nunc misit me Dominus, ut curarem te.* Et infra, *Tempus est, ut reuertar ad eum, qui me misit.* Et Iob 1. Dixit Satan Domino *circuiui terram, & perambulauit eam:* Et Luca 1. *Misus est Angelus Gabriel à Deo in ciuitatem Galileæ, cui nomen Nazareth: & Io. 5. Angelus Domini descendebat de cælo, & mouebatur aqua:* Et Act. 12. *Nunc scio verè quia misit Dominus Angelum suum, & eripuit me de manu Herodis &c.*

2. Esse vbique, est prædicatum proprium solius Dei, quod vocamus immensitatem. Ergo non conuenit Angelis. Quamuis enim in 4. phys. & in tract. de Deo uno disp. 7. ar. 3. statutum sit à nobis, ubiquitatem posse à Deo communicari creaturæ, non tamen de facto fuit communicata, ut docent Riccardus, Hieronimus, Damascenus, Ambrosius, Augustinus, & omnes communiter Patres. Si enim alicui creaturæ fuisset communicata, maximè humanitati unitæ hypostaticè immensitati, cum tamen oppositum statutum fuerit aduersus Vbiueticarios.

Ad 1. Nego minorem. Ad cuius probationem dico, æqualitatem, & inæqualitatem secundum molem, esse affectiones
quan.

quantitatis, non autem secundum perfectionem, quæ cum dicatur quantitas virtutis, potest fundare proportionem geometricam, secundum quam perfectiori correspondeat maior locus, & minor imperfectiori. Præterquamquod cum Angelus possit pro libito se contrahere, vel dilatare quoad spatium, intra latitudinem sibi proportionatam, non semper est in loco sibi æquali. Vnde corrui maior cum sua probatione. Quomodo autem limitatio essentia, limitet etiam illi locum, videbimus infra.

Ad 2. Distinguo minorem, Angelus potest operari in omni loco potentia remota, concedo: proxima, nego minorem. Quia ergo potentia remota non sufficit ad operandum, ideo nec arguit existentiam in loco. Vnde corrui maior. Quis enim dicat, ignem Venetum esse, Viennæ, quia posset ibi comburere Turcas obsidentes? Et ratio, quia non posset proximè illos comburere, nisi per approximationē applicaretur. Sicut ergo ignis non est Viennæ, quamvis possit ibi Turcas comburere, ita nec Angelus est ubique, quamvis possit ubique operari. Aliter omne agens esset ubique, quia ubique potest operari, si applicetur passo.

Ad 3. Distinguo maiorem, determinatio dimentiuæ, siue commensuratiua loci, habetur à situ, & quantitate, concedo: deter-

determinatio metaphysica, per quam habetur sola præsentia, siue adstantia in loco, nego maiorem. Et admissa minori, sub eadem distinctione, nego consequentiam. Ad auctoritatem Origenis, & Tertulliani, & cuiuscumque alterius, qui videretur sentire cum Durando, dico illos esse exponendos, non de locali præsentia, per quam Angeli actu, & formaliter occupent exercitè omne spatium, sed de eorum summa velocitate, per quam statim, ad nutum voluntatis, possint quauersum diuagari, ut in trac. de beat. diximus de corporibus gloriosis. Hæc autem est potius præsentia potentialis, & in actu primo, quæ non infert actualem ubiuitatem.

A R T I C V L V S III.

An Angelus sit formaliter in loco per operationem virtualiter transeuntem?

Videtur esse, ut propugnant communiter Thomistæ, quibus nuper accessit Gibbo disp. 18. dub. 2. §. 3. quamuis valde discrepent in assignanda huiusmodi operatione. Primò quia existentia in loco corporeo, est quidam illius contactus. Sed Angelus non tangit corpus, nisi per operationem virtualiter transeuntem. Ergo non est in corpore, nisi per illam. Maior patet paritate corporum

rum, quæ non locantur, nisi à tangenti-
bus. Minor probatur, quia Angelus non
potest tangere corpus per modum formæ,
ut anima; neque per modum situs, ut pun-
ctum in linea, quam terminat: neque per
proprium tactum, secundum quem vlti-
ma corporis, & Angeli sint simul, quod
est proprium diuisibilibus. Ergo per so-
lam operationem, quæ dicitur contactus
metaphoricus, ut loquitur D. Thomas.

2. Angelus non potest esse physicè in
loco, nisi per adhesionem. Sed hanc ad-
hesionem ad corpus non potest habere,
nisi agendo circa illud, ut cum mouet cæ-
lum, vel applicando suam virtutem per
volitionem practicam operandi circa il-
lud, vel ab illo patiundo, ut cum torque-
tur ab igne. Ergo non potest esse in loco,
nisi per operationem, saltem applicati-
uam suæ virtutis.

3. Ratio formalis proximè fundans ubi-
cationem Angeli debet esse ita sub omni-
moda Angeli potestate, ut possit ad libi-
tum per illam esse in eo loco, qui sibi ar-
riferit, vel se absolueret ab omni loco.
Sed hoc non potest conuenire, nisi eius
operationi virtualiter transeunti. Ergo
sola eius operatio virtualiter transiens, est
ratio formalis proximè fundans Angeli
ubicationem. Minor patet, quia sola ta-
lis operatio est illi libera, & accidenta-
lis. Maior probatur, Primò paritate

animæ rationalis, quæ ut forma perfectissima, non obligatur corpori, à quo potest separari, & cum illi unitur, non pendet ab illo, sed potius illud sibi subdit. Ergo etiam Angelus ut est perfectissimus locabilis, non debet obligari corpori, sed potius illud sibi subijcere. Deinde quia potuissent creari Angeli, ante mundum corporeum, illoque destructo, conservari. Ergo possunt esse nullibi, & se prò libito absolvere ab omni loco.

4. Per solam potentiam operativam Angelus est in loco in actu primo, ut arguit Gabriel à S. Vincentio. Ergo per solam eiusdem operationem est in loco exercitè, seu in actu secundo. Antecedens supponit evidens ex paritate corporalium. Consequentiam probat, quia ratio formalis proxima essendi in loco, debet esse aliqua quantitas residens in loco. Sed hæc in Angelo non potest esse molis. Ergo est virtutis, cuiusmodi est sola virtus operativa.

Conclusio, *Angelus est formaliter in loco per operationem, siue formaliter, siue virtualiter transeuntem, loquendo de existentia physica, non autem de metaphysica, quæ habetur per solam ubicationem definitivam, virtualiter solum diuisibilem.*

Probatur prima pars, quam tuetur Egidius Rom. in 1. d. 37. p. 2. princip. 1. q. 2. cum tota schola Thomistarum. Primo argu-

argumentis supra allatis, quæ mirificè probant hanc partem conclusionis, quam solum tenuit D. Thomas, qui numquam omninauit asserere, existentiam Angeli metaphysicam in loco corporeo, haberi formaliter per eius operationem.

2. Quia esse physicè in loco, nihil est aliud, quam illi physicè adhærere. Adhæ-
sio autem ad corpus, non potest Angelo conuenire per continentiam passiuam, qua ab illo claudatur: neque per contactum formalem, quia cum careat quantitate dimensiuâ, non potest illi commensurari: neque per informationem, quia substantia completa per se subsistens, non potest esse actus intrinsecus corporis. Ergo debet illi conuenire per contactum virtutis, qui habetur per eius applicationem, & operationem consequentem. Quomodo autem habeatur, videbimus infra.

Probaturs secunda pars, quam tuentur sub proprijs terminis Martinus de Eipar-
sa q. 9. ar. 4. Suarius disp. 51. met. sect. 3. & lib. 4. de Angelis c. 2. & seqq. Molina q. 52. ar. 1. disp. 1. memb. 5. Arrubal disp. 154. c. 3. Granadustract. 9. dist. 3. sect. 2. & plures alij ex recentioribus, Primò quia sicut corpus est formaliter in loco per ubicationem materialem physicè diuisibilem, & circumscriptiuam, per quam commensuratur spatio, cum partiu n

extreirate, ita Angelus est in loco formaliter per ubicationem spiritualem definitivam, per quam ita correspondet spatio materiali, ut sit totus in toto, & totus in qualibet eius parte, eo modo quo anima rationalis est in corpore. Cum enim Angelus ex vna parte non possit esse nullibi, ut probauimus in 1. ar. & ex alia non possit esse in loco per ubi materiale circumscriptivum, debet esse in illo per ubi spirituale definitivum, ratione cuius constituatur illi præsens, antequam quidquam circa illud operetur. Et ratio à priori est, quia operari sequitur ad esse. Ergo prius est, Angelum esse in loco, quam operetur in illo. Ergo semper existentia physica in loco, quæ habetur per operationem, præsupponit metaphysicam, quæ habetur per indistantiam, cuius causa formalis est ubicatio. Et ideo dicitur Matth. 4. *Angeli accesserunt, & ministrabant ei*, ita ut accessus ad Christum, præcederet ministerium.

Dices, Substantia est prior simpliciter quantitate, & tamen in ordine ad locum est posterior, quia illud est prius in ordine ad locum, quod est ratio essendi in loco, cuiusmodi non est substantia, sed quantitas. Ergo licet operatio sit posterior simpliciter substantia Angeli, tamen est prior in ordine ad locum.

In primis retorqueo argumentum, quæ-
titas

titas de se est indifferens, ut sit substantiæ ratio essendi in tali, vel tali loco. Ergo non est ultimum determinativum substantiæ, ad esse hic. Ergo si esset prior substantia, quia illam determinat ad esse in loco indifferenter, hic, vel illic, ipsa quantitas esset posterior relatione præsentia, quæ est ratio, ut sit hic potius, quam alibi; adeoque effectus esset prior sua causa.

Deinde nego antecedens, quia ratio formalis essendi in loco, se habet *ut quo*, in ordine ad substantiam, quæ se habet *ut quod*. Ergo habet rationem mediij, seu instrumenti coniuncti, quo mediante, substantia est in loco. Sed nullum medium, seu instrumentum est prius suo principali; & ideo actio non est prior agente, nec calor igne. Ergo nec quantitas est prior substantia corporea, in ordine ad locum, nec operatio est prior substantia incorporea.

Tertiò, Applicatio agentis ad passum, necessario prærequiritur ad agendum, ut probauimus in 1. de generat. Ergo prius est, quòd Angelus sit in corpore, quàm operetur in eo. Vnde corrumpit doctrina Gonetti, quòd per ipsam operationem applicetur. Cum enim operatio sequatur ab agente, ut formaliter applicato, applicatio spectat ad actum primum operationis. Ergo non potest haberi per ipsum

actum secundum, qui essentialiter est posterior.

Demum actio eductiva formæ e subiecto, essentialiter egreditur ab agente, ut cum illo coniuncto. Ergo quia Angelus non potest operari in corpus, nisi per actionem eductivam, omnis eius operatio præsupponit Angelum, ut corpori coniunctum, adeoque ut existentem in illo. Neque valet quod subdit Gonertus, hoc esse verum in genere causæ materialis, non autem in genere efficientis. Siquidem in genere efficientis, agens non est completè, & ultimatè dispositum ad operandum, nisi sit coniunctum passo. Ergo hæc coniunctio est simpliciter prærequisita, etiam in genere efficientis.

Probatur secundo, Quamvis nullum daretur corpus, adhuc Angelus esset præsens diuinæ immanitati. Non esset autem illi præsens ubique, propter limitationem sui esse. Ergo in aliquo loco, seu spatio imaginario determinato, ut probauimus in 4, phys. Tali autem spatio non esset præsens per solam suam substantiam, quæ de se est indifferens ad hoc ut sit ibi, vel alibi: neque per ullam operationem, quia nullum esset corpus, circa quod operaretur. Ergo per aliquam ubicationem superadditam definitiuam sibi proportionatam.

3- Existentia metaphysica Angeli in loco

tempore, non habetur formaliter per operationem, sed per propriam durationem. Ergo etiam existentia metaphysica eiusdem in loco, habetur per solam eius ubi-cationem, formaliter eius substantiam determinantem ad tale spatium. Consequentia patet ex paritate rationis. Antecedens probatur, quia etiam Angelus nihil operans est in tempore, cum esse in tempore, nihil aliud sit, quam durare, & perseverare in esse. Aliter posset durare, & non esse in tempore, quod est absurdum, ut probauimus in 4. phys.

Dices cum Gonetto hic disp. 4. art. 1. §. 6. Ridiculum est, quod Angeli per totam aeternitatem occupentur in productione talis modi, à qua si per unum instans desisterent, e caelo caderent. Ergo non sunt in caelo per modum. Præterea, hic modus producitur per aliquam actionem liberam virtualiter transcurrentem. Ergo adhuc illo admissio, ruitur in operationem.

Ad 1. retorqueo argumentum, quod multò fortius urget contra Thomistas, siquidem Angeli per ipsos per totam aeternitatem deberent occupari in operando, nè caderent e caelo. Deinde dico, quod sicut semper erunt occupati in videndo Deum, nè cadant à beatitudine; ita occupabuntur in producendo ubi caeleste, nè cadant e loco beatitudinis. Hæc au-

tem occupatio erit illis iucunda, & voluptuosa, sicut est esse beatum, & esse in loco beatitudinis. Ergo tantum abest, quod hoc sit ridiculum, ut risum excitet omnium qui dicit oppositum. Ad 2. Nego consequentiam, quia cum ubi producat a locato per actionem indistinctam, ut probauimus in 4. phys. & in 1. de gen. per eius admissionem, non ruitur in operationem, de qua hic controuertitur, ut fufius probabitur disp. 8. ar. 4. sub finem.

ARTICVLVS IV.

Soluuntur obiecta.

AD 1. Nego minorem, & consequentiam probationis. Siquidem Angelus tangit metaphoricè corpus per ubi definitiuum, ut dictum est. Quod si insurgas cum Andrea Lao in 1. p. to. 2. q. 52. ar. 1. dub. 1. Debet assignari fundamentum huiusmodi superadditi, quod aliud non potest esse, quàm contactus, seu coniunctio cum corpore, ex qua coniunctione, seu accessu resultat ubi. Sed nostra opinio non explicat quid sit hic contactus. Ergo est diminuta. Et hæc est ratio sub iisdem terminis allata à Gonetto hic disp. 4. art. 1. §. 1. n. 5. cur exploserit sententiam Suarij nobiscum sentientis, quam sugillat ut diminutam. Si (inquam) ita insurgas, dico aduersus
Laum,

Laudum, quod sicut corpus non tangit aliud corpus per contactum distinctum ab ubi circumscriptiuo, per quod est in tali corpore, ita nec Angelus est in loco per aliud quam per illam formam, qua tangit corpus. Hac autem non distinguitur ab eius ubi definitiuo, quod simul est contactus corporis, & presentia ad corpus. Quoad fundamentum exactum ab utroque, dico, illud aliud non esse, quam substantiam Angeli, ut se liberè determinantem ad esse hic. Siquidem posita hac determinatione, iam substantia Angeli sufficienter applicatur huic loco, in quo dicitur esse in actu primo, nec aliud deest ad actum secundum, quam tale ubi. Quia ergo Suarez non loquebatur de presentia locali in actu primo, sed in actu secundo, ideo eius dictum non est diminutum, nisi fortè penès illos, qui quærentes rationem formalem essendi in loco, illam confundunt cum fundamentali.

Ad 2. Nego minorem. Et dico, assignata ab arguente esse quidem necessaria ad presentiam physicam Angeli, non autem ad metaphysicam, quæ cum sit in distantia à corpore, & contactus quidam metaphoricus, sufficienter habetur per solum ubi definitiuum, absque ulla distincta operatione locati.

Ad 3. Nego minorem. Ad cuius probationem dico, substantiam Angeli se-

cundum se præcisè consideratam, non esse illi liberam, esse tamen liberam, ut formaliter applicatam tali corpori, per liberam determinationem voluntatis, à qua sicut fuit applicata huic loco, ita potuisset, & posset alteri applicari. Sicut enim quamvis quantitas dimensua non sit libera homini, tamen est illi liberum, quòd illa mediante, hoc, vel illo corpore contineatur; ita est liberum angelo, quòd exercitè determinet suam substantiam ad producendum sibi potius ubi Venerum, quàm Romanum. Ad illud, quod additur in maiori, nempe quòd Angelus possit se absolvere ab omni corpore, & esse nullibi, dico, hoc esse verum de præsentia physica, non autem de metaphysica. Cum enim necessario debeat esse præsens diuinæ immensitati, sicut necessariò est præsens æternitati, non potest absolui ab omni loco, etiam intrinseco, & à spatio imaginario, ut dictum est in 4. phys. Ergo licèt non esset in ullo loco reali positivo extrinseco, tamen haberet locum, seu ubi intrinsecum, per quod posset fundare tales relationes distantiz, & propinquitatis ad puncta fixa, & ad alia loca, si essent, vel si non supponantur existere, ad puncta spatii imaginarii, ratione cuius neque esset ubique, quia non replet totum spatium, neque nullibi, quia aliquam eius partem occuparet.

Ad

Ad 4. Nego antecedens. Ad cuius probationem dico, quantitatem dare quidem corporibus determinationem ad hoc, ut loco commensurentur per ubi circumscriptum, si locentur, non tamen determinationem ad locari, quam corpora habent per suum esse. Sicut enim habent mobilitatem, & durabilitatem, ita & habent locabilitatem.

Dices cum eodem, substantia materialis est ratio radicalis essendi in loco. Ergo ratio formalis essendi in loco proximè, & in actu primo est quantitas molis, sicut eius contactus immediatus, quo quantitas tangit locum *ut quo*, illique applicatur, & corpus tangit *ut quod*, est ratio formalis in actu secundo, ex qua sequitur ubicatio.

Nego consequentiam. Et dico, rationem formalem proximam corporis essendi in loco in actu primo, esse eius existentiam, quæ sicut exigit esse in tempore, ita exigit esse in loco. Quantitas autem de se, ut formaliter quantitas, non habet, nisi quod det actualem partium exteiritatem in ordine ad se, cum exigentia impenetrationis, in ordine ad locum, ut probauimus in 6. phys. Existentia verò quia dicit formaliter, quod res sit extra suas causas, essentialiter petit, ut sit præsens primæ causæ, non solum præsentia-
tate secundum tempus, sed etiam secun-

dum locum, ratione cuius correspondeat diuinæ æternitati, & immensitati, ut dictum est in 4. phys. Præterquamquod quantitas non distinguitur realiter à quantis, ut probauimus in 6. phys. Ergo quamuis admitteremus, hoc munus esse proprium quantitatis, adhuc non haberetur per aliquod distinctum ab ipsa substantia corporis.

Urgebis, Substantia Angeli præcisè sumpta, est ratio radicalis essendi in loco. Eadem substantia ut in se subsistens, est id quod est in loco *ut quod*. Ergo ratio formalis essendi in loco in actu primo, est virtus operatiua, quæ dicitur quantitas virtutis: & ratio formalis in actu secundo, est exercitium talis virtutis.

Nego consequentiam quoad utramque partem. Probo quoad primam, Quamvis concipiatur Angelus ut potens operari, non proinde formaliter concipitur, ut determinatus in actu primo ad essendum in loco, nisi concipiatur ut actu existens, & positus extra causas. Ergo potentia operatiua ex se, non est sufficiens, ad constituendum actum primum physicum essendi in loco. Contra verò concepta sola substantia Angeli, ut posita in actu existentiali, licet nulla concipiatur in illa virtus operatiua, concipitur actus primus completus essendi in loco. Ergo ratio formalis essendi in loco in actu primo,

mo, non est quantitas virtutis, sed actus existentialis, iuxta communem regulam philosophorum, quod causa formalis sit id, sine quo non possit esse, vel concipi effectus, & viceversa. Probo quoad secundam, ratio formalis essendi in loco exercitè, & in actu secundo, est actualis contactus metaphoricus loci, qui habetur formaliter per ubi definitivum Angeli, praequisitum essentialiter ad quamcumque Angeli operationem. Ergo non habetur per ipsam operationem, quatenus est exercitium virtutis angelicæ, ut dictum est. Atque adeo hæc ratio nihil concludit, prò existentia metaphysica Angeli in loco, & solum probat prò physica.

Dices demum, etiam existentia Angeli est indifferens ad hoc ut sit in hoc, vel illo loco. Ergo debet per aliud determinari. Hoc autem non potest esse, nisi quantitas virtutis. Ergo redit argumentum.

Nego minorem subsumptam. Et dico, Angeli existentiam determinari in actu secundo ad hunc locum per ubi definitivum: & in actu primo quoad primum locum, à Creatore determinante locum creationis, & quoad alia, vel à Deo, ut facit cum Angelis cælorum motoribus, & cum Diabolis, vel à propria voluntate liberè sibi locum eligente, ut dictum est supra.

ARTICULVS V.

*An substantia Angeli secundum se, & se-
clusa qualibet operatione, sit ratio
formalis proximè fundans ubi-
cationem? Vbi an possit es-
se nullibi?*

Videtur non esse, ut contendit Co-
nnettus hic disp. 4. ar. 1. §. 2. cui
concinunt Salmaticenses, & quod mirum
est, noster Gibbo hic disp. 18. dub. 3. §.
3. quamuis dub. 2. §. 1. doceat opposi-
tum. Primò quia ratio formalis proximè
fundans ubicationem, debet esse deter-
minata ad talem locum. Sed huiusmodi
non est substantia Angeli, quæ da se est
ita absoluta à loco, ut possit esse nullibi.
Ergo non potest esse ratio proximè fun-
dans ubicationem,

2. Ita se habet Angelus ad locum, si-
cut ad tempus extrinsecum. Sed ad tem-
pus extrinsecum non determinatur proxi-
mè, & formaliter à propria substantia,
sed à duratione modali superaddita. Er-
go ad locum debet determinari ab aliqua
operatione distincta à substantia.

3. Substantia Angeli non est proxima
ratio fundandi primam eius operatio-
nem, quæ immediatius fundatur in po-
tentia. Ergo à fortiori non potest esse
proxima ratio ubicationis. Probat

con.

consequentia, quia prima, & potissima operatio est magis illi intrinseca, quàm ubicatio.

4. Substantia corporum non fundat proximè ubi circumscriptuum, sed media quantitate molis. Ergo nec substantia Angeli fundat ubi definitivum, nisi media quantitate virtutis.

5. Substantia Angeli intra propriam lineam est invariabilis, quia semper habet eandem perfectionem. Ergo si esset proxima ratio essendi in loco, semper Angelus esset in aliquo certo loco, nec posset ad libitum, maiorem, vel minorem occupare. Sed hoc est absurdum. Ergo &c.

Conclusio, Ratio proxima, & immediata fundans ubicationem Angeli, est eius substantia, ut existens actu; seclusa qualibet eius operatione. Ita Scotus in 2. d. 2. q. 6. cui adherent Esparsa, Molina, Valentia, Gibbo &c.

Probat^{ur} 1. Quidquid actu existit extra Deum, necessariò est illi præsens, præsentialitate æternitatis, & immensitatis, ut probauimus in 4. phys. & in trac. de Deo uno disp. 8. ar. 1. & 2. Ergo sicut per primam habet, ut sit in aliquo tempore extrinseco determinato, ita per secundam habet, ut sit in aliquo loco extrinseco determinato. Aliter vel esset ubique, vel nullibi, quorum primum reiecit^{imus} ut
absur-

absurdum in 1. ar. & secundum reijcietur inferius. Sed substantia Angeli secundum se, actu existit extra Deum, ut probauimus disp. 1. ar. 1. Ergo est in aliquo tempore, & in aliquo loco. Atque adeo quia necessario est in utroque per modos positiuos durationis, & ubicationis, substantia Angeli est formaliter, & proxime potens habere ubi, non quidem per operationem, sed per se ipsam formaliter.

2. Omne agens creatum, utpote finitum, & limitatum, habet certam aliquam, & determinatam sphaeram suae actiuitatis, extra quam operari non potest, ut probatum est in 1. de gener. Ergo priusquam operetur in aliquod corpus, debet ita illi approximari, ut huiusmodi corpus fiat intra sphaeram suae actiuitatis. Atque adeo prius est, huiusmodi agens esse localiter praesentali corpori, quam circa illud operari. Sed localis praesentia supponit fundamentum. Ergo eius substantia est fundamentum.

Necque sunt audiendi Salimaticenses, & Conectus, qui ut euadant vim argumenti, ruunt in absurda. Nam illi dicunt, Angelos esse quidem finitos quoad terminos perfectionis, & in genere entis, non autem quoad locum. Cum enim putent, eorum locabilitatem haberi per virtutem operatiuam, illa praecisa, neque sunt locabiles, neque limitati in ordine ad lo-

cum, sicut philosophantur de corporibus, quæ semota quantitate, non sunt locabilia. Gonettus verò inquit, ideo in agentibus corporibus prærequiri approximationem, quia cum agant per virtutem subiectatam in quantitate, & hæc commensuretur loco, non possunt in illo operari, nisi ut suppositaliter applicata. Agentia verò spiritualia, quia non habent virtutem subiectatam in quantitate, & loco non commensurabilem, ideo ad hoc ut in illo operentur, sufficit quòd illi approximatur concomitanter, per actualem operationem, qua locantur simul, & approximantur; sicut anima hominis informando corpus, illi approximatur.

Sed neutra hæc euasio illis prodest. Nō prima, quia si Angelus per solam virtutē operatiuam esset locabilis, & limitatus ad locum, illa remota, vel esset nullibi, vel ubique, quæ reiecimus ut absurda. Neque possunt subdere, quòd locabilitas sequatur virtutem operatiuam. Primò quia hoc gratis dicitur, & ad tuendum positū. Et deinde quia de ipsa virtute redit argumentum. Neque enim potest operari in distans. Ergo eius approximatio ad locum, debet necessariò præcedere operationem in loco. Atque adeo cum virtus non possit esse in loco, nisi ut cum agente coniuncta, prius est, substantiam angeli ut operatiuam esse formaliter in loco, quam

quam operetur in loco, & per consequens non est in loco per operationem. Vnde per regressum destruitur suppositum antecedentis. Siquidem illa virtus non facit locabile, cuius actus non locat. Ergo quia operatio angeli non locat angelum, neque virtus operatiua facit illum locabilem; adeoque proximum fundamentum ubi, non est virtus, sed angeli substantia. Neque valet secunda, quia nullum agens potest agere in distans, immò neque ipse Deus, ut probauimus in 1. de gener. Ergo non ideo prærequiritur approximatio in corporeis, quia eorum virtus subiectatur in quantitate, sed quia est simpliciter necessario prærequisita, ut patet inductione, propter rationem supra traditam. Et ideo Deus est infinitus in operando, quia ratione immensitatis, non solum est omnibus proximus, sed intimè præsens. Agentia verò creata quia solum per motum approximantur passo, iuxta proportionem suæ virtutis, ideo sunt limitata in operando, nec possunt excedere suam sphaeram. Ergo priusquam agant, debent approximari passo.

3. Si Deus creasset Angelos ante mundum corporeum, vel nunc crearet extra empyreum, vel illos retineret in vacuo, destructis corporibus medijs, vel in spatio imaginario, destructo mundo visibili, utique essent præsentēs diuinæ immensitati.

rati solum inadæquatè . Ergo haberent
verum locum intrinsecum , per quem ex-
trinseco spatio corresponderent , secun-
dum hæc puncta , & non secundum alia .
Sed hoc ubi non haberet prò fundamen-
to proximo operationem , seu virtutem
operatiuam , quia nullum esset corpus , in
quod possent operari . Ergo unicum fun-
damentum esset eorum substantia . Sed
hoc idem retinerent inuariatum , si Deus
deinde mundum visibilem reuocaret ad
esse . Ergo de facto eorum proximum
fundamentum est eorum substantia .

Ad 1. Nego maiorem . Et dico , ratio-
nem formalem proximè fundantem ubi-
cationem , esse de se indifferentè ad omne
ubi , ut patet in quantitate dimensua ,
quam Aduersarij dicunt esse proximum
fundamentum ubi circumscriptiui . Siqui-
dem in tali sententia , corpus per eandem
quantitatem potest modò esse in hoc lo-
co , & modò in alio , retenta solum deter-
minatione ad loci extensionem , & partiũ
commensurationem . Atque adeo forma-
lis , & actualis determinatio ad hunc lo-
cum , non habetur , nisi per ipsum ubi , si-
cut per durationem habetur determina-
tio ad hoc tempus , & in actu primo nulla
datur determinatio actualis , sed solum
potentia proximè ad illam disposita .

In quo non possum non vehementer
excandescere in huiusmodi auctores , qui

ut

ut tueantur voluntatis liberæ prædeterminationem, ad omnes effectus, & in omnibus causis fingunt prædeterminationes, perinde quasi omne agens non sufficienter determinetur in actu secundo. Quando ergo quæritur fundamentum proximum ubicationis, vel quæritur actualis determinatio ad locum, ante ipsum ubi, & est inepta quæsitio, cum ante ubi, mobile sit indifferens ad hunc, vel illum; aliter esset formaliter in loco, sine ipso ubi, quod esset perinde atque quærere calidum ante calorem, lucidum ante lucem, & frigidum ante frigus; vel quæritur solum actus primus illius, & nullam dicit determinationem, quæ soli convenit actu secundo.

Deinde nego minorem, ex falso supposito, quod substantia Angeli sit ita absoluta à loco, ut possit esse nullibi. Cum enim toties probauerimus, omnem creaturam necessario esse Deo præsentem secundum immensitatem, necessitate subiectionis naturalis, est in aliquo loco sibi à Deo assignabili, & formaliter determinabili per ubi, tamquam per rationem formalem essendi in loco. Quod si loquamur de præsentia physica, ultra concedo, quod possit Angelus esse nullibi, sicut potest ipse Deus, licet immensus, quia possunt in loco, ubi sunt, non operari.

Demum substantia Angeli est quidem
abso-

absoluta ab hoc, vel illo loco, quia à nullo in particulari dependet, non tamen est absoluta ab omni loco collectiuè sumpto, ita ut sit extra omnem locum. Sicut ergo non potest esse, quin sit in aliquo tempore; quamuis à nullo in particulari dependeat, ita non potest esse, quin sit in aliquo loco, quamuis nullum exigit determinatè.

ARTICVLVS VI.

*Solvuntur alia obiecta, & euertuntur
fundamenta Aduersariorum.*

AD 2. Nego consequentiam, quæ impertinenter se habet ad præmissas. Ex eo enim quòd Angelus æqualiter se habeat ad locum, & tempus, sequitur quiddam, quòd sicut est formaliter in tempore per durationem, ita est in loco per ubicationem, non autem per operationem. Quare retorquetur argumentum. Et ut appareat quàm sit ineptus hic modus arguendi, destructivus potius, quàm roborativus oppositæ opinionis, peto ab Aduersarijs, an operatio Angeli sit ratio formalis ultimè determinans illum ad talem locum in particulari, exercitè, & in actu secundo, vel solum ratio formalis proximè fundans ubicationem, per modum actus primi, & in actu signato? Si primum, ergo operatio est formaliter ubi-
catio,

catio, quia habet omnes formalitates, & exercet omnia munera illius, adeoque confunditur quæstio; quia ex fundamento fit transitus ad rationem formalem ultimam, & actus primus confunditur cum secundo. Quo admissio, ineptè à Salmatensibus, Gonetto, Gibbone, & Lao rejicitur ut diminuta sententia Suarij, assentientis, hanc rationem formalem esse ubicationem modalem, cum & ipsi idem realiter asserant, quamvis ut ab illo recedere videantur, confundant operationem cum ubi, nempe in sua sententia causam efficientem cum formali. Sola ergo erit quæstio de re cum Suario, an videlicet operatio sic ubicatio, in cuius decisione se ipsos iugulant. Cum enim doceant, operationem virtualiter transeuntem esse fundamentum, & actum primum ubicationis, & Suarius doceat, operationem esse posteriorem, & effectum ipsius ubi, multò congruentius loquitur Suarius, dicendo, operationem non esse rationem formalem, sed ubicationem, quàm Aduersarij identificantes fundamentum cum fundato, efficientem cum effectu, & actum primum cum secundo. Si verò dicant secundum, inepta est paritas. Cum enim dicitur, quòd Angelus ita se habeat ad locum, sicut ad tempus, per *ly ita* vel petitur causa formalis utriusque coexistentiæ, & fauetur Suario, nam duratio æquiparatur ubica-

ubicationi, & non fundamento ipsius: vel fundamentum utriusque causę formalis, & incoherenter assignatur duratio, respectu temporis. Ergo nihil ad rem.

Ad 3. Nego consequentiam. Ad cuius probationem, nego consequentiam, quę impertinenter se habet ad antecedens. Nam cum existentia metaphysica in loco, præcedat quaecumque operationem, ex eo, quod aliqua operatio sit magis intrinseca, nihil facit ad casum; aliter neque, substantia Angeli posset esse proxima ratio durationis, quę est minus intrinseca, quàm prima operatio. Ergo vel hinc probatur, quod operatio sit proxima ratio, etiam durationis, quod ab ipsis negatur; vel neque probatur, quod sit proxima ratio ubicationis. Præterquamquod si prima operatio fundatur immediatè in potentia, & solum hac mediante, in Angeli substantia, non potest esse magis intrinseca, quàm ubicatio, quę fundatur immediatè in ipsa substantia, quam totam afficit. Ergo sequitur oppositum, nempe quod substantia sit proxima ratio ubicationis, inter quam, & substantiam nihil mediat, quàm primę operationis, inter quam, & substantiam mediat potentia. Demum cum operari sequatur ad esse, substantia non est immediatè operativa, ut admittunt Aduersarij, sed operatur mediantibus existentia, potentia, & acci-

accidentibus, & ideo ex se non fundat proximè primam operationem. Ad locari autem nihil requiritur aliud, quàm substantia ut existens in tali loco, quod fit per ipsam substantiam, & eius ubicationem. Ergo ex operatione, non valet consequentia ad ubicationem.

Ad 4. Distinguo antecedens, non fundat proximè ubi circumscriptium secundum genus, nego: secundum speciem, concedo. Et distinguo consequens, substantia Angeli non fundat ubi definitiuum, qua definitiuum est, secundum speciem, nisi media quantitate virtutis, concedo: non fundat hoc ubi, ut est formaliter ubi secundum genus, nego consequentiam. Explico distinctionem, quòd ubi sit circumscriptium, vel definitiuum, non habetur à substantia locati secundum genus substantiæ ut sic, sed ab illa, ut est talis secundum speciem, nempe corpora, vel incorporea. Et ratio est, quia cum ubi circumscriptium dicat formaliter commensurationem locati cum loco, non potest conuenire, nisi commensurabili, nempe corpori quanto. Contra verò quia ubi definitiuum dicit formaliter, non commensurabilitatem, sed præsentiam inextensam formaliter, per quam totum locatum sit in toto loco, & totum in singulis partibus, ideo non potest conuenire corporibus quantis, nisi per miraculū suspen-

suspendatur effectus formalis quantitatis, ut accidit corpori Christi, sub speciebus eucharisticis. Hoc posito, substantia corporea ex se, fundat proximè ubi, ut est formaliter ubi, præciso modo locandi, quia etiamsi non esset quanta, adhuc esset in loco quoad substantiam, licèt non quoad talem modum commensurationis, quam fundat solum per quantitatem, per quam habet partium extremitatem in ordine ad locum. Idem proportionaliter dico de substantia Angeli, quæ ut formaliter substantia existens, fundat ubi quoad substantiam, præciso modo, eò quia licèt non esset spiritualis, adhuc esset in loco, licèt diuerso modo. Quare quia modus ubi, sequitur modum rei locatæ, ideo ubi ut formaliter definitium, appellat substantiam formaliter inextensam, in qua fundatur. Atque adeo quia est formaliter inextensa per quantitatem virtutis, quæ est eius perfectio essentialis, ideo mediante hac virtute, fundat ubi definitium, quæ formaliter tale. Hoc autem quid facit ad casum nostrum? Siquidem etiam corpus Christi, quamuis formaliter quantum, existit in loco modo angelico per virtutem diuinam, ut dictum est. Ergo ubi definitium, etiam secundum modum, potest immo, ac fundari in substantia locati, non solum abique media quantitate virtutis, sed etiam me-

L dia

dia quantitate molis, diuinitus impedita. Quanto ergo magis, ut formaliter ubi, præciso modo, poterit immediatè fundari in Angeli substantia?

Ad 5. Nego coniequentiam. Quamuis enim substantia Angeli sit inuariabilis secundum entitatem, & constitutiva essentialia, tamen est variabilis secundum accidentalia, ut patet ex eo, quod transeat ex una cognitione ad aliam, & idem dico de volitionibus, de statu gratiæ, & peccati, & similibus. Ergo etiam poterit transire ex uno ad alium locum, per amissionem, & acquisitionem ubicationum, quæ illi accidunt, & ideo possunt ab illa adesse, & abesse, abique ulla variatione essentiali, & entitatis substantialis. Atque adeo quia Angeli non sunt in loco formaliter per suam substantiam, sed per ubi, illius inuariabilis permanentia, non arguit inuariabilem permanentiam præsentia localis. Quod si aliquis vellet eum aliquo Scottista iustinare, substantiam esse rationem formalem essendi in loco, hoc argumento iugularetur. Et præterea quia substantia non potest alteri uniri, nisi per modum actus, & potentia, quod est proprium incompletæ; vel per modum subiecti, & accidentis, quod conuenit etiam completæ, modo explicato.

ARTICVLVS VII.

An possit saluari quòd Angeli sint in loco per applicationem virtutis ?

V Idetur posse, ut contendunt Egidius in 1. d. 37. p. 2. princip. 1. q. 1. litt. B. Caiet. in q. 52. ar. 1. Valentia hic disp. 4. q. 3. pun. 2. cum Capreolo, Ripa, Nazario, & alijs, quamuis non conueniant in modo explicandi huiusmodi virtutis applicationem. Siquidem Capreolus in 2. d. 2. q. 1. ar. 1. illam explicat per virtutis contactum. Egid. loc. cit. in resp. ad 5. illam explicat per intellectiōem, & volitionem ipsius Angeli, ita ut tunc Angelus applicet suam virtutem circa cælum empyreum e. g. quando illud intelligit, & vult se esse illi intimè præsentem, in ratione intellecti, & voliti. Hanc autem intellectiōem, & volitionem ait esse operationem formaliter immanentem, & virtualiter transcuntem, quatenus applicat virtutem cognoscitiuam, & volitiuam ad tale cælum, quod cognoscit, & vult ut sibi præsens.

Caietanus ibid. docet, ad hanc applicationem quattuor esse necessaria. Primum est indistantia, seu negatio distantiae à loco. Secundum cognitio practica ipsius Angeli, qua cognoscat quomodo hic & nunc sibi sit operandum. Tertium

potentia executiua expedita, & prompta per negationem cuiuscumque impedi-
menti. Et quartum voluntaria electio
præparationis potentia ad tale opus, qui-
bus positis, ait, Angelum esse sufficien-
ter dispositum, & proximè expeditum ad
operandum, adeoque habere ad locum
applicatam virtutem. Quoties ergo non
potest assignari operatio formaliter tran-
siens, quæ sit corporis transmutatiua, ait,
Angelum esse in corpore per huiusmodi
applicationem; & quoad hoc sentit cum
Egidio, D. Thoma, alijsque Thomistis.

Valentia adhærens omnibus quoad
hoc, admittens cum Thomistis loco cita-
to, Angelum esse in loco solum metapho-
ricè, hoc explicat primò cum Scoto, &
Nominalibus per contactum secundum
substantiam. 2. cum Capreolo per ope-
rationem transeuntem improprie dictam,
cuiusmodi esset præsentia, assistentia, cu-
stodia, seu contactus virtutis cum loco.
Tertiò cum Ferrariensi per solam ope-
rationem transeuntem proprie dictam,
idest quæ verè aliquid efficiat in loco. 4.
cum Caietano per applicationem sue vir-
tutis, factam per indistantiam, cognitio-
nem practicam, potentiam expeditam,
& liberam electionem modò dictam.

Commune omnium fundamentum po-
test esse, quia in omnibus his dicendi mo-
dis inuenitur similitudo quædam analo-
gica,

gica, existentie Angeli in loco, cum contactu quantitativo corporum, quo proprie sunt in loco. Ergo quolibet ex his modis Angelus metaphoricè est in loco. Probatur antecedens. Et primò secundum Scotum, nam Angeli substantia est in loco, sicut est substantia corporum. Sicut ergo si Deus auferret ab igne quantitatem, ignis per suam substantiam esset in loco solum metaphoricè; ita quia Angelus caret quantitate, ideo est metaphoricè in loco per suam substantiam. 2. iuxta Scotum, & Ferrariensem, Angelus operatur aliquid in loco, siue formaliter, siue virtualiter. Ergo sicut corpus est in loco per quantitatem, ita & Angelus, saltem analogicè, per hanc suam operationem à loco non distantem. 3. iuxta Caictanum, non potest Angelus modo dicto applicare suam virtutem ad locum, nisi sit aliquo modo simul cum illo. Ergo est aliquo modo in illo. Et ratio à priori est, quia siue potentia, siue operatio, siue quidquid aliud assignetur ex parte Angeli, est aliquid omninò spirituale. Ergo non potest tangere corpus, nisi metaphoricè.

Conclusio, Potest quidem saluari, quòd Angelus sit in loco per applicationem virtutis radicalis, non tamen per applicationem virtutis formalis, metaphysicè loquendo.

Probo primam partem, in gratiam nostri Egidij, ut appareat quæ sit eius germana doctrina in hac materia. Virtus radicalis est ipsa substantia Angeli, ex qua intelliguntur emanare potentia, & virtutes formales. Sed Angelus est in loco per applicationem suæ substantiæ. Ergo per applicationem suæ virtutis radicalis. Consequentia est evidens. Maior patet, quia virtus radicalis est radix, & fundamentum illius. Sed hoc est substantia Angeli. Ergo hæc est sua virtus radicalis. Minor probatur, Angelus non potest in se producere ubi, quo sit in corpore, nisi per illud applicetur formaliter ad tale corpus, quoad suam substantiam, quæ locatur. Ergo eius ubi est formalis, & exercita suæ substantiæ, adeoque suæ virtutis radicalis applicatio ad corpus. Hoc autem patet paritate corporis, quod non est formaliter in alio corpore, nisi per ubi circumscriptivum illi applicetur, quoad suam substantiam quantam. Atque adeo quia diximus, Angelum esse metaphysicè in loco per ubi definitivum, dicendum est, hanc præsentiam formaliter haberi per applicationem virtutis radicalis, non quidem in actu primo, sed in actu secundo.

Probo secundam, virtus formalis Angeli est eius intellectus, & voluntas. Sed Angelus non est in loco formaliter, metaphy-

raphysicè loquendo, per applicationem intellectus, & voluntatis. Ergo non est in illo per applicationem suę virtutis formalis. Maior est certa, quia Angelus non potest ad extra operari, nisi per intellectum, & voluntatem. Minor probatur, applicatio intellectus angelici habetur formaliter à Deo, per infusionem specierum intelligibilium. Sed Angelus non est in loco per talem applicationem, aliter necessariò esset semper ubique, quia semper habet species omnium rerum, saltem naturalium. Ergo per applicationem intellectus non est formaliter in loco. Sed neque per applicationem voluntatis, quia fit per ipsam cognitionem obiecti, quatenus dirigit voluntatem ad operandum. Cognitio autem, cum immaneat suo principio, non est extra illud. Ergo neque est in loco per applicationem intellectus, neque per applicationem voluntatis. Quod si ex applicatione in actu primo, transeamus ad applicationem in actu secundo, quę fit per ipsos actus, nempe per cognitionem, & volitionem, dico per illam posse quidem haberi existentiam physicam in loco, non tamen metaphysicam.

Et probo i. Angelus est in loco, physicè loquendo, per applicationem virtutis in actu secundo, quatenus hæc præter virtutem radicalem, dicit etiā eius actua-

litem, quæ habetur per ipsam virtutem formalem, & actualitatem ipsius virtutis formalis, quæ fit per operationem aliquam physicam in tali loco, ut est motus localis, si sit formaliter transiens, vel per intellectionem, & volitionem, si sit solum virtualiter transiens, ut dictum est ar. 3. metaphysicè autem est in loco, per ubicationem definitivam, ut ibidem dictum est. Quia ergo applicatio virtutis formalis dicit actualem eius operationem, ideo non potest constituere formaliter præsentiam metaphysicam Angeli in loco, sed solum physicam. Et ratio à priori est, quia ubicatio est actus virtutis radicalis, quatenus fluit ab illa, ut est Angeli substantia, & non virtutis formalis, quæ reducitur ad actum per suam operationem, quæ de se non est in loco, sed solum per accidens, docente Egidio hic q. 1. ad 4. *Operatio est in loco, non per se, sed per accidens, quia illud, in quo est operatio, est in loco.* Ergo applicatio virtutis formalis præsupponit existentiam metaphysicam in loco, cui superaddit præsentiam physicam, eo modo quo calor præsupponit lignum, cui dat solum esse calidum. Vnde sequitur, quòd cum ubicatio sit illi necessaria, & operatio contingens, est per se metaphysicè in loco, & physicè per accidens, ut expressè admittit Egidius in 1. d. 37. q. 1. litt. P. quæ-
tenus

tēnus potest in loco nihil operari . Et ideo potest quidem physicè esse nullibi , non tamen metaphysicè , ut docet D. Th. in 1. dist. 37. q. 3. ar. 1. ad 4. inquit , *Non reputo inconueniens ; quòd Angelus sine loco non possit esse* (loquendo de loco metaphysico) *& non in loco , quando nullam operationem circa locum habet* (loquendo de loco physico) *nec est inconueniens , vt tunc nusquam , vel in nullo loco esse dicatur .*

Deinde Angelus est physicè in loco per operationem , non virtutis applicatiuæ , seu applicantis , sed per operationem virtutis applicatæ , seu quæ applicatur . Cum ergo in intellectu Angeli , operatio virtutis applicantis sit extrinseca ipsi Angelo , eò quod illi proueniat à Deo species infundente , non potest Angelus per talem operationem esse formaliter in loco ; alioquin esset ubique , quia semper habet species omnium corporum , ut videbimus . Ergo debet esse in loco per operationem ipsius intellectus applicati , quæ aliud non potest esse , quàm intellectio . Hæc autem vel est practica , vel speculatiua ? Si secundum , non sufficit , quia speculari cælum , non est esse formaliter in cælo , cum speculatio immaneat speculanti , & solum extrinsecè terminetur ad obiectum . Si primum , ergo tendit in obiectum , vt per se factibile , quod est

proprium cognitionis practicae, ut diximus in logica. Sed caelum, in quod tendit, non est per illam factibile. Ergo non potest habere rationem praxis, respectu illius. Atque adeo debet illud respicere sub aliqua ratione, sub qua possit habere rationem factibilis, cuiusmodi essent mobilitas, illuminabilitas &c. Quare Angelus est physicè in caelo per cognitionem, qua cognoscit illud ut per se ipsam mobile, vel illuminabile. Et idem dico de actu voluntatis. Quia tamen ipsa cognitio non est formaliter motus, vel illuminatio, sed causa directiva illius, ideo non est ratio formalis praesentiae physicae, sed solum virtualis, & effectiva. Vnde redit superius argumentum, quod cum causa non possit operari in distans, semper praesupponit existentiam metaphysicam in ipso mobili, & illuminabili, ut melius patebit obiectionum solutione.

A R T I C V L V S V I I I.

Soluntur obiecta, & roboratur doctrina.

AD 1. Dico, virtutis contactum admissum à Capreolo, vel esse virtutis formalis, vel radicalis? Si primum, ergo est operatio, adeoque non potest constituere, nisi praesentiam physicam in loco, modo explicato. Si secundum, virtus radicalis

dicalis non tangit corpus, nisi per ubi. Ergo inducit quidem præsentiam metaphysicam, non tamen per operationem, quæ est contactus virtutis formalis, adeoque nihil euincit contra nos.

Ad 2. Peto ab Egidio quid velit Angelus, quando vult esse intimè præsentem, calo, in ratione intellecti, & voliti? Vel vult calum, & suam volitionem, vel nexum sui cum illo, in ratione locantis, & locati? Si primum, ergo hæc volitio non est formaliter practica, quia nihil efficit, neque calum, quod præsupponitur: neque seipsam, quia esset sui causa. Ergo non est ratio formalis, seu virtualis locandi in calo: non formalis, quia potest à tali præsentia separari: neque virtualis, quia potest ex illa non subsequi hæc præsentia; & quamvis concederetur subsequi, esset eius effectus, nempe ubicatio, adeoque ipsa applicatio, ut formaliter talis, non esset præsentia localis. Si secundum, hic nexus, ut distinctus à calo, & Angelo, non est unio per modum actus, & potentia, quæ Angelo repugnat: neque per modum continui, vel contigui, quod non conuenit, nisi quantis. Ergo debet esse per modum locantis, & locati, quod non conuenit, nisi ubicationi. Deindè si Angelus esset in calo per intellectionem, & volitionem, non esset in loco physice, & per præsentiam realem, sed solum obiectiue,

& intentionaliter, quod est contra rationem, & quæstionem. Primum patet, quia potius cognitum est in cognoscente, quàm cognoscens in cognito, ut omnes fatentur. Et secundum probatur, quia quæstio non procedit de præsentia obiectiva, quæ calum intentionaliter occupetur ab Angelo, de quo nulla potest esse quæstio, sed de reali, qua verè Angelus sit in celo, ut supra diximus.

Præterea etiam homo intelligit, & vult esse in celo, non tamen per has operationes est in illo. Neque obstat, quòd ut quantus debeat loco commensurari. Si quidem vel intellectio est ratio essendi in loco, & locabit omne intelligens, & sic homo haberet duplicem præsentiam in loco, alteram intentionalem, & definitivam per intelligere, & alteram commensurativam per ubi circumscriptivam, quod ab omnibus negatur. Si non est, ergo neque locat Angelum.

Dices cum Egidio hic q. 1. ad 2. Cum corporalia agunt, quia habent determinatum situm, non sunt simul in illo loco, in quo sunt corpora, in quæ agunt. Sed cum spiritualia operantur, quia operatio eorum est in ipso corpore, circa quod agunt, & virtus etiam ibi erit. Et quia ubi est virtus, ibi est & essentia, ipsa essentia Angeli est in corpore, in quod agit. Ergo nulla est paritas.

Sed

Sed hæc doctrina multas patitur difficultates. Nam in primis vel procedit de operatione formaliter transeunte, vel solum de virtualiter transeunte? Si primū, cum hæc sit in termino, & adæquatè extra operans, non fert secum eius virtutem operatiuam; adeoque cum Angelus mouet cælum, quia motus est in ipso mobili, & non in mouente, in cælo non est virtus motiua Angeli, & multò minus eius essentia, & sic cessat processus arguentis. Si secundum, cum operatio virtualiter transiens, sit formaliter immanens, realiter est in ipso operante. Ergo non potest illud constituere præsens loco, qui ab illo separatur. Præterea virtus Angeli vel distinguitur ab eius essentia, vel non? Si primum, ergo sicut operatio formaliter transiens, exit ab agente in passum, ita exit ab eius virtute. Non esset autem egressa, nisi esset extra agens, eiusque virtutem, sicut immanens non esset talis, nisi inesset agenti, eiusque virtuti. Ergo per hoc quòd Angelus cælum moueat, non sequitur quòd eius virtus, quæ est formaliter immanens, sit in cælo, quod mouetur. Si secundum, ergo ibi est virtus, ubi est essentia agentis. Sed hæc est extra terminum, aliter non operaretur transeunter. Ergo & eius virtus.

Urgebis, illa volitio est formaliter prædicta per hoc, quòd non supponat, sed faciat

faciat obiectum, nempe presentiam Angeli in calo, quæ fiat formaliter per ipsam volitionem, eo modo, quo verba consecrationis dicunt practicè, esse corpus Christi sub speciebus panis, quod non supponunt, sed faciunt. Ergo sufficit.

Nego antecedens. Et assigno disparitatem; nam verba consecrationis efficiunt aliquid à se distinctum, in genere causæ efficientis instrumentalis, nempe transubstantiationem panis in corpus Christi. At voluntas Angeli nihil efficit extra se. Ergo non potest esse formaliter practica. Præterea vel Angelum esse in calo, est aliquid præter Angelum, & calum, vel non? Si primum, ergo ad hoc ut Angelus sit in calo, nihil requiritur aliud, nisi quod detur uterque, quo admissio, Angelus non posset esse extra calum, quia semper illo existente, daretur causa formalis adæquata essendi in calo. Si secundum, vel est ubi, & habeo intentum: vel est ipsa volitio angelica, & volendo, Angelum esse in calo, vellet se ipsam: vel est eius obiectum, & non potest explicari quid sit, nisi recurratur ad ubi. Ergo hæc volitio non sufficit.

Ad 3. Caietani dico, conditiones ab ipso requisitas ad applicationem virtutis, probare contra ipsum. Cum enim distantia involuat formaliter negationem presentia, non potest auferri, nisi per ipsam præ-

præsentiam . Ergo si ad applicationem virtutis requirat indistantiam , seu negationem distantie , necessario ad applicationem virtutis ad locū , requirit præsentiam in loco , quæ proinde præsupponitur , & non fit formaliter per ipsam applicationem . Probatur assumptum , distantia à foro necessario dicit negationem præsentie fori ; si enim Petrus esset localiter præsens foro , non distaret ab illo . Ergo ad hoc ut Petrus fiat indistans à foro , debet fieri præsens foro , cum distantia , & indistantia dicant formas oppositas . Denique impugno ultimam partem , in qua asserit , hanc applicationem sufficere , ad constituendum Angelum in loco , quoties Angelus non potest circa illum , exercere actionem transmutatiuam , quæ sit formaliter transiens . Si enim applicatio virtutis prærequiritur ad operationem virtualiter transeuntem , multò magis prærequiritur ad formaliter transeuntem , cum sit impossibile quòd agens transmutet passum , cui non fuerit applicatum . Ergo si per ipsam applicationem est formaliter in loco , actio transmutatiua non constituit , sed supponit constitutum in loco ; adeoque numquam Angelus est in loco per operationem , quod ab ipso , & suis aperte negatur .

Ad 4. Valentie . Dico , eius opinionem omnium remotissimè à veritate deflectere .

flectere. Cum enim malè philosophantium seruiat opinionibus, eorum contrahit falsitatem. Sic ergo arguo primò contra ipsum, existentia metaphorica in loco, vel dicit formaliter præsentiam realem in loco, vel solùm intentionalem? Si primum, ergo si per ipsam habetur cum Scoto per contactum substantiæ, quomodo habetur cum alijs per operationem, vel applicationem virtutis? Substantiæ contactus præcedit realiter operationem. Ergo vel operatio non ponit formaliter in loco, sed supponit locum operantem, vel si ponit, duplicat localem præsentiam illius, nisi dicat, per posteriorem præsentiam destrui primam, vel utramque esse partialem, quod destrueret suum dictum. Si secundum, ergo Angelus non est in celo realiter, sed solùm intentionaliter, sicut cognitum est in cognoscente, quod est inaius absurdum. Deinde contra ipsum valent omnia argumenta, quibus aliorum sententias impugnauius.

Ad fundamentum commune. Nego antecedens. Ad cuius primam probationem, Nego primo antecedens, cum Angelus non commensuretur loco, sicut corpus. Deinde nego consequentiam, quoad utramque partem. Et dico quòd si Deus auferret ab igne quantitatem, auferret ab illo partium extremitatem, in ordine

dine

dine ad se, & locum; & sic omnes confunderentur in unum, adeoque amisso ubi circumscriptivo, acquirerent definitivum, sicut habet corpus Christi in eucharistia. Ergo non essent metaphoricè, sed verè, & realiter in loco, sicut est corpus Christi.

Ad 2. Primò nego antecedens, cum Angelus sit in Empyreo, in quo nihil operatur, quidquid contendat Conectus, & alij de illuminatione, quæ fingitur, & non probatur, vel de applicatione virtutis, quæ neque est formaliter operatio in actu exercito, ut patet, neque in actu signato, quod sic probo. Actus primus dicit ordinem essentialem ad secundum. Ergo ubi non potest subsequi actus secundus, non datur actus primus, ut esset applicatio ignis ad Lunam, in qua quia non potest fieri calefactio, talis applicatio non habet rationem actus primi. Sed circa empyreum Angelus nihil potest operari. Ergo quamvis applicet ad illud suam virtutem, hæc applicatio non est operatio in actu primo. Deinde nego consequentiam, cum supra probaverimus, corpus non esse in loco per quantitatem, cum adhuc sine illa locari possit. Demum operatio non est per se in loco (ut dictum est supra), sed solum per accidens, quatenus est in agente, vel in termino, qui sunt in loco. Ergo tantum

tum abest quod sit ratio essendi in loco, ut potius ipsa sit in loco per ubicationem subiecti.

Ad 3. Concedo consequentiam, quæ destruit sententiam Caietani. Cum enim Angelus non possit applicare suam virtutem ad corpus, nisi sit in illo, utique non est in illo per talem applicationem, quæ subsequitur præsentiam. Ad rationem à priori, admitto, substantiam Angeli, utpote spirituales, non posse loco commensurari, nego tamen non posse ab illo definiri. Ergo si per contactum metaphoricum intelligatur ubi definitivum, ultro admitto, Angelum esse in loco metaphoricè. Sin autem intelligatur præsentia impropria, & intentionalis, nego consequentiam.

Dices, Totum hoc uniuersum est instar unius principatus bene dispositi. Non esset autem bene dispositum, si substantiæ spirituales, quæ sunt suprema, & perfectissima illius pars, non essent connectæ cum corporeis. Ergo semper debent cum his connecti. Hæc autem connectio non potest explicari per continuationem, seu contiguitatem, quæ sunt propria corporum. Ergo debet fieri per virtutem, & operationem, quæ cum non possit semper esse transmutatiua, ut circa empyreum, sit saltem virtutis applicatiua.

Ne.

Nego consequentiam. Et dico, hanc partium connexionem potissimum fieri per subordinationem, & regimen, per hoc quod suprema dirigant media, & hæc infima. Deinde fit per causalitatem & influxum, non quod omnia debeant ab omnibus causari, & multò minus quod omnia debeant in omnibus causare, sed quod omnia ad certa temporum, & locorum interualla, debeant præstita sibi munera exercere. Quia ergo Angeli mouent celos, custodiunt, & illuminant inferiora, & sunt per veram, & realem præsentiam intra ambitum supremi cæli, quamuis circa illud nil efficiant, adhuc conferunt ad uniuersi concinnitatem.

Dices 2. Dictum est toties, Angelum esse physicè in loco per operationem. Cur ergo non potest esse etiam metaphysicè?

Nego consequentiam. Et dico, ideo operationem esse rationem formalem. Angelo existendi in loco physicè, quia sola operatio facit nobis sensibilem talem existentiam. Per hoc enim quod appareat operatio physica in aliquo loco, cognoscitur quod in eodem loco sit principium illius. Quia tamen hoc non est verè, & formaliter esse in loco, ideo physicè loquendo, verè, & formaliter Angelus non est in loco, sed solum æquiuocè, ut loquitur D. Thomas. Et ratio à priori est,

est, quia quamvis physicè appareat illa operatio, non tamen apparet eius dependentia ab Angelo, cum quo non habet proportionem ordinis. Ergo non est signum infallibile eius præsentiæ in tali loco quoad substantiam, cum possit illa operatio aliunde haberi. Præterea quamvis posset ex illa infallibiliter argui præsencia localis Angeli, hoc tamen non esset formaliter ubicatio, sed solum arguitivè. Ergo non constitueret Angelum formaliter in loco. Ad præsentiā autem metaphysicam requiritur illa ratio formalis, quæ infallibiliter, & metaphysice faciat Angelum loco præsentem, quod non potest convenire, nisi ubicationi, quæ cum sit essentialiter connexa cum tali loco, & cum substantia talis Angeli, ex qua fluit, non potest non illum facere præsentem tali loco.

Dices 3. Ideo Angelus est physicè in loco, quia operatur circa corpus, quod est in loco. Ergo si operetur circa aliquod corpus non existens in loco, non esset physicè in loco. Atque adeo quia Empyreum non est in loco, Angelus non est in illo.

Argentinas in 2. d. 37. ar. 2. ad 10. respondet, Empyreum esse per accidens in loco. Sed hæc responsio nihil valet, Primò quia vel loquitur de loco intrinseco, vel de extrinseco? Si primum, cum

per

per se empyreum coexistat diuine immensitati, per se est in loco. Si secundum, cum nullum sit corpus continens, seu potens empyreum continere, neque est, neque potest esse in loco per accidens. Deinde vel empyreum est in loco per ipsam operationem Angeli circa illud, vel antecedenter ad illam? Si primum, ergo est in manu Angeli facere, quod tantum egulum sit, vel non sit in loco, quod est absurdum. Si secundum, ergo per se est in loco, & impertinenter se habet operatio Angeli ad eius locationem. Relicta igitur hac responsione, distinguo postremam partem consequentis, empyreum non est in loco intrinseco, nego, quia verè coexistit immensitati: non est in loco extrinseco, & subdistinguo, non est in loco positiuo, & physico, concedo: non est in loco negatiuo, seu spatio imaginario, nego. Quia ergo Angelus operatur circa corpus existens in loco alterutro modo, ideo semper physicè per operationem est in loco. Præterquamquod Angelus non est physicè in loco, quia operetur circa corpus locatum, sed quia operatur circa corpus locans. Quia ergo empyreum verè potest locare, quia verè potest continere modo supra explicato, impertinenter se habet ad ubi angelicum, quod ipsum non locetur positiuè.

Dices 4. Deus non est in loco per operationem.

rationem, seu applicationem virtutis.
Ergo neque Angelus.

Inprimis nego consequentiam. Disparitas est, quia cum Deus sit necessario ubique, non potest esse in loco per aliquid contingens, à quo circumscribatur, vel definiatur, & ideo est per suum esse, quod est aliquod necessarium illimitatum. Angelus autem est contingenter, & limitatè in loco. Deinde nego antecedens, si loquamur de præsentia physica; neque enim Deus apparet corpori sensibilibiter præsens, nisi exerceat circa illud sensibilem operationem.

A R T I C V L V S IX.

An possit Angelus esse simul in pluribus locis adæquatis?

Videtur non posse, ut propugnant Salmaticenses hic disp. 2. dub. 8. quibus Gabriel à S. Vincentio disp. 42. dub. 8. addit, hoc esse ita certum, ut neque in controuersiam redigatur, quamuis doctissimus Gonettus Thomistarum vexillifer disp. 4. ar. 2. illum redarguat falsitatis, docendo posse supernaturaliter Angelum esse simul in pluribus locis adæquatis. Eorum fundamenta reducuntur ad hæc. Primò quia locus adæquatus dicit negationem existentiae Angeli extra illum.

illum. Ergo dicit impossibilem coexistentiam alterius loci adæquati. Alioquin esset in primo existentiam alterius loci adæquati. Alioquin esset in primo loco, cum negatione existentie in secundo, & in secundo, cum negatione existentie in primo, adeoque utrobique diceret duo contradictoria, videlicet præsentiam in tali loco, eiusque negationem in eodem loco. Probant antecedens, quia locus adæquatus Angeli est ille, à quo definitur, idest in quo ita totus sit, ut extra illum non sit. Sicut enim inadæquatus non definit locatum, ita adæquatus definit. e. g. si Angelus sit in corpore Petri, totum corpus Petri est locus adæquatus, & manus inadæquatus. Nam ita est in manu, ut sit etiam in pede, non tamen ita est in toto corpore, ut sit etiam extra illud; & ideo definitur corpore, & non manu.

2. Locus adæquatus explet, & exhaurit totam vim locabilem. Ergo si locatum esset extra illum, eius vis locabilis non esset expleta, adeoque quia prior locus supponitur adæquatus, sequeretur utrumque contradictorium, nempe quod esset, & non esset adæquatus, quæ sunt impossibilia.

3. Quia obiectum adæquatum adæquat potentiam, hæc non potest ferri extra illud, ut dictum est in logica; aliter si
sup.

supponatur ferri ad aliud, illud non est obiectum adequatum. Ergo à pari si locatum ita sit in loco, ut possit esse simul alibi, locus illud non adequat, adeoque non est illi adequatus.

4. Locus Angelo adequatus, est illi maximus possibilium, ita ut in maiori non possit esse; sicut e conuerso inadequatus est ille, in quo ita existit Angelus, ut quamuis totus sit in illo, adhuc tamen possit esse in loco maiori, & ideo non est illi maximus. Sed si possit esse alibi, non est illi maximus, quia accessione alterius loci fit maior. Ergo vel non est illi adequatus, vel non compatitur existentiam locati in alio loco.

Conclusio, *Quamuis non possit Angelus esse simul physicè in pluribus locis adequatis, potest tamen metaphysicè, & supernaturaliter.* Ita Gibbo hic disp. 18. dub. 4. Gonettus loco citato, & plures ex recentioribus, etiam in schola D. Thomæ.

Probatur 1. Statuimus in 4. phys. posse idem numero corpus simul à Deo poni in pluribus locis adequatis circumscriptivè. Ergo etiam poterit idem Angelus poni simul in pluribus locis adequatis definitivè, quæ attentis eius solis viribus, simul ab illo occupari non possent, cum in hoc nulla vel imaginabilis inveniatur implicantia, ut probauimus loco citato. Quamuis enim Gonettus cum suis neget
ante.

antecedens, ex falso præsupposito, quòd corpora sint in loco per quantitatem, & nunquam per rationem formalem locandi, quam putant eidem duplicari non posse, sicut non potest duplicari unitas numerica, quam dicunt haberi per quantitatem; tamen quia ibidem, & alibi probauimus oppositum, ideo sicut idem corpus potest per duplex ubi circumscriptivum esse simul in duplici loco, ita idem Angelus per duplex ubi definitivum, potest simul duplicem locum occupare.

2. Statuimus in tractat. de visione beatifica disp. 8. ar. 3. omnem potentiam posse supernaturaliter eleuari, ad operandum extra suum objectum physicè adæquatum; & ideo intellectus creatus eleuatur ad videndum Deum per essentiam. Ergo etiam potentia loco motiua potest ita supernaturaliter eleuari, ut extendatur ad locari, extra suum locum, physicè adæquatum. Sicut enim corpus Christi, quod in cælo occupat circumscriptivè locum sibi physicè adæquatum, eleuatur ad occupandum simul aliud locum definitivè, ita potest Angelus occupans vnum locum definitivè sibi physicè adæquatum, eleuari ad occupandum aliud locum definitivè. Probatur consequentia ex paritate rationis, quoad substantiam replicationis, & ex maiori difficultate, quæ inuenitur in modo, ex parte

M

corpo.

corporis. Siquidem simul cum ubi circumscriptiuo, componitur idem corpus cum ubi definitiuo, per quod occupet modo spiritali alium locum. Substantia autem Angeli simul cum vno ubi definitiuo, eleuatur ad aliud ubi definitiuum, cum retentione eiusdem modi essendi in loco. Ergo si Deus potest primum, à fortiori potest etiam secundum.

Ad 1. quod est Achilles Aduersariorum, Distinguo antecedens, dicit talem negationem de formali, & primariò, nego: dicit de consequenti, tamquam effectum formalem physicum, & secundarium, concedo. Et distinguo consequens, dicit impossibilem talem coexistentiam, impossibilitate physica, concedo: impossibilitate metaphysica, nego consequentiam. Sicut enim locus circumscriptiuus corporum, per hoc quod dicat physicè, & de consequenti negationem existentiae ipsius corporis extra se, non dicit illam de formali, ita ut neque metaphysicè loquendo possit illa carere, per compossibilitatem cum alio loco circumscriptiuo; ita & locus definitiuus Angeli adæquatus, dicit quidem in ordine ad eius vires físicas, impossibilitatem cum alio loco, adeoque negationem praesentiae localis extra se, non tamen in ordine ad vires Omnipotentis, & ideo non dicit talem negationem de formali. Et ratio à priori est, quia

quia locus adæquatus non dicit negationem existentiae in alio loco, nisi in eo genere, in quo est adæquatus. Quia ergo est Angelo solum physicè adæquatus, ideo non nisi physicè importat huiusmodi negationem.

Ad cuius evidentiam dico, quòd idem locus, qui est Angelo physicè adæquatus, potest esse illi metaphysicè inadæquatus, cum possit Deus metaphysicè loquendo, & per suam absolutam potentiam, ponere Angelum in loco multò maiori, quàm posset ipse suis solis viribus naturaliter poni. Hoc posito, ille locus, qui in ordine ad vires Angeli, est adæquatus, quia illo maiorem occupare non potest, est inadæquatus in ordine ad vires omnipotentis. Et ideo attentis solis Angeli viribus, talis locus dicit negationem præsentiæ in alio loco, non quia præsentiæ in tali loco dicat hoc formaliter, & primariò, sed quia hic locus ut adæquatus, dicit physicè defectum virium in Angelo, ad se localiter extendendum extra illum, ex quo tamquam ex radice, physicè loquendo, necessariò resultat negatio præsentiæ in alio loco, quæ proinde importatur solum de consequenti, & radicaliter, adeoque à Deo impedibiliter, non quidem physicè, sed metaphysicè.

Vnde patet solutio ad 2. Si quidem vis locabilis potest considerari physicè, &

metaphysicè. Primo modo expletur per locum physicè adæquatum, & secundo modo per solum metaphysicè adæquatum. Et ideo non est absurdum, quòd eadem locabilitas sit in actu expletionis, in ordine physico, & simul sit in potentia ad ulteriorem expletionem, in ordine metaphysico.

Ad 3. Patet responsio ex dictis. Siquidem cum obiectum physicè adæquatum, possit esse metaphysicè inadæquatum, adæquat potentiam solum in ordine physico, non autem in metaphysico. Et ideo non potest ab illa excedi per vires physicas, quamvis possit metaphysicè per vires supernaturaliter additas, ut diximus de intellectu elevato ad visionem Dei. Idem dicimus de loco, qui cum solum physicè sit adæquatus, potest excedi per vires supernaturaliter Angelum replicantes. Unde posset argumentum retorqueri.

Ad 4. Nego maiorem, quæ neque potest habere veritatem simpliciter, neque secundum quid. Non primam, quia locus adæquans Angelum physicè, est quidem maximus ex physicè occupabilibus, non tamen est simpliciter maximus, quia potest dari maior, ut dictum est. Neque secundum, quia vel locus dicitur maximus per comparisonem cum alijs in tali ordine, vel per comparisonem cum alijs in talibus circumstantijs. Non potest dici

pri-

primum, quia redimus ad impugnata. Neque secundum, Primò quia Angelus, qui locaretur in corpore pueri, tamquam in loco hic, & nunc sibi adæquatus, posset locari in corpore gigantis, si varientur circumstantiæ applicationis, actionis, passionis &c. Ergo corpus pueri esset quidem adæquatus, non tamen maximus, attentis circumstantiis. Deinde quia si determinentur circumstantiæ, ita ut locus dicatur maximus in talibus circumstantiis in individuo, omnis locus erit adæquatus. Posito enim quòd loci magnitudo, determinetur à circumstantiis, determinatè sumptis, cum in talibus circumstantiis non possit dari locus maior, aliter variarentur circumstantiæ, quicumque locus ab illis determinatus, erit maximus, adeòque adæquatus, quod est absurdum. Siquidem vel esset adæquatus adæquatione sufficientiæ, quatenus videlicet sufficeret ad locandum totum Angelum; & hoc modo omnis locus inadæquatus esset adæquatus, posito quòd Angelus possit ad libitum se contrahere, ad locum minorem sibi naturaliter debito, ut statuemus inferius: vel adæquatione necessitatis, quatenus videlicet ita adæquat Angelum, ut maiorem pròhibito occupare non possit: & etiam omnis locus inadæquatus esset adæquatus, quia omnis locus ita adæquaret Angelum, ut hic & nunc maiorem occupare non pos-

set, quod confunderet inadæquatum cum adæquato.

Dices, non potest explicari locus adæquatus, nisi dicatur esse maximus. Ergo maximus conuertitur cum adæquato.

Nego consequentiam. Quamuis enim omnis locus maximus sit adæquatus, non tamen omnis adæquatus est maximus. Et ratio est, quia nomine loci adæquati intelligimus illum, quo ita totus Angelus continetur, ut secundum suam virtutem, ad maiorem extendi non possit. Hæc autem impotentia quia potest violenter provenire ab agente potentiore, ut accidit Diabolo, qui vexabat Saram uxorem Tobie, qui fuit ab Angelo Raphaelle ligatus in deserto Egypti, ut dicitur Tob. 8. ideo non semper supponit locum maximum, nisi sit adæquatus connaturalis, & non violentus, qui semper sicut dicit adæquationem purè physicam, ita semper dicit, esse maximum naturaliter, & non simpliciter, ut supra explicuimus; & ideo esse maximum, & adæquatum, non dicuntur ad conuertentiam.

Urgebis, adæquatus physicè est maximus physicè, & adæquatus metaphysicè est maximus metaphysicè. Ergo conuertuntur.

Nego antecedens. Cum enim quolibet loco, licet ingenti, possit semper Deus facere maiorem, in quo ponat Angelum,
 ideo

ideo locus metaphysicè adæquatus, non potest esse maximus possibilium . Quamuis enim ponat in toto mundo , quia potest condere novos mundos , ideo nec totus mundus est simpliciter locus maximus possibilium .

ARTICVLVS X.

An possit Angelus esse simul in pluribus locis inadæquatis discontinuis , seu distantibus ?

Videretur non posse , ut contendunt Suarez, Valquez, Molina, Valentia, Ioannes à S. Thoma, Gibbo , & alij . Primò quia non potest Angelus esse in pluribus locis, ut sunt plura . Sed si esset in pluribus locis inadæquatis discontinuis , esset in illis , ut sunt plura . Ergo non potest simul in illis esse . Maior patet , quia cum operatio sequatur modum essendi, cum hic sit finitus. & limitatus in Angelo , etiam eius operatio debet esse finita . Sed si posset simul esse in pluribus locis, ut pluribus, eius operatio non esset finita , cò quia non haberet limites . Ergo non potest esse in pluribus ut pluribus . Probarur minor , illa sunt loca plura ut plura , quæ neque habent continuitatem , neque contiguitatem . Sed plura loca distantia sunt huiusmodi . Ergo sunt

plura ut plura ; & ideo non possunt simul ab eodem Angelo occupari .

2. Vnum, & plura sunt propriæ affectiones entis . Ergo non possunt attingi, nisi ab eo, à quo attingitur ens, ut ens . Sed hoc est proprium solius Dei . Ergo quia Angelis non conuenit, neque conuenit attingere vnum, & plura, ut arguit Gabriel à S. Vincentio disp. 42. dub. 8.

3. Vna virtus finita, & limitata non potest, nisi ad unum effectum terminari, adedque ad unam operationem . Sed virtus Angeli est finita, & limitata . Ergo non potest, nisi ad vnum effectum, subindeque ad vnam operationem terminari . Sed per unam operationem non possunt simul occupari plura loca . Ergo non potest Angelus esse simul in pluribus locis .

4. Vel occupatis extremis, occuparetur etiam medium, vel non ? Si primum, ergo non essent plura loca, sed unus . Si secundum, ergo transiret Angelus ab uno extremo ad aliud, sine medio, quod est impossibile .

Conclusio, Potest quidem Angelus, intra latitudinem sui spatij adæquati, esse simul in pluribus locis inadæquatis discontinuis præsentia physica, non tamen metaphysica, nisi supernaturaliter .

Probatur prima pars, Angelus est physicè in loco per operationem, ut dictum est supra . Ergo quia libere operatur, potest

test modò operari prò libito in toto spatio sibi connaturaliter debito, modò in una tantum illius parte, & modò in pluribus etiam difficis, non continuando operationem in partibus intermedijs. Nā si supponamus e. g. eius adæquatum spatium esse hoc cubiculum, potest prò libito operari in omnibus eius angulis, & non in medio. Ergo potest existere in illis, ut loco discontinuis, quatenus eius præsentia physica, quæ sequitur operationem, illos discontinuat. Hinc tamen non sequeretur quòd operaretur in distans, Primò quia hæ operationes non transirent ab uno extremo ad aliud, sed æquè primò deriuarent ab eodem Angelo. Et deinde, quia Angelus operans esset utrobique, & etiam in medio per præsentiam metaphysicam, in ordine ad quam extrema continuantur, quod non potest agentibus corporeis conuenire. Et ratio est, quia cum corporea loco circumscribantur, secundum eam partem, secundum quam applicantur, & correspondent huic parti spatij, non possunt alteri applicari. Atque adeo cum operatio sit totius, & non partis, fieri non potest, quòd operentur in una parte, quin operentur in alijs, adeoque quin tota sint in toto spatio, & singule eius partes in singulis partibus spatij. Angelus autem quia est in loco definitiue, ita est totus in toto, ut sit totus in singulis

partibus . Ergo potest operari in illis partibus, in quibus voluerit, & non in alijs .

Præterea locus inadæquatus, ut formaliter talis, necessariò dicit connexionem cum alio loco inadæquato, sicut pars dicit compartem . Ergo non potest Angelus esse in uno loco inadæquato, quin sit in alio inadæquato . Atque adeo quia locus adæquatus constat ex omnibus inadæquatis, non potest esse in loco adæquato, quin simul sit in omnibus inadæquatis præsentia metaphysica . Cum ergo sit in omnibus illis totus, sicut est totus in toto, potest operari in toto, vel in partibus, prout voluerit, nullo habito respectu ad ordinem earum .

Probatur secūda pars, Non posset Angelus esse metaphysicè præsens duobus locis inter se distinctis, & discontinuis, nisi replicaretur in illis quoad substantiam . Replicatio autem non potest fieri, nisi per vires Omnipotentis, supernaturaliter operantis . Ergo neque Angelus potest esse simul in duobus locis distinctis discontinuis . Maior patet, quia duo loca distincta discontinua nullam habent unitatem . Ergo sunt verè duo, ut duò . Hoc non valet de præsentia physica, quæ cum supponat præsentiam metaphysicam, etiam in spatio intermedio, supponit unitatem talis præsentia, in qua extrema
cum

cum medio formaliter uniuntur. Ergo quamvis ut loca physica, sint diffusa, & discreta, tamen possunt ab eodem per modum unius, absque ulla replicatione, occupari. Sicut enim anima rationalis, quia est definitivè in toto corpore, potest operari in manu, & non in pede, ita Angelus existens in toto spatio, potest operari in hac, vel illis partibus, & non in alijs. Probatur minor, loca non possunt physicè acquiri, nisi per motum. Ergo cum omnis motus sit successivus, ut dictum est in 3. phys. non possunt occupari loca, nisi per transitum ex uno ad alium locum. Sin autem occuparentur per replicationem mobilis, alterutrum sequeretur, nempe vel quòd unus locus moveretur ad alium, vel quòd Angelus per motum non recederet à loco, quæ sunt absurda. Ergo non possunt physicè acquiri per replicationem. Probatur sequela, cum Angelus moveretur ad locum B. retento A. vel locus A. penetraretur cum B., & sic non Angelus, sed locus moveretur; vel non penetraretur, & sic Angelus per motum quiesceret in loco A. quem semper retineret instar testudinis, & ad libitum duplicaret.

Probatur tertia pars, quia hæc absurda non habent locum, in ordine ad Deum supernaturaliter operantem. Sicut enim ab initio creavit Angelum sine motu, ita

posset illum in duplici, vel triplici loco adæquato simul collocare, absque ullo motu, ut replicat corpus Christi sub speciebus Eucharisticis, siue per nouam creationem eiusdem, ut voluit Suarius, siue per solam creationem noui ubi, ut fuse probaui in 4. phyl. disp. 1. ar. 10. Ergo ex repugnantia physica, non valet consequentia ad metaphysicam.

Ad 1. Respondet Gonettus hic disp. 4. ar. 3. §. 1. aduersus Ioannem à S. Thoma, negando minorem. Putat enim, quòd sicut respectu rei corporeæ, unitas loci desumitur ab unitate formalis superficiæ ambientis, ita respectu rei spirituales, desumatur ex eo, quòd corpus ita situm sit, ut possit simul totum ab illa occupari. Quia igitur loca inadæquata supponuntur hic posita intra spheram angelicæ actiuitatis, ideo quia possunt simul occupari, non sunt plura, sed unum. Sed hæc responsio meritò irrideretur ab Aduersario. Primò quia unitas effectus non desumitur ab unitate causæ, & multò minus ab unitate virtutis actiuæ; aliter cum Deus sit unus, eiusque omnipotentia sit una, & eadem virtus, qua omnia producit, omnes creaturæ essent unus effectus Dei, qui proinde non produxisset ad extra plura ut plura, sed plura ut unum; & subinde si crearet alium mundum, quem potuisset simul cum hoc creare, quia es-

set

set intra eius obiectum adæquatum, non faceret plures mundos, sed unum, quod est ridiculum. Quamvis enim in ratione obiecti, non facerent duo obiecta adæquata, tamen in ratione entis, facerent plures effectus adæquatè distinctos. Sed occupatio loci est effectus occupantis, siue fiat per operationem, siue per ubi. Ergo licet loca essent unum, in ratione obiecti adæquati, respectu locabilis, tamen quia discretè occuparentur per plures actiones discretas, occuparentur ut plura, in ratione effectus virtutis locatiue. Deinde illa loca vel acciperentur formaliter ut loca, vel materialiter ut tales entitates? Vtroque modo sunt plura ut plura. Ergo corrumpit doctrina Gonetti. Probo minorem, locus ut locus, constituitur inesse formaliter talem per relationem distantie ad centrum terræ, polos cælorum, & alia corpora, ut diximus in 4. phys. Sed huiusmodi loca discreta haberent diuersas huiusmodi relationes. Ergo ut formaliter loca, essent plura ut plura. Præterea haberent diuersas entitates, absque ulla unione. Ergo etiam materialiter essent plura ut plura.

Nego igitur minorem, propter aliam rationem, nempe quia hæc loca essent quidam discreta, in ordine ad operationem, constituentem præsentiam physicam, non tamen in ordine ad præsentiam metaphysicam

ficam præsuppositam. Ergo quia per illam continuarentur, non essent plura, sed unum.

Ad 2. Nego minorem, cuius falsitatem alibi toties impugnauius. Siquidem si solus Deus attingeret proprietates entis, cum omnia reducantur ad illas, nihil posset à creaturis attingi, quo nihil absurdius.

Ad 3. Nego maiorem. Primò quia eadem virtus Solis illuminat simul terram, & planetas per diuersas actiones; nam terram illuminando facundat, illis non facundatis. 2. Eadem virtus Angeli illuminat empyreum, & mouet sphæras, videt Deum, & custodit homines: & homines beati fruuntur Deo, & exercent cum alijs alias operationes, ut vidimus in trac. de beat. 3. Idem Angeli intellectus videt se ipsum per suam substantiam, & alia per species infusas. Ergo habet simul plures intellectiones; quæ ut procedentes à diuersis principijs, sunt valde diuersæ. Deinde distinguo eandem maiorem; eadem virtus non potest, nisi unum effectum totalem, & adequatum, concedo: partialem, & inadequatum, nego. Quia ergo loca inadequata non exhauriunt singula virtutem loco motiuam, ideo eorum occupatio est effectus inadequatus, adeoque compatibilis cum alio inadequato.

Ad 4. Dico, quòd Angelus posset simul
occu-

occupare loca disposita inadæquata, etiam non occupatis medijs; aliter illa loca non essent discontinua, & cessaret omnis quæstio, cum loca inadæquata continua, non solum possint, sed debeant simul occupari, ut dictum est supra, quatenus simul constituunt unum locum adæquatum.

ARTICULVS XI.

An possint plures Angeli esse simul in eodem loco.

Videntur non posse, ut contendunt Thomistæ, cum D. Thoma hic q. 52. ar. 3. Primò quia non possint duæ causæ completæ, & adæquatæ producere simul eundem numero effectum. Ergo cum Angelus sit in loco per hoc quòd eius virtus immediatè tangat locum, per modum continentis perfecti (ut ipsi supponunt) non potest in uno loco esse, nisi unus Angelus.

2. Dux animæ rationales non possunt esse in eodem corpore. Ergo neque duo Angeli in eodem loco. Quòd si quis illis obijciat, posse dæmonem illabi in corpus ænergumini, adeoque in illo simul cum anima locari, Respondent, animam ibi comparari ad corpus, per modum formæ informantis, dæmonem verò per modum assistentis; adeoque non habere eandem habi-

habitudinem causæ, & ideo posse simul ibidem locari, quod non contingeret duobus angelis, qui eodem modo ad locum compararentur.

3. Sicut se habet corpus ad locum per commensurationem, ita se habet Angelus per definitionem. Sed non possunt duo corpora uni loco commensurari. Ergo neque duo Angeli uno loco definiri, ut arguit Egid. in 1. p. p. d. 37. q. 3.

Conclusio, Possunt plures Angeli esse simul in eodem loco, non solum præsentia metaphysica, sed etiam physica, loquendo de utroque loco, tam adæquato, quod inadæquato.

Probo primam partem, quam sequuntur Scotus in 2. d. 2. q. 8. Gregor. Arrip. ibid. q. 3. ar. 2. Gabriel ibid. q. 2. dub. 4. Ockham quodlib. 1. q. 4. dub. 4. Vasquez, Molina, Valentia, & alij, Primò ex Lucæ 8. & Marci 5. ubi dicitur, in uno homine fuisse simul dæmonum legionem, qui à Christo eiectioni, & porcos ingressi, illos in mare præcipitauerunt. Sed hi dæmones non potuerunt distribui, singuli in singulis illius hominis partibus, ut asserit Ioannes à S. Thoma; siquidem (ut obseruat hic Gonettus disp. 4. ar. 4.) erant plures, quàm sexmille sexcenti sexaginta, & si omnes se rede gissent ad loca tam angusta, non potuissent in illis operari, & multò minus uniformiter operari

Ergo

Ergo fuerunt simul in toto illo corpore, adeoque in eodem loco, ut idem docet.

2. Totā ratio, cur non possint plura corpora penetrari, est quia sunt quanta. Sed Angeli non sunt quanti quantitate, molis. Ergo possunt penetrari, sicut poterunt corpora gloriosa, adeoque esse in eodem loco. Sicut enim possunt penetrari cum corporibus, ut accidit in obsessis, à fortiori possunt inter se penetrari, ut arguit Gibbo hic nobiscum sentiens disp. 18. dub. ultimo.

Probat̃ur secunda pars, Primò quia possunt plures Angeli simul operari diuersas operationes circa idem corpus, nempe illud mouendo, illuminando, calefaciendo, &c. Sed existentia physica in loco, vel est formaliter operatio, vel in illa formaliter fundatur, ut dictum est supra. Ergo possunt plures angeli simul physicè locari in eodem corpore.

2. Possunt simul esse in eodem loco materia, & forma substantialis ligni e. g. quamuis utraque sit quanta. Ergo & duo Angeli. Antecedens admittitur à Philosophis, dicentibus unanimiter, materiam cum forma penetrari. Consequentia probatur, quia non habent maiorem incompossibilitatem localem duarum substantiarum purè spirituales, ad duo ubi definitiua omninò similia, quàm duo corpora incompleta ad duo ubi circumscriptiua,
fimi.

similia. Ergo si possunt hæc simul associari, etiam illæ. Neque obstat quod materia, & forma sint substantiæ incompletæ. Nam in ordine ad locum, corpora considerantur ut quantæ, non autem ut completæ, aliter possent simul poni in eodem loco plures, immò & infinitæ materiæ, tamquam locum non occupantes, quod est absurdum. Ergo ratio completi, vel incompleti, impertinenter se habet ad constituendum corpus in loco, in ordine ad quem eodem modo se habent completæ, & incompletæ.

Dices, ideo materia, & forma possunt simul locari, quia ut partes eiusdem corporis, sunt in loco per ubi totius, ut docuimus in 4. phys. disp. 1. ar. 9. Sed hoc non valet de Angelis, qui cum sint substantiæ spirituales per se completæ, non possunt esse partes substantiæ. Ergo non valet paritas.

Nego maiorem. Nam in eodem loco citato docuimus, non solum materiam, & formam, sed etiam accidentia, & omnia alia, quæ sunt in composito, locati per idem ubi compositi. Ergo non ideo locantur in eodem loco materia, & forma, quia sunt partes, & substantiæ incompletæ, sed quia sunt in composito. Præterquamquod etiam si admittatur assumptum, adhuc nihil euincitur contra conclusionem. Siquidem ubi circumscri-

ptivum

ptivum totius corporei, cum sit formaliter diuisibile, constat ex partibus, quarum una non est realiter alia. Ergo adhuc est assignare ubi proprium materię, ut distinctum ab ubi formę. Sicut enim habent proprias quantitates partiales, ita habent propria ubi partialia, quę fundantur in illis, quorum complexione fit unum ubi totale correspondens toti composito. Quod si in loco citato supposuimus oppositum, locuti sumus in sensu aliorum, qui sicut communiter distinguunt quantitatem à quanto; ita admittunt in composito unicam quantitatem, fundantem unum ubi totius. Nos autem in propria sententia, quam statuimus in 6. phys. sicut non distinguimus quantitatem à quanto, ita in materia, & forma, quę sunt duo quanta, admittimus duo ubi partialia, fundata in duplici quantitate partiali.

Probo tertiam, loca adęquata constituentur ex inadęquatis. Ergo non possunt Angeli esse simul in eodem loco adęquato, quin sint simul etiam in inadęquatis. Pręterea possunt habere aliquem locum inadęquatum communem, quin habeant adęquatum. Nam si fingamus, locum adęquatum duobus Angelis seorsim esse spatium bipalmare, si locentur in spatio tripalmari, potest unus accipere sibi primos duos palmos, & alter secundum, & tertium,

tertium, ita ut primus, & tertius sint proprii, & secundus communis. Ergo possunt penetrari in loco inadæquato, non penetrati in adæquato.

Ad 1. Primò nego consequentiam, quæ solum posset verificari de simultate præsentia physica, per eundem existendi modum, qui haberetur per eandem operationem circa idem corpus, non autem de simultate præsentia metaphysica, quæ habetur per indistantiam, vel præsentia physica, quæ habeatur per diversum modum existendi, fundatum in diuersa operatione. Ergo cum Egidius, & D. Thomas excludant solam primam simultatem, ut patet in responsione ad obiecta, non sunt contra nos. Aliter eorum argumentum de causis totalibus, esset omninò ineptum, utpote quod impeteret unitatem dependentia, in effectuum, & causarum diuersitate. Deinde nego antecedens. Nam probauimus in 2. phys. disp. 2. ar. 4. posse eundem numero effectum produci à duplici causa totali, etiam eiusdem generis. Ergo ex isto capite, possent duo angeli esse in eodem loco, per eandem operationem.

Ad 2. Nego antecedens. Primò quia probauimus in 2. phys. disp. 3. ar. 6. posse duas formas substantiales, non solum eiusdem, sed etiam diuersæ speciei, esse in eadem numero materia. Ergo etiam
duz

duæ animæ possunt esse in eodem corpore. Vnde retorquetur argumentum. Deinde quamvis concedatur non posse simul existere duas animas in eodem corpore, ut actus informantes, possent tamē simul existere, ut duæ substantiæ disparatæ in eodem corpore, tamquam in loco. Nam impossibilitas ad simul actuantium, non est impossibilitas ad locari, ut patet in animabus separatis, quarum plures possunt esse in eodem loco. Ergo ex paritate animarum, nihil euincitur prò Thomistis.

Ad instantiam de illapsu Dæmonis in animam, in primis nego suppositum. Et dico, illapsum in creaturas non posse fieri, nisi à Deo, ut innuimus in trac. de beat., & probabimus suo loco. Et deinde quòd licet concedatur Dæmoni in animam obsessi, adhuc non promouetur intentum arguentis. Siquidem adhuc Dæmon, & anima obsessi essent in eodem loco, quamvis ille per modum formæ assistentis, & hæc per modum informantis, quæ solum variarent modum essendi in loco, non autem præsentiam localem, quoad substantiam, ut acutè obseruat Ariminenfis in 2. d. 2. q. 3. ar. 2.

Ad 3. Nego maiorem, quæ non probatur ab arguente. Disparitas est, quia corpora ratione quantitatis, non possunt esse connaturaliter in loco, nisi per con-

men

mensurationem, quæ habetur per ubi circumscriptiū, unde illis resultat impenetrabilitas. Spiritus autem, propter defectum quantitatis, possunt penetrare quodcumque corpus, & de facto penetrant cælos, ingrediuntur cubícula ianuis clausis, penetrant montes, muros &c. Ergo non se habent ad corpora, seu loca eodem modo. Atque adeo si possunt esse simul cum corpore in eodem loco, cur non poterunt etiam esse cum alio spiritu, cum quo habent minorem impossibilitatem, & maiorem penetrabilitatem?

A R T I C V L V S XII.

An possit Angelus prò libito seligere sibi locum maiorem, vel minorem adæquato?

Videtur non posse, ut contendit Gregorius de Valentia hic disp. 4. q. 3. puncto 3. docens, Angelum non posse esse in loco minori, quàm sit illi adæquatus, loquendo de præsentia metaphysica, quamvis admittat posse, secundum præsentiam physicam. Eius fundamenta sunt, Primò quia amplitudo spatij, est proprietas consequens perfectionem substantiæ angelicæ. Sed proprietates non possunt augeri, vel minui, sed sunt necessariò tales, ac tantæ determinatè, ut patet inductione.

Etione. Ergo non potest Angelus modo se extendere ad spatium maius, modò se contrahere ad minus, sed semper est in sibi adæquato.

2. Deus non potest se contrahere ad minus spatium immenso, neque animæ ad minus corpore, quod informat. Ergo neque Angelus ad minus adæquato.

3. Si posset esse in minori, quàm sit locus adæquatus, posset se reducere ad punctalem. Hoc autem negatur ab Egidio in 1. p. p. d. 37. princ. 2. q. 2. lit. N. & posset ut falsum reijci, Primò quia si posset se redigere ad punctum, posset etiã locari in substantia alterius angeli, cui competit æqualis indivisibilitas, quod est absurdum, eò quia vel hoc fieret per illatum, vel nulla esset ratio, cur substantia unius esset locus alterius, & non locatum; & sic se inuicem locarent, & locarentur, per mutuam causalitatem quoad præsentiam localem. Deinde quia quò locus est minor adæquato, eò requiritur maior virtus ad essendum in illo, propter maius dominium in applicationem suæ substantiæ, seu virtutis operatiuæ. Ergo sicut si posset esse in maiori, & maiori in infinitum, requireretur virtus infinita, ita requiritur ad hoc ut sit in minori, & minori in infinitum. 3. Ibi non potest esse Angelus, ubi non potest operari. Sed in puncto non potest operari. Ergo neque potest existere.

Con-

Conclusio, Potest Angelus, intra latitudinem sui loci adæquati, occupare prælibito maiorem, vel minorem in infinitum, non tamen potest excedere limites adæquati, nisi supernaturaliter.

Probo primam partem, quam aperte propugnat Scotus in 2. d. 2. q. 6. Quod potest esse in aliquo loco sibi adæquato, potest esse in omni alio loco illi æquali, ut demonstrat Euclides lib. 1. elem. prop. 36. ubi probat, parallelogrammata super æqualibus basibus, & inter eandem parallelas esse æqualia. Sed potest dari locus æqualis adæquato uni Angelo, maior, & maior in infinitum. Ergo intra limites sui obiecti adæquati, potest Angelus quilibet occupare locum, maiorem, & maiorem in infinitum. Maior patet ex illo principio, quæ eidem sunt æqualia, inter se sunt æqualia. Ergo si dentur plura loca maiora, & maiora, quæ sint æqualia adæquato, omnia illa sunt inter se æqualia, adeoque adæquant eundem angelum. Probatur minor, supposito quod locus adæquatus Michaeli sit Roma c. g. potest ita disponi talis locus, ut tantum augeatur secundum longitudinem, quantum minuitur secundum latitudinem. Sed huiusmodi decrementsa latitudinis, & longitudinis incrementa possunt fieri in infinitum, ut ostendimus in 6. phys. Ergo cum Angelus non sit figuratus, poterit occu-

occupare prò libito longiorem , & longiorem locum in infinitum , ita ut semper sit in loco sibi æquali , secundum solam situationem partium accidentaliter immutato . Hoc idem valeret , si existens Angelus in loco dimidio adæquati , dilataretur ad aliud dimidium , per infinita eius dimidia , in quæ à Deo subdividetur . Nam semper occuparet locum primo maiorem , numquam excedendo limites adæquati . Ergo potest semper occupare maiorem , & maiorem locum , intra limites adæquati .

Probo secundam , quam admittunt Egidius loco citato , & D. Thomas hic q. 52. ar. 2. & communiter alij . Angelus cum non sit quantus , nullam habet extensionem , ratione cuius loco commensuretur , sicut faciunt corpora . Ergo sicut totus est in toto loco palmari , & totus in semipalmari , qui est pars loci adæquati , ita posset esse in solo semipalmari , separando se ab alio semipalmari . Et idem dico de digitali , semidigitali &c. Cum enim à loco non dependeat , potest in illo se contrahere , vel dilatare , non solum operando in vna parte , & non in alia secundum præsentiam physicam , sed etiam retenta quoad suam substantiam vna parte , relinquendo alias , secundum præsentiam metaphysicam .

Quòd si quæras cum Gonetto , unde ,
N habeat

habeat Angelus, quòd ubi priùs erat in spatio palinari, deinde se ponat in semipalinari, secundum præsentiam metaphysicam? Respondeo, quòd si ly *unde* appellat causam formalem, est noua ubicatio: si causam efficientem, est Angeli substantia: si causam applicatiuam, seu determinatiuam substantiæ angelicæ ad talem productionem, est liberã eius volitio. Sicut enim homo liberè se determinat ad essendum hic potius, quàm alibi, ita & Angelus, ut optimè docet Suarez lib. 4. de Angelis c. 11. In quo miror quomodo potuerit ab eodem calumniari, dicente, volitionem Angeli non esse causam formalem essendi in loco, sed solum applicatiuam. Sicut enim ipse ait, rationem diuersitatis oriri ex eo, quod Angelus liberè applicat suã virtutem maiori, vel minori spatio; ita docet Suarez, oriri ex eo, quòd liberè applicat suam substantiam, quæ licèt non sit ratio formalis essendi in loco, tamen est causa naturalis ubicationis, necessariò resultantis ex illa taliter applicata. Ergo variata applicatione substantiæ, variatur præsentia localis, sicut variata applicatione ignis ad passum, variatur calefactio, licèt applicatio non sit ratio formalis calefactionis: & variata applicatione Solis ad aerem, variatur illuminatio &c.

Probo tertiam, cum Angelus sit indiuisibi-

uisibilis , in quacumque vel minima parte spatij , potest secundum totam suam substantiam fundare tales relationes distantiae , & propinquitatis ad polos caelorum , & centrum terrae . Ergo potest locari . Sed omne spatium est diuisibile in infinitum , ut probauimus in 6. phys. Ergo procedendo à maximo ad minimum , semper potest procedere in infinitum , quia nulla est assignabilis pars adeo exilis , ut minor assignari non possit . Et idem dico de processu e minimo ad maximum , quia cuilibet determinatae parti spatij , possunt fieri infinita additamenta per partes proportionales , ita ut numquam deueniatur ad partem omnium maximam , ut vidimus loco citato .

Probo quartam , locus adaequatus adaequat virtutem locatiuam Angeli . Ergo illum exhaurit , si solis suis viribus operetur , ut diximus ar. 9. Sed si illum excederet , non fuisset exhausta . Ergo non potest extra illum vagari . Hoc autem non valet in ordine ad vires Omnipotentis , qui sicut potest replicare duo corpora , ita potest replicare duos angelos in duobus locis , quorum unus sit adaequatus , & alter inadaequatus , vel etiam in duobus locis adaequatis , ut ibidem probauimus ex professo . Ergo quauis non offit Angelus per suas vires excedere locum adaequatum , potest tamen supernaturaliter .

Ad 1. Nego maiorem, quæ fundatur in ingenti æquivocatione. Aliud enim est exigentia amplitudinis loci, & aliud ipsa loci amplitudo. Prima quidem est proprietas substantiæ, non autem secunda. Quis enim dicat, potentiās, & exigentias esse semper naturali necessitate determinatas ad ultimum terminum suæ actiuitatis? Vtique est proprietas oculi exigere visionem colorati, non tamen semper videt in maxima, vel minima distantia, attingendo terminos suæ actiuitatis. Quod idem dico de aure, quæ non semper audit quantum potest, sed utriusque actiuitas sequitur applicationem, aliasque condiciones requisitas ad operandum. Sicut ergo potentiæ possunt modò disponi ad perfectius, & modò ad imperfectius operandum; ita & substantia Angeli potest pro libito modò se disponere ad maius, & modò ad minus spatium occupandum. Immo & ipsa corpora possunt se contrahere, vel dilatare in ordine ad locum, per addensationem, vel raritatem, ut vidimus in 6. physic., quancò magis Angelus, qui cum nullas habeat partes, quarum una impellat aliam, non cogitur esse præsens tanto spatio?

Dices, ergo tam angelus imperfectior potest se extendere ad locum maximum, adaquatum angelo perfectissimo, quam
hic

hic se contrahere ad minimum, qui sit adequatus imperfectissimo; quo admissio, non erit proprietas perfectissimi exigere, maiorem locum, neque imperfectissimi exigere minimum, quod confunderet angelorum proprietates.

Nego consequentiam. Sicut enim non potest Angelus minimus se contrahere ad locum puncto minorem, qui est impossibilis, ita neque se extendere ad maiorem suo adequato, qui sibi connaturaliter operanti est impossibilis. Ergo semper distinguerentur hæ proprietates; nam, una habet prò termino magnitudinis e.g. mille passus, & alia solos quingentos, ut patet in alijs potentijs. Quamvis enim possit oculus applicari ad videndum propinquius, vel remotius, non potest tamen se extendere extra id, quod est ultimum suarum virium.

Ad 2. Nego consequentiam. Disparitas est, quia Deus est per se ipsum formaliter præsens loco. Ergo sicut eius esse est immutabile, ita eius ubicatio, que est immensitas, ut probauimus in trac. de attributis. Angelus autem est in loco per ubi supperadditum, ad cuius extensionem potest prò libito se determinare. Quoad animam dico, illam esse actum corporis, & ut talem non posse illud totum non informare, cum sit ad hoc essentialiter ordinata. Non posset autem il-

lud informare, nisi esset in illo. Ergo cum debeat totum informare, debet esse in toto. Preterquamquod etiam anima potest occupare modò maius corpus, & modò minus, ut patet in puero, & viro. Ergo quod illi accidit naturali necessitate aligationis ad corpus, potest angelo accidere pro sua libertate.

A R T I C V L V S XIII.

Solvitur ultimum argumentum, & queritur an possit angelus esse in loco punctali? & in alio Angelo tamquam in loco?

AD 3. Distinguo maiorem, posset angelus se redigere ad locum punctalem, per presentiam physicam, nego: per presentiam metaphysicam, & subdistinguo, ad locum punctale, qui sit indivisibile physicum, siue rationis, concedo: qui sit indivisibile mathematicum, vel metaphysicum, nego maiorem, non quia si daretur hoc indivisibile in spatio, non posset angelus in illo locari, sed quia nullum datur huiusmodi indivisibile, ut probauimus in 6. phys. Ratio autem cur posset locari, in illo est, quia cum angelus sit expers partium, neque habeat quantitatem, non exigit extensiuè locari, sed solùm definitiuè. Sicut ergo est totus in toto
spa.

spatio, ita est etiam totus in singulis eius partibus, adeoque esset etiam totus in singulis eius punctis, si constaret ex punctis. Atque adeo sicut corpus Christi, quia est definitivè in hostia, & in singulis eius partibus, remanet totus in qualibet vel minima eius parte, si separetur ab alijs, ita angelus ita est totus in singulis punctis, ut in vno ex illis totus remaneret, si ab alijs existeret separam.

Ad auctoritatem Egidij, quæ affertur in minori contra nostram doctrinam, dico, illum loqui de præsentia physica, non autem de metaphysica, ut patet in loco citato, ubi hæc habet, *Angelus est in loco per operationem, & punctus non est operationis susceptivus*. Et affert rationem, quia virtualis contactus, secundum quem est actio, & passio, ad punctum esse non potest. Et probat, quia quæ sic tanguntur, magnitudinem habent, ut probat Philosophus 1. de generat. c. de tactu. Unde concludit, *Non igitur poterit esse Angelus in loco indivisibili*. Cum ergo nostra conclusio procedat de præsentia metaphysica, Egidius non est contrarius, & quamvis esset, illi opponeremus D. Thomam eius magistrum, apertissimè nobiscum sentientem, ut videre est hic q. 52. ar. v. ubi docet, *Quidam imaginationem transcendere non valentes, cogitauerunt indivisibilitatem angeli, ad modum indivisibili.*

sibilitatis puncti . Et ideo crediderunt , quòd Angelus non possit esse , nisi in loco punctali . Sed manifeste decæpti sunt , nam punctum est indiuisibile habens situm , sed angelus est indiuisibilis extra genus quantitatis , & situs existens . Vnde non est necesse , quòd determinetur ei locus indiuisibilis secundum situm . Et concludit nobiscum , sed vel indiuisibilis , vel diuisibilis , vel maior , vel minor , secundum quod voluntariè applicat suam virtutem ad corpus maius , vel minus .

Ad primam rationem nego sequelam , non quia punctum ratione quantitatis , & situs , possit terminare contactum virtutis alterius angeli , eiusque impulsu immediate recipere , vt docet Gonettus hic in fine primi articuli , quod non potest substantia angeli . Nam hoc supra reieccimus cum Egidio . Multò minus quia Angelus possit agere in solum punctum , immediate suppositi , & virtutis , illoque mediante , in partem continui , vt docent hic Salmaticenses . Primò quia punctum per se moueri non potest . Ergo Angelus non potest in illud agere transeunter . Deinde quia punctum per se non potest esse subiectum motus localis , sed solum per accidens ratione compartium . Ergo non potest angelus in illud operari , quin operetur in partem continui . Atque adeo si est in loco per operationem , non potest esse ,

esse, nisi ubi operatur, cuiusmodi non est solum punctum. Dico igitur cum Suario, Angelum solum metaphysicè posse redigi ad punctum, si hoc admittatur, & non in substantia Angeli. Ratio est, quia punctum est pars lineæ, sicut hæc est pars superficiei. Ergo sicut linea, & superficies habent situm, ita punctum habet partem situs, ratione cuius cum sit intra genus quantitatis, potest cum alijs corporibus comparari, & fundare tales relationes distantie, & propinquitatis ad polos celorum, centrum terre, & alia corpora, tam locantia, quam locata. Angelus autem quia nullo modo habet situm, ideo est extra totum genus quantitatis, & ut talis non est cum ullo corpore comparabilis. Quia ergo ad rationem loci requiritur, quod fundet relationem distantie ad puncta fixa, & alia corpora; ideo potest punctum esse locus angeli, non autem angelus.

Dices, situs est ordo partium, in ordine ad locum. Ergo ubi non sunt partes, sicut in puncto, non est situs.

Concedimus totum, quod evertit quidem rationem Suarij, laudatam à Conecto, quod punctum habeat situm, non autem nostram, quod habeat partem situs. Et ratio est clara, quia sicut unitas A. quæ cum unitate B. faciebat numerum, si separaretur, non est numerus, sed pars

numeri potentialis, quatenus retinet potentiam ad hoc ut iterum coniungatur cum alia, & faciat numerum; ita punctum A. quod cum puncto B. faciebat lineam habentem situm, si ab illo separaretur, remanet cum potentia ad hoc ut coniungatur cum alio, & faciat lineam habentem situm. Ergo habet partem situs, non quidem actualem, sed potentialem, quatenus retinet entitatem, quæ potest partialiter constituere quantum situatam, quod non habet Angelus, cuius substantia nec actu, nec potentia constituit situatam.

Urgebis, quod non est in loco, non est in potentia habens situm. Sed punctum non est in loco, eò quia neque illi conveniat ubi circumscriptum, neque definitivum. Ergo nullo modo habet situm.

Nego minorem. Et dico, puncto in statu coniunctionis cum alijs, convenire ubi circumscriptum, & in statu separationis, ubi definitivum, quatenus cum non occupet nisi punctum spatij, est in illo indivisibiliter, quod est proprium ubi definitivi.

Ad 2. rationem Nego antecedens. Ad cuius probationem nego suppositum. Et dico, Angelum de se habere quidem limitationem, & determinationem ad tantam sphaeram suæ actiuitatis, non autem ad partes contentas intra illam, ad quas se habet omnino indifferenter, Ergo non
indi-

indiget maiori virtute, ad hoc ut se ponat in loco inadæquato, potius quàm in adæquato, cum talis locatio sit illis penitus arbitraria. Immo si requiratur peculiaris virtus, ad occupandum spatium minus, multò magis requireretur ad occupandum maius. Et ratio est, quia si loquamur de præsentia physica, cum hæc habeatur per operationem, ad maiorem præsentiam requiritur maior operatio, quæ ut talis, appellat maiorem virtutem. Si verò de metaphysica, cum eius quantitas sequatur quantitatem virtutis, sicut extensio maior loci adæquati, arguit maiorem perfectionem, ita occupatio maioris inadæquati, arguit maiorem accessum ad adæquatum, adeòque maiorem perfectionem in occupante. Et idem valet de dominio, quod si attendatur secundum extensionem, sequitur extensionem termini, & secundum intensiorem, sequitur quantitatem perfectionis, sicut diximus de præsentia metaphysica. Ergo in maiori spatio arguitur maius dominium, tam extensivè, quàm intensivè.

Dices, ad minus visibile requiritur maior virtus, quàm ad maius. Ergo etiam ad minus spatium.

Nego consequentiam. Disparitas est, quia cum virtus visiva tendat in obiectum per lineas visuales, ad hoc ut fiat visio, debent uniri in tunica reticulari, ut pro-

bauimus in 2. de anima. Quia ergo obiectum paruum transmittit ad oculum sui species adeo coniunctas, ut non occupent totam retinam, non possunt in eius medio facere punctum concursus, nisi virtute pupillę dilatentur, quod arguit maiorem perspicaciam. Obiectum autem maius, quia transmittit species sub angulo maiori linearum visualium, ideo cum totam peruadant retinam, facile in eius medio concurrunt, & determinant ad visionem. Substantia autem angeli, quia non determinatur à spatio ad illud occupandum, sed à sua libertate, quam diximus ar. 12. esse causam applicatiuam ad locum, ideo cum maior locus magis accedat ad maximum, qui suę virtuti proportionatur, suauius, & promptius occupat illum, quam minorem.

Ad tertiam dico, illam concludere pro presentia physica, quę in puncto haberi non potest, non autem pro metaphysica. Quia tamen nos non admittimus puncta, ideo dicimus, posse angelum occupare locum minorem, & minorem in infinitum, sicut diximus de maiori, & maiorem intra latitudinem sui loci adequati.



DISPUTATIO VIII.

De motu locali Angelorum.

Postquam absolvimus quæstiones de loco, agendum est de motu angelorum, per quem acquirunt locum. Quæremus ergo 1. An possit Angelus moveri quoad substantiam? 2. An possit moveri motu continuo, & discreto? 3. An possit transire ex uno ad aliud extremum sine medio? 4. An moveatur in instantij, & per motum in se receptum? 5. An moveri possit violenter ab alio?

ARTICVLVS PRIMVS.

An verè Angelus localiter moveatur?

Videtur non moveri, nec posse moveri. Primò quia motus in loco supponit præsentiam mobilis in loco. Sed Angelus non est in loco, ut docet Hervæus in tract. de motu Angeli. Ergo nec moveatur localiter.

2. Quod est ubique, moveri non potest,

test, & ideo Deus est immobilis. Sed Angelus est ubique, ut docet Durandus in 1. d. 37. p. 2. qu. 1. Ergo moueri non potest.

3. Nullum impartibile moueri potest, neque enim mouetur, dum totum est in termino *à quo*, neque dum totum est in termino *ad quem*, ut probat Philosophus in 6. phys. t. 32. & 86. Sed Angelus est impartibilis. Ergo moueri non potest. Minor, & consequentia sunt euidentia. Maior probatur, quia quod mouetur, est partim in termino *à quo*, & partim in termino *ad quem*, & ideo est in spatio duplò maiori se, ut probauimus in 3. & 5. phys. & patet ex eo, quòd existens in solo termino *à quo*, quiescit, cò quia sit in loco sibi equali, & dum est in termino *ad quem*, iam mutatum est. Ergo dum mouetur, debet esse in utroque termino.

Conclusio, Non solum potest Angelus localiter moueri, sed etiam de facto aliquando mouetur.

Probatur prima pars, Angelus non solum est in loco violenter per alligationem, prouenientem ab agente potentiore, ut sunt Dæmones in inferno, sed etiam naturaliter, ut sunt in celo, tamquam in proprio centro, in quo creati sunt, ut uidimus disp. 4. ar. 3. Ergo possunt ab illo moueri, vel violenter, ut accidit Luciferò, qui fuit ~~è~~ Cælo detrusus ad inferos,
 vel

vel propria voluntate, ut cum ad imperium Dei, descendunt in terram, vel etiam ob proprium oblectamentum, cum possint appetere perlustrare terram, & hic appetitus non sit inexplebilis.

Deinde possunt intra cancellos sui loci adæquati, modò occupare spatium maius, & modò minus, ut dictum est disp. 7. Sed hæc variatio circa locum, non potest fieri sine motu, quo substantia Angeli transeat ex una ad aliam partem eiusdem loci. Ergo possunt moveri.

3. Natura dedit Angelis potentiam loco motiuam, ut videbimus infra. Sed hæc potentia esset illis frustranea, si non esset illi possibilis motus, qui est proprius, & unicus eius actus. Ergo quia natura nihil facit frustra, possibile est, Angelum per illam localiter moveri.

4. Quod motum est, potuit moveri. Sed Angeli aliquando moti sunt, ex uno ad alium locum. Ergo potuerunt moveri. Probatur minor (& erit probatio secundæ partis) multiplici testimonio sacrorum codicum, ut Matth. 28. *Angelus descendit de celo, & accedens reuoluit lapidem, & sedebat super eum:* & Isaia 14. *Quomodo cecidisti de celo Lucifer? Et Demon Iob 1. dixit, Circuiui, & perambulauit terram:* & Luca 2. *Discesserunt Angeli in celum:* & infinita alia. Ergo hoc negare, est ad minus temerarium.

Vnde patet responsio ad primum, cum in hoc Herueus communiter relinquatur. Neque obstat, quod Augustinus videatur illi fauere, dum lib. 8. de Genesi ad lit. c. 20. inquit, *Corporalia mouentur secundum locum, & tempus, & per loca, & tempora; spiritualia uero non nisi per tempus*. Nam debet exponi de motu commensuratiuo, qui non conuenit angelis secundum loca, sicut conuenit corporibus, sed solum secundum tempus proprium, quod diximus esse ævum, quod cum sit indiuisibile, potest illos commensurare. Ergo non excludit ab illis motum, qui fiat sine commensuratione, ut nos asserimus.

Ad 2. Nego minorem, cuius falsitas patet ex dictis disp. 7. art. 2. ubi ex professo probauimus oppositum, & ar. 9. ubi statuimus, non posse angelum per proprias vires, esse simul in pluribus locis adæquatis. Ergo multò minus potest esse ubique. Et ideo Durandus in hoc errasset, si assertiuè locutus fuisset, quod ipse negat.

Ad 3. Distinguo primò maiorem, nulum impartibile secundum quantitatem, moueri potest, concedo: impartibile extra genus quantitatis, nego maiorem. Disparitas assertur à D. Thoma hic q. 53. ar. 1. ad 1. quia indiuisibili materiali, necessario debet correspondere spatium indiuisibile, in quo non dantur termini à

quo,

quo, & ad quem, per quorum simultaneam occupationem fiat motus. Angelus autem potest esse in spatio diuisibili, in quo possunt esse termini motus. Deinde dico, dictum Philosophi posse quidem habere aliquam vim contra motum continuum angeli, non autem contra discretum, eò quia (ut idem docet ibid.) *ipsa successio diuersorum vbi circa eandem rem, motus dicitur. Vnde in quolibet illorum vbi fit Angelus, potest dici moueri. Quomodo autem id accadat in motu discreto, & non obstat motui continuo, mox videbimus, cum agemus de utroque.*

ARTICVLVS II.

An Angelus moueatur motu continuo?

Videtur quòd non, ut docent Heruzus in 1. d. 37. q. 2. ar. 3. Vallesius lib. de sac. phil. c. 41. Esparfa hic q. 10. & alij plures, inter quos immeritò recensetur noster Gregorius Ariminensis in 2. d. 2. qu. 6. à Salmaticensibus tract. 7. disp. 3. dub. 3. §. 5. & à Gonetto hic disp. 5. ar. 2. §. 1. cum apertissimè doceat oppositum in 2. d. 6. q. 2. ut mox videbimus, nec est legitimus locus citatus, etiam ex alio capite, nempe quia Gregorius in 2. d. 2. non faciat nisi tres quæstiones, in quarum prima quærit, an Angeli fuerint creati ante tempus; in 2. in quo loco fuerint

rint creati : & in 3. An Angelus possit esse simul in pluribus locis? Vnde iterum aduerto lectorem, quàm paruum mereantur fidē huiusmodi auctores, in referendis auctoritatibus illustrium Doctorum, quos citant prò arbitratu, etiam non vi-
los.

Eorum fundamenta possunt esse, Primò quia D. Thomas in 1. d. 37. q. 4. art. 2. in corp. ait, *Vnde motus localis Angeli non est continuus, sed ipsæ operationes eius consequenter se habentes circa diuersa loca, secundum quas in illis esse dicitur localis motus, sic esse dicuntur.* Ergo est solum discretus.

2. Ad continuitatem motus requiritur mobilis diuisibilitas, ut probat Philos. in 6. phys. c. 4. & ideo infert, punctum non posse moueri continuè. Sed Angelo non potest conuenire diuisibilitas. Ergo neque motus continuus.

3. Omnis motus continuitas habetur ex resistantia medij, ut probat Phil. 4. phys. c. de vacuo. Atqui respectu angeli, nullam facit resistantiam ullum corpus, eò quia ad illum non habeat actionem. Ergo Angelus non potest continuè moueri.

4. Non potest Angelus moueri continuè, nisi singulis temporis instantibus occupet singula spatij indiuisibilia, cum indiuisibili non possit correspondere, nisi
unum

unum indiuisibile . Ergo omne spatium constaret ex indiuisibilibus , quod in 6. phys. reiecimus ut falsum . Quod idem dico de motu , & de ipso tempore .

5. Non potest mobile moueri continuè , nisi partim sit in termino à quo , & partim in termino , ad quem . Sed Angelus non habet partes . Ergo non potest moueri continuè .

6. Motus continuus mensuratur tempore , quod proinde dicitur *numerus motus secundum prius , & posterius* , ut diximus in 4. phys. Sed motus Angeli non mensuratur tempore . Ergo non est continuus . Probatur minor , si motus Angeli mensuraretur tempore , posset aliquod corpus moueri velocius Angelo . Cum enim velocitas motus sequatur proportionem grauitatis ipsius mobilis , posset ita crescere grauitas corporis , ut æquaret , immò & superaret virtutem loco motiuam Angeli . Ergo posset æqualiter , immò & velocius moueri . Si enim graue ut 4. ex. gr. superatur ut sex ab Angelo , graue ut quindecim superabit ipsum angelum .

Conclusio , *Potest Angelus se mouere motu continuo , non solum deperditiuo tantum , sed etiam tantum acquisitiuo , & utroque simul .* Est in terminis Gregorij Ariminensis quoad omnes partes in 2. d. 6. q. 2. art. 1. Et ut appareat quàm longè

ablit ab impostura sibi inflicta, quam in-
nuimus initio articuli, utar eius verbis.

Probat igitur primam partem, quod
Angelus possit per accidens moueri con-
tinuè in corpore assumpto, Nam ange-
los aliquando fuisse per tempus continuè in
corporibus motos, e sacra scriptura colligi-
tur, vt patet in eo, qui cum Iacob vsque
mane luctatus est: & in eo, qui in forma
etiam humana diebus plurimis vadens, &
rediens, comitatus est Tobiam iuniorem,
& de multis alijs.

Probat secundam, Angelus existens in
loco sibi maximo, potest sponte partem il-
lius loci successiuè continuè deserere, & in
alio remanere. Ergo potest continuè motu
deperditino tantum se mouere. Consequen-
tia patet. Antecedens probatur, nam an-
gelus non sic sibi determinat mensuram lo-
ci, quin possit nunc in maiore, nunc in mi-
nore existere. Ergo cum possit ex toto illo
loco recedere, & iterum ad eius partem
precisè redire, non apparet, cur non pos-
sit partem tantum deserere, & partem re-
tinere, quod nos probauimus fieri posse
disp. 7. ar. 12.

Quod confirmat, Sicut anima, quæ na-
turaliter vnitur materiæ, potest eam de-
serere successiuè, si illa successiuè corrup-
patur; sic angelus, qui liberè iungitur lo-
co, liberè potest illius partem successiuè de-
serere.

Pro-

Probat tertiam , *Potest angelus esse in loco minore sibi maximo possibili . Ergo potest , illo non deserto , sibi proximum acquirere , sicut anima pueri potest novas partes materiae , quas acquirit , informare , retentis partibus , quas informabat .* Sed hic motus esset purè acquisitivus , sicut ille esset purè deperditivus . Ergo utroque modo moveri potest .

Probat quartam Primò paritate animæ , quæ simul potest aliquas partes materiae de nouo informare , & alias relinquere . 2. Potest Angelus aliquem locum totum simul acquirere , & totum simul relinquere . Ergo potest etiam successiuè per partes . 3. Potest angelus diuersis partibus eiusdè corporis moti successiuè coexistere , & econuerso . Ergo poterit etiam hoc facere in partibus corporis quiescentis .

Ad 1. Nego consequentiam . Et dico , D. Thomam solum voluisse asserere , motum angeli non esse semper , & necessariò continuum , sicut est motus corporum , ut probauimus in 3. phys. disp. 1. art. 7. sed esse prò libito continuum , vel discretum . Nisi velimus dicere , ab ipso fuisse tantum negatum angelis motum continuum , continuitate quantitatiua , ut explicat noster Gibbo . Vel (ut alij volunt) accepit *ly continuus* prò perpetuo , quatenus angelus non necessariò semper in loco mouetur ,

uetur, cum aliquando quiescat. Quod autem ab ipso admittatur in angelis etiam motus continuus, patet ex 1. ar. q. 53. in quo sub finem corporis docet, *Sicut corpus successiue, & non simul dimittit locum, in quo prius erat, & ex hoc causatur continuitas in motu locali eius; ita etiam angelus potest dimittere successiue locum diuisibilem, in quo prius erat; & sic motus eius erit continuus.* Ergo D. Thomas est pro nobis.

Ad 2. Nego maiorem. Et dico, Philosophum exegisse diuisibile mobile ad motus continuitatem, quæ fit per commensurationem, & coaptationem, cuiusmodi non est motus Angeli. Nisi velimus dicere, illum esse virtualiter diuisibilem, quatenus occupat locum diuisibiliter, & hanc diuisibilitatem sufficere ad eius motus continuitatem, ut docet hic Gonetius disp. 5. ar. 2. n. 24.

Ad 3. distinguo maiorem, si sermo sit de motu naturali, seu necessario, concedo: si de libero, nego maiorem. Et admissa minori, quod nullum corpus resistat Angelo, nego consequentiam. Sicut enim corpus gloriosum, cui nihil resistit, potest pro libito successiue moveri; ita & Angelus.

Ad 4. nego antecedens. Primò quia anima rationalis mouetur in corpore diuisibili. Deinde quia si angelo non pos-

set

set correspondere , nisi spatium indiuisibile , omnibus angelis corresponderet idem locus adæquatus ; & sic omnes essent æquales , nec possent se contrahere , ad locum minorem adæquato , quod vidimus esse falsum .

Ad 5. Distinguo maiorem , si ly partim , & partim referantur ad mobile , nego : si referantur ad spatium , concedo , docente hic D. Thoma in resp. ad 1. *Angelus dum mouetur , partim est in termino à quo , & partim in termino ad quem , ut tamen partialitas non referatur ad substantiam Angeli , sed ad locum , quia in principio sui motus continui , Angelus est in toto loco diuisibili , à quo incipit moueri . Sed dum est in ipso moueri , est in parte primi loci , quem deserit & in parte loci , quem occupat . Ergo quia uterque terminus deseritur , & occupatur successiuè per partes , ideo dicitur angelus existere partim in uno , & partim in alio . Præterquam quòd posset etiam negari maior . Nam Gregorius Arim. loco supra citato in fine articuli docet , Loquendo vniuersaliter de eo , quod mouetur secundum locum , non omne quod mouetur , partim est in termino à quo , & partim in termino ad quem . Sed vel est sic ; vel totum est in parte termini à quo , & totum in parte termini ad quem . Et vtrumque horum diuisim sufficit ad moueri . Sic autem se habet angelus , dum*

312 Disp. VIII. Ar. III.
*dum mouetur ; primo autem modo se habet
corpus .*

Ad 6. Nego minorem . Ad cuius pro-
bationem nego sequelam . Et dico quod
cū in tempore non dentur instantia in-
diuisibilia , ut probauimus in 4 , & 6.
phys. nullū potest assignari tempus adeo
paruum, ut minus assignari non possit , in
quo Angelus moueatur . Ergo quantum-
uis crescat velocitas corporum , per aug-
menta grauitatis, nunquam poterit æqua-
re velocitatem Angeli , quæ nullo tempo-
re circumscribitur, sicut circumscribitur
velocitas corporum .

A R T I C V L V S I I I .

*An Angelus possit moueri motu
discreto ?*

Videtur non posse , ut docet Scotus
in 2. d. 2. qu. & ar. ult. cui adhæ-
rent Molina , alijque non pauci recen-
tiores . Primò quia omnis motus est con-
tinuus , ut probauimus in 3. phys. disp.
1. artic. 7. Sed motus discretus non esset
continuus, ut per se patet . Ergo non est
possibilis motus discretus .

2. Omnis motus habet unitatem in or-
dine ad terminum , ut ibidem probau-
mur ar. 11. Sed motus discretus nullam
haberet unitatem , eò quia esset aggre-
gatum per accidens ex pluribus mutatis
esse .

esse . Ergo non esset motus , adeoque non esset ratio formalis , qua Angelus moueretur .

3. Est impossibile , quòd Angelus localiter moueatur , & non moueatur in aliquo loco . Sed per motum discretum in nullo loco moueretur . Ergo tali motu moueri non potest . Probo minorem , non moueretur in termino *à quo* , quia ut in illo existens quiescit . Non in termino *ad quem* , quia dùm existit in illo , iam mutatus est . Neque in utroque simul , quia hoc est proprium solius motus continui . Ergo non haberet locum , in quo moueretur .

Conclusio , *Potest Angelus moueri motu discreto* . Ita D. Thomas hic q. 53. ar. 1. quem sequuntur Gonettus disp. 5. art. 2. §. 3. noster Gibbo disp. 19. dub. 4. & omnes alij Thomistæ , cum pluribus alijs .

Priusquàm probem conclusionem , aduerto , motum continuum esse illum , per quem successiuè , & per partes locus mutatur , ita ut non solum locus , sed ipse etiam motus habeat partes , per quas sit formaliter successiuus , absque ulla interposita morula , seu quiete , ut dictum est in 3. phys. Motus autem discretus est ille , quo mobile locum deserit , non quidem successiuè , & per partes , sed totum simul , ita ut abeat ad aliuin totum locum simul , veluti per saltus , & ipse motus non

○

constet

constet ex pluribus partibus, sed ex pluribus existentibus indivisibilibus, per quarum unam sit simul in aliquo toto loco, & per aliam in alio toto simul, & sic deinceps. Dicitur autem discretus, quia eius partes sunt veluti unitates, quæ partes communes non habent in ratione motus; nam una pars per se non est motus partialis, sicut sunt partes motus continui, sed singulæ partes sunt unus motus per se, veluti instantaneus.

Probat^{ur} ergo. Et primò de motu physico, qui habetur per multiplicem operationem in loco. Cum Angelus sit in termino à quo, illum mouendo e.g. non moto termino ad quem, potest simul cessare à motu primi termini, & simul se applicare ad mouendum alium terminum, secundum totum, ita ut sicut cessat à motu primi termini secundum totum, ita incipit simul mouere alium terminum secundum totum. Sed hic motus non esset continuus, quia non fieret successiue per partes. Ergo esset discretus. Consequentia est euidentis. Minor patet ex definitione. Maior probatur, Angelus ut formaliter indivisibilis, non commensuratur loco. Ergo sicut potest per primum esse suæ operationis, totum locum simul occupare, ita potest per ultimum esse eiusdem, illum totum simul deferere, & per primum esse alterius operationis.

rationis, alium totum locum simul occupare, & sic deinceps. Probo consequentiam, ideo corpus non potest locum simul totum acquirere, quia cum habeat partium extensionem, una pars extrudit aliam in ordine ad locum, quem proinde acquirit successivè per partes. Quod si miraculosè amittat extensionem, & ponatur in loco per ubi definitivum, ut accidit corpori Christi Domini in Eucharistia, tunc etiam ipsum posset moveri discretè.

Deinde probo de motu metaphysico, qui habeatur per diuersas ubicationes. Potest Angelus prò libito, intra latitudinem sui loci adæquati, eligere sibi maiorem, vel minorem locum, ut probauimus disp. 7. ar. 12. Ergo potest se redigere ad aliquam partem spatij adeò tenuem, ut physicè, & per suas vires minorem occupare non possit. Sicut enim ratione limitationis in esse, habet terminum magnitudinis, qui sit locus maximus sibi possibilis, ita debet habere terminum paruitatis, qui sit locus minimus sibi possibilis, iuxta suas vires. Hoc posito, locus minimus non posset occupari per partes; aliter daretur locus minor minimo, quod repugnat. Ergo deberet occupari totus simul. Sed locus totus simul occupatus, totus simul deseritur. Ergo si Angelus moueatur ab uno minimo ad aliud, mouetur motu discreto. Quòd autem possit

taliter moueri, patet, quia non est alligatus ulli loco minimo. Ergo potest ad libitum ex uno moueri ad alium.

Præterea cum nullas habeat partes, quarum una exigit locari prius alia, etiam spatium physice diuisibile potest simul totum Angelus occupare. Ergo si prius occupet simul totum aliquod spatium palmare, & deinde aliud, relicto priore, eo modo quo fuit occupatum, mouetur motu discreto, transeundo quasi per saltum, ex una integra ubicatione palmari ad aliam. Atque adeo etiam motu metaphysico, potest discretè moueri.

Ad 1. Distinguo maiorem, omnis motus corporum, est continuus, concedo: substantiarum spiritualium, nego maiorem. Et admissa minori, distinguo consequens, non est possibilis motus discretus, respectu substantiarum spiritualium, nego: respectu corporum, & subdistinguo, si corpora locentur, & moueantur per proprias vires, & ad exigentiam locorum, concedo: si miraculosè locentur, & moueantur instar spiritualium, nego consequentiam. Quia ergo in loco citato locuti sumus de motu corporum naturaliter contingente, ideo nulla est contradictio.

Ad 2. Nego minorem. Et dico, hunc motum esse unum unitate successionis, quatenus dicit unam ubicationem alteri
succe-

Successentem, non tamen unitate continuationis, eò quia huiusmodi ubicationes non locarent angelum in spatio, per acquisitionem successivam partium, quarum una acquiratur prius alia, sed per acquisitionem simultaneam omnium, per modum unius, ita ut seruetur successio totius ad totum, non verò partis ad partem. Vnde patet responsio ad eius probationem. Siquidem sicut unitates, quamvis in se discretæ, faciunt numerum, ita huiusmodi ubicationes faciunt motum, non quidem ut absolutè consideratæ, sed cum ordine unius ad aliam, ut mox videbimus.

Ad 3. Nego minorem. Ad cuius probationem dico, quòd angelus moueretur, dum est successivè in utroque termino, quatenus existentia in termino à quo dicit ordinem ad existentiam in termino ad quem, sibi immediatè consequenti, & viceversa. Est enim impossibile, quòd angelus deserto loco A. se ponat in loco B. immediatè consequenti, quin detur successio ubicationum. Sed fieri non potest, quòd detur successio sine terminis à quo, & ad quem. Ergo per hoc ipsum quòd angelus relicto uno loco, acquirat alium in mediatè consequentem, uterque locus acquirit ordinem successionis unius ad alium, per quem constituuntur formaliter in esse terminos motus, nempe à quo,

& ad quem. Neque obstat, quòd hoc conueniat etiam motui continuo. Siquidem non conuenit eodem modo. Nam motus continuus respicit terminos successiue per partes, cum ordine prioris, & posterioris; motus verò discretus respicit illos totos simul, excluso ordine partium; & in hoc formaliter distinguuntur.

Dices, terminus in se diuisibilis, vel acquiritur in tempore, vel in instanti? Si primum, ergo per partes. Si secundum, ergo unum instans immediatè succederet alteri, quod est impossibile. Sicut enim indiuisibile additum indiuisibili, non facit extensionem localem, ita unum instans additum alteri, non facit extensionem temporariam; & ideo debent interponi mutata esse.

Respondeo, quòd acquiritur in tempore, non tamen per partes, quia acquiritur in toto aliquo tempore minimo, collectiue sumpto, absque ullo ordine partium, ut diximus in 6. phys. Et ratio est, quia cum Angelus habeat suum tempus intrinsecum indiuisibile, potest per illud correspondere indiuisibiliter, tempori extrinseco formaliter diuisibili. Sicut enim per suam substantiã correspondet indiuisibiliter spatio locali diuisibili, ita per suum ævum spatio-temporario. Ergo non est necesse, quòd hæc acquisitio simultanea fiat in instanti, quod vidi-

mus

mus in physicis repugnare , non quia instantans additum instanti non faceret tempus , cuius oppositum probauimus in 6. phys. disp. 4. artic. 2. sed quia repugnat motus instantaneus , ut probauimus in 3. phys. disp. 1. art. 3. & ideo etiam admissis instantibus , hic motus non esset in instanti .

ARTICVLVS IV.

An possit Angelus moueri ex vno extremo ad aliud , non transeundo per medium ?

Videtur non posse , ut docet Scotus in 2. d. 2. q. ult. cui adherent Valentia, Suarez, Molina, Puteanus, Arrubal , & alij cum nostro Egidio in 1. d. 37. p. 2. princip. 2. q. 2. Primò quia ita se habet angelus ad locum, sicut ad tempus. Sed non potest pertransire partes temporis sine media; neque enim potest transire ab esse futurum , ad esse præteritum, quin sit præsens . Ergo neque potest transire partes extremas loci , sine medijs .

2. Anima rationalis non potest esse in pede , & in capite , quin sit in partibus medijs corporis . Ergo neque angelus .

3. Si angelus posset se mouere ab vno extremo ad aliud sine medio , posset se mouere ad quamcumque distantiam , in

quolibet spatio, siue magno, siue paruo. Ergo angelus inferioris virtutis posset se extendere ad spatium maius, quàm perfectior, & velociùs moueri. Consequens est absurdum; nam hoc admissio, non distingueretur perfectior ab imperfectiori, tam quoad sphæram actiuitatis, quam quoad motus velocitatem. Ergo & antecedens.

4. Ita arguit Egid. loc. cit. *Sicut corpus, quia actualiter ponitur in hoc loco, magis respicit partes magis propinquas, & minùs magis remotas, ideo propter hunc ordinem, quem habent partes vniuersi, ab extremo ad extremum sine medio ire non potest. Sic angelus quia propter connexionem, & ordinem vniuersi, etsi non propter sui naturam determinetur ad locum, quia tamen ponitur in hoc loco esse, eo quòd in eo operetur, propter ordinem, quem habent partes vniuersi ad id, in quo existit, ab extremo in extremum sine medio ire non potest.*

5. Non potest angelus esse in aliquo loco de nouo, idest in quo priùs non erat, quin sit mutatus. Sed ante omne mutatum esse, præcedit mutari, ut habetur 6. phys. t. 77. Ergo cum hoc dicat necessariò medium, antequàm angelus sit in termino, necessariò est in medio. Præmissæ sunt claræ. Consequentia probatur, quia mutari, non potest esse in termino

à quo

à quo , in quo mobile quiescit : neque in termino *ad quem* , in quo datur mutatum esse . Ergo debet esse in loco medio inter utrumque .

6. Medium vel est communicans , vel non ? Si primum , potest angelus moueri ex uno ad aliud extremum , sine medio , quia si supponamus , Angelum existere in tota hac aula , ut in loco sibi adæquato , potest operari in partibus extremis , & non in medijs , in quibus existit metaphysicè . Si secundum , non potest operans in extremis , non operari in medijs , ut docent auctores citati ; aliter operaretur in distans , quod physicè repugnat . Ergo quia locari sequitur ad operari , non poterit locari in extremis , quin locetur in medio non communicante .

Conclusio , *Non potest Angelus motu continuo moueri ad extrema , quin moneatur ad medium . Moueri tamen potest motu discreto physico , non autem metaphysico ad extrema , & non in medio , siue hoc sit communicans , siue non .* Ita D. Tho. hic q. 53. art. 2.

Probatur prima pars , est de ratione motus continui , quòd mobile successiue , & per partes deserto termino *à quo* , acquirit terminum *ad quem* . Ergo necessario dicit quod mobile sit in medio communicante . Antecedens patet ex definitione . Consequentia probatur , si supponamus

Angelum esse in spatio palmari

A D B E C

correspondente in apposita linea segmento A. B. non potest illud successivè relinquere, ut successivè occupet aliud palmū B. C. existentem in eadem linea, nisi relicto segmento A. D. quod est dimidium palmi A. B. occupet segmentum B. E. quod est dimidium alterius palmi B. C. Ergo ad hoc ut successivè relinquat primum palmum, & acquirat secundum, priusquam sit in toto secundo B. C. necessario debet esse in segmento D. E. quod est medium communicans utriusque, ut patet consideranti. Et idem dico de alijs partibus relinquendis, & acquirendis, quæ semper debent retinere proportionem cum medio communicante.

Dices, posset angelus, deserto simul palmo A. B. secundum totum, saltare ad primam partem palmi B. C., & ex illa ad aliam, & sic deinceps, ita ut eius partes acquirat successivè. In tali casu non transibit per medium communicans D. E. Ergo hoc non requiritur ad motum continuum.

Nego consequentiam, quia in tali casu hic motus non esset adæquatè continuus, sed mixtus ex discreto, & continuo. Quatenus ergo ex parte termini à quo secundum totum simul relicti, esset discretus, & deoque non tangeret medium communi-

municans, illud tamen tangeret ex parte termini *ad quem*, in quo solo inciperet motus continuus. Quia ergo terminus *ad quem* esset palmus B C. ideo ad hoc ut occupetur eius postrema pars, deberent prius occupari partes mediæ communicantes, proportionaliter ad partes totius spatij bipalmaris. Ergo quia ubi incipit continuitas motus, sequitur necessitas occupandi medium communicans, hoc est necessarium cuilibet motui continuo.

Probat^{ur} secunda, quam sequuntur communiter Thomistæ, cum Vasquio, & alijs, inter quos Martinus de Esparla qu. 10. de Angelis, usque adeo adhæsit huic opinioni, ut dixerit, non solum esse possibile, quod angelus motu discreto transeat de uno extremo ad aliud sine medio, sed hoc esse simpliciter necessarium. Et ratio ipsius est, quia supponit in quolibet continuo dari infinita indivisibilia. Unde infert, quod si angelus in motu discreto transeat medium, habeat necessario infinitos motus correspondentes singulos singulis indivisibilibus illius, vel unum motum constantem ex infinitis partibus actualibus, quæ conficerent infinitum cathegorematicum, quod ipse asserit repugnare. Sed quia hæc ratio procedit ex duplici falsa suppositione, nempe quod continuum constet ex indivisibilibus, quod ut falsum reiecinus in 6.

phys. & quod non sit possibile infinitum cathegorematicum, cuius oppositum statuimus in 3. phys., ideo illa relicta, & admissio solum quod possit angelus moueri ab uno extremo ad aliud, non tacto medio, non autem quod hoc sit illi necessarium ad motum discretum.

Probatur (inquam) 1. motus discretus physicus nihil est aliud, quàm multiplex præsencia angeli, illi conueniens, nō quidem secundum se, sed ut operanti in corpore, seu circa corpus, cum ordine successionis unius ad aliā, nō per partes, sed secundum totum simul, ut supra diximus. Nihil autem prohibet, quò minus angelus existens in toto spatio tripalmari e. g. tamquam in loco adæquato, operetur in primo, & tertio palmo, nihil operando in secundo medio. Cum enim liberè operetur circa corpus, nec determinetur à loco ad operandum, à quo nullo modo dependet, est in eius libera potestate, se applicare ad operandum circa illam partem spatij, quæ sibi arriserit. Sicut ergo potest simul operari in palmis extremis, & non in medio, ita potest operari successiue, ita ut prius operetur in primo palmo, & deinde in tertio, relicto medio, adeoque moueri motu physico discreto, ex uno ad aliud extremum sine medio.

2. Potest angelus existens per operationem in primo palmo, illo retento,

trans

transire ad operandum in tertio palmo ,
transacto medio, per motum purè acqui-
sitivum , ut probat Gregorius in 2. d. 6.
qu. 3. art. 2. concl. 2. paritate corporis
Christi, quod retento ubi circumscripti-
uo, per quod est in cælo, transit ad species
sacramentales , sub quibus existit defini-
tiuè , absque eo quòd existat in spatijs in-
termedijs . Ergo etiã poterit motu acqui-
sitivo, & deperditivo , transire ex uno ad
aliud palmum, relicto primo, quin ope-
retur in medio , cùm multò minor virtus
requiratur ad secundum motum , qui ha-
betur per unam operationem , quàm ad
primum, qui habetur per duas.

Dices , in motu purè acquisitivo , vel
terminus à quo esset primus locus, vel pri-
uatio alterius loci ? Non potest dici pri-
mum, quia hic locus non deseritur . Ne-
que secundum, quia Angelus esset in vno
solo termino *ad quem*, in quo quiescit, &
non mouetur . Ergo pura acquisitio loci
non esset motus .

Respondeo , quod terminus à quo esset
primus locus , ut connotans mobilis ex-
tensionem ad alium locum . Sicut enim
intensio qualitatis est motus ex uno ad
aliud gradum, retento primo; ita exten-
sio loci est motus ex uno ad alium locum ,
retento utròque . Et sicut ad intensiorem
non sufficit, quòd subiectum transeat ex
priuatione gradus ad gradum, quod fa-
cit

cit quale, sed non intensum; ita ad motū extensionis localis non sufficit, quod fiat transitus ex priuatione loci ad locum, quod solum ponit in loco, sed requiritur, quod acquisitio noui loci superueniat existentie in alio loco.

Probatur tertia pars, motus discretus metaphysicus habetur per successiuam ubicationum pluralitatem, quæ correspondeant mobili secundum se, non autem ut operanti. Est autem naturaliter impossibile, quod Angelus, ex uno extremo, transeat ad aliud, relicto medio, per huiusmodi successiuam ubicationum pluralitatem. Ergo non potest motu metaphysico ex uno transire ad aliud extremum, sine medio. Probo minorem. Primo quia operaretur in distans, quod in 1. de gener. vidimus physicè repugnare. Probatur assumptum, occupatio loci metaphysica fit per productionem ubi in loco, quod correspondeat substantie angeli secundum se, ut dictum est supra. Ergo si angelus existens in uno loco, produceret aliud ubi in loco dissito, & non in medio, operaretur in distans.

Dices, ergo etiam existencia metaphysica in loco, habetur per operationem, quod aduersus Thomistas negatum fuit disp. 7. ar. 3.

Distinguo consequens, habetur per operationem, siue formaliter, siue virtualiter

liter transeuntem, nego: habetur per operationem formaliter, & virtualiter immanentem, & subdistinguo, habetur per operationem indistinctam ab ubi, & ut est formaliter ubicatio, cōcedo: per operationem distinctam, & ut est formaliter operatio, nego consequentiam. Dico ergo, nouam existentiam in loco haberi per nouam formam, quæ non daretur, nisi de nouo produceretur. Eius autem productio requiritur in genere causæ efficientis, non autem in genere causæ formalis, nisi materialiter, & per accidens, quatenus causalitas, seu productio ubi, non distinguitur realiter ab ipso ubi. Cæterum si distingueretur ab ubi, nullo modo esset causa formalis præsentia in loco, sicut euenit in productione formarum realium, quæ non spectat ad rationem causæ formalis, ut est productio albedinis, in ordine ad album, caloris in ordine ad calidum &c.

Urgebis, dictum est in 4. phys. disp. 1. ar. 4. ad 6. ubi produci à mouente, & non à mobili, in quo recipitur. Ergo non producit per operationem formaliter immanentem. Præterea ibidem in responsione ad 8. diximus, motum localem fieri per actus transeuntes. Ergo hæc doctrina non cohæret cum alijs.

Nego utramque consequentiam. Et ad loca allata dico, ibi esse sermonem de
motu

motu proiectorum, qui cum sit violentus, debet esse à principio extrinseco ipsi mobili. Et ideo petitur exemplum à lapide proiecto deorsum. Hic autem loquimur de motu connaturali Angeli, quo se liberè mouet ad locum sibi placitum, in ordine ad quem idem Angelus est mouens, & motus. Et ideo quamuis admitatur, quòd ubi producat à mouente; non tamen producit per actionem transeuntem, sed per immanentem. Ergo nulla est contrarietas. Quòd si angelus violenter moueretur ab alio potentiore, ut accidit Lucifero, cum deiectus est e calo ad inferos, ubi violenter detinetur, tunc eius motus esset per actus transeuntes, nempe per actionem impulsuam extrinsecus ab impellente prouenientem. Quia tamen hic non loquimur de tali motu, ideò omnia sibi cohærent.

Probo secundò eandem minorem. Angelus habet naturalem virtutem mouendi corpora. Ergo si posset moueri ex uno ad alium locum sine medio, posset secum ferre unum lapidem, qui proinde etiam taliter moueretur, licet violenter. Hoc autem repugnat lapidi, qui ratione quantitatis commensuratur loco, illique coaptatur successione partium. Ergo non potest taliter moueri quoad suam substantiam. Hoc autem non potest. retorqueri contra motum physicum, quia cum
 hic

hic habeatur per operationem, non tollit præsentiam metaphysicā Angeli; adeoque quia existens metaphysicē in tribus palmis, posset operari solum in extremis, relicto medio, lapis ab illo latus non saltaret ex uno ad alium sine medio, sed sequens Angeli substantiam, esset cum illa successivē in omnibus illis tribus.

Probo 3. Vel extrema sunt ira diffita, ut possit simul angelus adesse etiam spatio intermedio, vel non? Si primum, ergo si angelus nō sit in medio, replicaretur in alterutro ex illis extremis, quod physicē est impossibile, ut probauimus in 4. phys. Præterea vel esset in illis per duplicem ubicationem, vel per unam? Si primum, ergo angelus esset replicatus. Si secundum, ergo angeli ubicatio, non solum esset diuisibilis formaliter, sed esset actu diuisa in partes, quarum una faceret illam correspondentem uno extremo, & alia alij, quod disp. 7. ar. 3. probauimus esse falsum. Neque obstat, quod possit angelus relicta parte spatij, aliam retinere. Siquidem hoc non fieret per diuisionem ubicationis, ut contendit Suarius, sed per nouam ubicationem adæquatam, quæ priori succederet, quæ haberet facere correspondere tanto spatio, & non maiori. Quod si dicatur, non posse angelum simul esse in extremis, & medio, neque poterit simul esse in extremis, sine me.

medio; aliter posset naturaliter esse in spatio maiori, quam sibi debeat, quod supra ar. 12. disp. 7. vidimus repugnare. Probo sequelam, sphaera adaequata actiuitatis cuiusque agentis, est spatium continuum, seu compositum ex cōtiguis, quod sit maximum, cui possit adesse. Nam termini potentiae, & actiuitatis mensurantur perfectione substantiae agentis. Ergo si perfectio substantiae angeli non possit simul occupare totum illud spatium, signum est, quod eius extrema excedant sphaeram eius actiuitatis, adeoque non potest simul in illis adesse.

A R T I C V L V S V.

Solvuntur obiecta.

AD 1. Nego maiorem, Primò quia Angelus nō est in tempore per operationem, sicut est physicè in loco, sed per durationem correspondentem eius substantiae, ut est in se. Ergo eius existentia in tempore, solum est comparabilis cum existentia metaphysica in loco, secundum quam diximus, non posse angelum transire de loco ad locum sine medio. Deinde quia virtus angeli, cum sit finita, & limitata, non potest extendi ad futura, quod est proprium solius aeternitatis. Ergo nisi futurum reducat, ad praesens, nō
con.

continetur intra sphaeram eius virtutis .
Hoc non valet de partibus spatij, quæ licet longè distent, sunt actuales, & intra sphaeram eius virtutis; & ideo possunt per se simul occupari, sine medio.

Ad 2. Nego consequentiam . Disparitas est, quia cum anima sit in corpore, ut eius forma, seu ut actus materiæ organizatæ, ex antecedenti sibi iniecta necessitate ab auctore naturæ, cum illa unitur, ut forma totius . Ergo non se libere determinat ad talem informationem, sed ad illam in genere causæ efficientis, determinatur à Deo, & in genere causæ materialis à dispositionibus, & partium organizatione . Atque adeo quia omnes illæ partes uniuntur, & continuantur in unum corpus, ideo naturali exigentia petunt, omnes unà informari, cui exigentiæ non potest anima non satisfacere . Angelus autem quia est in loco, physice loquendo, per modum formæ operatrici, & motricis, absque ulla dependentia à loci dispositionibus, cui se libere applicat per operationem, ideo non habet necessitatem servandi ordinem partium, sed potest prò libito eligere quamcumque voluerit, circa quam operetur, omisis alijs .

Ad 3. Nego antecedens . Et dico, quòd sicut angelus non potest operari extra sphaeram suæ actiuitatis, ita non potest
per .

per operationem occupare loca, quæ sint extra talem sphaeram. Quando ergo diximus, quòd possit transire ex uno ad aliud extremum, sine medio, locuti sumus de extremis contentis intra sphaeram suæ virtutis, loquendo de motu purè acquisitiuo. Quòd si loquamur etiam de motu deperditiuo, tunc dico, quòd possit angelus, relicto loco, quem occupat, transire ad alium in quacumque distantia, per motum discretum, in quo pariformiter se habent perfectior, & imperfectior, ut apertè hic conceditur à Gregorio in responsione ad 3. Distinguerentur tamen in alio, nempe (ut ille ait) quia angelus perfectior posset mouere maius corpus, seruata semper cum illo proportionè virtutis motricis. Præterea etiam circa idem corpus posset apparere virtutis inæqualitas; nam angelus perfectior velocius illud moueret, vel aliud æquale, licèt ad illud uterque angelus æqualiter moueatur. Demum sicut maius luminosum maiorem partem mediij, & intensius illuminat, licèt non citius quàm minus luminosum; ita angelus perfectior posset operari circa maiorem partem sparij, & fortiozem operationem exercere, in quibus distinguerentur.

Ad 4. Nego consequentiam. Et dico, Egidium non negare simpliciter, posse
an.

angelum moueri ex uno ad alium locum, sine medio, sed solum cum restrictione, videlicet loquendo de motu physico continuo non transmutatiuo. Cæterum non negat, posse angelum localiter moueri ex uno ad aliud extremum, quin transeat per medium, si sermo sit de motu discreto, vel de continuo transmutatiuo, ut patet ex loco citato, & præcipue ex responsione ad 2. Neque obstat eius ratio, ducta ex ordine, & connexione uniuersi. Cum enim Angelus non pendeat à loco, & se liberè applicet ad operandum circa corpora, potius ordo uniuersi postulat, nè angelus cogatur ad hunc modum potius, quàm alium, adeoque ut relinquatur in sua indifferentia, qua se liberè applicet cuicumque spatio voluerit, siue motu continuo, siue discreto, absque ulla determinatione ad partes medias, modo supra explicato.

Ad 5. Distinguo minorem; ante omne mutatum esse, præcedit mutari, seu moueri, in motu continuo, concedo: in discreto, nego minorem, & sub eadem distinctione etiam consequentiam. Rationem disparitatis affert D. Thomas hic q. 53. ar. 2. ad 3. *In motu continuo, mutatum esse, non est pars moueri, sed terminus. Vnde oportet quòd moueri, sit ante quàm mutatum esse; & ideo oportet, quòd talis motus sit per medium. Sed in motu*
non

*non continuo, mutatum esse, est pars (sub-
intellige ipsius moueri) sicut vnitas est
pars numeri. Vnde successio diuersorum
locorum, etiam sine medio, constituit ta-
lem motum. Quare ad talem motum suf-
ficit, quòd præcedat ultimum esse in ter-
mino à quo, absque eo quòd præcedat
ipsum mutari, seu moueri, quia si illi suc-
cedat mutatum esse, in termino ad quem,
datur motus discretus. Vnde cadit pro-
batio consequentiæ.*

*Ad 6. Nego consequentiam, quæ so-
lùm valet de motu continuo, & de motu
discreto metaphysico, non autem de mo-
tu discreto physico, in ordine ad quem
perinde se habet medium communicans,
ac non communicans. Probo primam
partem, quia ut dicitur in 6. phys. t. 77.
medium est, in quod prius venit quod con-
tinuò mutatur, quàm in quod mutatur vl-
timum. Ordo enim prioris, & postero-
ris in motu continuo, est secundùm or-
dinem prioris, & posterioris in magnitu-
dine, ut dicitur 4. phys. t. 99. Ergo fieri
non potest, ut angelus operetur in uno
extremo, quin etiam operetur in medio,
ut ad aliud extremum, continuò operan-
do transeat. Aliter non continuaret
actionem, quod destrueret hypothèsim.
Hoc non valet de motu discreto physico
(& erit probatio secundæ partis) quia
cùm angelus liberè operetur, existens in*

rota

tota hac aula, potest operari in extremis partibus, & non in medijs, ut dictum est, siue hæ communicent cum extremis, siue non, cum sit in eius libera potestate se applicare loco prout vult.

Dices, actio sequitur modum naturæ, unde quia ignis est naturæ igneæ, agit igniendo. Ergo angelus quia est naturæ intellectualis, agit intelligendo; & subinde sicut homo potest prius cogitare de uno extremo, & deinde de alio, nihil cogitando de medio, ita & angelus, qui proinde cum intelligibiliter sit in loco, ut dicitur à Damasceno lib. 2. c. 3. sicut intelligibiliter operatur, etiam secundum motum discretum metaphysicum, poterit esse in extremis, sine medio, quod in conclusione negatur.

Distinguo primum consequens, agit intelligendo practice, concedo: intelligendo speculative, nego consequentiam. Quamvis enim possit angelus speculative cogitare de vna parte, absque eo quod de alia cogitet (ut docet Egidius in 1. d. 37. qu. 2. ad 3.) non tamen potest intelligere practice, nec operari in una parte vniuersi, & postea in alia, absque eo quod operetur in medio, propter traditas rationes. Quia ergo intelligere practicum est principium operationis distinctæ, quæ habeat rationem praxis, ideo angelus non est in loco formaliter per ipsum intelligere, ut formaliter

maliter tale , sed per operationem distinctam, ab illo consequentem , quæ cum ab illo liberè procedat, ideo potest terminari ad extrema , & non ad medium . Hoc autem facit quidem prò motu discreto physico , non verò prò metaphysico , quæ non habetur per operationem, ut diximus in probatione tertiæ partis . Ergo hinc nihil euincitur contra illam .

ARTICVLVS VI.

An Angelus moueatur in instanti? Vbi an habeat potentiam loco motiuam distinctam ab intellectu, & voluntate?

Videtur moueri, ut propugnant Scotus in 2. d. 2. q. 11. Gregorius Arim. in 2. d. 6. q. 3. ar. 2. concl. 1 , Suarez , Molina , Becanus , & alij , quibus cum noster Gibbo hic disp. 19. dub. ult. recenset etiam Egidium tract. de motu angelorum, sed immeritò, ut videbimus.

Primò quia tarditas motus prouenit ex resistantia mediij; & ideo corpus in vacuo moueretur in instanti, ut docet Philosophus 4. phys. cap. 71. de vacuo t. 2. Sed angelus nullam patitur ex corporibus resistantiam , ratione suæ spiritualitatis , per quam cum corporibus penetratur. Ergo mouetur in instanti.

Confirmatur . Si totum medium contentum

centum in hac aula, esset plenum corpore glorificato dote subtilitatis, tunc si superius linqueretur aliquod graue, illud eodem modo inferius descenderet, quonunc per aerem descendit. Sed tunc descenderet in instanti, ex defectu resistentiæ positiuæ, & negatiuæ. Ergo etiam nunc.

Confirmatur 2. Corpus gloriosum potest in instanti transire de loco ad locum; aliter maius tempus requireretur ad maius spatium transeundum, quàm ad minus, quod negatur ab Augustino, afferente in quæst. de resur. *corpus gloriosum utraque intervalla pari celeritate pertingit, ut radius solis.* Hoc autem ideo evenit, quia corpora gloriosa nullam inveniunt resistentiam, neque in se propter defectum grauitatis, neque in medio propter dotem subtilitatis. Ergo etiam angelus.

2. Corpus Christi Domini existens in cælo, mouetur in instanti, ex vi verborum consecrationis ad species sacramentales, motu acquisitiuo, & non deperditio, absque eo quod transeat per medium. Ergo à fortiori potest substantia spiritualis angelica quid simile facere. An autem hoc possit fieri ab ipso angelo propria virtute, concludit Gregorius, *Quamuis aliqui solemnes Doctores dicant quod sic, mihi tamen dubium est, nec bene clarum,*

rum, & ideo de hoc nihil ad præsens.

3. Lux Solis se diffundit in instanti, ex oriente ad occidentem, ut docet Philosophus 2. de an. t. 70. Ergo etiam angelus, qui non est minoris virtutis, quam lux. Hoc autem valet, siue transeat per medium motu continuo, ut lux, siue motu discreto.

4. Cum homo moritur, anima rationalis in instanti recedit à corpore. Ergo etiam angelus recedit à loco, in quo est, ad locum, in quo non erat.

Conclusio, Motus localis angeli, siue continuus, siue discretus, necessario est in tempore, & non potest fieri in instanti. Ita D. Thomas hic qu. 53. art. 3. Egidius in 1. p. 2. q. 3. & communiter Thomistæ.

Probat 1. Omnis motus, siue continuus, siue discretus, est essentialiter successivus, ut probauimus in 3. phys. ubi probauimus etiam, esse impossibilem motum instantaneum. Sed successio dicit ordinem prioris, & posterioris. Ergo necessario dicit tempus, quod est numerus motus, secundum prius, & posterius, ut diximus in 4. phys. Et ideo D. Thomas ait, motum angeli aliud non esse, quam successionem quamdam plurium contactuum virtualium, quibus angelus metaphoricè est in pluribus locis successiue. Cui doctrinæ usque adeo adhæsit Egidius, ut putauerit, esse essentialiale cui-
cumque

cumque motui fieri in tempore. Vnde infert, quòd si motus angeli non esset in tempore, non esset motus.

2. Omnis motus est intendibilis, & remissibilis, eò quia possit fieri tardius, vel velocius. Sed motus instantaneus neque posset intendi, neque remitti, eò quia esset omnium possibilium velocissimus. Ergo non esset motus. Probo minorem, si posset dari motus instantaneus tardior, vel velocior, posset esse in tempore minori minimo, vel in instanti maiori alio instanti, quæ sunt absurda. Probo maiorem, omnis motus est in genere qualitatis. Cum ergo qualitas sit intendibilis, & remissibilis, etiam motus erit talis.

3. Non potest angelus esse simul in pluribus locis sibi adæquatis, ut probauimus disp. 7. art. 12. Sed si moueretur in instanti, motu continuo e cælo ad terram, simul esset in pluribus locis sibi adæquatis, nempe in cælo, in terra, & spatijs intermedijs. Ergo hoc illi repugnat. Idem valeret de motu discreto; nam simul esset in vtroque termino, adeoque in duplici loco adæquato.

Ad 1. Distinguo maiorem, tarditas motus prouenit ex resistantia medijs, tamquam ex causa vnica, & adæquata, nego: tamquam ex causa, non unica, vel inadæquata, concedo maiorem. Et admissum pronunc minori, nego consequentiam.

Et dico, præter mediij resistantiam, quæ est positua, dari etiam resistantiam negatiua, quæ prouenit ex ipso corpore moto, quod si distinguatur à mouente, illi resistit. Et ideo omnis motus tarditas, vel velocitas attenditur, non solum ex medio, sed potissimum ex proportionem excessus potentie motoris supra rem motam, ut obseruat Egid. in 1. d. 37. q. 3. litt. r. Ex quo sequitur, quod si potentia unius angeli motoris excedat potentiam celi mobilis, excessu virium ut 7. e. g. illud velocius mouebit, quam moueat alius, eius potentiam solum excedens ut 5. Quamvis ergo angelus in mouendis corporibus, non inueniat resistantiam ex parte mediij, quia tamen inuenit ex parte corporum mobilium, quæ sua grauitate resistunt motori, ideo non possunt illa mouere in instanti. Ex quo deducit Egidius loco citato, quod si mista mouerentur in vacuo, mouerentur in tempore, eo quia forma mouens materiam, ab illa resistantiam pateretur. Corpora verò simplicia, in quibus mouens non distingueretur à moto, mouerentur in instanti. Sed quia in 4. phys. disp. 2. ar. 5. probauimus oppositum, ideo dico, quod etiam in vacuo corpora licet simplicia, mouerentur in tempore, propter resistantiam prouenientem ex grauitate mobilis, & ex distantia terminorum, licet velocius mouerentur,

tur, quàm in pleno. Vnde sequitur, esse falsam minorem argumenti, cuius falsitas vitiat consequentiam.

Et hinc patet responsio ad 1. confirmationem. Neq; obstat quod opponit Gregorius, nempe quod si ex mobili haberetur resistentia, duo sequerentur absurda, nempe quod neque Deus posset corpora mouere in instanti: & quod omne corpus propter æqualem distinctionem ab angelis, æqualiter illis resisteret, adeòque omne corpus æqualiter ab omnibus moueretur. Nam ad 1. Dico, vel admitti instantia physica in tempore, vel non? Si primum, cum Deus sit infinitæ virtutis, cui nulla virtus creata valet resistere; & cum omnis creatura sit illi essentialiter subdita, in fieri, & conseruari, neque Deo mouenti resisteret, & resistentem Deus facile superaret, illamque proinde moueret in instanti, si vellet, cum nihil sit, quod eius possit voluntati resistere. Si secundum, cum Dei posse non sit ad impossibilia, neque potest aliquid in instanti mouere, ut probauimus in 6. phys. cum à tempore reiecimus instantia. Ad 2. nego sequelam. Cum enim resistentia negatiua nō habeatur præcisè à distinctione mobilis à motore, sed etiam ab eius grauitate, ideo mensura resistentiæ sumitur ex mensura grauitatis, quæ cum non sit æqualis in omnibus, ideo non resistunt æqualiter omnia.

Ad 2. Nego antecedens. Quamuis enim corpus Christi moueatur tempore breuissimo, quod à multis dicitur instans rationis, non tamen mouetur in instanti reali metaphysicè indiuisibili.

Vnde patet responsio ad 3. & 4. cum lux diffundatur in tempore, & cum Philosophus ait, propagari in instanti, interpretandus est de instanti rationis. Et idē dico de ingressu, vel egressu animæ rationalis à corpore.

Quòd si quæras, quomodo possit angelus, qui est omninò indiuisibilis, se mouere? Respondeo primò, solutionem patentissimam haberi ex lib. 7. phys. disp. 1. ar. 1. ubi fusè probauimus, non esse uniuersaliter verum illud principium, *quidquid mouetur, ab alio mouetur*, cum plura, adeòque angeli à seipsis moueantur. Deinde dico, quòd sicut in Deo datur potentia executiua distincta ab intellectu, & voluntate, quæ se habet *ut quoad operationes ad extra*, ut probauimus in tract. de Deo uno disp. 14. ar. 1, ita datur in angelis potentia loco motiua, distincta ab eorum intellectu, & voluntate, ut fusè prosequitur Suarez disp. 35. met. sect. 6. num. 22. cum pluribus alijs. Quando ergo angelus se mouet localiter, concurrunt voluntas imperando motum, intellectus illam dirigendo, potentia loco motiua exequendo, & substantia angeli

geli recipiendo motum, ut probabimus
ar. sequenti.

ARTICVLVS VII.

*An Angelus moueatur per motum in se
non receptum?*

Videtur quòd sic, ut propugnant Du-
randus in 1. d. 37. p. 2. q. 2. Ferra-
riensis 3. con. Gen. c. 102. quibus sub-
scribunt Vasquez, Ripa, Caietanus, &
alij putantes, Angelum esse in loco per
operationem formaliter transeuntem, quæ
proinde sit in solo termino, ut in subie-
cto, & terminetur extrinsecè ad angelum,
tamquam ad eius principium effectivum.
Fundamenta sunt.

1. Non potest aliquid moueri intrin-
secè, nisi habeat partes, quarum una
moueat, & alia moueatur, ad saluandum
illud axioma, *quidquid mouetur, ab alio
mouetur*. Sed in angelo nullæ sunt partes.
Ergo non potest esse motus intrinsecus.

2. Forma diuisibilis non potest inhæ-
rere subiecto formaliter indiuisibili. Sed
omnis motus, cum sit essentialiter suc-
cessivus, ut dictum est, est intrinsecè di-
uisibilis. Ergo non potest inhære sub-
stantiæ angeli, quæ est formaliter indiui-
sibilis.

3. Terminus motus non distinguitur à

P 4 motu.

motu. Ergo ibi est motus, ubi est eius terminus. Sed hic est extra angelum. Ergo & ille.

4. In angelo non est potentia passiva ad motum. Ergo non potest illum in se recipere. Probatur antecedens. Primo quia posset ab alio extrinseco violenter moveri, recipiendo ab illo impulsus, vel physicam impressionem, quæ videntur angelis repugnare. 2. Quia hæc potentia neque esset angelo naturalis, cum per motum non perficeretur: neque violenta, quia hæc esset inepta ad motum connaturalem, de quo agimus: neque obedientialis, quia hæc circumscribitur formis supernaturalibus: neque esset utilis angelo, qui non movetur ex propria indigentia, sed aliorum. Ergo non habet hanc potentiam.

Conclusio, Motus quo angelus localiter movetur, est illi intrinsecus, & recipitur in eius substantia, ut in subiecto. Ita Scotus in 2. d. 2. q. 9. Suarez. Molina, Sotus, Bannes, & alij.

Probatur prima pars, Primo quia omne mobile dum movetur, aliter se habet, ac se habuerit antea. Ergo mutatur intrinsecè, cum nihil extrinsecum possit illud facere aliter se habens; aliter Deus per solam creationem extrinsecam aliter se haberet, quod est absurdum. Atque adeo quia aliter se habet per solum motum

tum

tum localem, hic est illi intrinsecus .

2. Siue angelus moueatur continuè, siue discretè, semper transit ex una ubicatione ad aliam, in quarum successione consistit eius motus . Sed ubicatio est intrinseca ubicato, ut probauimus in 4. phys. Ergo etiam motus .

3. Motus localis connaturalis angeli, est illi vitalis, sicut est motus progressus omnium animalium . Ergo est illi intrinsecus, & à principio intrinseco, iuxta doctrinam traditam in 1. de anima.

Probatur secunda pars, illud est subiectum motus, quod per illum mouetur, & aliter se habet, ac se habuerit antea . Sed substantia angeli mouetur de loco ad locum, & aliter se habet, quàm se habuerit antea . Ergo illa est subiectum motus . Minor, & consequentia sunt evidentes . Maior probatur, quod intrinsecè aliter se habet, mutatum est . Sed omnis mutatio intrinseca est essentialiter transitus ex priuatione ad formam, si sit positua, vel ex forma ad priuationem, si sit negatiua, ut fusè probaui in 1. phys. Ergo cum motus localis inducat in mobili mutationem positiuam, necessariò dicit transitum ex priuatione ad formam, nempe ex priuatione ubi, ad ipsum ubi . Sed termini transitus sunt in subiecto transeunte, quod solum aliter se habet. Ergo cum substantia angeli transeat ex priua-

-tione ubi, ad ubi, ipsa est subiectum transitus, & sola est susceptiva contrariorum. Et idem dico de transitu ex vno ubi ad aliud, qui est formaliter motus localis.

Ad 1. Nego maiorem, propter traditas rationes in 7. phys. disp. 1. ar. 1. ubi ostendimus falsitatem illius principij, *quidquid mouetur, ab alio mouetur*. Pro quo nihil probant nonnulli Thomistarum dicentes, partem mouentem in Angelo esse potentiam loco motiuam, quam dicunt non distingui ab eius intellectu, & voluntate, quos putant realiter distingui à substantia angeli; adeoque cum dicant, solam substantiam angeli nudè sumptam esse motam, asserunt illam ab alio moueri. Nihil (inquam) probant, siquidem etiam admissa hac doctrina, quam puto multipliciter falsam, adhuc se ipsos præfocant in suis dictis. Nam cum inquirunt, partem mouentem esse potentiam loco motiuam, distinctam à substantia angeli, vel putant, illam esse in se immotam, cum mouet, vel motam? Si primum, ergo cum Angelus descendit ex cælo in terram, eius potentia loco motiua quiescit in cælo, nec mutat locum, quod sine risu audiri non posset. Si secundum, peto à quo moueatur? Non à substantia animæ, aliter se inuicem mouerent, & sic substantia esset mouens, & mota,

mota, contra suppositum. Non ab extra, aliter motus non esset naturalis. Ergo à se ipsa. Quòd si potentia, quæ est in genere qualitatis, potest se ipsam mouere, falsum est illud principium, quòd omne motum ab alio moueatur, adeòque etiam ipsa substantia poterit mouere seipsam.

Ad 2. Nego maiorem. Sicut enim anima rationalis, quæ est forma indiuisibilis, est in materia, quæ est subiectum diuisibile, ita potest motus, qui est forma diuisibilis, esse in anima, & in angelo indiuisibilibus. Et ratio est, quia cum motus sit essentialiter successivus, in nullo instanti est totus simul, sed in pluribus instantibus, in quorum uno est ubicatio A. quæ habet rationem termini à quo, & in alio est ubicatio B. quæ habet rationem termini ad quem. Ergo quia utraque ubicatio est formaliter indiuisibilis, ideo in singulis instantibus angelus non habet, nisi formas simplices indiuisibiles, & solum in tempore habet earum successionem, quæ est diuisibilis.

Ad 3. Distinguo antecedens, terminus motus non distinguitur à motu, qui fit per actus immanentes, concedo: non distinguitur à motu, qui fit per actus transcuntes, nego. Et distinguo consequens, ibi est primus motus, ubi est terminus, concedo: ibi est secundus motus, ubi est terminus, nego consequentiam, iuxta ea

quæ docuimus in 3. phys. disp. 1. ar. 3. Quia ergo motus metaphysicus angeli, fit per actus immanentes, ideo est in angelo, in quo est eius terminus: & motus physicus, qui fit per actus transeuntes, ut sunt illuminare, calefacere &c. est in illo, in quo est eius terminus, nempe in aere, qui illuminatur, & calefit. Atque adeo quia motus localis fit per actus immanentes, nempe per successionem ubicationum, ideo est in angelo, qui per illum mouetur, & recipit terminum.

Ad 4. Nego antecedens. Ad cuius primam probationem admitto consequens, quod probabimus ar. sequenti. Ad 2. Dico, potentiam passiuam esse angelo naturalem, & utilem; aliter non posset reducere ad actum suas potentias actiuas, quod illi refunderet magnam imperfectionem. Ergo quia est illi bonum habere potencias actiuas ad actus distinctos immanentes, est etiam illi bonum, quod possit illos in se recipere, nè reddantur inutiles, & frustraneæ huiusmodi potentia.



ARTICVLVS VIII.

*An possit angelus violenter moueri
ab alio ?*

Videtur non posse, ut docet Vasquez hic disp. 194. artic. 3. in fine, ubi tam acriter inuehitur aduersus partem affirmatiuam, ut dicat, *Friuolum est quod quidam comminiscuntur, angelos aliquos tantæ esse virtutis, ut impulsu aliquo quasi impresso alteri angelo, ipsum vel loco alligent, vel inde per vim moueant; hoc enim propriū videtur esse corporum. Qui autem hoc modo philosophantur, imaginatione potius, quam ratione ducti videntur, cum de spiritibus eo modo philosophentur, ac si corpora essent. Eius fundamenta possunt esse.*

1. Si angeli haberent vim mouendū alium angelum, possent etiam illum loco alligare, nè exeat. Sed nullus angelus potest alium alligare. Ergo neque mouere. Consequentia patet. Maior est certa, cum plures vires requirantur ad mouendum, quam ad detinendum, quod fit per puram priuationem motus. Probatur minor, angelus non potest ad extra operari, nisi producendo motum, vel impulsu. Per hos autem non potest efficere priuationem motus. Ergo non potest

potest alium loco alligare; adeòque neque mouere.

2. Nihil potest ab alio violenter moueri, nisi possit ab illo recipere impulsus, seu qualitatem aliquam impressiuam. Nullus autem angelus potest ab alio alterum recipere. Ergo nec potest ab eo moueri. Maior patet inductione omnium projectorum, quæ per impulsus cientur. Minor probatur, Primò quia angelus nihil potest producere, nisi motum localem. 2. Quia impulsus est instrumentum coniunctum. Ergo absente impellente, non remanet; & sic unus angelus non posset alium mouere, nisi illi esset immediate præsens, quod multum detraheret de virtute angelica. 3. Vel impulsus angeli esset qualitas materialis, vel spiritualis? Non primum, quia non posset terminari, nisi ad quanta, cuiusmodi non sunt angeli. Neque secundum, quia vel esset aliquod morale, ut imperium, & non posset cadere, nisi supra interiores, & subditos; adeòque Lucifer non posset moueri ab angelis sanctis: vel aliquod physicum, & non posset explicari quid esset. Ergo nullus angelus potest alium mouere per impulsus.

Conclusio, *Angelus fortior potest minus fortem mouere, & alligare alicui loco.* Ita Suar. disp. 35. met. sect. 6. n. 28. Conimb. disp. 6. de anima separata art. 4. qui.

quibus adhæret noster Gibbo disp. 19.
dub. 6.

Probatur 1. multiplici loco sacrorum
codicum, ut Tobia 8. sub initium, *Ra-
phael angelus apprehendit dæmonium, &
religavit illud in deserto superioris Ægy-
pti: & Apoc. 20. Apprehendit draconem,
qui est Diabolus, & ligavit eum, & misit
in abyssum, & clausit.*

2. Probauimus usque adhuc, cum
communi theologorum calculo, angelos
posse mouere corpora, & in libris de cæ-
lo probauimus cum Philosopho, cælos
ab angelis moueri. Ergo angelus habet
virtutem motiuam, non solum sui, sed
etiam aliorum. Sed hæc virtus, cum sit
immaterialis, est magis proportionata
mobili immateriali, cuiusmodi est an-
gelus, quam corporeo, & materiali. Er-
go si potest mouere corpora, à fortiori
poterit etiam mouere alios angelos, sal-
tem inferiores, & etiam superiores non
resistentes. Quomodo autem moueat,
mox videbimus, multò plura dicturi,
cum agemus de pæna Dæmonum.

Ad 1. Nego minorem, cuius falsitas
patet ex locis adductis e sacris paginis,
in quibus euidenter apparet, Dæmones
fuisse ab Angelis sanctis certo loco alli-
gatos. Sed quod factum est, potest fieri.
Ergo possunt angeli alios alligare, & per
consequens loco mouere. Ad eius pro-
batio-

bationem dico, verum esse, quod angelus non possit alium loco alligare per motum, & impulsu, qui potius alligationi repugnant; & ideo admitto, quod possint quidem per propriam naturalem virtutem alios impellendo mouere, non tamen loco alligare, quod quamuis prima fronte videatur esse aliquid minus, tamen reapse est multò maius; & ideo nego sequelam, cum probatione maioris. Ratio est, quia licet in alligatione habeatur privatio motus, tamen hæc privatio non venit de formali, sed solum de consequenti. Illud ergo quod venit de formali, quod constituit alligationem, est causa impeditiva motus, quæ ita liget potentiam loco motiuam, ut vetet, ne exeat in actum secundum motus, ut sunt in corporibus compedes, & catenæ. Dico igitur, huiusmodi causam impeditivam non esse aliquid morale, ut voluit Cibo, sed esse aliquid physicum, nempe excessum virium angeli resistentis. Sicut enim si Petrus velit exire domo, potest impediri, ne exeat à Paulo fortiore, per solam applicationem suarum virium, supra vires Petri conantis egressum; ita cum angelus fortior detruferit debiliorem in aliquem locum, potest ibi illum detinere, applicando suas vires, contrariantes viribus inferioris, si fuerint supposito immediatè sibi præsentibus. Quod si fuerint

fuerint distantes, tunc dico, unum angelum non posse ab alio, loco alligari per eius vires naturales, sed per vires supernaturaliter additas, ita ut excessus virium taliter superadditus, ponat angelum alligandum intra sphaeram actiuitatis alligantis, ita ut alligandus fiat alteri praesens immediatione virtutis, eo modo quo ferrum detinetur à magnete, si contineatur intra sphaeram eius virtutis. Quod si fiat alligatio extra contactum suppositi, & virtutis, tunc dico, illam fieri virtute diuina, ut accidit Lucifero, & sequacibus, ad quam angelus alligans concurrit solum instrumentaliter.

Ad 2. Nego minorem. Ad cuius primam probationem dico, ab angelo posse produci, non solum motum, sed etiam impulsum. Sicut enim potest producere lumen, & alias qualitates, cur non possit impulsus? Ad 2. Nego antecedens, cuius falsitas patet in proiectis. Siquidem lapidem sursum proiciens, illum etiam absens impellit, per impulsus in illo relictum, ut videmus experientia.

Ad 3. Dico, huiusmodi impulsus esse, qualitatem spiritualem physicam, productam à mouente in moto, qua tamdiu adigeretur ad motum, quamdiu qualitas perseveraret in illo; eiusque duratio esset maior, vel minor, iuxta proportionem virium, & conatus producentis, sicut du-

rat

rat impulsus materialis corporibus violententer impressus .

Ex quo patet , quàm immeritò à Vasquez vocetur friuola , & imaginaria hæc opinio , de qua Suarez loco supra citato hæc habet , *Ex dictis constat , posse etiam unum angelum efficienter mouere localiter alium angelum virtute naturali* , hoc est vel producendo in illo motum immediatè , vel imprimendo impulsum , quo motus cicatur . Neque obstat , quod n. 25. doceat , non esse necessarium angelo talem impulsum . Nam in primis loquitur solum in casu , in quo angelus mouens sit immediatè præsens moto , non autem quando est absens . Deinde loquitur dubitanter , dum initio talis numeri inquit , *fortasse non est necessarium , ut angelus quando immediatè mouet corpus , imprimat ei impulsum* . 3. Loquitur de motu corporum , & non angelorum . Et demum n. 24. aperte asserit , *Aliqui sentiunt , sicut homo imprimit impulsu , dùm mouet aliquod corpus , ita etiam angelum* . Et concludit , *Potest facile defendi hic dicendi modus* . Ergo penès ipsum non est friuolum , sed valde probabile hoc nostrum dictum .



DISPUTATIO IX.

*De Intellectu , & intelligere
Angelorum .*

QUæremus 1. An potentia intellecti-
ua angeli sit realiter distincta ab
eius substantia? 2. An eius in-
telligere distinguatur à potentia intelle-
ctiua? Et demum an utrumq; distinguatur
à potentia volitiua , & actu volitionis?
Quorum occasione plura dicemus de in-
tellectu agente , & passibili : de potentijs
animæ rationalis : & de possibilitate sub-
stantiæ spiritualis non intellectiua.

ARTICVLVS I.

*An potentia intellectiua realiter distingua-
tur à substantia Angeli?*

Viderur distingui , ut docent com-
muniter Thomistæ , cum suo Du-
ce 1. p. q. 54. art. 3. quam doctrinam ex-
tendunt etiam ad intellectum animæ ra-
tiona-

rionalis, cum eodem quæst. 77. ar. 1. cui adheret Egidius in 1. d. 3. p. 2. princ. 3. q. 1. ar. 2. Fundamenta sunt.

1. Quia Dionysius cap. 2. de celesti hyer. sub med. docet, angelos diuidi in substantiam, virtutem, & operationem. Ergo hæc tria in angelis distinguuntur; alioquin non possent esse tria membra, diuidentia eorum, quæ sunt in angelis.

2. Ex diuersitate actuum arguimus diuersitatem principiorum, præcipuè si actus sint adæquatè inter sese diuersi. Sed actus essentia angelicæ, & eiusdem intellectus sunt adæquatè diuersi. Ergo & ipsa principia. Maiorem supponunt ut euidentem. Minorem probant supponendo, essentiam in creatis realiter semper distinguui ab eius existentia, tali pacto, Actus proprius essentia est solum esse, seu existentia: & actus proprius potentia intellectiua est intellectio. Cum ergo hi sint adæquatè inter sese distincti, inferunt, essentiam, & potentiam intellectiuam realiter ab inuicem distinguui.

3. Essentia angeli, quamuis ex se sit determinata ad suum esse substantiale, tamen est indifferens ad intelligere, & velle, aliosque actus accidentales. Ergo ad tollendam hanc indifferentiam, indiget potentijs realiter superadditis. Sicut enim requiruntur habitus, ad tollendam indifferentiam in modo operandi, facili, vel difficili,

difficili, intenso, vel remisso, ita requiruntur potentia superaddita ad tollendam indifferentiam ad simpliciter operandum, vel non operandum.

4. Ita se habet potentia intellectiva ad substantiam angeli, sicut potentia calefactiva ad substantiam ignis. Sed potentia calefactiva in igne est calor, qui realiter distinguitur ab essentia ignis. Ergo etiam potentia intellectiva realiter distinguitur ab essentia angeli. Minor probatur, sicut substantia creata, ob suam limitationem, non potest esse sua operatio, ita nec potest esse sua potentia; aliter substantia esset immediatè operativa, quod negatur à Thomistis.

5. Actus, & potentia debent esse sub eodem genere. Ergo si intellectio est accidens, etiam potentia est accidens. Antecedens probatur, nulla substantia dicit ordinem essentialem ad actum accidentalem, aliter specificaretur per aliquid accidentale, quod illi repugnat. Sed potentia proxima dicit ordinem essentialem ad suum actum adæquatum, ut sui specificativum. Ergo potentia non potest esse sub eodem genere cum substantia, sed cum actu.

Conclusio, Potentia intellectiva non distinguitur realiter à substantia Angeli. Et idem dico de potentijs volitiva, & memorativa. Ita Scotus cum suis in 2. d. 16.

q. vn. & in 4. d. 12. q. 3. Durandus in 2. d. 3. q. 5. Esparfa q. 18. de angelis ar. 2. cum Gregorio, Okam, Gabriele, & Nominalibus satis communiter, alijsque quamplurimis.

Probat 1. ex Augustino lib. 10. de Trin. c. 11. docente, *Memoria, intelligentia, & voluntas non sunt tres vitæ, sed una vita, nec tres mentes, sed una mens.* Cui concinnit D. Thomas 1. p. q. 93. ar. 7. ad 3. inquit, *Et sic patet, quod memoria, intelligentia, & voluntas non sunt tres vires, ut in sententijs dicitur.* Essent autem, si distinguerentur realiter ab invicem, & à substantia angeli. Ergo non distinguuntur.

2. Si realiter distinguerentur ab essentia angeli, vel fluere ab illa tamquam effectus, vel tamquam proprietates essentielles? Si primum, vel illas essentia produceret per se ipsam immediatè, vel per aliam potentiam mediam superadditam? Hoc secundum non potest asseri sine infinito processu, ut patet, cum de illa potentia, & de qualibet aliâ simili rediret argumentum. Neque potest concedi primum, absque admissione nostræ conclusionis, quod sic evidenter probo. Potest substantia angeli esse per se ipsam formaliter principium effectuum immediatarum alicuius effectus. Ergo est per se ipsam immediatè operatiua, adeoque potest produ.

producere omnes alios effectus sibi convenientes, cum nulla sit maior ratio de uno, quam de alio, absque ulla potentia realiter superaddita.

Quod si dicas, huiusmodi potentiam procedere à substantia, tamquam eius proprietatem, nihil dicis. Vel enim esset proprietas essentialis, vel accidentalis? Si primum, ergo non distinguitur ab illa realiter, sicut est risibilitas in homine, appetitus formarum in materia, & alia id genus. Si secundum, ergo substantia angeli non esset per se ipsam formaliter intellectiva, sed solum per accidens illi superueniens; adeoque esset solum per accidens intellectiva, quod tolleretur ab illa præcipuam eius perfectionem.

Dices cum Gibbone, recoquendo quintum argumentum. Nulla substantia dicit ordinem essentialem ad actum accidentalem, aliter specificaretur per aliquod accidentale, quod est impossibile. Sed potentia dicit ordinem essentialem ad actus accidentales. Ergo non potest esse substantia.

Distinguo maiorem, nulla substantia dicit ordinem essentialem ad actum accidentalem, ut existentem, concedo: ut possibilem, nego. Et admissio quod potentia dicat ordinem essentialem ad actus ut posibles, abstrahendo ab existentia, nego

Nego consequentiam, cum non solum non sit absurdum, sed sit omnino necessarium, quod substantia ut sit de se operativa, connectatur essentialiter cum suis actibus ut possibilibus; aliter non esset per se operativa. Præterquàm quod est maius absurdum, quod substantia connectatur essentialiter cum potentia accidentali, ut existente, quàm cum actu ut possibili. Ergo si admittitur primum ab aduersarijs, debet admitti secundum.

Vrgebis cum eodem, potentia non producuntur à substantia angeli, sed com-
producuntur cum illa à Creatore. Ergo hæc ratio supponit falsum. Quamvis enim dicantur emanare e substantia, non tamen re ipsa emanant, sed hoc dicitur, quia non possunt creari, nisi creata anima, ut termino prius natura creatus, propter dependentiam potentialium à substantia, cui connaturaliter debentur.

Sed contra est, quia cum Deus possit rerum exigentijs non satisfacere, posset de plenitudine potestatis, producta substantia angeli, non producere eius potentiam intellectiuam. In tali casu daretur substantia spiritualis non actu intellectiua. Ergo intellectualitas non deducitur ex immaterialitate, adeoque corrumpitur eius ratio, qua probat in Deo dari scientiam, in trac. de scientia disput. 20. dub. 1. §. 2. Ad summum enim probaretur,

tur , dari scientiam radicaliter , sed non formaliter . Præterea daretur substantia immaterialis non intellectiua . Ergo hæc est simpliciter possibilis , adeoque corruunt eius rationes allatæ ibidem §. 3. quibus conatur probare eius impossibilitatem . Ergo ideo simul potentia cum substantia concreantur , quia sunt cum illa realiter identificatæ , non verò quia connaturaliter exiguntur . Demum quia hæc doctrina tolleretur omnino omnem causalitatem ab agentibus creatis , reuocando ex inferis eorum fatuitatem , qui dicebant , omnem efficientiam esse solius Dei , omnia operantis ad præsentiam eorum , quæ dicuntur causæ secundæ , quos fusè impugnauius in 1. de generat. disp. 3. ar. 1. Sicut enim solus Deus ad præsentiam substantiæ angeli , exigentis intellectum , illum crearet , ita ad præsentiam ignis exigentis calorem , illum produceret , & ad præsentiam aquæ produceret frigus , & sic de omnibus alijs , quod vniuersam pessundaret naturalem philosophiā . Ergo si admittantur distinctæ à substantia angeli , dicendum est , ab illa produci , adeoque redit argumentum aduersus earum distinctionem .

Probatur 3. Quò aliquid est perfectius , eò magis accedit ad perfectionem Dei . Sed Angeli substantia est perfectior quolibet accidente sibi connaturali , cuius est

Q finis ,

finis, & prima radix. Ergo cum diuina substantia sit per se ipsam immediatè operatiua, identificando sibi potentias executrices, hoc potius conuenit angeli substantiæ, quàm eius potentiæ, seu qualitati accidentali, ut prosequitur *Esparsa* loco supra citato. Neque potest hoc argumentum retorqueri aduersus actus intelligendi, & volendi, aliosque modos ubicationis, durationis &c. qui distinguuntur in angelo, & non in Deo. Si quidem cum Angelus sit essentialiter contingens in esse, & operari, non potuit intelligere, durare, & ubicari per suum esse, sicut Deus, qui cum sit ens simpliciter necessarium, & immutabile, non potest operari per actum entitatiuè accidentalem; & idem dico de præsentia ad locum, & tempus, qua carere non potest. Ergo nulla est paritas.

A R T I C V L V S II.

Soluantur obiecta, & roboratur doctrina.

AD I. Concedo totum, quod nihil fauet arguenti. Cum enim quæstio procedat de potentijs, quæ sunt virtutes radicaliter completæ, & formaliter incompletæ, & Dyonisius loquatur de virtutibus formaliter completis, quatenus dicunt principium formale proximum, & actum.

& actum primum immediatum operationis , eius dictum non infirmat conclusionem . Quòd autem potentia angeli non sint ex se virtutes formales , & principium formale proximum completum , probatur euidenter , eo quia debent compleri per plura distincta , cuiusmodi sunt species respectu intellectus , cognitio respectu voluntatis , concursus primæ causæ , & vniuersaliter negatio cuiuscumque impedimenti . Ergo potentia intellectiua ex se , est solum virtus radicalis intellectiōnis , & fit virtus formalis , & principium formale proximum per species intelligibiles cognoscendorum , per paratum concursum primæ causæ , & per negationem omnium impedimentorum , quæ ab illa realiter distinguuntur .

Ad 2. Nego minorem . Ad cuius probationem nego suppositum . Primò quia in 1. phys. vniuersaliter asseruimus , rerum existentias non esse realiter distinctas ab earum essentijs . Ergo existentia non est actus physicus essentiæ ; & ideo non potest comparari cum intellectuione , quæ est actus physicus potentiæ intellectiue , ut videbimus . Deinde si supponatur , potentias effectiue diffluere ab essentia , existentia non est unicus eius actus , quod etiam valet de vocatione , duratione , & motu , quos probauimus immediate procedere à substantia . Demum si ex quo-

rumlibet actuum diuersitate deberent multiplicari principia, deberent in angelo dari plures intellectus, nempe apprehensivus, iudicativus, & illativus: assensivus, & dissensivus: definitivus, & diuisivus: speculativus &c. quod est absurdum. Ergo ad diuersificandam potentiam requiritur diuersitas, non quidem unius, aut plurium actuum, sed totius collectionis sub eadem formalitate, ut sunt actus intelligendi, qui tendunt in obiectum, sub formalitate veri, & actus volendi sub formalitate boni &c. Nec valet paritas de actibus, qui multiplicantur ad multiplicationem obiectorum; nam cum actus accidunt potentijs, non est inconueniens, quod in illis multiplicentur. Potentie verò, quia ex se sunt virtutes radicales, si multiplicarentur, multiplicarent ipsam substantiam, quod est inconueniens.

Ad 3. Nego consequentiam, retorquendo argumentum, substantia angeli non est indifferens ad esse intellectiuam, & volitiuam, cum sit ad hoc per se ipsam determinata. Ergo non indiget determinari à potentijs superadditis. Neque obstat indifferentia ad intelligere, & velle; nam ad hæc determinatur in actu primo à speciebus, & in actu secundo ab ipsis actibus intelligendi, & volendi, quamuis respectu volendi, non detur determinatio in actu primo, eo quia cum sit actus liber,

liber, debeat oriri à principio indifferenti, ut alibi probauimus. Ad paritatem habituum, dico ideo illos requiri, quia cum potentia lassetur in operando, indiget adiutorio, quod præstatur per habitum, tamquam per principium coadiuuans, unde minuitur difficultas in operando, ut diximus in logica. Ergo habitus non dantur ad tollendam indifferentiam potentie operatricis, quæ semper in suis viribus relicta, operatur eodem modo, sed ad tollendam obiecti difficultatem, eo modo quo ad eleuandum pondus ut centum, semper eadem vires patiuntur eandem difficultatem, & licet possint illud per adiutorium facilius eleuare, non proinde sunt indifferentes ad illud eleuandum facile, vel difficile, eo quia indifferentia proprie dicta non datur, nisi in potentia eodem modo affecta, ut diximus de potentia loco motiua, per quam angelus potest ad libitum occupare maius, vel minus spatium. Et hæc est ratio, cur in log. lib. 1. disp. 1. artic. 3. dixerimus, in angelis non dari habitus acquisitos circa ea, quæ cognoscunt per species intuitiuas, sed solum circa ea, quæ cognoscunt per species abstractiuas, & coniecturaliter.

Ad 4. Nego minorem. Primò quia calor est virtus ignis, & non potentia calefactiua, ut patet ex eo quod ignis in

Q 3

pro

propria sphaera sit calefactiuus, licet non habeat calorem. 2. Quia potentia calefactiua, quamuis distingueretur ab igne, non esset ab illo separabilis, ut fatentur etiam aduersarij; calor autem est separabilis, & ideo dicitur instrumentum separatum. Ad eius probationem nego antecedens, & consequentiam, cuius falsitas patet ex dictis. Neque obstat, quod non possit substantia creata esse sua operatio, quia ex distinctione operationis, non valet illatio ad distinctionem potentiam, ut videbimus. Præterquamquod nulla est ratio, cur non possit dari aliqua substantia creata, cui sit essentialis aliqua operatio. Cum enim hanc perfectionem accepisset à Deo, non eleuaretur extralimites creaturæ, ut alibi probauimus.

Ad 5. Nego antecedens. Sicut enim potentia, quæ ut distincta à substantia, unde est, & in qua recipitur, est eius actus, & tamen non est cum illa sub eodem genere, ut patet; ita si potentia sit indistincta à substantia, non est sub eodem genere proximo cum suo actu. Ad eius probationem patet responsio ex dictis in 2. prob. conclusionis, quibus hoc superaddo, quod potentia non specificetur per actum accidentalem, sed per ordinem transcendentalem ad illum, non quidem ut actualem, sed ut est formaliter talis actus, cum abstractione ab existentia,

stentia, sub qua consideratione, non est aliquod accidentale contingens, sed aliquod necessarium. Præterquamquod cum in relatione transcendentali terminus sit omninò extrinsecus, eius contingentia non facit respectum contingentem, eò quia non terminet hunc respectum, ut est hic actus in indiuiduo, sed ut est formaliter actus, sub conceptu proprio, abstrahente ab actualitate, & indiuiduatione, sicut diximus in trac. de Trin. de ratione, ut terminat distinctionem virtua-lem intrinsecam, includentem essentialem respectum ad rationem.

ARTICVLVS II.

An intelligere Angeli sit eius esse substantiale?

Videtur esse, ut opinatus est Commentator 12. met. 1. 52. cui subscribit Durandus in 2. d. 3. q. 5. ad 1. non quidem quoad omnem angelicam cognitionem, sed solum quoad illam, qua se ipsum cognoscit. Fundamenta possunt esse.

1. Quia ita se habet substantia angelica, & omnis alia substantia abstracta, ad suam intellectionem, sicut ad suam potentiam intellectiuam. Sed ad hanc se habet identicè, ut probauimus in 1. ar. Ergo etiam ad illam. Probatur maior,

Q 4

nam

tiam non minus videtur repugnare substantiæ finitæ, & limitatæ, quod sit sua potentia operatiua, quàm quod sit sua operatio, eò quia utrumque sit proprium solius Dei. Ergo si concedatur, primum, non potest negari secundum.

2. Si Angelus non esset sua intellectio, non posset vocari mens, sicut quia anima rationalis non est sua intellectio, non dicitur mens, sed intellectiua, eo quia de se sit solum in potentia ad intelligere. Sed Angeli vocantur communiter celestes mentes, cum Dionisio c. 2. de cal. hyer. Ergo non sunt ex se in potentia ad intelligere, sed sunt semper in actu secundo exercitè, adeoque sunt realiter sua intellectio.

3. Quia dicitur ab eodem c. 2. de diu. nom. Angelos scire alia à se secundum propriam naturam. Sed natura angeli est eius substantia. Ergo sciunt alia à se per suam substantiam.

Conclusio, Intelligere angeli non est eius esse substantiale, sed realiter ab illo distinguitur. Est communis.

Probatur 1. à Thomistis, si Angelus intelligeret per suam substantiam, esset actus purus, per identitatem cum ultima actualitate in ordine intellectuali, quod conuenit soli Deo.

2. Si intelligere angeli esset substantiale, esset per se subsistens, adeoque vnicum,

cum, sicut est eius substantia, quod est falsum.

3. Non admitteret gradus, secundum proportionem perfectionum ipsorum intelligentium; & sic omnes angeli haberent intelligere æquè perfectum, quod est absurdum.

Sed hæ rationes nihil omninò probant, si bene considerentur. Siquidem actus purus excludit omnem potentialitatem in omni linea. Sed Angelus excluderet solum in ordine ad intelligere, non autem in ordine ad velle, ubicari, durare, subsistere &c. Ergo non esset actus purus. Præterea quamvis esset suum intelligere, sibi connaturale, non tamen esset intelligere supernaturale, ut est visio beatifica. Ergo neque in tali linea esset actus purus. Neque obstat, quòd intellectio sit operationum perfectissima, & veluti radix cæterarum in natura intellectuali. Nam in primis hoc non est vniuersaliter verum, cum in trac. de beatitudine ostenderimus cum Scotistis, esse multò nobiliorem actum voluntatis, quàm intellectus, vel saltem æqui parari. Vnde Scotistæ inferunt, beatitudinem consistere in actu voluntatis. Ergo ex identitate cum his, non valet inferri identitas cum illis. Præterquamquòd intelligere angeli per identitatem cum eius natura, non amitteret defectibilitatem metaphysicā,

adeoque potentialitatem ad non esse. Ergo non posset contrahere rationem actus puri, qui excludit à se omnem potentialitatem, etiam metaphysicam.

Neque valet secunda, quia per hoc quòd identificaretur cum singulis angelis, singulorum intelligere sequeretur conditionem intelligentis. Ergo sicut angelorum substantiæ in singulis diuiduntur specie, ut docent Aduersarij, licet omnes, & singulæ sint subsistentes; ita unius intelligere esset specie diuersum ab alio. Atque adeo sicut esse subsistens, non facit unam speciem substantiæ angelicæ, ita nec faceret unum specie intelligere. Et ratio est, quia sicut subsistere non specificat, ita nec identificat secundum speciem.

Vnde patet falsitas tertij argumenti, quod euidenter retorquetur. Esse substantiale in angelis admittit gradus, iuxta proportionem perfectionum singulorum. Ergo quidquid identificatur cum illo, retinet gradus illius, aliter non transiret in illud, per identitatem realem.

Aliter ergo probo conclusionem. Et primò theologicè, si omnis intellectio angeli esset sua substantia, etiam visio Dei, quæ est eius intellectio intuitiua, esset eius substantia. Hoc autem est absurdum, Primò quia Angelus esset essentialiter beatus, & sua beatitudo. Et dein
de

de quia per hoc ipsum visio Dei esset illi connaturalis, sicut est eius natura, seu substantia, cuius oppositum probauimus in trac. de visione, ex Concilio Viennensi, in quo definitur contra Begardos, & Beguinas, visionem beatificam, utpote essentialiter pendentem à comprincipio supernaturali, nulli substantiæ creatæ esse naturalem, ut refertur in Clementina, *Ad nostrum de hæreticis*, & deducitur ex illo Apostoli ad Rom. 6. *Gratia Dei vita eterna*. Et idem valet de qualibet alia cognitione supernaturali, quæ per identitatem cum substantia naturali, esset intrinsecè naturalis. Ergo nulla cognitio supernaturalis est Angelo substantialis. Sed neque ulla naturalis. Primum quia haberet duplicem operandi modum per intellectum, nempe per suam substantiam, & per actus, seu qualitates accidentales. Ergo non esset uniformis in actibus intellectus, quod videtur absurdum. Deinde quia Angelus est mutabilis, seu variabilis in intelligendo, licet sit omninò inuariabilis quoad substantiam. Ergo eius intellectio non est eius substantia. Consequentia patet. Antecedens probatur, intellectus Angeli, cum sit finitæ, & limitatæ virtutis, non potest omnia simul comprehendere, præsertim ea, quæ excedunt eius obiectum, cuiusmodi sunt omnia possibile. Ergo necessario

Q 6

potest

potest transire ex vna, ad aliam rei cognitionem, ita ut nunc cognoscat, quod antea non cognoscebat, ut videbimus, cum agemus de eius obiecto. Et ideo dixit Augustinus 8. super Genesi ad litt. c. 20. *Creatura spiritualis mouetur per tempora, etiam si per loca non moneatur*, id est considerando futura, deinde presentia, & demum præterita.

2. Potest Angelus impediri à cognitione alicuius obiecti, saltem per subtractionem diuini concursus. Ergo eius cognitio est separabilis à substantia, & subinde realiter ab illa distinguitur.

Dices, ergo posset angelus actu separari ab omni cognitione. Sed hoc est absurdum. Nam si frugamus, angelum esse in potentia ad omnem cognitionem, non posset ab intrinseco se reducere ad actum ullius cognitionis. Nam in tali casu neque intellectus posset se applicare ad cognoscendum, quia non est potentia libera: neque posset applicari à voluntate, quæ semper in suis imperijs prærequirit aliquem actum intellectus. Ergo angeli substantia non est separabilis ab omni cognitione.

Distinguo primum consequens, posset angelus separari ab omni cognitione, seorsim sumpta, concedo: collectiue sumpta cum omnibus possibilibus, nego consequentiam. Et dico, quod sicut potest

test separari ab hac, vel illa ubicatione, non tamen à collectione omnium, quia una amissa, acquirit aliam; ita qualibet amissa cognitione, erumpit in aliam, & ideo non potest separari ab omnium collectione. Vnde corrui absurdum inculcatum, eò quòd Angelus habet necessario aliquam cognitionem, quasi cum natura congenitam, cuiusmodi putatur à multis cognitio sui, de qua loquemur infra. Optimè igitur docet Aug. 11. de ciu. c. 10. *Licet angelus semper sit sapiens, non tamen est suum sapere; & licet semper sit intelligens, non est suum intelligere.*

Ad 1. Nego maiorem. Disparitas est, quia intellectio, & volitio sunt essentialiter actus immanentes. Ergo essentialiter sunt in suo principio productiuo. Est autem impossibile, quod productum sit idem cum producente. Ergo intellectio, & volitio non sunt idem cum intelligente. Neque obstat, quòd in Deo identificentur, quia cum non producantur, non sunt ab alio; & ideo possunt esse per se subsistentes, & indistincti ab intelligente, & volente, quod non euenit in creatis. Hoc non valet de potentijs, quæ cum sint adæquatè ab extra, faciunt cum substantia unum terminum creationis; & ideo possunt cum illa identificari. Præterea substantia angeli non est indifferens ad esse, vel non esse intellectiuam, sicut

286 Disp. I.
mensurationem,
cumscriptiuium,
netrabilitas, Sp
fectum quantita
quodcumque co
trant caelos, ingre
clausis, penetrant
go non se habent
codem modo. An
se simul cum corpo
non poterunt etia
cum quo habent m
litate, & maiore

ARTIC

*An possit Angelus
locum maiorem
adeq*

Videtur non po
gorius de Val
puncto 3. docens, A
esse in loco minori,
tus, loquendo de prae
quamuis admittat po
sentiam physicam. Et
Primò quia amplitud
tas consequens perfe
angelica. Sed propr
augeri, vel minui, se
les, ac tanta determi

Disp. IX. Ar. I.
tunc adhaerens ad intell
et non possit per se ipsam
suum, indiget intellectu

Ad 2. Nego maiorem. F
a recte, quia totum esse
intellectu, qui praeter
esse corpus. Unde retor
tione, angelus dicitur mo
prium collectionis. H
collectione, sed
Anima autem
cum cognoscit
phantasmatibus
cognoscit
corpore separata, po

Ad 3. Dico, Angelum cognosc
proprium naturam
per rationem formam
tunc quam per principia
Vnde probatur quia
angelus cum potest
et non solum cum actu cognoscit
suum esse.

444

L V S I I I .

Quia , eiusque actus in-
stantur in homine ab
ationali?

qui realiter in homi-
 nima ab eius entitate
 te profitentur D. Tho-
 mas in 2. p. 1. d. 3.
 ar. 2. Durandus in
 adherent plures alij .
 sunt .

non sunt alia operatio-
 ne , & velle , qua cum
 sunt ab una , eadem-
 vice procedere . In-
 multae operationes ,
 e audire , sentire &c.
 essentia eiusdem ani-
 qua procedunt opera-

Ergo concludit Du-
 plicandas in homine ,
 plicationem operatio-
 in angelo . Quod con-
 essentia animae in homi-
 nis ; intellectus verò non
 . Ergo realiter distin-
 non valet in angelo , in-
 corpus , neque intelle-
 est eius actus .

2. Gre-

sicut est indifferens ad intelligere . Ergo cum non possit per se ipsam formaliter determinari , indiget intellectione superaddita .

Ad 2. Nego maiorem . Et dico, vocari mentes , quia totum esse angelicum identificatur cum intellectu , quod non euenit in homine , qui præter animam includit corpus . Vnde retorquetur argumentum , angelus dicitur mens , quæ est principium intellectiõis . Ergo non est idem cum intellectu , sed cum potentia intellectiua . Anima autem non dicitur mens , quia cum cognoscat in homine dependenter à phantasmatis , non est principium adequatum cognitionis . Cum autem est à corpore separata, posset vocari mens .

Ad 3. Dico, Angelum cognoscere alia à se , secundum propriam naturam , non tamquam per rationem formalem cognoscendi, sed tamquam per principium proximum illius . Vnde probatur quidem identitas angeli cum potentia intelligendi , non autem cum actu cognoscendi , quod nobis fauet .



A R T I C V L V S I I I .

An potentia intellectualis , eiusque actus intelligendi distinguantur in homine ab anima rationali?

Videntur distingui realiter in homine potentia animæ ab eius entitate substantiali , ut aperte profitentur D. Th. 1. p. q. 77. ar. 1. Egidius in 2. p. 1. d. 3. p. 2. princip. 3. q. 1. ar. 2. Durandus in dist. 3. q. 5. quibus adherent plures alij. Eorum fundamenta sunt .

1. In Angelis non sunt aliæ operationes , quàm intelligere , & velle , quæ cum sint spirituales , possunt ab una , eademque essentia operatrice procedere . In homine autem sunt multæ operationes , etiam materiales , ut audire , sentire &c. quæ non possunt ab essentia eiusdem animæ procedere , ex qua procedunt operationes spirituales . Ergo concludit Durandus , esse multiplicandas in homine , potentias , ad multiplicationem operationum , non autem in angelo . Quod confirmat ex eo , quia essentia animæ in homine est actus corporis ; intellectus verò non est actus corporis . Ergo realiter distinguuntur . Hoc non valet in angelo , in quo cum nullum sit corpus , neque intellectus , nec essentia est eius actus .

2. Gre.

sicut est indifferens ad intelligere . Ergo cum non possit per se ipsam formaliter determinari , indiget intellectione superaddita .

Ad 2. Nego maiorem . Et dico, vocari mentes , quia totum esse angelicum identificatur cum intellectu , quod non evenit in homine , qui præter animam includit corpus . Vnde retorquetur argumentum , angelus dicitur mens , quæ est principium intellectiõis . Ergo non est idem cum intellectu , sed cum potentia intellectiva . Anima autem non dicitur mens , quia cum cognoscat in homine dependenter à phantasmatis , non est principium adæquatum cognitionis . Cum autem est à corpore separata , posset vocari mens .

Ad 3. Dico, Angelum cognoscere alia à se , secundum propriam naturam , non tamquam per rationem formalem cognoscendi , sed tamquam per principium proximum illius . Vnde probatur quidem identitas angeli cum potentia intelligendi , non autem cum actu cognoscendi , quod nobis fauet .



ARTICVLVS III.

An potentia intellectiua, eiusque actus intelligendi distinguantur in homine ab anima rationali?

Videntur distingui realiter in homine potentia animæ ab eius entitate substantiali, ut aperte profitentur D. Th. 1. p. q. 77. ar. 1. Egidius in 2. p. 1. d. 3. p. 2. princip. 3. q. 1. ar. 2. Durandus in dist. 3. q. 5. quibus adherent plures alij. Eorum fundamenta sunt.

1. In Angelis non sunt aliæ operationes, quàm intelligere, & velle, quæ cum sint spirituales, possunt ab una, eademque essentia operatrice procedere. In homine autem sunt multæ operationes, etiam materiales, ut audire, sentire &c. quæ non possunt ab essentia eiusdem animæ procedere, ex qua procedunt operationes spirituales. Ergo concludit Durandus, esse multiplicandas in homine, potentias, ad multiplicationem operationum, non autem in angelo. Quod confirmat ex eo, quia essentia animæ in homine est actus corporis; intellectus verò non est actus corporis. Ergo realiter distinguuntur. Hoc non valet in angelo, in quo cum nullum sit corpus, neque intellectus, nec essentia est eius actus.

2. Gre-

sicut est indifferens ad intelligere . Ergo cum non possit per se ipsam formaliter determinari , indiget intellectione superaddita .

Ad 2. Nego maiorem . Et dico, vocari mentes , quia totum esse angelicum identificatur cum intellectu , quod non evenit in homine , qui præter animam includit corpus . Vnde retorquetur argumentum , angelus dicitur mens , quæ est principium intellectiõis . Ergo non est idem cum intellectu , sed cum potentia intellectiva . Anima autem non dicitur mens , quia cum cognoscat in homine dependenter à phantasmatis , non est principium adæquatum cognitionis . Cum autem est à corpore separata , posset vocari mens .

Ad 3. Dico, Angelum cognoscere alia à se , secundum propriam naturam , non tamquam per rationem formalem cognoscendi , sed tamquam per principium proximum illius . Vnde probatur quidem identitas angeli cum potentia intelligendi , non autem cum actu cognoscendi , quod nobis fauet .



ARTICVLVS III.

An potentia intellectualis, eiusque actus intelligendi distinguantur in homine ab anima rationali?

Videntur distingui realiter in homine potentia animæ ab eius entitate substantiali, ut aperte profitentur D. Th. 1. p. q. 77. ar. 1. Egidius in 2. p. 1. d. 3. p. 2. princip. 3. q. 1. ar. 2. Durandus in dist. 3. q. 5. quibus adhærent plures alij. Eorum fundamenta sunt.

1. In Angelis non sunt alia operationes, quàm intelligere, & velle, quæ cum sint spirituales, possunt ab una, eademque essentia operatrice procedere. In homine autem sunt multæ operationes, etiam materiales, ut audire, sentire &c. quæ non possunt ab essentia eiusdem animæ procedere, ex qua procedunt operationes spirituales. Ergo concludit Durandus, esse multiplicandas in homine, potentias, ad multiplicationem operationum, non autem in angelo. Quod confirmat ex eo, quia essentia animæ in homine est actus corporis; intellectus verò non est actus corporis. Ergo realiter distinguuntur. Hoc non valet in angelo, in quo cum nullum sit corpus, neque intellectus, nec essentia est eius actus.

2. Gre.

potest transire ex vna, ad aliam rei cognitionem, ita ut nunc cognoscat, quod antea non cognoscebat, ut videbimus, cum agemus de eius obiecto. Et ideo dixit Augustinus 8. super Genesi ad litt. c. 20. *Creatura spiritualis mouetur per tempora, etiam si per loca non moneatur*, id est considerando futura, deinde presentia, & demum præterita.

2. Potest Angelus impediri à cognitione alicuius obiecti, saltem per subtractionem diuini concursus. Ergo eius cognitio est separabilis à substantia, & subinde realiter ab illa distinguitur.

Dices, ergo posset angelus actu separari ab omni cognitione. Sed hoc est absurdum. Nam si frugamus, angelum esse in potentia ad omnem cognitionem, non posset ab intrinseco se reducere ad actum ullius cognitionis. Nam in tali casu neque intellectus posset se applicare ad cognoscendum, quia non est potentia libera: neque posset applicari à voluntate, quæ semper in suis imperijs prærequirit aliquem actum intellectus. Ergo angeli substantia non est separabilis ab omni cognitione.

Distinguo primum consequens, posset angelus separari ab omni cognitione, seorsim sumpta, concedo: collectiue sumpta cum omnibus possibilibus, nego consequentiam. Et dico, quod sicut potest

test separari ab hac, vel illa ubicatione, non tamen à collectione omnium, quia una amissa, acquirit aliam; ita qualibet amissa cognitione, erumpit in aliam, & ideo non potest separari ab omnium collectione. Vnde corrui absurdum inculcatum, eò quòd Angelus habet necessario aliquam cognitionem, quasi cum natura congenitam, cuiusmodi putatur à multis cognitio sui, de qua loquemur infra. Optimè igitur docet Aug. 11. de ciu. c. 10. *Licet angelus semper sit sapiens, non tamen est suum sapere; & licet semper sit intelligens, non est suum intelligere.*

Ad 1. Nego maiorem. Disparitas est, quia intellectio, & volitio sunt essentialiter actus immanentes. Ergo essentialiter sunt in suo principio productiuo. Est autem impossibile, quòd productum sit idem cum producente. Ergo intellectio, & volitio non sunt idem cum intelligente. Neque obstat, quòd in Deo identificentur, quia cum non producantur, non sunt ab alio; & ideo possunt esse per se subsistentes, & indistincti ab intelligente, & volente, quod non euenit in creatis. Hoc non valet de potentijs, quæ cum sint adæquatè ab extra, faciunt cum substantia unum terminum creationis; & ideo possunt cum illa identificari. Præterea substantia angeli non est indifferens ad esse, vel non esse intellectiuam, sicut

sicut est indifferens ad intelligere . Ergo cum non possit per se ipsam formaliter determinari , indiget intellectione superaddita .

Ad 2. Nego maiorem . Et dico, vocari mentes , quia totum esse angelicum identificatur cum intellectu , quod non evenit in homine , qui præter animam includit corpus . Vnde retorquetur argumentum , angelus dicitur mens , quæ est principium intellectiõis . Ergo non est idem cum intellectu , sed cum potentia intellectiva . Anima autem non dicitur mens , quia cum cognoscat in homine dependenter à phantasmatis , non est principium adæquatum cognitionis . Cum autem est à corpore separata , posset vocari mens .

Ad 3. Dico, Angelum cognoscere alia à se , secundum propriam naturam , non tamquam per rationem formalem cognoscendi , sed tamquam per principium proximum illius . Vnde probatur quidem identitas angeli cum potentia intelligendi , non autem cum actu cognoscendi , quod nobis fauet .



ARTICVLVS III.

An potentia intellectiua, eiusque actus intelligendi distinguantur in homine ab anima rationali?

Videntur distingui realiter in homine potentia animæ ab eius entitate substantiali, ut apertè profitentur D. Th. 1. p. q. 77. ar. 1. Egidius in 2. p. 1. d. 3. p. 2. princip. 3. q. 1. ar. 2. Durandus in dist. 3. q. 5. quibus adherent plures alij. Eorum fundamenta sunt.

1. In Angelis non sunt aliæ operationes, quàm intelligere, & velle, quæ cum sint spirituales, possunt ab una, eademque essentia operatrice procedere. In homine autem sunt multæ operationes, etiam materiales, ut audire, sentire &c. quæ non possunt ab essentia eiusdem animæ procedere, ex qua procedunt operationes spirituales. Ergo concludit Durandus, esse multiplicandas in homine, potentias, ad multiplicationem operationum, non autem in angelo. Quod confirmat ex eo, quia essentia animæ in homine est actus corporis; intellectus verò non est actus corporis. Ergo realiter distinguuntur. Hoc non valet in angelo, in quo cum nullum sit corpus, neque intellectus, nec essentia est eius actus.

2. Gre-

2. Gregorius Ariminensis in 2. d. 16. & 17. q. 3. ar. 2. considerat potentias, tam angeli, quam animæ in duplici statu, videlicet secundum esse absolutum, & respectivum. Hoc posito, ait, potentias secundum esse absolutum, identificari cum substantia, tam angeli, quam animæ; secundum verò respectum, quem dicunt ad actus, non identificari cum anima, eò quia putet, hunc respectum illis aduenire. Quare nomine potentie modò intelligit ipsam animam, seu angelum relatum ad actum, & modò intelligit ipsam animam, seu angelum ut præcisum ab omni huiusmodi respectu. Vnde infert, in primo casu potentiam intellectiuam esse distinctam, non autem in secundo. Probat hoc, quia cum anima sit principium purum operationum, hinc varijs nominibus appellatur, quorum quædam significant ipsam essentiam animæ præcisè: quædam alia significant, seu consignant determinatè illas operationes, quas potest elicere; siquidem intellectus significat animam, ut relata ad intellectionem, & voluntas ut relata ad volitionem &c. Contra verò hæc nomina, actus primus, anima, forma substantialis &c. significant præcisè essentiam animæ, præscindendo ab omni eius operatione.

3. Vrgit Alensis, Potentia est multiplex in suo actu; essentia verò est unica in suo

Suo actu, quia non producit, nisi existenti-
am. Ergo non sunt unum, & idem.

4. Arguit Altfiodorensis, si potentia
non distinguuntur ab essentia animæ,
idem in ea esset esse, & posse. Sed hoc
conuenit soli Deo. Ergo distinguuntur.

5. Bonauentura, anima est in genere
substantiæ, & potentia in genere qualita-
tis. Præterea non prædicatur in quid de
potentia, & e conuerso. 3. Potentia est
in obiecto, ubi operatur. Ergo est extræ
animam, adeoque ab illa realiter distin-
guitur.

6. Arguit Herueus, Non potest una
simplex potentia esse immediatum princi-
pium diuersarum operationum, ut sunt
intelligere, & velle. Ergo sunt plures.

7. Egidius vrget Primò, Accidens va-
riabile non inest substantiæ, nisi medio
accidente inuariabili; maior enim distin-
ctio, vel differentia non procedit ab uni-
tate, nisi mediante aliqua distinctione
minori. Sed velle, & intelligere sunt va-
riabilia. Ergo non possunt animæ con-
uenire, nisi medijs potentijs inuariabili-
bus distinctis. 2. Medium non potest ma-
gis differre ab extremis, quàm hæc diffe-
rant inter se. Sed medium intelligendi,
& volendi sunt potentia. Ergo non pos-
sunt hæc magis differre à velle, & intelli-
ligere, quàm inter se. 3. Nisi potentia
distinguerentur, eadem anima esset mo-
uens,

uens, & mora, quia se reduceret ad actum, quod putat maximum absurdum. Ergo distinguuntur ab illa.

Conclusio, *Quamuis actus intelligendi, & volendi realiter distinguantur ab anima rationali, eius tamen potentie intellectiva, & volitiva, neque secundum esse absolutum, neque secundum esse respectivum, distinguuntur ab anima, nisi ratione.* Hanc conclusionem fuse probavi in 3. de anima, disp. 3. ar. 1. nihilominus placet illam iterum ad trutinam reuocare, ut ea, quæ ibi omisimus, hic habeantur.

Probatur ergo prima pars ex dictis in secundo articulo, quibus probauimus, intelligere angeli realiter ab eius esse distinguui. Nam æquè probant de intelligere hominis, eiusque velle.

Probatur secunda pars, non solum ex dictis in 3. de anima, sed etiam ex dictis in lib. paru. nat. disp. 1. ar. 3. ubi fuse probauimus, potentias intellectiuam, memoratiuam, & volitiuam, ex eo quòd identificentur cum eadem essentia anime, esse etiam inter se identificatas realiter, & sola ratione distinguui, ut docet Aug. in serm. de imag. inquit, *anima est intellectus, anima est memoria, anima est voluntas*, quæ solum distinguuntur per comparisonem ad actus, qui realiter distinguuntur. Hoc autem patet ex eo, quòd si considerentur secundum esse absolutum

(si

Si tamen possint ita considerari) nihil aliud dicunt, nisi substantiam animæ, ut potentem intelligere, velle, & memorari, nec ulla potest afferri solida ratio (ut videbimus obiectionum solutione) quæ probetur, importari aliquid aliud illi recte superadditum. Hoc enim vel ageret quod, & esset substantia, cum actiones sint suppositorum. Vel ut quo, & supponeret immediatam actiuitatem ipsius animæ, tamquam agentis principalis, sine cuius motione non moueretur, ut patet inductione omnium instrumentorum, siue sint separata, siue coniuncta. Hoc autem urget magis in sententia Thomistica, quod nullum instrumentum moueat, nisi ut motum ab alio. Ergo quando intellectus mouetur ad cognoscendum obiectum, vel mouetur ab anima, vel non? Si primum, ergo anima prius agit per se ipsam immediatè in potentiam, quàm hæc agat circa obiectum, quo admissio, iam anima est immediatè operatiua, adeòque est sua potentia. Si secundum, ergo eodem modo se habet anima ad potentiam actu operantem, atque se habeat ad illam nihil operantem, adeòque potentie operatio non est ab anima, ut à causa principali. Si verò dicatur, potentiam moueri à solo obiecto, ergo non est instrumentum animæ, sed obiecti, quod est absurdum.

Di-

Dices, potentia mouetur ab anima per eandem ipsam actionem, quam ipsa facit, & non per aliam distinctam.

Sed contra. Quomodo enim potest anima mouere potentiam per actionem ipsius potentiz? Motus passivus potentiz debet esse prior suo motu actiuo, & esse adæquatè à mouente; aliter instrumentum se ipsum moueret, quod est absurdum in tali sententia. Ergo debent esse duo motus distincti, quorum unus sit à sola causa principali, & terminetur ad potentiam, & alter sit simul à principali, & instrumentali, qui terminetur ad obiectum. Sin autem negetur, substantiam esse immediatè operatiuam, motus actiuus potentiz esset ab ipsa sola, & nullo modo esset ab anima, quæ neque ad illum concurreret immediatè, eò quia immediatè, non sit operatiua; neque mediatè, quia non moueret potentiam ad operandum. Ergo anima non esset causa principalis intellectiōis, quod est absurdum.

Quod si considerentur potentiz secundum esse respectuum, cum hic respectus sit transcendentalis, est adæquatè cum illis identificatus. Ergo nihil illis physice superaddit, in quo fundetur physica distinctio earum ab essentia animæ. Probo consequentiam, *esse ad*, in relatione transcendentali, non superaddit fundamento, nisi meram denominationem rationis extrin-

extrinsecam, ratione cuius referatur ad
terminum, cum ipsum sit essentialiter ta-
le, ut vidimus in logicis. Ergo quomo-
documque considerentur potentia animæ,
semper sunt cum eius substantia, &
adeoque & inter se realiter identificate.

A R T I C V L V S I V.

*Solvuntur obiecta, & roboratur
doctrina.*

AD 1. Nego consequentiam. Et di-
co ex diversitate generica operatio-
num, materialium, & immaterialium, ar-
gui quidem diversitatem potentiarum,
seu virtutum formalium, iuxta doctrinam
traditam ar. 2. ad 1. non tamen potentia-
rum, quæ sunt virtutes radicales, & indi-
gent aliquibus superadditis, ad hoc ut
fiant principia proxima completa opera-
tionum. Atque adeo eadem anima, ut
informata specie intelligibili spirituali,
licitur potentia formalis intellectus;
quatenus verò coadiuvatur specie colo-
ati per oculi organum transmissa, dicitur
potentia formalis visionis, & sic de alijs,
ut latè explicuimus in 3. de anima. Ergo
omnes hæ operationes, quamvis diversis-
imæ, possunt procedere immediatè ab ea-
dem anima, diversimodè disposita per ea,
quæ complent potentias formales, ut di-
cimus de potentijs angeli, cum quibus in
hoc

hoc nulla est disparitas. Ad confirmationem nego antecedens. Et dico, quod cum anima non sit actus corporis in homine, nisi ut rationalis, inuoluit formaliter intellectum, aliter non esset actus specificativus hominis ab omni alia specie animalium. Ergo hoc retorquetur in ipsum Durandum.

Ad 2. Patet responsio ex probatione secundæ partis conclusionis.

Ad 3. Nego antecedens, ex falso supposito, quod eadentia sit actus physicus essentia, ut diximus in 1. ar. ad 2.

Ad 4. Distinguo maiorem, idem esset in anima esse, & posse, si loquamur de radicali, concedo: si de formali, nego, eo quia ut tale includet plura superaddita, ut species &c. quod in Deo est omnino idem. Ergo non est par ratio.

Ad 5. Nego consequentiam. Ad 1. probationem dico, non potentias radicales, sed solum formales esse speciem qualitatis. Vnde non infertur illarum distinctio.

Ad 2. Nego antecedens; si enim potentia radicalis intelligendi non prædicaretur de anima in quid, hæc non esset formaliter intellectiva, & actus primus intellectus, quod est falsum. Ad 3. Nego antecedens, quod neque verificatur de potentia radicali, neque de formali, ut patet inductione.

Ad 6. Nego antecedens. Sicut enim
pos.

possunt Heruzum, aliosque Aduersarios
plures potentia esse ab eadem essentia; ita
& diuersa operationes ab eadem poten-
tia.

Ad 7. Nego consequentiam. Ad 1. pro-
bationem, quæ meritò exhibilatur à Sco-
to, ut gratis supponens assumptum, nego
antecedens, quod quamuis admitteretur,
adhuc nihil probaret. Siquidem adhuc
esset minor distinctio inter actum, & sub-
stantiam animæ, quàm inter potentias, &
eamdem substantiam animæ; cum enim
actus esset modus, & potentia essent reali-
tates, hæc distinguerentur realiter ut res à
re, & illi solum modaliter, ut modus à re.
Ergo multò magis esset falsum assumptum.
Præterea quia qualibet posita distinctio-
ne, posset dari minor, & minor, daretur
processus infinitus, quod Egidio non pla-
cet. Demum quia qualitas est intendibi-
lis, & remissibilis, non est in se inuariabi-
lis. Ergo si inter substantiam, & actum
mediaret potentia, ut formaliter qualitas,
non mediaret accidens inuariabile. Ad 2.
Dico, illud dictum verificari de medio
compositionis, cuiusmodi sunt unio, &
vincula, non autem de medio operatio-
nis, cuiusmodi sunt potentia. Et ratio
est, quia illud habet rationem puri medij,
hoc autem habet etiam rationem princi-
pij actiui, in ordine ad operationem. Er-
go ratione causalitatis, fert secum sp-
cialem

cialem distinctionem ab actu, quam non habet ab alio medio, quod non est eius principium activum. Ad 3. Admitto antecedens, cuius veritatem latè prosecuti sumus in 7. phys. Præterquamquod sicut in sententia opposita, potentia intellectiva se intelligens, est mouens, & motus, immò est suum intelligere, cur anima se intelligens, non potest se mouere, præsertim cum ad hoc non requiratur quod sit suum intelligere formaliter, sed solum radicaliter?

Neque obstat Philosophus 8. phys. c. 40. vbi videtur hoc negare. Nam ibi expressè loquitur de eo, quod simul esset in potentia, & in actu, non autem de eo, quod simul sit substantia, & potentia ad actum. Præterquamquod in 7. phys. ostendimus uniuersaliter falsitatem huius principij, *quidquid mouetur, ab alio mouetur*. Ergo quomodocumque sumatur, nunquam potest inferre distinctionem potentiarum à substantia animæ.

Obijcies 8. Si hæc doctrina esset vera, substantia animæ esset sua potentia, adeoque, esset immediatè operatiua, ut pugnat Scotus cum suis. Sed hoc ut falsum fuit à nobis reiectum in 1. de gener. disp. 3. ar. 8. ubi latè probauimus oppositum. Ergo non est sua potentia.

Admissa prima parte maioris, quod anima sit realiter sua potentia, & non
for.

formaliter, distinguo secundam, substantia esset immediatè operatiua, alterius substantiæ, nego: accidentium, & qualitatum, concedo. Et distinguo minorem, fuit à nobis reiectum, substantiam esse immediatè operatiuam substantiæ, concedo: qualitatum, & accidentium, nego minorem, & consequentiam. Aliter neque posset in se elicere suas potentias, supposito quòd ab illa distinguantur, quod funditus euerteret sententiam Adversariorum. In productione ergo substantiæ, quamvis non medient potentiæ, tamen mediant accidentia, ut est calor in productione ignis, frigus in productione aquæ &c. Immo quamvis aliqua accidentia eliciantur immediatè ab anima, non tamen omnia; siquidem elicitur intellectio, medijs speciebus, quod idem dico de visione, auditione, alijsque actibus immanentibus, & pluribus transeuntibus, ut est generatio, quæ fit mediante semine, projectio mediante impulsu, alijsque similibus. Ergo omnia sibi coherant. Quòd autem substantia immediatè aliquid operetur.

Probatur primò, in roborationem conclusionis, Aqua violenter feruida, paulatim se reducit ad pristinum frigus. Hoc autem non potest facere per ipsum frigus, quod est tanto remissius calore, quo feruet, neque per ipsum calorem, ut

R patet.

patet. Ergo facit per suam substantiam, quæ cum sit sua potentia frigefactiua, per se ipsam immediatè producit frigus.

2. In sententia Thomistica, accidens non concurrit ad operationem, nisi ut instrumentum substantiæ. Sed instrumentum non agit (ut ipsi aiunt) nisi ut motum à causa principali. Ergo debet dari aliqua actio immediatè proueniens à substantia, per quam accidens moueatur, ut supra dicebamus.

3. Alioquin visio beatifica non esset perfectio ipsius animæ, sed potentiæ ab illa realiter distinctæ; adeoque anima non esset per se beata, sed solum per accidens, quod est absurdum, ut diximus in trac. de beat. disp. 2. ar. 2. ad 2. Cætera argumenta vide apud Scotum in 2. d. 16. q. un. & in 4. d. 12. q. 3. ubi solidè probat identitatem cum anima, & cum angeli substantia talium potentiarum.

Quæres, an in Angelo detur intellectus agens? Affirmant Scotistæ, & negant Thomistæ, se inuicem torquentes inutilibus quæstionibus. Nos dicimus, dari quidem in Angelo intellectum agentem, non tamen realiter distinctum à possibili, sed solum virtualiter extrinsecè, ut diximus dari in anima rationali in 3. de an. disp. 3. ar. 1. in fine. Quamuis enim in angelo de facto non exerceat munus agentis, quia non producit rerum species, quas
habet

Habet infusas ; tamen quia potest , vel saltem potuit illud exercere ab initio , cum potuerit Deus illas non infundere , ideo datur in angelo , præsertim cum non multiplicet entitates . Verùm de hoc agemus ex professo disp. 10. ar. 8. ubi opinionem Scotisticam de speciebus angelicis , ut probabilem sustinebimus .





DISPUTATIO X.

De Speciebus Angelicis .

Probauimus in 3. de an. disp. 3. ar. 2. esse omninò necessarias rerum species impressas, quæ concurrant effectiuè cum potentia intellectiua hominis, ad species expressas, seu rerum cognitiones. Videndum nunc est, an sint etiam necessariae intellectui angelico, non solum ad cognoscenda obiecta à se distincta, sed etiam ad hoc ut angeli cognoscant se ipsos. Statuta ergo earum necessitate, & existentia, earundem causam, quid dicitur, & proprietates indagabimus.

ARTICVLVS I.

An sint angelis necessariae species intelligibiles ?

Videntur non esse, ut propugnant Durandus in 2. d. 3. q. 6. Henricus quodlib. 5. q. 14. cum nonnullis Nominalibus,

nalibus, inter quos immeritò recensentur Valentia, & Vasquez, quorum primus hic disp. 4. q. 6. puncto 1. aperte docet oppositum, licet non approbet fundamentum D. Thomæ, & alter disp. 200. c. 3. non negat Angelo species intelligibiles, sed ait, illas non ita facilè, & solidè probari, sicut probantur in intellectu humano, quæ sunt valde diversa, cum plura concedantur, quæ difficillimè probentur. Eorum fundamenta sunt.

1. Essentia Angeli potest per se representare omnia obiecta naturalia, quæ continent in esse intentionali, seu intelligibili. Ergo potest per se ipsam concurrere, per modum speciei, ad eorum cognitionem, adeoque non indiget alia specie. Sicut enim divina essentia fecundat intellectum per modum speciei, ad omnium cognitionem, ita potest essentia angeli.

2. Vel cognoscibilia sunt materialia, vel spiritualia? Si primum, non possunt emittere speciem spirituales, angelico intellectui proportionatam. Si secundum, per se ipsa illi proportionantur. Ergo species, vel non sunt necessarie, vel non sunt possibiles, respectu Angeli.

3. Quod est medium cognoscendi, debet esse primò cognitum, ita ut per sui cognitionem ducat in cognitionem alterius. Sed species rerum nullo modo cognoscuntur ab intellectu angelico, im-

mò neque ab humano . Ergo neutri sunt medium cognoscendi, adeòque non dantur . Consequentia est euidens . Minor patet experientia . Maior probatur, si species essent medium cognoscendi, maxime quia essent obiecti imago, vel saltem similitudo . Sed imago, seu similitudo obiectiva ut talis, non ducit in cognitionem imaginati, cum sit impossibile, incognitum esse medium cognoscendi . Ergo deberet esse primò cognitum, ut videlicet per notum cognoscatur incognitum .

4. Species non ducit in cognitionem alterius, nisi ratione similitudinis, & similitudo dicitur per quamdam expressionem . Similitudo autem non potest esse inter specie differentia . Ergo species, si daretur, esset eiusdem speciei cum obiecto . Est autem impossibile, quòd qualitas sit eiusdem speciei cum substantijs . Ergo saltem respectu substantiarum, siue materialium, siue spiritualium, non dantur species in intellectu angelico .

Conclusio, *Sunt necessariae species intelligibiles, non solum intellectui humano, sed etiam angelico* . Ita D. Thomas hic q. 55. ar. 1. cum quo sentiunt Egidius in 2. d. 3. p. 1. q. 2. ar. 2. Argentinas ibid. art. 4. noster Gibbo, & communiter alij .

Probauimus primam partem latissime in 3. lib. de anima disp. 3. art. 2. Quare nihil addendum putamus .

Pro

Probatur secunda, Primò quia intellectus est potentia reflexiva, & conuersiva supra se ipsam. Ergo cognoscit omnes, & singulos suos actus, etiam præteritos, ut fusè probauimus in logica lib. 1. disp. 1. ar. 4. Non posset autem cognoscere suos actus præteritos, nisi illi relinquerent in illo sui species intelligibiles. Ergo saltem in ordine ad hos actus, dantur species in quocumque intellectu memoratiuo, cuiusmodi est etiam angelicus. Minor subsumpta, in qua sola est difficultas, probatur, intellectus non potest operari, nisi habeat determinatum præsens. Actus autem præteritus non potest esse determinatum præsens, ut patet. Ergo debet esse aliquid, quod vicem gerat illius, cuiusmodi est sola species.

2. Nihil potest cognosci, quod non sit proportionatum potentiz; & ideo intellectus creatus non potest videre Deum, nisi hic illi proportionetur per lumen gloriæ. Sed substantiæ materiales sunt omninò intellectui angelico improporionatæ. Ergo non possunt ab illo cognosci, nisi proportionentur, & fiant spiritualia. Cum ergo sit impossibile, quòd spiritualizentur secundum suum esse reale, debent spiritualizari secundum speciem, quæ est earum esse intentionale, aptum ad intellectum determinandum.

3. Omnis cognitio producta est imago formalis obiecti, ad quod representandum est instituta. Sed est de ratione imaginis, ut procedat etiam à prototypo, ut nos probauimus in trac. de Trin. disp. 4. ar. 1. Ergo omnis cognitio producta procedit ab obiecto, non quidem immediate, sed mediante specie. Et ideo admittitur communiter cum Augustino lib. 9. de Trin. c. 12. quod ex potentia, & obiecto patitur notitia. Cum ergo cognitio angeli sit producta, pendet à specie obiecti.

4. Intellectus angelicus est principium uniuersale cognoscendi omnia obiecta, & quolibet eius cognitio, cum sit simillima obiecto, habet propriam perfectionem correspondentem perfectioni obiecti. Sed est impossibile, quod in potentia finita contineantur, tamquam in causa adæquata, perfectiones infinitæ, cuiusmodi essent perfectiones omnium cognoscibilium. Ergo debet quilibet intellectus creatus, utpote finitus, & limitatus, compleri in ratione causæ adæquatæ cognitionum, per concursus particulares singulorum obiectorum, per species impressas. Hoc enim admissio, est ex se solum causa inadæquata cognitionum, quarum infinitæ perfectiones, sicut correspondent infinitis obiectis, ita ab iisdem cum intellectu efficiuntur, quod nullum trahit absurdum.

5. Ali.

5. Aliqua obiecta, ut corpora, non sunt apta influere immediatè in actus spirituales: alia propter enormem distantiam, non possunt immediatè uniri cum potentia: & alia, ut Deus, quia sunt improporcionata, excedunt vires potentie naturalis. Ergo sunt necessariae species impressæ, quibus mediantibus, prima influant in actus spirituales: secunda uniantur cum potentia: & tertia simpliciter cognoscantur, saltem abstractivè, ad modum aliorum, per species alienas, quæ ideo à D. Thoma frequenter vocantur lumen intellectus, eò quia ab illis illustratur, ut possit videre.

6. Intellectus de se habet solum dispositionem remotam ad rerum cognitionem, quæ non sufficit ad hoc ut intrinsicè ad illam inclinetur, sicut voluntas ex se habet solum dispositionem remotam ad amandum. Ergo sicut voluntas ad hoc ut proximè inclinetur, & determinetur ad amorem, debet perfici cognitione bonitatis obiecti; ita intellectus ad hoc ut proximè inclinetur, & determinetur ad cognitionem veritatis obiecti, debet perfici specie impressa, qua excitatur ut videat, & cognoscat ex intrinseca inclinatione, quasi impetu superaddito, naturali dispositioni remotæ, quam habet.

ARTICVLVS II.

*Solvuntur obiecta, & confirmatur
doctrina.*

AD 1. Nego antecedens. Ad cuius probationem dico, ideo diuinam essentiam posse fecundare diuinum intellectum per modum speciei, quia ratione suæ summæ perfectionis, & quia est uniuersale principium omnium rerum, sicut in essendo continet eminenter omnia entia, etiam secundum omnes, & singulas eorum particulares rationes; ita eius intelligibilitas in repræsentando, continet eminenter omnes, & singulas intelligibilitates creatas, & creabiles, etiam secundum earum particulares, & ultimas rationes. Essentia verò Angeli, ob suam limitationem neutrum habet, & ideo non potest esse medium vniuersale per modum speciei, ad omnium cognitionem. An autem possit esse medium ad sui cognitionem, videbimus infra.

Ad 2. Nego consequentiam. Et dico, species rerum fuisse à Deo Angelis infusas, ut videbimus. Et ideo cessat distributio illa facta in antecedenti. Sicut enim ad illas recipiendas non obstat obiecti materialitas, ita illas non reddit inutiles obiecti spiritualitas, propter traditas rationes.

Ad

Ad 3. Nego postremam partem consequentiæ. Et dico, species rerum neque esse medium cognoscendi, ut perperam vocantur à multis, neque esse formales imagines obiectorum, sed esse solum imagines virtuales, quatenus habent vim concurrendi cum potentia effectiue ad cognitionem, quæ est imago formalis, & expressio obiecti; & ideo corrumpit argumentum Durandi, quod est insolubile in sententia Thomistarum, admittente quòd species sint medium cognoscendi. Sicut ergo concursus Dei non est necessarius ut cognitus, sed ut influens, ita species est necessaria, ut comprincipium effectivum influens in cognitionem, & non ut cognita. Præterquamquòd quamvis intellectus non cognoscat rerum species directè, & formaliter, hoc est per modum obiecti directi, & immediati, illas tamen cognoscit indirectè, & mediatè, seu (ut alij dicunt) arguitiue, & reflexè, quatenus videlicet reflectendo supra suam cognitionem, deprehendit, se habere principium formale illius, quale sunt species. Et hoc sufficit ad hoc ut non sint penitus ignotæ, ut docuimus in 3. de an. disp. 3. ar. 2. ad 2.

Ad 4. Distinguo minorem, similitudo in ratione entis, seu secundum obiectiuam conuenientiam prædicatorum, non potest esse inter specie differentia, concedo: similitudo intentionalis, seu in esse

R 6

intel-

intelligibili (ut alij dicunt) non potest
esse inter specie differentia , nego . Et ra-
tio est, quia cum hæc similitudo habeatur
per quamdam expressionem, ut dicitur in
argumento ; & expressio consistat in hoc,
quod unum repræsentet aliud per modum
imagine, tantum abest, quod obstat spe-
cifica diuersitas, ut sine aliqua diuersitate
non habeatur; aliter non esset similitudo,
sed identitas, ut probauimus in tract. de
Trin. agentes de eius imagine. Et ideo in
diuinis, Filius quia est Patri consubstan-
tialis, non posset esse eius imago, nisi ab
illo discreparet secundum hypostasim .
Ergo quamuis angelica species sit in ge-
nere qualitatis, adeoque non solum spe-
cie, sed etiam genere differat à substan-
tijs, adhuc potest esse similis illis, in esse,
representatiuo, ut patet in ipsa earum
cognitione, quæ licet sit qualitas, adhuc
est earum formalis imago, per formalem
expressionem, quæ habetur per verbum
mentis, cum illa realiter identificatum .
Quanto magis ipsa species impressa pote-
rit esse similis illis, quarum non habet esse
formalem imaginem, per formalem ex-
pressionem, sed solum virtualem, per hoc
quod concurrat cum potentia ad forma-
lem expressionem?

Dices, substantia angeli potest per se
ipsam repræsentare suo intellectui, omnes
alias substantias naturales à se distinctas,
sicut

sicut diuina essentia repræsentat intellectu diuino. Ergo sicut diuina essentia gerit vicem speciei impressæ, ita substantia angeli, adeoque ex hoc non deducitur necessitas specierum. Neque valet responsio data ad 1. ducta ex ratione continentia virtualis, vel eminentialis. Nam verbum mentis, & ipsa cognitio non continent obiecta, quæ repræsentantur, quod idem dicitur de ipsa specie impressa, si admitatur. Ergo hæc ratio nihil valet.

In hærendo doctrinæ allatæ in resp. ad 1. Dico, verbum mentis, cognitionem, & speciem impressam repræsentare substantias à se distinctas, quæ non possunt repræsentari à substantia angeli, non quia illas contineant virtualiter in esse entitativo, sicut continentur à diuina essentia, sed quia eas formaliter contineant in esse intelligibili. Immo in tali esse, Thomistæ dicunt, esse formaliter ipsas substantias repræsentatas, quod nos toties alibi reiecit. Et ratio est, quia cum continentia in esse intelligibili, habeatur per modum expressionis, ut supra diximus, eas solum possunt alia taliter continere, quæ habent illa exprimere formaliter, vel virtualiter, per modum imaginis. Atq; adeo quia assignata habent alia taliter exprimere, quod non habet essentia angeli, ideo hæc non potest illa continere in esse intelligibili, sicut illa. Quod si quæras, unde hoc

hoc habeant? Dico, hoc habere Primo quia, cum pendeant ab obiectis, tamquam à principio effectiuo, & omnis effectus habeat aliquo modo exprimere suam causam, etiam assignata. Deinde quia sunt huiusmodi ex natura sua. Cum enim sint, ad hoc instituta à natura, frustra queritur, unde hoc habeant. Essentia verò angeli est instituta ad alios fines, nempe ad propriam felicitatem. Ergo non debuit habere hoc munus, quod est proprium accidentis, quod ordinatur ad alienam felicitatem.

Dices 2. diuina essentia est propter se ipsam, & tamen gerit munus speciei. Ergo hæc ratio non subsistit.

Nego consequentiam, propter euidenter disparitatem. Siquidem diuina essentia (ut dictum est) quia est causa uniuersalis omnium, ideo illa continet virtualiter physicè, & eminenter, adeoque continet etiam omnes, & singulas creatas intelligibilitates, quod non habet essentia angeli.

Dices 3. Species angeli quia infusæ, non pendent effectiuè ab obiectis. Ergo hinc non contrahunt vim representatiuam eorum.

Nego consequentiam. Sicut enim diximus in tract. de visione, quod si Deus infunderet alicui actum visionis, hic esset illi naturalis, & vitalis, eò quia fieret à Deo.

à Deo , ut supplente defectum concursus intellectus ; ita quia species infusæ fiunt à Deo, supplente defectum concursus obiectorum, eo modo fiunt, quo fierent ab ipsis obiectis ; adeoque pendent à Deo per dependentiam, non quidem formaliter, sed æquiuallenter eandem, qua ab obiectis penderent .

A R T I C V L V S III.

*An Angelus cognoscat se, & sua
per speciem?*

Videtur cognoscere, ut docuit Henricus quodlib. 5. q. 12. cum Marfilio, & alijs, quibus non discordant Scotus in 2. d. 3. q. 10. & nonnulli recentiores, quamuis inter se non conueniant. Nam Scotus docet, posse angelum se cognoscere intuitiue per suam substantiam, non verò abstractiue, ad quod putat necessariam speciem. Alij autem dicunt, nullo modo posse angelum se, & sua cognoscere sine specie superaddita. Eorum fundamenta reducuntur ad hæc.

1. Anima rationalis, quamuis immaterialis, & intimè præsens suo intellectui, non tamen potest seipsam per suam substantiam cognoscere, sine specie superaddita. Ergo neque poterit Angelus.

2. Angelus non cognoscit omnia accidentia,

dentia, quæ habet, ut docet Dyon. c. 6. de celesti hyer. dicens, *Angelus ignorat proprias virtutes*. At si cognosceret seipsum per suam substantiam, hoc non esset verum, quia eadem substantia repræsentaret seipsam, & omnia, quæ sibi naturaliter insunt. Ergo non se cognoscit per suam substantiam.

3. Est proprium solius diuinæ essentię posse per seipsam concurrere immediatè, per modum speciei, ut probauimus in trac. de visione. Ergo non potest conuenire substantiæ angeli, ut docet D. Thomas 3. con. Gen. c. 51.

4. Est de ratione speciei impressæ complere, & determinare potentiam intellectuam, ad cognitionem secundum speciem. Sed hoc non potest præstari à substantia angeli. Ergo non potest gerere munus speciei. Minor probatur, cum maior ab omnibus concedatur, nam vel supponimus distinctionem potentię, vel non? Si primum, ergo substantia se habet ut subiectum ad potentiam; subiectum autem non complet, & determinat suum actum, sed potius ab illo completur, & determinatur, & proinde non potest exercere munus speciei, respectu illius. Si secundum, ergo substantia est sua potentia. Atque adeo quia non potest complere, & determinare se ipsam, neque potest suam potentiam.

5. Species impressa, cum sit principium quo intellectiois, subordinatur principio quod, cuiusmodi est potentia. Sed essentia angeli non potest subordinari eius potentiae. Ergo non potest esse illi veluti species.

6. Ita se habet intellectus angelicus ad speciem impressam, sicut ad expressam. Sed realiter distinguitur ab expressa, ut probauimus disp. 9. artic. 2. Ergo & ab impressa.

Conclusio, *Angelus absque vlla specie superaddita, per solam suam substantiam, cognoscit incuitiue se ipsum, suas proprietates, & omnia accidentia, quae in se habet.* Est D. Thomae hic q. 56. ar. 1. quem sequuntur communiter alii, exceptis paucis.

Probatur prima pars, Primo quia species non est utilis intellectui, nisi quando obiectum per se ipsum non unitur potentiae, cuius proinde vicem gerat, ut fuisse probauimus in trac. de visione, & in 3. de anima. Sed angeli substantia est per se ipsam immediatè unita suae potentiae intellectiuae. Ergo respectu illius cessat tota utilitas speciei, adeoque non datur. Probatur minor, siue supponatur distinctio potentiae, siue non, semper angelus est sibi summe praesens, siue per intimam praesentiam, siue per identitatem. Ergo non indiget qualitate distincta suae unitiuae.

2. Angelus non est minùs perfectus in ratione cognoscibilis, quàm in ratione cognoscitui. Ergo si potest per se ipsum præstare concursum effectiuum, ad sui cognitionem, quatenus cognoscituius est, poterit etiam præstare concursum obiectiuum, quatenus cognoscibilis est. Probatur consequentia, quia sub utraque ratione, est aquè intimè sibi præsens, & applicatus ad intelligi, & intelligere, adeòque ad sui cognitionem.

Probatur secunda pars, Primò quia cognitio, qua Angelus se cognoscit, est intuitiua. Ergo debet cognoscere quidquid formaliter est in se, siue per modum proprietatis, siue per modum accidentis; aliter non se cognosceret, ut est realiter in se existens, & subsistens, quòd in trac. de visione probauimus esse proprium cognitionis intuitiue.

2. Quæ sunt physicè unita, habent præsentiam, & applicationem sufficientem, & cum sint spiritualia, habent proportionem requisitam, ut influant per modum obiecti in sui cognitionem, siue sint accidentia naturalia, siue supernaturalia. In tantum enim ea, quæ sunt distita, debent operari per speciem, in quantum non possunt operari in distans. Ergo omnia, quæ sunt in Angelo, cognoscuntur ab illo sine specie, præstante munus speciei eius essentia, seu substantia.

Ad

Ad 1. Nego consequentiam . Disparitas est , quia anima nostra dum est in corpore , non potest connaturaliter quidquam cognoscere , nisi per sensus , adeoque dependenter à phantasmatibus . Et ideo non potest intuitivè cognoscere , nisi ea , quorum in homine dantur phantasmata , & species sensibiles , cuiusmodi sunt sola materialia , nec cognoscit spiritualia , nisi abstractivè per species alienas . Quia ergo ipsa anima est immaterialis , nec potest phantasmatibus representari , ideo non est à se cognoscibilis , nisi abstractivè , quod non valet in angelis , & in eadem anima , dum est à corpore separata , quæ se cognoscit absque specie intuitivè . Neque obstat , quòd etiam ut corpori unita , sit intimè præsens suo intellectui . Siquidem hic propter dependentiam à sensibus , est quodammodo materializatus in operari ; & ideo sicut non potest se in se perfectè convertere , ita nec potest perfectè cognoscere substantiam sui quasi subiecti , licèt secum identificati . Quòd si Deus infunderet speciem animæ , illi proportionatam , tunc illam intuitivè cognosceret , sicut per lumen gloriæ cognoscit divinam essentiam , ut dictum est in trac. de visione , quia per talem speciem elevaretur ad modum operandi altioris ordinis , sibi omninò indubitum prò tali statu .

Ad

Ad 2. Nego maiorem. Et ad authoritatem Dyonisij dico primò cum D. Thoma hìc q. 56. ar. 1. ad 1. *quod littera illa est antiquæ translationis, quæ corrigitur per nouam, in qua dicitur, angelos cognouisse proprias virtutes.* Deinde dico cum eodem ibid. quod angelus ignorat proprias virtutes, non quatenus sunt talia, entia, sed quatenus procedunt ab ordine diuinæ sapientiæ, qui est illis incomprehensibilis.

Ad 3. Dico, esse proprium diuinæ essentiae, quod possit per se ipsam immediatè præstare concursum obiectiuum, ad sui cognitionem, respectu cuiuscunque intellectus, tam sui, quàm alieni, quod non conuenit essentiae angelicæ, quæ licet possit concurrere cum suo intellectu ad sui cognitionem, non tamen potest obiectiuè concurrere immediatè, per modum speciei, etiam cum alieno intellectu, ut ab alijs cognoscatur. Et hoc modo est explicandus D. Thomas, ut docent Ferrariensis, & Caietanus, quorum doctrinæ adhæsimus loco citato.

Ad 4. Distinguo maiorem, est de ratione speciei distinctæ, quæ sit vicaria obiecti, complere, & determinare potentiam, concedo: est de ratione speciei indistinctæ, quæ non sit vicaria obiecti, nego maiorem. Et admissio quòd primum præstari non possit ab angeli substantia,

nego consequentiam. Sicut enim diuina essentia non complet, aut determinat physicè diuinum intellectum, sed solum metaphysicè, quatenus à nobis concipitur ut talis; ita dico de angeli essentia. Ad probationem minoris dico, quòd supposita distinctione potentia ab essentia, *hæc est in potentia, sicut intelligibile in intelligente; intellectus autem in essentia, sicut potentia in substantia*, ut docet D. Thomas q. 8. de ver. ar. 6. ad 6. adeoque se inuicem complent, & determinant in diuerso genere. Supposita verò identitate, quia non datur verum complementum, & determinatium in sensu physico, sed solum metaphysicè, & secundum rationem, ideo in eadem entitate concipimus duas formalitates rationis se inuicem determinantes, modo explicato, eo modo quo in trac. de Deo uno diximus de essentia, & attributis, quæ concipiuntur ad modum proprietatum.

Ad 5. Distinguo maiorem, species impressa subordinatur potentia, quando illi inhæret, per realem distinctionem, & aduentum accidentalem, concedo: quando inexistit per identitatem, nego. Et admissa minori, nego consequentiam. Cum enim in vno non detur subordinatio, nec datur inter essentiam, & intellectum angeli, quamuis illa gerat vicem speciei, & hæc potentia, cum una, & eadem

dem entitas secundum rem sit species , & potentia .

Ad 6. Nego maiorem . Disparitas est , quia species expressa , cum sit actus secundus , & exercitium actuale intellectus , non potest esse realiter suum esse , ut probauimus loco citato . Aliter angelus essentialiter , & necessario intelligeret , quod conuenit soli Deo . Species autem impressa , quia constituit solum actum primum , metaphysicè indifferentem ad secundum , ideo potest haberi per eius esse , saltem in ordine ad aliquam certam cognitionem , cuiusmodi est illa , qua se cognoscit . Cum enim posse cognoscere sit angelo essentialiter , potest hoc posse compleri per aliquid indistinctum à sua essentia . Cognoscere autem quia illi accidit , non potest compleri per suum esse , ut patet ; aliter illi non accideret , sed spectaret ad suam substantiam , quod supra vidimus esse inconueniens .

A R T I C V L V S IV.

An Angelus accipiat species ab obiectis?

Videtur accipere , ut opinatus est Alexander de Ales 2. p. quæst. 24. memb. 2. & 3. cui quoad aliquam partem adhæserunt Scotus in 2. d. 3. q. 10. Riccardus ibid. ar. 6. q. 2. & Gregorius Arim.
in

n 2. d. 7. q. 5. ar. 1. cum nonnullis alijs, qui dixere, habuisse quidem angelos inditas species uniuersalium, & incorruptibilium, non tamen corruptibilium, & singularium, quorum proinde species aiunt ab illis acquiri ex ipsis obiectis de nouo, opera intellectus agentis, sicut acquiruntur ab anima rationali. Eorum fundamenta sunt.

1. Si omnes angeli accepissent à Deo species omnium rerum, nullus indigeret ab alio illuminari; neque enim posset ab illo recipere nouas species. Consequens ut absurdum reijcitur ab omnibus, ut videbimus infra. Ergo & antecedens.

2. Qui aliquid de nouo cognoscit, accipit species ab obiectis, ut experimur in nobis. Sed Angeli multa de nouo cognoscunt. Ergo accipiunt species ab obiectis. Maior patet, cum noua cognitio exigit nouam causam. Minor probatur ex 3. ad Ephesios, *Vt innotescat principatibus, & potestatibus, in celestibus per Ecclesiam multiformis sapientia Dei*. Ergo Angeli multa discunt per homines iustos, saltem mysteria gratia, quoad circumstantias particulares. 2. Aug. 12. de Trin. c. 7. inquit, *diuinum intellectum non affici nouitate rerum, cum aliquid temporaliter geritur, sicut afficiuntur sensus, vel carnales animalium, & hominum, et etiam caelestes angelorum*. Ergo multa
de

de nouo cognoscunt. 3. D. Thomas in-
quirit. de anima ar. 12. docet, animas se-
paratas accipere species à Deo per ange-
los. Ergo etiam unus angelus potest ac-
cipere ab alio superiore nouas species, ut
aliquid de nouo cognoscat.

3. Ad rerum cognitionem nihil requi-
ritur aliud, quàm species earum in poten-
tia intellectiua. Ergo si angeli habuissent
à Deo omnium species, possent per illas
cognoscere res futuras, secreta cordium,
& alia id genus, quorum cognitio com-
muniter angelis negatur. Ergo illas non
habuerunt.

Conclusio, *Quamuis potuissent obiecta,
saltem instrumentaliter eleuari, ad immit-
tendas sui species ad intellectum angelicū,
tamen defacto non illas immittunt, sed illas
Deus ab initio, simul omnes in angeli intel-
lectu concreauit.* Ita D. Thomas hic quæ-
55. ar. 2. Egidius, Argentinas &c.

Probatur prima pars, & primò de ma-
terialibus, possunt materialia sacramen-
torum eleuari ad producendam instru-
mentaliter gratiam, & oculus corporeus
potest eleuari ad visionem Dei, ut proba-
uimus in trac. de visione, & ignis mate-
rialis interni eleuatur ad torquendos Dz-
mones, quod multi dicunt, fieri per pro-
ductionem qualitatis doloriferæ. Ergo
etiam poterunt eleuari ad producendas
sui species, non quidem ut causas prin-
cipales,

principales, quia extenderentur extra suum obiectum formale, quod in eodem tractatu vidimus repugnare, sed ut causas instrumentales. Ergo etiam possent eleuari, ad producendas sui species in intellectu angeli, in quo nulla apparet repugnantia. Deinde de spiritualibus, quia cum hæc magis proportionentur intellectui angelico, facilius possunt ad hoc eleuari.

Dices cum Gonetto hinc, si unus Angelus immitteret sui speciem in alium, fieret illi intimè præsens immediatione suppositi, adeoque esset intra eius terminos, quod esset formalis illapsus unius in alium, qui creaturæ repugnat. Ergo non potest ulla ratione producere sui speciem in alio.

In primis nego consequentiam. Cum enim angeli se penetrent, possunt fieri sibi intimè præsentēs, immediatione suppositi. Si enim hoc possunt cum corporibus, quantò magis cum substantijs spiritualibus? Ergo si nomine illapsus nihil intelligas aliud, nisi hoc, ultrò concedo, quòd possint per illum immittere sui speciem in alium. Deinde nego antecedens. Siquidem ad rationem illapsus non sufficit intima præsentia quoad substantiam, ut diximus in trac. de beat. aliter angelus illaberetur in corpora, & Deus in damnatos, & in omnia creata, quibus est inti-

mè præsens, quæ sunt absurda, sed præterea requiritur quædam unio, per quam patiens transformetur quodammodo in illabentem, ut accidit iustis per gratiam sanctificantem, quæ cum sit eximia diuinitatis participatio, eleuat iustum in statum diuinæ adoptionis. Hoc autem non accideret in casu nostro. Ergo nullus interueniret illapsus.

Probaturs secunda pars, nullum materiale, secundum proprias vires, potest agere in res spirituales, ut vidimus in 2. de anima. Præterea nihil potest agere in distans, ut probauimus in 1. de generat. Sed materialia, quæ ab angelis cognoscuntur, plerumque sunt distantia. Ergo non possunt species producere in intellectu angeli. Hoc non valet de productione specierum materialium, quia cum hæ diffundantur per medium, non feruntur in distans, quod non posset verificari de speciebus spiritualibus, quæ non possunt diffundi per aerem, qui cum sit corporeus, est ineptus ad illas vehendas. Ergo nullum materiale immittit sui speciem in angelum. Probo nunc de spirituali, vel hoc esset distans, vel non? Si primum, ergo nè operaretur in distans, deberet diffundere suam actionem per medium. Hoc autem vel esset aer, vel aliud corpustenuissimum, vel ipsa substantia angeli recipientis speciem? Primum non potest dici,

ci, quia corpus est ineptum ad formam accidentalem spirituales. Neque secundum, quia quamvis admittatur, non probat productionem speciei, nisi in angelo indistanti; quo admissio, cum sit necessarius concursus obiectivus ad cognitionem, nullus angelus posset cognoscere alios angelos, nisi præsentes, quod valde imminueret perfectionem angelici intellectus. Ergo neque immittuntur species à spiritualibus.

Probatur tertia pars, Angeli non possunt cognoscere obiecta, nisi per species, ut probauimus in 1.º ar. Ergo si has non accipiunt ab obiectis, acceperunt à Deo omnes simul in instanti suæ creationis, ut docet hic D. Thomas. Hæc autem doctrina solet communiter roborari ex illo Ezech. 28. *Tu Cherubin signaculum similitudinis, plenus sapientia.* Et infra, *Perfectus in vijs tuis à die conditionis tuæ.* Sed quia hic locus posset facile explicari à Scoto de sapientia habita per species rerum tunc existentium, vel de sapientia supernaturaliter habita rerum diuinarum, ideo valeat quantum valere potest.

Dices 1. Si hæ species essent à Deo infusæ, essent supernaturales quoad substantiam. Ergo non possent angeli per illas connaturaliter videre.

Nego sequelam. Et dico, ad supernaturalitatem quoad substantiam non

sufficere, quòd effectus superet omnem vim actiuam naturæ; nam hoc conuenit etiam animæ rationali, quæ non est supernaturalis, sed præterea requiri quòd superet exigentiam, naturæ debitam determinatæ. Quia ergo species debentur angelo, ideo non sunt supernaturales.

Dices 2. Species non est utilis, nisi posita cognoscibilitate obiecti. Sed ante existentiam obiecti, non datur eius cognoscibilitas. Ergo non est utilis, adeoque non datur eius species. Posita autem obiecti existentia, vel est spirituale, & ex se potest sufficienter producere sui speciem, saltem ut eleuatum, sicut dictum est: vel materiale, & potest simul cum intellectu agente ipsius angeli, producere sui speciem, sicut facit in homine cum phantasia. Ergo nulla fuit necessitas, quòd Deus infuderit angelis species rerum, etiã futurarum.

Distinguo minorem, non datur cognoscibilitas proxima, concedo: remota, nego minorem, & consequentiam. Et dico, species esse utiles intellectui, etiam ante cognoscibilitatem proximam, quia ex se sunt illius perfectiua. Ad probationem subsumptam patet responsio ex dictis. Ad instantiam de intellectu agente, dico illum non dari, saltem ut distinctum à passibili, nisi ubi datur phantasia. Et ratio est, quia cum dicatur talis, ex eo
quòd

quòd simul cum phantasia producat species impressas, ubi non fungitur hoc munere, non dicitur agens, sed solum passibilis per earundem receptionem, quæ denominationes conueniunt eidem intellectui, ut probauimus in 3. de anima, & hic in fine articuli 4. disp. 9. Ad aliam de phantasia, nego paritatem, quia cum phantasia recipiat species sensibiles obiectorum à sensu communi, potest illis instructa, simul cum intellectu concurrere ad species impressas intelligibiles. Vbi verò non est phantasia, sicut in angelo, non possunt species sensibiles afficere intellectum, quia illum attingerent immediatè, quod vidimus physicè repugnare. Neque obstat quòd ipsa phantasia sit potentia materialis, primò quia intellectus humanus propter dependentiam à sensibus in operando, cum illa naturaliter aligatur in statu coniunctionis. Ergo potest ab illa coadiuari, quod non habet angelus. Et deinde quia phantasia cum sit à natura ad hoc destinata, est valde depurata à materia, & multum participat de potentia intellectiua, & ideo potest illam coadiuare, quod non habent species rerum materialium.

Dices 3. Obiecta naturaliter futura sunt infinita, cuiusmodi sunt cogitationes, volitiones, durationes, ubicationes &c. Ergo si Deus ab initio dedisset singulis

angelis species omnium horum, dedisset
 infinitas species, quæ repugnant poten-
 tiæ finitæ.

Nego consequentiam. Primò quia
 per unam speciem possunt plura repræ-
 sentari. Ergo non multiplicantur ad sin-
 gulorum multiplicationem. Deinde quia
 si loquamur de proprijs singulorum, non
 fuerunt à Deo infusæ prò singulis singulæ
 species. Cum enim volitiones, cogni-
 tiones &c. sint volenti, & cognoscenti
 immediatè, & intimè præsentès, absque
 ulla specie cognoscuntur, per substan-
 tiam ipsius angeli, ut diximus art. 3. vel
 per ipsos actus, immediatè præstantes
 concursum obiectiuum, ad sui cognitio-
 nem. Quoad actus aliorum, valeat pri-
 ma responsio. Quomodo autem per unam
 speciem possint plura repræsentari, vide-
 bimus infra.

A R T I C V L V S V.

*Soluntur obiecta & probatur, species non
 esse Angelorum proprietates.*

AD I. Nego maiorem. Et dico, illu-
 minationem angelorum non fieri
 per transfusionem specierum, sed per lo-
 cutionem, ut videbimus suo loco. Et ra-
 tio est, quia cum illuminatio potissimum
 fiat circa res supernaturales, & mysteria
 gra-

gratiz , quorum non habent species , nisi à Deo , non potest unus illas alteri infundere , seu communicare .

Ad 2. Nego maiorem . Quamvis enim in nobis ita accidat , non tamen hoc est simpliciter necessarium , vt accidit in angelis , & anima seperata , quibus Deus infundit rerum species . Adeius probationem dico , causam nouæ cognitionis in angelis , non esse nouam speciem , sed veteris nouam excitationem . Vnde autem hæc accidat , videbimus infra , cum agemus de cognitione angelica . Ad locum Apostoli dico primò cum D. Aug. 5. de genesi ad litt. nomine Ecclesiæ , non intelligi militantem in terris , sed triumphantem in cælis , cui Deus multa reuelauit , à qua edoctus Apostolus ea manifestauit principibus , & magistratibus huius mundi . Quare *ly in cælestibus* non debet coniungi cum antecedentibus , sed cum sequenti , ita vt faciat sensum , *per ecclesiam in cælestibus* . Deinde dico , ad cognitionem intuitiuam requiri existentiam , & præsentiam obiecti , saltem vt conditionem *sine qua non* . Ergo quia per Apostolos multa mysteria gratiz fuerunt opere completa , ideo per illos fuit purificata conditio , vnde cognitio angelica , quæ de illis vt futuris erat abstractiua , facta est intuitiua , adeòque illa ab Apostolis angeli didicerunt , non per receptionem specierum , sed

per hoc quòd illis hæc actu exercentibus, fuerit purificata conditio necessaria, ad ea cognoscenda intuitiue.

Ad locum Augustini, dico, quòd angelicus intellectus per nouitatem obiecti nouiter afficitur, non quidem in actu primo per acceptionem speciei, sed in actu secundo, acquirendo de illo cognitionem intuitiuam, quæ nouitas non cadit in Deum, cuius intelligere est semper idem inuariabile.

Ad locum Diui Thomæ dico cum Nazario, & Gonetto, *ly per angelos accipi non effectiue, sed exemplariter, vt se explicat q. 89. ar. 3. inquit, Anima sepe- rata intelligit per species, quas recipit ex influentia diuini luminis, sicut & angeli, hoc est eodem modo.*

Ad 3. Nego maiorem. Cum enim species impressa non sit formalis expressio obiecti, sed solum virtualis, ideo non ultimatè, & proximè complet actum primum cognitionis, nisi excitetur. Et hæc est ratio, cur dormientes, & sæpe etiam vigilantes, quamuis habeant species plurimum obiectorum, illa actu non cognoscant, eò quia non sint in actu primo ultimatè completo ad cognoscendum. Quid autem amplius requiratur ad exercitium, videbitur infra.

Quares, an species rerum sint angelorum proprietates? Capreolus in 2. d. 3.

q. 2. ad 8. respondet affirmatiuè, cum Barnes, Nazario, & Caietano, quibus adhzret Valentia hic disp. 4. q. 6. puncto 2. in fine. Fundamenta sunt, Primò quia species naturaliter, & inseparabiliter fuerunt concreatæ cum essentia angelorum, & singulis datæ iuxta perfectionē naturæ specificæ singulorū. Ergo sunt proprietates. Et ideo si vnus tantum daretur angelus, non possent illi negari hæ species, nisi violēter.

2. Angelus secundum suam naturam, est perfectior homine in gradu intellectiui. Sed hoc non esset verum, si species non essent eius proprietates. Ergo sunt. Probatur minor, si Deus creasset angelū, & hominem relictos in sola natura, cum suis proprietatibus, homo posset intelligere per acceptionem specierum ab obiectis, quod non posset angelus. Ergo homo esset perfectior angelo, à quo solum, de facto per accidens superatur, per acceptionem specierum à Deo, quas potuisset non accipere, quod est absurdum.

3. Scientia sequitur rerum species. Sed scientia naturaliter inest angelis, nec de nouo generatur, ut docet D. Th. q. 54. ar. 4. ad 1. ubi ex hoc probat, non dari in illis intellectum agentem, & passibilem. Ergo etiam species, quæ proinde nō fiunt ab agente extrinseco, sed ut proprietates fluunt ab eorum essentia; & ideo à D. Th. q. 55. ar. 2. vocantur formæ illis connaturales.

His non obstantibus, dico, huiusmodi species non esse angelorum proprietates, cum communiori theologorum censu. Ratio, quæ me mouet, est hæc, quia rerum proprietates sunt illis absolutè, & simpliciter debitæ, ex principiis intrinsicis, nec sunt donum distinctum à dono creationis; & ideo eadem actione, quæ earum essentia creantur, tamquam terminus primarius, & ipsæ concreantur, ut terminus secundarius, ab illo penitus inseparabilis. Huiusmodi autem non sunt angelicæ species, quæ potuerunt simpliciter non dari, saltem hæ, ut hæ, & postquam fuerunt datæ, possunt simpliciter auferri, vel variari; & ideo non fuerunteductæ, sed creatæ per creationem, saltem natura posteriorem, ad creationem essentia angelorum. Ergo non sunt eorum proprietates. Quod autem potuerint non dari, vel auferri, Probatur primò, quia si Deus decreuisset creare solos angelos, utique illis non dedisset species aliarum rerum; & si omnia destrueret, præter angelos & novum conderet mundum sensibilem, auferret ab Angelis species harum rerum, & alias daret species, quæ repræsentarent ea, quæ de nouo faceret. Ergo hæ species tam in fieri, quam in conseruari, pendent omninò ab extra, nempe à diuino beneplacito, quod non accidit proprietatibus (cuiusmodi est

est risibilitas in homine) quæ in quocumque euentu imaginabili, quia sunt ab intrinseco, sunt inseparabiles ab eorum essentijs, quarum sunt proprietates, nec pendent quoad hoc, à diuina libertate; quæ potest quidem facere, quòd homo non existat, non tamen potest facere, quòd existat, & non sit risibilis.

Vnde pater responsio ad primum.

Ad 2. Nego minorem. Ad cuius probationem nego consequentiam. Et dico, non esse perfectionem in homine, quòd sibi relictus, possit accipere species ab obiectis, sed magnam imperfectionem, & prouenientem ex compositione animæ cū corpore, ratione cuius anima in tali statu quodammodo materializata, pendet ab illo in operando; adeòque per species sensibiles, mediante phantasia, & intellectu agente, potest in se producere species intelligibiles, quæ quia originantur à sensibus, non possunt hominem determinare ad claram, & distinctam cognitionem, sed solum ad obscuram, & imperfectam. Angelus autem quia est in gradu superiori, & ordinatur ad perfectiorem cognitionem obiectorum, ideo ut abstractus à materia, nullam habet in cognoscendo dependentiam à phantasmatibus, & ideo indiget immediata influentia diuini luminis, ut loquitur D. Thomas hic q. 89. ar. 3. in corp. Neque hoc mirum videri debet.

debet, eum Philosophus 2. de celo t. 60. aperte doceat, finem quod est nobilior, eò esse difficilius assequibilem, & plerumque per extrinsecum auxilium. Et ideo videmus bruta ex se ipsis vestita, & armata, facillimè consequi cibum sibi proportionatum, domicilium, & alia omnia, quæ sunt sibi necessaria ad vitam, & perfectionem sibi conuenientem; vbi homo ex se nudus, & inerinis, debet ab extra, sibi consulere quoad victum, domum, arma, & regumentum, & quod maius est, sine diuino auxilio, non solum interno, sed etiam externo, non potest assequi suum vltimum finem, nempe æternam felicitatem. Quis autem dicat, hominem proinde esse brutis imperfectiorem?

Ad 3. Nego postremam partem consequentia. Eo dico, à D. Thoma vocari naturalem scientiam angelorum, eò quia eorum cognitio sit in illis ab intrinseca potentia, cui immanet, cum dependentia à speciebus extrinsecus habitis, exigitis tamen ab eorum natura, non quidem determinatè secundum speciem, & multò minus secundum proprias hecceitates, sed indeterminatè per appetitum disiunctiuum, eo modo quo in 1. phys. diximus, à materia prima appeti formas substantiales, & à potentia visiva appetitur coloratum. Sicut ergo forma, licet sit naturalis materia, non est eius proprietas, nec coloratum

sum

tum est proprietas oculi, ita neque species sunt angeli proprietates. Quod autem appetantur disiunctivè, vel hæ, vel aliæ, facile probatur, quia cum non appetantur, nisi ut necessaria ad cognitionem eorum obiectorum, quæ aliquando erunt, nec possint angeli scire, quæ fuerint à Deo decreta ut sint, appetuntur solum quasi conditionatè, ex suppositione divini decreti, & ex suppositione, quod hæc, vel illa hic, & nunc sit illis necessaria. Ergo disiunctivè.

Dices, appeteret species omnium rerum naturalium possibilium. Ergo determinatè.

Nego antecedens, primò quia cum hæ sint infinitæ, appeteret formas infinitas, qui appetitus esset inexplibilis, cum finita potentia non sit naturaliter capax infinitarum formarum. Ergo taliter appetens esset semper, & naturali necessitate in statu violento, quod abhorret natura. Deinde cum angelus se intuitivè cognoscat, cognosceret etiam species in se existentes, adeòque cognosceret omnia possible ordinis naturalis, si Deus eius exigentiæ satisfaceret, quod est absurdum. Ergo non appetit species omnium possibilium, sed solum eorum, quæ aliquando erunt. Quod si dicatur, appeti species possibilium, quibus cognoscantur secundum rationem universionem, hoc posset

posset admitti, sed nihil iuuat argu-
 tem, primò quia per unam tantum spe-
 ciem possent hoc modo cognosci. Et
 deinde quia cum hoc æquè bene præstari
 posset per hanc, vel illam speciem, adhuc
 hæc ut hæc non appeteretur determinatè.
 Quomodo autem possit una species plura
 repræsentare, videbimus in ar. sequenti.

ARTICVLVS VI.

*An angeli habeant species, quarum singu-
 læ plura repræsentent sub pro-
 prijs rationibus?*

Videntur non habere, ut propugnat
 Scotus in 2. d. 3. q. 10. cui adhæ-
 rent Maior, Riccardus, & plures recen-
 tiores. Primò quia una, & eadem forma
 non potest simul esse similis, & dissimilis
 eidem. Sed species universalis hominis,
 & leonis esset similis homini, ut illum re-
 præsentans, & simul dissimilis, ut repræ-
 sentans leonem. Ergo non potest vna
 species utrumque repræsentare; & idem
 dico de alijs dissimilibus inter se. Quòd
 si sint inter se similia, repræsentantur so-
 lum secundum prædicata communia, ut
 Petrus, & Paulus secundum esse homi-
 nem, quod dicit solum cognitionem ab-
 stractivam confusam, quæ angelis non
 convenit de rebus naturalibus.

2. Vnitas speciei desumatur ab ob-
 iecto.

Et. Ergo si obiectum esset multiplex, & dissimile, non posset illi refundere unitatem. Atque adeo esset una solum collectivè, per coalescentiam plurium specierum simul habitatum, nè de eadem verificentur contradictoria, quòd esset, & non esset una.

3. Duæ species particulares distinctæ hominis, & leonis, multò perfectius representarent utrumque seorsim, quàm representarentur per unam, eò quia utraq; esset adæquatè similitudo sui obiecti, quòd non accideret in una specie, quæ solum inadæquatè esset utriusque similitudo. Ergo si angeli cognoscant obiecta per species univ ersales, valde imperfectè illa cognoscunt, immò imperfectius homine, qui singula cognoscit singulis speciebus, quòd est absurdum.

4. Si darentur hæ species in angelis, vel omnibus convenirent eadem, vel diversæ. Non potest dici primum, quia omnes angeli haberent eandem perfectionem in cognoscendo, quòd videbimus esse falsum. Neque secundum, quia una species differret ab alia per puram negationem, quatenus non representaret totum illud, quòd ab alia representatur. Est autem impossibile, quòd pura negatio sit distinctivum specificum in positivis. Ergo non dantur hæ species:

Conclusio, Dantur de facto in omnibus;



Et singulis angelis species uniuersales, quarum singulae plura representant sub proprijs, & particularibus rationibus. Ita D. Tho. hic q. 55. ar. 3. cum quo sentiunt communiter omnes illi, qui admittunt in angelis species infusas.

Probatur 1. Potest una, & eadem cognitio, per modum speciei expressae, plura representare, etiam specie differentia, ut patet in cognitionibus complexis. Ergo à fortiori poterunt hae eadem, & multò plura representari ab una, & eadem specie impressa, quae ea non representat formaliter, & tamquam vltima determinatio, sed solum virtualiter, & in genere causae efficientis, hoc est quatenus concurrat ad cognitionem obiecti, cum indifferencia, ut plus minusve influat, iuxta varietatem circumstantiarum. Probatur consequentia, species impressa est complementum potentiae intellectiuae. Ergo si potentia per modum causae physicae, continet in se plures actus specie differentes, etiam species per modum causae intentionalis, potest continere illos, per multiplicem obiectorum representationem.

2. Species impressa intelligibilis non est minoris actiuitatis, & perfectionis, quam sit species sensibilis. Sed haec potest una plura representare specie differentia, ut patet in specie picturae, quae licet constet ex coloribus dissimilibus, tota per modum

dum unius simul per unam speciem visibilem representatur: & idem dico de specie acerui lapidum, vel nummorum: de specie domus continentis ligna, saxa, & feramenta &c. Ergo etiam illa.

3. Species angelicæ, utpote quæ non acceptæ ab obiectis, sed à Deo infusæ, non mensurantur ab illis, ut sunt in se, sed ut sunt ideata, & exemplata in diuina essentia. Ergo sicut diuina essentia una omnia representat per modum ideæ, ita species angelicæ possunt singulæ plura ex illis simul representare, per quamdam participationem diuinæ ideæ.

4. Non repugnat hæc species uniuersalis in representando. Ergo potest dari in angelico intellectu. Ergo datur de facto; ex illo communi axioma, quod ea, quæ in inferioribus sunt diuisa, in superioribus uniuntur, si hæc unitas non repugnet. Quod autem non repugnet, probatur, nam hæc repugnantia vel esset ex parte obiecti, vel ex parte causæ, vel ex parte ipsius speciei? Non primum, quia alioquin non possent plura distinctè representari per eandem speciem sensibilem, quod vidimus esse falsum. Neque secundum, quia cum infundatur à Deo, qui in operationibus ad extra, nullis terminis circumscribitur, nulla est ratio, cur non possit vim representatiuam plurium specierum uni communicare. Neque tertium, pri-

primò quia hoc multò magis repugnaret speciei sensibili. Et deinde quia de facto diuina essentia, per modum speciei, concurrìt obiectiuè cum intellectu beati, ad sui visionem, & omnium, quæ sunt in ipsa, siue absoluta, siue relatiua. Neque demùm repugnat ex parte subiecti, quia intellectus angelicus, sicut potest actiuè concurrere ad unam cognitionem, quæ exprimat plura per modum imaginis formalis, ita potest passiuè recipere unam formam à Deo, quæ virtualiter eadem repræsentet, & secum cōcurrat ad talem cognitionem. Ergo ex nullo capite repugnat, atque adeo cum nō excedat angelicam perfectionem, dicendum est, dari de facto in illis, ut euitetur infinitas specierum, correspondentiū infinitati obiectorum, quæ sunt futura in æternum.

Ad 1. Nego minorem. Primò quia species impressa non est imago, seu similitudo formalis, sed solum virtualis. Non est autem absurdum, quod eadem forma habeat virtutem concurrendi ad plures similitudines formales plurium, ut videmus in potentia intellectiua, quæ sola exprimit imagines formales plurium. Deinde dico, quod hæc species sit quidem formaliter una, sed virtualiter multiplex, & ideo includit formalitates, pluribus diuersis correspondentes, quarum una fundat similitudinem unius, & alia alterius; & ideo
secun-

secundum quod est uni similis , non est similis alteri , nec admittit formalitates oppositas similitudinis , & dissimilitudinis ; sicut anima rationalis quia est virtualiter multiplex , & æquiualeat vegetatiuæ , & sensitiuæ in eodem homine , secundum formalitatem vegetatiuæ , illum assimilatur plantæ , & secundum formalitatem sensitiuæ , assimilatur bruto , quam tamen non facit similem , & dissimilem eidem , sed diuersis , nullam in se admittens oppositionem formalitatum . Et ratio à priori est , quia similitudo attenditur secundum perfectiones , non autem secundum imperfectiones . Ergo cum plurium perfectiones possint in uno uniri , possunt etiam in illo haberi unitæ plurium similitudines , per multiplicationem partium virtualium .

Ad 2. Nego consequentiam , non quia non desumuntur ab obiectis angelicæ species , ut volunt Salmaticenses , sed quia cum species uniuersalis sit virtualiter multiplex , iuxta varietatem talium formalitatum , respicit singula obiecta , quæ comparata cum tali quasi parte , sunt illi adæquata , comparata verò cum tota specie , sunt solum inadæquata ; & ideo omnia simul constituunt unum tantum illius obiectum adæquatum . Sicut ergo ad multiplicationem formarum , non multiplicatur materia prima , quia illas omnes respicit determinatè per modum unius ; ita
non

non multiplicatur species ad multiplicationem obiectorum, quia licet sint plura in ratione entis, non tamen in ratione obiecti adequati, unde illa sumit suam mensuram, & unitatem. Et ratio est, quia obiectum non est mensura intrinseca, sed extrinseca speciei, quam solum extrinsece terminando mensurat. Ergo ad hoc ut habeat unitatem sufficientem, per quam species sit una, sufficit, quod omnia ea, quae illam terminant, conueniant sub aliqua ratione communi, etiam analogia, ut accidit respectu intellectus, & voluntatis, quorum primus est una potentia, quia respicit omnia entia sub ratione veri, & alia est una, quia respicit eadem sub ratione boni, quamuis secundum rationes particulares, sint inter se diuersissima. Quia ergo species angeli repraesentant omnia naturalia, ut sunt partes eiusdem uniuersi cuius ipsa est pars, ideo respectu illius constituunt unum obiectum adequatum specificativum, unde accipit unitatem.

Ad 3. Nego antecedens, nam cum virtus unita sit fortior, & robustior, multo perfectius repraesentantur homo, & leo per unam speciem duabus æquivalentem, quam per duas distinctas, ut patet in diuina idea. Neque obstat, quod hæc species adequatè sumpta non sit similitudo hominis, vel leonis, nam sufficit quod uterque per illam adequatè repraesentetur, ad æ-

qua-

uatione obiecti; eo modo quo quantitas palmaris adequatè congruit bipalmari in-
a adequatè sumptæ, & unitas binario, licet
non conuertantur.

Ad 4. Dico, quòd sint diuerse, ut vi-
debimus. Ad argumentum oppositum,
nego sequelam, eò quia differant in posi-
tuis, quatenus utraque, nempe maior,
& minor habent suam perfectionem es-
sentialiter tantam, & ita limitatam. Li-
mitatio autem perfectionis est quidem,
imperfectio, non autem negatio. Aliter
omnis creatura differret à Deo merè ne-
gatiue, quod est absurdum. Sicut ergo
omnis creatura differt à Deo, non per
puram perfectionem (eò quia nulla perfe-
ctio repugnet alteri, aliter non possent
in Deo uniri) neque per puram negatio-
nem, aliter non distinguerentur positue,
sed per admissam imperfectionem limita-
tionis; ita una species differt ab alia per
hoc quòd una sit magis, vel minus limita-
ta, quàm alia, in representando, ut mox
patebit.

A R T I C V L V S VII.

*An specierum vniuersalitas sequatur men-
suram angelicæ perfectionis?*

V Idetur quòd non, ut propugnant
Scotus in 2. d. 3. q. 10. Molina,
Vas.

Vasquez, & omnes negantes species angelicas. Primò quia si quò est perfectior angelus, eò haberet vniuersaliores, & per consequens pauciores species, posset dari angelus, qui omnia cognosceret per suam substantiam, quod supra vidimus esse falsum. Siquidem si angelorum existentium perfectissimus e. g. omnia cognoscat per viginti species, si daretur alius angelus perfectior, illa cognosceret per nouemdecim: & si adhuc daretur angelus perfectior, cognosceret per octodecim, & sic deinceps, usque ad angelum excedentem omnes illos viginti perfectiores perfectissimo nunc existentium. Hic autem quia esset omnium perfectissimus, deberet cognoscere per pauciores species, quàm sibi proximus inferior. Sed hic cognosceret per unam tantum speciem. Ergo cum non detur minor una, deberet cognoscere per suam substantiã, quod est absurdum.

2. Quò est perfectior virtus intellectiua, eò minus indiget adiutorio obiecti, ad illud cognoscendum. Ergo species perfectior potius danda esset angelo imperfectiori, qui minori pollet virtute intelligendi. Est autem absurdum, quòd angelus imperfectior habeat species perfectiores. Ergo neutri concedi debent, adeòque sunt omnibus æquales.

3. Quò species est vniuersalior, eò est imper-

imperfectior , quia representat obiectum sub ratione magis uniuersali , adeoque determinat ad cognitionem magis confusam , & abstractiuam . Absurdum est autem , quòd ratione maioris perfectionis , conueniat angelo determinatiuum ad cognitionem imperfectionem . Ergo non conuenit species uniuersalior ; aliter maior perfectio deterioraret eius conditionem .

Conclusio , Specierum vniuersalitas sequitur mensuram angelicæ perfectionis ; adeoque quò angelus est perfectior , eò intelligit per pauciores species . Ita D. Thomas hic q. 55. ar. 3.

Probatur 1. ratione D. Thomæ , quò angelus est perfectior , eò magis per accessum ad Deum participat de eius perfectione , non solum quoad esse , sed etiam quoad operari . Ergo quia potissima eius operatio est intelligere , magis participat de diuino intelligere . Sed intelligere Dei habetur per unicam uniuersalissimam speciem , nempe eius essentiam , quæ distinctè illi representat omnia intelligibilia , ut probamus in trac. de diuina scientia . Ergo quò est perfectius angelicum intelligere , eò magis accedit ad unitatem diuinæ speciei , adeoque habetur per uniuersaliores species ; & per consequens quia perfectio intelligendi sequitur perfectionem intelligentis , specierum uniuersalitas

tas

tas sequitur mensuram angelicæ perfectionis .

2. Ex iisdem principiis uniuersalibus , homo perspicacior plures elicit conclusiones , quàm rudis , & obtusus . Ergo etiam Angelus perspicacior per easdem species plura cognoscit , quàm alius , adeòque hæ species in illo sunt uniuersaliores , eò quia vel illi plura repræsentent , vel distinctius , & quoad plura prædicata , vel quia possunt illum determinare ad plura cognoscenda per unum actum , quæ alij inferiores vix attingerent per plures . Probatur consequentia , perfectio actus sequitur perfectionem sui principij . Ergo quia principium actus est potentia per speciem illuminata , non potest per unum actum plura cognoscere , nisi per unam speciem illa plura repræsententur . Sicut enim plures diuersorum species determinant ad plures actus , ita ad unum actum requiritur una species .

Ad 1. Nego maiorem . Ad cuius probationem dico , maiorem perfectionem angeli saluari , non solum per maiorem extensionem ad plura , sed etiam per maiorem intensionem , hoc est quod idem perfectius cognoscat , & quoad plura prædicata . Neque obstat , quod in conclusione dicatur , perfectiorem angelum intelligere per pauciores species . Nam hoc debet intelligi comparatiuè , quatenus videli-

cet

et illa eadem prædicata, quæ in communi obiecto, cognoscuntur à superiori per unam speciem, ab inferiori cognosci non possent, nisi per plures. Quia tamen de facto non cognoscuntur ab inferiori, cuius minor perfectio non exigit cognitionem adeo claram talium obiectorum, ideo species angeli superioris est uniuersalior respectu inferioris, eò quia se sola possit, quod ab angelo inferiori non posset fieri, nisi per plures species; & in ordine ad has dicitur illa cognoscere per pauciores species. Vnde cessat processus arguentis, eò quia comparatio non fiat arithmetice, sed geometricè; & ideo semper debet procedere inter species distinctas à substantia, ita ut numquam deueniatur ad aliquem angelum, qui sine ulla specie, cognoscat per suam substantiam, quia tunc cessaret comparatio. Præterquamquòd quia nullus angelus de nouo creandus, esset omnium possibilium perfectissimus, ideo quia non esset in summo gradu intellectualitatis angelicæ, non euaderet naturalem necessitatem cognoscendi per species. Ergo Deus illi indaret species, eius perfectioni proportionatas. Et quia per eius creationem constitueret novum rerum ordinem, ideo daret etiam angelis præexistentibus novam speciem ad illum cognoscendum, ad quem species veteres non extendebantur.

T

Ergo

Ergo semper inferiores haberent plures species, & nullus ex creabilibus cognosceret alia à se per suam substantiam.

Ad 2. Nego consequentiam, quæ solum valeret in ordine ad cognitionem æquè perfectam eiusdem obiecti. Ergo quia angelus perfectior debet elicere cognitionem perfectiorem, & ad perfectiorem effectum requiritur perfectior causa, ideo species perfectior debetur perfectiori.

Ad 3. Nego maiorem. Et dico, species vocari uniuersales in representando, non quia representent in obiectis rationes uniuersales, sed quia extendantur ad plura, ita ut uniuersalitas non sit in obiecto, sed in ipsa specie representante; & ideo non determinat ad cognitionem abstractam, & confusam, sed ad claram, & distinctam.

Dices, quilibet angelus, etiam ex minimis, cognoscit distinctè omnes alios angelos, etiam supremos. Ergo cognoscit omnes perfectiones, etiam accidentales, in illis existentes; atque adeo habet speciem, per quam cognoscit species illas uniuersales, quibus illi cognoscunt alia obiecta. Sed hæc species est imago illius speciei uniuersalissimæ, qua supremus angelus alia à se cognoscit. Ergo est imago etiam imaginati, adeoque etiam illa est uniuersalissima, quia representando ta-

ism

lem speciem, repræsentat totum eius obiectum; & per consequens omnes angeli habent species æquæ vniuersales.

Nego postremam consequentiam, cum suis illationibus. Et ratio est, quia ad hoc ut imago imaginis sit imago imaginati, requiritur quòd illam representet, secundum similitudinem fundatam in unitate rationis, ut aduertit hic Valentia disp. 4. q. 6. in fine. Nam in tali casu quia conuenirent in tertio, conuenirent etiam inter se. In præsentem autem non ita sese res habet; nam species supremi angeli, non repræsentat obiectum per conuenientiam, quam habeat cum illo secundum rem, sed solum in esse intentionali, hoc est quòd cum vicem gerat obiecti, sicut obiectum, si esset intelligibiliter præsens intellectui, posset cum illo concurrere ad cognitionem sui, ita potest species concurrere loco obiecti, & præstare idem munus, quod præstaret obiectum, unde dicitur esse intentionaliter ipsum obiectum, licet ipsa sit accidens, & obiectum substantia. Hoc posito, species huius speciei, ita esset eius imago, ut non esset imago obiecti, si daretur (de quo infra) quia non repræsentaret ullam conuenientiam illius cum obiecto, sed purum eius ordinem ad obiectum, in quo clarè appareret ipsa species, & terminus solum in confuso, eo modo,

quo per speciem potentia^z visu^z, cognoscimus colores, ad quos extrinsecè terminatur, solum confusè, & in communi.

ARTICVLVS VIII.

An possit sustineri, opinio Scuti de speciebus angelicis?

Videtur non posse, non solum propter dicta usque adhuc, sed etiam Primo, quia nisi angelus habuisset species inditas ab initio omnium rerum naturalium, habuisset earum ignorantiam, cum earum scientiam non habuisset, nisi in potentia remota, compatibili cum ignorantia. Sed hoc est absurdum. Ergo illas habuit.

2. Vel angelus petit ex natura sua, ut ab initio accipiat species omnium rerum, vel non? Si primum. Ergo quia Deus fecit illum cum tota perfectione sibi naturaliter debita, dedit illi species. Si secundum, ergo ex natura sua solum petit fieri tanquam tabulam rasam, sicut hominem, cum sola potentia remota ad scientias acquirendas. Hoc autem repugnat scripturis, cum dicatur Ezech. 28. esse perfectus ab initio, & plenus sapientia. Ergo factus est perfectus in esse intellectuali, & subinde cum speciebus concreatis.

3. Si Angelus acciperet species ab obiectis,

Etis, vel repræsentarent illa secundum
uniuersales tantum rationes, vel secundum
particulares? Si primum, ergo eius
cognitio esset solum confusa, & abstra-
ctiua. Si secundum, ergo eius species
non essent uniuersales in repræsentando,
sed singula singula tantum obiecta repræ-
sentarent; atque adeo essent nostris im-
perfectiores, quæ repræsentant res in ab-
tracto, & uniuersaliter, quæ sunt absur-
da. Præterea haberet intellectum agen-
tem, & passibilem, qui communiter an-
gelis negantur.

4. Anima separata non recipit species
ab obiectis. Ergo neque angelus. Con-
sequentia patet, quia multo certius est,
dari in anima intellectum agentem, quam
in angelo, & in statu separationis est æque
immaterialis, ac angelus. Antecedens
probat, quia aliter posset per suam na-
turalem virtutem scire quæ fiunt super ter-
ram, quod negatur ab Augustino, &
Gregorio, & præcipue à Conc. Senonen-
si in decretis fidei c. 13.

5. Si unus angelus gigneret sui spe-
ciem in intellectu alterius, vel illam gi-
gneret liberè, vel necessitate naturali? Si
primum, ergo posset non gignere, adeo-
que fieri incognoscibilis quoad substan-
tiam, quod tolleret eorum societatem. Si
secundum, ergo non posset occultare
suas liberas cogitationes, quarum species

naturaliter alteri imprimeret, sicut imprimeret suæ substantiæ, quod infra videbimus esse falsum. Præterea quoties unus angelus incideret in alium, produceret in illo novas, & novas species in infinitum, quod est absurdum.

Prò resolutione videndum est quid docuerit Scotus, & deinde an eius doctrina defendi possit? Scotus ergo in 2. d. 3. qu. 11. cum omnibus suis, & pluribus etiam neutralibus docet, dari in angelis intellectum agentem, & passibilem, per quos possunt accipere species ab omnibus rebus naturalibus, siue materialibus, siue spiritualibus, de facto tamen ab initio accepisse species infusas omnium naturarum uniuersalium tunc existentium, non tamen omnium singularium sub illis existentium, sed solum aliquorum determinatè in particulari, & multò minùs earum naturarum, quæ tunc erant merè possibilis, vel aliquando futuræ, quarum species inquit, successu temporis accipere angelos ab ipsis rebus, cum actu existunt, & merè possibilium admittit accepisse species inditas abstractas à singularibus, quæ representet obiectum, sub aliqua tantum ratione uniuersali.

Conclusio, *Hæc doctrina taliter exposita est valde probabilis, & optimè fundata. Et ideo in hac materia placet problematice disputare, cum Scoto, & D. Thoma.*

Quòd

Quòd angeli possint simpliciter, & per diuinam potentiam accipere species ab obiectis, probauimus art. 4. Probandum nunc est, quòd habeant intellectum agentem, quo possint, etiam connaturaliter, acquirere sibi species ab obiectis, ut viam sternamus ad ostendendam huius opinionis probabilitatem. Hoc autem probò primò ex non repugnantia. Deinde ex paritate hominis illum habentis. Et demum ex necessitate. Cùm enim non acceperit species omnium individuorum, (aliter angelus sciret quot flores in terra nascantur, quot folia in arboribus, quot muscæ, culices, & similia, quæ transcendunt angelicum captum) debuit à natura instrui intellectu agente, quo ad talium cognitionem in dies perducatur, præsertim cùm illum habere, dicat perfectionem, supposita imperfectione intellectus creati, quod non possit per se ipsum, obiecta cognoscere, nisi dependenter ab eorum concursu. Ergo si datur in homine, nulla est ratio, cur angelo denegetur.

Quòd autem possit per illum sibi rerum species comparare, probatur, & primò de obiectis spiritualibus, obiecta spiritualia non sunt minùs intelligibilia in actu, quàm materialia sint actu sensibilia. Sed hæc per hoc quòd sint actu sensibilia, possunt producere sui species sensibiles, per quas à sensibus percipiuntur. Ergo

per hoc quòd illa sint actu intelligibilia, possunt producere sui species intelligibiles, per quas ab intellectu percipiuntur. Sed intellectus angelicus habet naturalem potentiam ad recipiendas species sibi proportionatas, aliter nec posset illas à Deo recipere. Ergo cum species intelligibiles, utpote spirituales, sint illi proportionatæ, possunt ab illo recipi, quamvis ab obiectis producantur.

Deinde probo de materialibus, in quibus est maior difficultas, propter improprietatem, quam habent cum intellectu, intellectus agens, quò est perfectior, eò maiorem habet actiuitatem, ad hoc ut simul cum concursu obiectiuo, producat in intellectu passibili speciem intelligibilem obiecti, qua instructus illud percipiat. Ergo si intellectus agens humanus, habuit à natura tantam virtutem, ut possit eleuare phantasma expressum, ad secum producendam speciem spirituales obiecti materialis, intellectus agens angelicus, propter excessum virtutis actiuæ, supra intellectum humanum, potest eleuare immediatè ipsum obiectum materiale extrinsecum, ad hoc ut secum concurrat ad producendam speciem spirituales illius, ut multi probabiliter asserunt de anima separata. Antecedens admittitur ab omnibus in 3. de anima, ut docuimus in logicis lib. 2. disp. 1. art. 9.

Con-

Consequentia probatur, phantasma expressum, quantumvis attenuatum, non amittit esse materiale, & quantum. Ergo si hoc non obstante, potest cum intellectu agente, concurrere actiue ad productionem speciei impressæ spiritualis, cur non poterit ipsum obiectum extrinsecum materiale, cum intellectu angelico tantò perfectiori? Neque obstat, quòd obiectum externum sit multò materialius, quàm phantasma, primò quia etiam intellectus humanus est minoris actiuitatis, quàm angelicus, adeòque maior improprio obiecti poterit ab hoc superari, & non ab illo, sicut coloratum remotius videtur ab oculo perspicaciori, & non ab alio. Deinde gradus materialitatis fundant quidem gradus perfectionis in ratione entis, non tamen tollunt improprietatem ordinis cum rebus spiritualibus. Et hæc est ratio, cur potentia sensitiva organica, quantumvis in suo ordine perficiatur, numquam tamen per naturalem suam virtutem attingit spiritualia. Ergo in ordine ad hanc improprietatem, perinde se habet phantasma, ac obiectum extrinsecum, cum sit utriusque æquè insuperabilis.

Ex his euidenter sequitur Scotica opinionis probabilitas. Siquidem ordo naturalis prouidentiae poscit, ut ea, quæ fieri possunt per causas secundas, non fiant

immediatè à solo Deo, ut patet inductione. Ergo cum Angeli possint sua naturali virtute, sumere species ab ipsis rebus, frustra recurritur ad earum infusionem.

Præterea est etiam valde probabile, quod Deus ab initio infuderit angelis, species naturarum tunc existentium, & aliquorum indiuiduorum, non tamen omnium. Probo primum, quia hoc valde conducit ad explicandam angelicam sapientiam, & plenitudinem perfectionis, quæ illis tribuuntur à scripturis, & Patribus, ut vidimus art. 4. unde meritò illis tribuitur locus medius inter Deum, & hominem, quatenus videlicet diuina species non est ab alio, sed est suum esse independens: species humana, & angelica sunt quidem ab alio, sed illæ omnes ab obiectis, hæc verò aliquæ à Deo, & aliquæ ab obiectis. Probo secundum, quia hoc euitat multa incommoda, quæ sequuntur ex opposita sententia. Ergo est congruentius rationi. Probatur assumptum, Primò quia si Deus infudit species omnium rerum, vel infudit etiam earum accidentalium complexionum, vel non? Hoc secundum non potest dici, aliter non dedisset species omnium, adeoque deberent angeli illas accipere ab ipsis complexionibus in dies existentibus, quod euerteret fundamentum huius opinionis. Si dicatur primum, ergo angeli habuerunt

runt species, non solum Petri, & actus charitatis, sed etiam complexione huius actus cum Petro, nempe actus charitatis, ut eliciendi à Petro. Atque adeo quia species naturaliter repræsentat obiectum, non erit liberum Petro non elicere talem actum (aliter species à Deo habita posset esse falsa) sed naturale, & necessarium, quod est absurdum, cò quia evertat eius libertatem.

Neque potest dici, quòd eadem species repræsentet complexiones contingentes oppositas. Nam vel illas repræsentaret determinatè, vel indeterminatè? Non primum, quia cum non possint esse simul, nec simul intelligi, nec possunt simul ab eadem forma repræsentari. Neque secundum, quia hinc angeli neutrum certò, & determinatè cognoscerent, adeoque indigerent nova specie eius, quod erit.

Multò minùs potest dici, esse necessariam præsentiam obiecti, ad hoc ut illud per speciem repræsentetur in actu secundo, cum ex se species habeat solum illud repræsentare in actu primo. Si enim obiectum, nihil confert ad speciem, non apparet necessitas eius existentiz, nisi ad iudicandum positum. Sicut enim non requiritur ad cognitionem abstractivam, cur requiratur ad intuitivam? Vnde possent solui omnes rationes oppositz.

Secundum incommodum est, quod omnes angeli cognoscerent omnia futura, & secreta cordium, quorum ab initio haberent species, quod videbimus esse falsum. Vel enim ad illa cognoscenda sufficiunt species, vel non? Si primum, ergo cognoscerent. Si secundum, ergo sunt superflua eorum species. Cetera incommoda, & rationes validissimas, ad impugnandam specierum infusionem, & propugnandam Scoticam doctrinam, vide, apud Bartholomæum Maltrium in 2. disp. 2. q. 6. ubi egregie de more prosequitur hanc materiam.

A R T I C V L V S IX.

Soluntur obiecta, & roboratur doctrina Scoti.

AD 1. Primò retorqueo argumentum, in sententia opposita, angeli non habuerunt species omnium possibilium in particulari, & rerum supernaturalium. Ergo habuerunt ignorantiam. Deinde nego maiorem, cum ignorantia sit defectus scientiæ debitæ. Quia ergo angelis ab initio non debebatur scientia futurorum, ideo eius carentia fuit nescientia, & non ignorantia. 3. Angeli per sua naturalia non sunt omniscij, ut Deus. Ergo licet haberent aliquam ignorantiam, hæc

Hæc non repugnaret eorum conditioni . Et demum quia habuerunt species naturarum existentium , & aliquorum indiuiduorum . Ergo non fuerunt ignorantes .

Ad 2. Nego postremam consequentiam . Et dico , angelum ex se petere naturam intellectiuam , cum virtute sibi comparandi species , sed longè præstantiores , quàm habeat homo . Scripturæ autem cum illum vocant perfectum , & plenum sapientia , loquuntur de perfectione gratiæ , & sapientia supernaturali . Vel si velimus illas interpretari de scientia naturali , dico in angelis dari magnam , & excellentem scientiam , in comparatione cum hominibus , non tamen summam , & omnium simpliciter , quæ est propria solius Dei .

Ad 3. Nego antecedens . Et dico , quòd in tali sententia , species infusæ essent solum de uniuersalibus , quæ Scotus putat dari à parte rei . Sed quia nos in logica docuimus oppositum , ideo dicimus , esse solum de naturis uniuersaliter sumptis , per abstractionem intellectus , quamuis aliqua etiam earum sint de particularibus , ut dictum est . Aliæ autem species , quas recipiunt ab obiectis , non sunt uniuersales in repræsentando , sed singulæ singula obiecta repræsentant . Ex hoc autem neutrum sequitur ex absurdis impugnatis . Siquidem primæ classis naturas repræsen-

præsentant, & secundæ clarius, quàm species hominum repræsentent singularia. Ergo neque illæ sunt confusæ, neque hæ nostris imperfectiores.

Ad 4. Negat Scotus antecedens. Ad cuius probationem negat sequelam. Cum enim ad recipiendas species ab obiectis, requiratur proportionata distantia, cum tali determinata præsentia, quæ non datur inter animas detentas in inferno, vel purgatorio, & obiecta, quæ sunt super terram, ideo non possunt illa ab his recipere species, per quas illa cognoscant, quamvis ex se possent, si magis approximarentur. Et in hoc sensu sunt exponendæ auctoritates allatæ. Præterquam quod multi probabiliter asserunt, impediri à Deo huiusmodi specierum receptionem ab animabus separatis, nè sciant quæ in terris fiunt, nisi per revelationem, vel in Verbo per visionem.

Ad 5. Dico, quòd angeli naturaliter emittunt in alios sui species quoad suam substantiam, & naturales proprietates, non autem quoad actus liberos, propter specialem rationem infra examinandam. Quoad aliam illationem de assidue eiusdem specierum emissionem, nego sequelam. Sicut enim obiecta materialia non emittunt assidue species sensibiles in eandem potentiam sensitivam, nisi ad restitutas species vel amissas, vel obsoletas,

ita & angeli in alios angelos. Et ratio est, quia cum intellectus angelicus sit finitus, & limitatus in cognoscendo, sicut non potest de eodem obiecto simul elicere plures cognitiones, ita nec simul recipere plures species, eo modo aquo vas plenum aqua, non potest recipere vltiorem aquam, non quia hæc excedat eius capacitatem, sed quia illam inuenit præoccupatam, vt videmus in materia prima, quæ licet possit recipere omnes formas, non tamen simul, sed successiuè recipit, unaque habita, non recipit aliam.

Hæc dicta volui, non ad tollendam probabilitatem à Thomistica sententia, quam supra secutus sum, sed vt appareat, etiam Scoticam esse probabilem, & posse vtramque vt veram sustineri, absque nota sententiæ oppositæ, quas proinde placet problematicè propugnare, vt ab initio professus sum.

Quæres, an admissis speciebus uniuersalibus, possit dari aliqua species, quæ distinctè repræsentet infinitas species rerum, vel infinita individua eiusdem speciei? Communiter respondetur negatiuè, eò quia hæc species esset infinita, quod putant repugnare creaturæ. Quia tamen nos in 3. phys. admisimus possibilitatem infiniti, etiam in cognitionibus, ideo respondemus affirmatiuè, saltem per vires omnipotentis, eò quia in tali casu hæc

hæc species non esset simpliciter infinita, sed solum secundum quid, quod ibi vidimus creaturæ non repugnare.





DISPUTATIO XI.

De ipso actu cognitionis angelicæ.

Priusquam agamus de obiecto angelici intellectus, agendum est de eius actu. Quæremus ergo 1. An semper sit in actu secundo cognitionis? 2. An cognoscat discurrendo? 3. An cognoscat componendo, & diuidendo? 4. An possit simul cognoscere plura, ut plura?

ARTICVLVS PRIMVS.

An angelus semper actu cognoscat quæ potest cognoscere?

Videtur 1. non semper actu cognoscere se ipsum. Primo quia angelus cognoscat per suam substantiam, ut dictum est disp. 10. ar. 3. & nihil purè physicum possit necessitare intellectum, & voluntatem ad suos actus, ad sui cognitionem non habet naturalem necessitatem. Ergo potest ab illa cessare. 2. Intellectus angeli est finitus, ac limitatus. Ergo potest

potest ita absorberi ab aliquo obiecto¹, ut illum retrahat à sui cognitione, saltem ad tempus. 3. Si semper, & necessario se cognosceret, non posset alia à se cognoscere, eo quia virtus cognoscitiva exhaustur circa se ipsum, quod est absurdum. 4. Hæc necessitas non posset aliunde provenire, quàm ex intima præsentia suæ substantiæ, Sed hæc non sufficit, cum multa alia sint illi intimè præsentia, quæ non necessitant ad sui cognitionem. Ergo potest se non cognoscere; ut docent Conimbrienses, Arrubal, & Molina.

2. Videtur, non semper cognoscere Deum, ut auctorem naturæ, ut iidem opinantur, hac ducti ratione, quia Diabolus relictus in scientia naturali, quam habuit ante lapsum, non taliter cognoscit Deum. Aliter in sua damnatione, frueretur beatitudine naturali, quæ consistit in cognitione Dei, quod est absurdum. Præterea posset probari, quia Deus non potest cognosci, nisi intuitivè, vel abstractivè, ut deducitur ex 1. ad Cor. c. 13. *Diabolus enim neque illum cognovit intuitivè, quia esset beatus; neque abstractivè, quia non potest habere species sensibiles, per quas Deum adumbret. Ergo nullo modo, quod non esset, si ab obiecto necessitaretur ad cognoscendum.*

3. Videtur, quod possit cessare à cognitione omnium eorum, quorum species
acce-

accepit à Deo. Cum enim illis non subordinetur, sed potius illas sibi subordinet, potest illis uti, vel non uti ad suum libitum. Ergo posset illis non uti sumptis collectivè, adeoque ab omni obiectorum naturalium cognitione cessare.

Conclusio, Cum angelus non possit omnia simul obiecta naturalia cognoscere, necessario est in potentia ad aliquorum cognitionem, non tamen ad cognitionem sui, & Dei ut auctoris naturæ. Ita D. Thomas q. 58. ar. 1.

Probatur prima pars, quia angeli per species infusas, fuerunt solum constituti in actu primo, ad cognoscenda talia obiecta. Ergo non habuerunt à Deo eorum actualem cognitionem, quæ cum debeat commensurari naturali virtuti angelicæ intellectus, non potest excedere eius vires. Cum ergo tales vires sint finitæ, & limitatæ, non possunt exire in actum infinitum, cuiusmodi esset cognitio omnium naturaliter cognoscibilium, quæ sunt infinita. Ergo ita aliqua cognoscunt, ut remaneant semper in potentia ad aliorum cognitionem, ut sunt futura, absentia, secreta, &c.

Probatur secunda à Conetto cum D. Thoma, Angelus se intelligit per suam substantiam. Cum ergo illam semper habeat præsentem, eaque informetur in esse intelligibili, semper se cognoscit. Sed
hæc

hæc ratio nihil probat. Nam cum dicitur, quod se intelligat per suam substantiam, *ly per*, vel denotat speciem impressam, vel expressam? Si primum, ergo quia habet semper sibi præsentem speciem infusam omnium naturalium, quibus informatur eius intellectus in esse intelligibili, omnia illa simul actu cognosceret, quod ab ipsis negatur. Si secundum, ergo intelligere angeli, ut terminatum ad se ipsum; esset suum esse, quod ipsi non admittunt. Melius ergo probatur cum nostro Gibbone, Angelus non posset cessare à sui cognitione, nisi per subtractionem diuini concursus, vel per imperium voluntatis. Non potest dici primum, quia Deus ut auctor naturæ, tenetur satisfacere rerum exigentijs. Ergo cum angelus exigit se cognoscere, non posset, nisi miraculosè concursum denegare, quod non faceret cessationem naturalem, de qua sola hic loquimur. Neque secundum, Primum quia intellectus angeli non potest sibi subordinare propriam substantiam, sed potius illi subordinatur. Ergo multo minus potest eam sibi voluntas subordinare. Atque adeo sicut hæc substantia naturaliter trahit proprium intellectum ad sui cognitionem, ita etiam trahit propriam voluntatem ad complacentiam illius. Sed quod necessario placet, non potest repudiari, quia non subest libertati. Ergo non potest voluntas

tas imperare cessationem à tali actu.

Deinde, quod præuenit omnem usum libertatis, non potest liberè impediri. Sed cognitio sui præuenit omnem usum angelicæ libertatis. Ergo non potest ab illa impediri. Probatur minor, voluntas non potest aliquid imperare, nisi illud cognoscat. Ergo imperando negationem cognitionis suæ substantiæ, illam præcognosceret, adeoque imperaret, non cognosci quod actu cognoscitur, quod est impossibile. Denum, intellectus cum sit potentia reflexiua, necessariò se cognoscit. Sed cognoscendo se ipsum, cognoscit suam substantiam, secum realiter identificatam. Ergo necessariò illam cognoscit.

Probatur tertia pars, Angelus cognoscendo se ipsum, se cognoscit intuitiue, ut videbimus infra. Ergo cognoscit quid, quid est in se, adeoque dependentiam essentialem à Deo, ut auctorem sui, & respectum transcendentalem ad ipsum. Est autem impossibile, cognosci dependentiam essentialem ab aliquo, & respectum ad illud, & illud non cognosci. Ergo necessariò angelus cognoscit Deum, ut sui causam, adeoque ut auctorem naturæ.

Ad 1. primæ sententiæ nego suppositum, Ad cuius primam probationem dico, angelum non necessitari à sua substantia, tamquam ab obiecto, sed tamquam à radice, ex qua emanant naturaliter omnes
cuius

eius proprietates, cuiusmodi est cognitio sui, eo modo quo frigus est proprietas aquæ, ab illa deriuans, cum e statu violenti caloris, se reducit ad statum connaturalem. Ad 2. Nego consequentiam. Primo quia cognitio sui præcedit omnem aliam, ut eius proprietas. Et deinde quia præcedit ut prima operatio vitalis. Sed nihil antecedens potest impediri à consequenti. Ergo hæc cognitio ab alijs impediri non potest. Ad 3. Nego antecedens, eò quia cum talis cognitio naturaliter sequatur ab angelo, illum non defatigat, nec vires exhaurit, sicut fortassis exhaurirentur, si liberè, & contra inclinationem naturalem, se ad illam applicaret. Vnde patet solutio quarti. Siquidem necessitas talis cognitionis, non prouenit adæquatè ex intima præsentia suæ substantiæ, sed etiam quia hæc est radix, & principium illius, illamque sibi subordinans, ut proprietatem, quod non conuenit alijs.

Ad 2. Nego antecedens. Et dico, à Diabolo cognosci quidem Deum, ut sui auctorem; cum enim in se cognoscat eius imaginem, quamuis peccato deprauatam, utique cognoscit imaginatum. Quia tamen neque cognoscit intuitiue, neque cognitione practicè dirigente ad eius amorem, sed purè speculatiue, ideo per talem cognitionem, non solum non est beatus, sed eius pœna accidentaliter augetur, quatenus

tenus cum vellet ex odio illi malum infligere, nec possit, rabie contabescit. Ad aliam rationem dico, cognitionem, quam habet Diabolus, esse verè obscuram, & ænigmaticam, licet nostra clariorem. Quamvis enim illam non accipiat à sensibus, tamen habet per species creatas, & per ipsa objecta creata, nempe per imaginem, quam videt in se, & in alijs. Et ideo cognoscit Deum instar creaturarum, & abstractivè.

Ad 3. Nego antecedens. Ad cuius probationem nego consequentiam. Quamvis enim possit angelus à plurium, & fortasse à singulorum objectorum seorsim cognitione cessare, non tamen potest cessare à cognitione omnium collectivè. Primum quia necessariò cognoscit se ipsum, & Deum, ut probauimus. Et deinde quia si semel nihil planè actu cognosceret, nihil deinde posset cognoscere, quod sic probò, neque posset applicari ab intrinseco, neque ab extrinseco ad aliquid cognoscendum. Ergo nihil amplius posset cognoscere. Probo antecedens, intellectus non est potentia libera. Ergo non posset se liberè applicare pro arbitratu. Nec posset applicari à voluntate, quia cum hæc non feratur in incognitum, & in eo casu omnia essent incognita, nihil posset imperare. Nec demum posset applicari ab objectis extrinsecis, quia cum ab illis non acci-

accipiat species, quas habuit infusas, ab illis non posset pati. Ergo remaneret ut tabula rasa, quoad actuales cognitiones, quod illi naturaliter repugnat.

ARTICVLVS II.

An angelus cognoscat discurrendo?

Videtur, quòd licet angelus de facto non intelligat per discursum formalem, tamen possit prò libito discurrere, vel absolutè, & simpliciter in omni materia, ut docent Scotus in 2. d. 7. q. 1. & noster Gregorius in 2. d. 7. q. 5. ar. 2. cum Gabriele ibid. d. 4. q. 1. ar. 3. vel saltem circa supernaturalia, secreta cordium, & alia, quæ solum cognoscit per coniecturas, ut docent Suárez lib. 2. de angelis c. 33. quem sequuntur Granado, & alij. Fundamenta sunt.

1. Potest angelus cognoscere obiecta inadæquatè, & præscindere unam rationem, seu formalitatem ab alia, nempe genericam à specifica, & hanc ab individuali, abstrahendo rationem communem; & ideo in logica probauimus, quod possint facere uniuersale. Præterea potest cognoscere rationes magis particulares, non expressis per talem cognitionem rationibus communioribus. Ergo potest discurre.

discurrere. Aliter non posset errare.

2. Potest in angelis dari successio voluntatum, cum dependentia unius ab alia. Ergo etiam successio cognitionum, cum dependentia unius ab alia, in quo consistit formalis discursus. Probatur antecedens, nam ex efficaci amore finis naturalis, resultat per modum effectus amor, & electio mediorum ad eius affectionem; sicut ex amore necessario sui, sequitur amor liber aliorum.

3. Non potest una, & eadem cognitio esse simul evidens, & coniecturalis: necessaria, & libera: intuitiva, & abstractiva: essentialiter vera, nec potens aliter se habere, & fallibilis. Sed nisi angelus discurreret aliquando, haberet huiusmodi cognitionem, cum prædicatis oppositis. Ergo non solum potest, sed aliquando discurrit. Probatur minor, sæpe angelus ex cognitione sui, cognoscit Deum: ex cognitione causæ naturalis, cognoscit effectum: ex motu corporis, deprehendit secretum cordis humani &c. Cognitio autem sui, causæ, & motus est intuitiva, & necessaria; aliorum autem est solum abstractiva, & probabilis. Ergo non possunt esse una cognitio, sed plures sufficientes ad discursum.

4. Est perfectio in homine posse discurrere, ita ut per nota cognoscat ignota. Ergo potest etiam angelis convenire, quibus

bus multa sunt ignota, nec possunt aliter cognoscere.

5. Potest angelus intelligere componendo, & diuidendo, aliter non cognosceret rerum complexiones, & diuisiones. Ergo potest etiam inferre unum ex alio, & discurrere.

Conclusio, *Quamuis possit angelus uti discursu imperfecto, & virtuali, non tamen potest formaliter discurrere.* Ita D. Thomas hic q. 58. ar. 3. cum suis, & alijs.

Probatur prima pars, Primò quia potest angelus eadem cognitione cognoscere unum obiectum, ratione alterius. Sed hic non est discursus formalis propriè, & rigorosè, eò quia non procedit ex una cognitione ad aliam, sed ex uno obiecto ad aliud. Ergo est discursus ex parte obiecti, quem in logica lib. 5. disp. vn. ar. 4. in fine vocauimus virtualem, quatenus æquiualeat formali, ut accideret, cum cognoscendo niuem, in illa, & ex illa cognosceret frigus.

2. Potest habere unam cognitionem, dependentem ab alia, non tamquam à causa, sed tamquam à conditione sine qua non (ut est actus fidei, qui præsupponit cognitionem euidentem credibilitatis obiecti) vel tamquam occasione excitante intellectum ad hoc, ut se diuertat ad alia obiecta. In hoc progressu cognitionum, quia non datur compositio, aut diuisio,
infe

inferendo ex notis ignotum, ideo non est propriè ratio discursus formalis, ut mox videbimus.

3. Plura sunt obiecta, quæ licet sint naturaliter cognoscibilia, non tamen possunt omnia simul cognosci ab angelis. Ergo possunt pro uno instanti cognoscere unum ex illis, & pro alio aliud, per multiplicem cognitionum successionem. Sed hic non est discursus formalis, cò quia, per compositionem, aut diuisionem non conferat extrema cum medio, & inter se; neque comparat obiectum primæ cognitionis cum obiecto secundæ, & multò minus reflectat ad primam cognitionem, ut transeat ad secundam. Ergo est discursus imperfectus, & improprius.

Probaturs secunda pars, ideo nos utimur discursu, quia operamur dependenter à phantasmatibus, in quibus apparent solum termini incomplexi, adeoque ut appareat eorum conuenientia, vel disconuenientia, debent mutuò comparari per affirmationem, vel negationem, hoc est illos componendo, vel diuidendo. Angeli autem vel cognoscunt obiecta immediate, eaque cognoscunt prout sunt in se ipsis; vel mediatè, eaque cognoscunt prout sunt in obiectis immediate visis. Ergo non indigent illa comparare, componendo, vel diuidendo, sed vident ea, quæ sunt idem, ut identificata, per simplicem intuitum,

& quæ sunt diuifa, ut diuifa, non inferendo unum ex alio. Præterea quia nos in præmissis non videmus conclusiones, ideo debemus per earum accommodam dispositionem, illas ut ignotas ex notis inferre. Angeli verò in ipsis præmissis immediatè vident conclusiones. Ergo non indigent ratiocinatione, ad illas cognoscendas.

Ad 1. Nego consequentiam. Quamuis enim possit assignata seorsim cognoscere, non tamen cognoscit eorum identitatem, seu distinctionem per comparisonem, seu per reflexionem ad eorum cognitionem, quæ sunt necessaria ad discutiendum, sed immediatè attingit eorum identitatem, seu distinctionem, per species proprias eorum, cum non minùs habuerit species rerum, quam earum complexionis, seu diuisionis, prout dantur in illis. Ergo non discurrit, inferendo connexionem, seu diuisionem, ex terminorum cognitionibus. Ad illationem quod non posset errare, nego sequelam. Ratio est, quia cum multa cognoscat per coniecturas, & indicia, potest præcipitare iudicium (ut loquitur hic D. Thomas) hoc est illud ferre ex indicijs de se non sufficientibus, ut fecere Dæmones. Posito enim quod indicia non præferrent nisi certitudinem ut tria e. g. si angelus illis adhæsisset, ac si præferrent certitudinem ut quinque, quia excessisset meritum illorum, potuisset
per

per illa errare, licet abiq: discursu si per simplicem tendentiam se ad illa conuerzisset, quod fuit omnibus commune, ante visionem beatificam, qua fruenter errare non possunt.

Ad 2. Primò nego antecedens cum sua probatione. Siquidem docuimus in 2. phys. & alibi, efficacem amorem finis esse virtualiter amorem mediorum. Ergo non sunt duo actus, cum dependentia unius ab alio, sed unus tantum, quod multò magis valet in angelis, qui cum simul cognoscant finem, & media, possunt uno actu omnia simul velle, absque media electione, quæ solum requiritur, cum amans finem, propter suam imperfectionem, non statim cognoscit media necessaria ad illum, ut solet homini euenire. Deinde quamuis admittatur antecedens, cum sua probatione, non tamen sequitur consequentia. Siquidem cum voluntas feratur in obiecta, ut bona, hinc est quod cum aliqua sint in se bona, & alia ratione alterius, ideo non ex imperfectione voluntatis, sed ex ipsis obiectis prouenit, quod non possint omnia uno actu simul amari. Hoc autem non valet de intellectu, qui cum inueniat in obiectis veritatem secundum se, ideo si sit perspicax, ut angelicus, potest simul omnia ad se trahendo cognoscere, præsertim cum habeat species proprias singulorum.

Ad 3. Distinguo maiorem, non possunt illæ formalitates oppositæ convenire eidem cognitioni respectu eiusdem, concedo: respectu diversorum, nego. Et ratio est, quia potest in angelo una, & eadem cognitio esse virtualiter multiplex, in ordine ad diversa objecta, quorum unum sit directum, & aliud indirectum, ut accidit in casu allato ab arguente, in quo angelus intendens cognoscere e. g. arcana Petri, se applicat ad cognoscenda signa externa, cuiusmodi sunt motus corporis, vox, color &c. Objectum ergo directum sunt arcana, & alia solum indirectum. Atque adeo quia cognitio denominatur à solo objecto directo, ideo quia illud cognoscit solum probabiliter, cognitio est simpliciter probabilis, quamvis denominetur etiam quasi per accidens necessaria, quatenus tendit in illa signa externa, tamquam in rationem obiectivam aliud cognoscendi. Præterquam quòd posset etiam admitti simpliciter maiori, negari minor. In casibus enim assignatis, non daretur una cognitio, sed plures, cum successione unius ab alia, etiam cum dependentia posterioris à priori. Quia tamen non esset dependentia ab alia tamquam à causa, sed solum tamquam à conditione sine qua non, ideo angelus formaliter non discurreret, ut supra diximus.

Ad

Ad 4. Nego consequentiam . Primum quia hoc ideo convenit homini , quia utitur phantasmatibus , & nisi discurreret , plerasque veritates non cognosceret , quia proprias illarum species non habet . Quare potentia discursiva , quia fuit illi data in remedium ignorantiae , ideo non est illi simpliciter perfectio , sed solum ex suppositione imperfectionis , qua non supposita , esset simpliciter imperfectio . Sed in angelis quia habent rerum naturalium species , per quas possunt immediate attingere , non solum veritates incomplexas , sed etiam complexas , non datur hac ignorantia . Ergo si daretur potentia discurrendi , esset illis simpliciter imperfectio , nec posset induere rationem perfectionis , ex capite depulsionis defectus . Deinde res immateriales , quia non cadunt sub sensum , essent omnino hominibus ignotae , nisi per discursum innotescerent . Ergo quia potentia cognoscendi augetur in illo per potentiam discurrendi , auget etiam perfectionem , saltem extensivam , quod non valet de angelis , quibus immaterialia per se patescunt , intra latitudinem perfectionis specierum . Ergo quia potentia discurrendi , ex una parte nullam illis augeret perfectionem , & ex alia illam imminueret in modo cognoscendi , esset simpliciter imperfectio .

Ad 5. Nego antecedens, cuius rationem afferemus articulo sequenti.

ARTICVLVS III.

An angeli cognoscant componendo, & diuidendo?

SCOTUS in 2. d. 7. q. 1. respondet affirmatiue, cui adherent Suarez & Vasquez, determinando tamen dictum ad sola obiecta supernaturalia, & quæ cognoscuntur per coniecturas, & alij. Primum quia potest angelus per solas species hominis, & lapidis illos cognoscere per simplicem apprehensionem, & deinde per aliam speciem disconuenientiz, negare lapidem de homine. Ergo potest aliquid cognoscere diuidendo.

2. In prima operatione intellectus, nec datur veritas, nec falsitas, ut docuimus in logica. Ergo si Angelus non haberet, nisi primam operationem quæ est simplex apprehensio, neque posset habere cognitionem veram, neque falsam, quod est absurdum. Consequentia patet. Antecedens urgetur, quia (ut diximus in lib. perier.) veritas formalis habetur per conformitatem cum obiecto, sicut falsitas per difformitatem, quæ solum conueniunt iudicio, & illationi.

3. Potest simul Angelus cognoscere, extrema diuersorum ordinum, dicendo

e. g.

e. g. Petrus habet gratiam sanctificantem .
In tali casu componeret unum conceptum cum alio . Cum enim per species naturales non possit representari gratia , nec poterit cognosci per cognitionem naturalem . Ex alia parte haberet cognitionem naturalem Petri , cuius habet speciem . Ergo simul haberet duos conceptus , alterum gratiæ , & alterum Petri , & ideo componeret unum cum alio .

Conclusio , Angeli non cognoscunt componendo , aut diuidendo . Ita D. Thomas hic q. 58. ar. 4.

Probatur , Intellectus iudicativus servat talem ordinem in cognoscendo , ut ex prima operatione transeat ad secundam , & ex hac ad tertiam . Sicut enim non potest componere , vel diuidere quæ non cognoscit , ita non potest inferre , nisi prius iudicauerit . Atque adeo sicut à simplici apprehensione mouetur ad iudicandum , ita à iudicio mouetur ad inferendum , ut probauimus in libris priorum , & posteriorum . Sicut enim non possum dicere , *in aqua est ignis* , nisi prius , cognouerim aquam , & ignem ; ita non possum inferre , ergo *calefacit* , nisi prius affirmauerim , quod ignis sit in aqua ; cum simplices apprehensiones ignis , & aquæ non sufficiant , ad hoc ut mouear immediate ad hanc illationem , ut patet ex eo , quod possit ignis esse remotus ab aqua ,

Y S quæ

quæ proinde nec esset feruens, nec calefaceret. Ergo necessario inter hos actus requiritur hæc subordinatio, ut illatio pendeat à iudicio, & iudicium à simplici apprehensione. Et ratio à priori est, quia simplices extremorum apprehensiones representant solum ex parte obiecti terminos incomplexos, ut essent in casu allato ignis, & aqua, sicut probauimus in dispo. met. lib. 3. disp. 1. art. 2. Ergo eorum complexio, seu diuisio debet attingi per aliam operationem, quæ sit natura posterior, cuiusmodi est iudicium, quod quia aliquando non sufficit, deueniendum est ad discursum. Hoc autem prouenit ex eo, quòd intellectus humanus non cognoscat, nisi per sensus. Ergo non format simplicem apprehensionem, nisi de ijs, quorum dantur phantasmata, quæ cum non exprimant rerum complexiones, ut diximus in 2. art. ideo hæc formatur solum de rebus incomplexis, vel de complexis ad modum incomplexarum, quatenus cognoscit plura per modum unius. Unde sequitur, quòd cum simplices apprehensiones tendant simplici quodam intuitu in obiecta, non comparant unum cum alio, & ideo non cognoscunt eorum convenientiam, vel disconvenientiam, unde petant componi, vel diuidi. Ergo hæc comparatio spectat ad iudicium subsequens, quòd proinde componit, vel di-

uidit,

vidit, iuxta conuenientiam, vel disconuenientiam, quam per talem comparationem deprehendit in obiecto . Angelus autem quia cognoscit independenter à phantasmatis, & perfectissimè apprehendit, cognoscendo non solum principia, cum suis conclusionibus, sed etiam quolibet extrema cum suis conuenientijs, & disconuenientijs, ideo ex tali cognitione, non transit ad iudicium, & ex illo ad illationem; & per consequens omnia cognoscit per unicum actum, nempe per simplicem apprehensionem, quæ sola æquiualeat iudicio, & illationi .

Ad 1. Nego antecedens . Et dico, per unum, & eundem actum cognosci ab angelo extrema, & eorum conuenientiam, siue disconuenientiam . Cognoscendo ergo hominem quidditatiuè, cognoscit illi non conuenire leonem, equum &c. ita ut hæc cognoscat solum abstractiue, ut illi repugnantia, ad quod sufficit sola species hominis, qui proinde cognoscitur directè, & alia indirectè .

Ad 2. Nego antecedens . Ad cuius probationem dico, doctrinam allatam valere solum de operationibus intellectus humani, qui ob suam imperfectionem, & dependentiam à phantasmatis, non potest per unam operationem cognoscere extrema, eorumque complexiōem obiectiuam, ut dictum est . Intellectus

verò angelicus, quia est perfectissimus, ideo per simplicem solam tendentiam in obiecta, cognoscit quidquid à nobis cognoscitur per iudicium, & illationem, adeoque quia illis æquiualeat, habet virtutalem conformitatem cum obiecto, sufficientem ad veritatem formalem. Disformitatem verò non potest habere, nisi modo supra explicato.

Ad 3. Nego minorem. Ad cuius probationem dico, ab angelo in tali casu cognosci per simplicem intuitum utrumque, sed diuersimodè. Nam si supponamus quod cognoscat intuitiue Petrum, Petrus erit eius obiectum primarium, & directum, & gratia erit solum indirectum, & secundarium. Et quia actus specificatur ab obiecto primario, & directo, hic actus erit solum naturalis. Si oppositum contingat, erit solum supernaturalis, ex supernaturalitate obiecti primarij. Species ergo naturalis, licet non possit representare quidditatiue gratiam, potest tamen abstractiue, eo modo quo species creaturæ representat creatorem.

ARTICULVS IV.

An angelus possit simul cognoscere plura, ut plura?

Videtur non posse, ut communiter propugnatur in schola D. Thomæ.
Primo

Primo quia vel cognosceret per unum *m* actum, vel per plures? Non primum, quia uni cognitioni correspondet unum obiectum. Neque secundum, quia sicut plures colores, & figuræ non possunt simul esse in eodem corpore, ita nec plures cognitiones in eodem intellectu, quæ differunt specie inter se, eò quia putent, plura accidentia diversa speciei non posse simul esse in eodem subiecto. Hoc autem probant, quia qualibet forma est ultima actualitas potentia. Est autem impossibile, quòd eidem potentia simul conueniant plures ultimæ actualitates, aliter essent ultimæ, & non essent.

2. Vnitas motus habetur per unitatem termini, ut docuimus in 3. phys. Ergo unitas cognitionis per unitatem obiecti specificatiui. Sed plura ut plura, quia singula sunt obiecta adæquata, sunt etiam specificatiua. Ergo si conuenirent eidem cognitioni, esset, & non esset una, quod illi repugnat.

3. Si posset simul attingere plura ut plura, posset discurrere, vel saltem componere, aut diuidere. Sed utrumque reiecimus ab angelo. Ergo etiam debet reijci antecedens, quod valet etiam de intellectu humano.

Conclusio, Non solum per plures cognitiones, sed etiam per vnā, eandemque potest Angelus simul cognoscere plura ut plu-

ra. Ita Gregorius, Valentia, Durandus, & alij.

Probatur prima pars (quam tenet etiam noster Gibbo) Primò quia de facto angelus beatus videt Deum per lumen gloriæ, & per suam substantiam videt seipsum; & præterea quia retinet species infusas, potest per illas cognoscere alia obiecta naturalia. Sed hæc sunt diversi generis, & ordinis. Ergo sunt plura, ut plura. Deinde, potest idem corpus simul moveri motibus contrariis, nam simul homo potest attollere sursum unam manum, & aliam infra detrudere. Præterea potest etiam secundum eandem partem simul remissè calefieri, & frigesieri, & secundum diversas partes etiam in gradu intenso. Ergo etiam poterit idem intellectus angelicus, immò & humanus, uti diversis speciebus, ad simul plura diversissima cognoscenda per plures actus, in quo ne umbra quidem apparet repugnantia.

Probatur secunda pars, potest eadem potentia visiva simul per unum actum attingere album, & nigrum, ut patet in legentibus, qui simul vident in charta alba nigros caractes. Ergo etiam intellectus potest per unum actum eadem simul intelligere. Præterea per speciem distinctionis, quæ est inter equum, & leonem cognoscit simul utrumque; immò (ut dictum est supra) per solam speciem equi

cognoscit in illo prædicatum essentialiter exclusivum leonis, & omnium aliorum, quæ non sunt equus. Ergo sicut in secundo casu cognoscit in recto, & distinctè equum, & simul in obliquo, & mixtis distinctè leonem; ita in primo cognoscit æquè primò distinctè, & in recto utrumque extremum distinctionis, sicut de facto cognoscitur à Deo. Ergo etiam per unum actum cognoscit simul plura, ut plura. Denum si sint hic quinque canes, & illic decem, cognoscit distinctè, hos esse plures, quàm illos. Ergo non cognoscit illos per modum unius, sed per modum plurium.

Vnde patet responsio ad 1. Ad cuius primam probationem de unitate obiecti, respectu unius cognitionis, dico, vel hanc unitatem accipi obiectivè, ita ut singulis obiectis debeant correspondere singulæ cognitiones distinctæ, & est omninò falsum; Sicut enim una visio tendit in plura colorata, æquè, vel debitè applicata, ita & una cognitio in plura intelligibilia, quæ simul sui species emittant, vel quorum species simul infusæ habeantur, vel accipitur formaliter, in ordine ad intellectum, ita ut illa plura, quæ simul percipiuntur, in illo uniantur, per unitatem extrinsecam actus, vel specierum. Et ultro admitto huiusmodi unitatem, quæ nullo modo fauet arguenti; & si de
has

hac sola procederet quaestio, esset omnino fatuitas, & non quaestio, cum nullus unquam somniauerit, cognosci simul ab uno intellectu plura, quorum simul species non habeat. Ad secundam, quod plures cognitiones non possint esse simul, nego suppositum, cum praemissae sint simul cum conclusione, ut probauimus in lib. prior. licet sint diuersae speciei, & simplex apprehensio cum iudicio. Nec valet paritas colorum, & figurarum. Nam cum haec consistant in tali partium situatione, se inuicem destruunt. Quod idem dico de coloribus, qui cum fiant ex tali temperie, primarum qualitatum, non possunt simul in eodem subiecto integri conseruari. Ceterum alias formas accidentales esse simul in eodem subiecto, patet, nam color, calor, ubi, duratio, & quantitas in simul associantur. Ergo non ideo figurae, & colores sunt eidem incompatibiles, quia sunt plures, sed quia tales, quod non conuenit cognitionibus. Vnde patet responsio ad rationem à priori. Siquidem si omnis forma accidentalis esset ultima actualitas, nulla potentia posset simul habere plura accidentia, quod vidimus esse falsum, eò quia hoc solis conueniat formis substantialibus.

Ad 2. Dico primò, argumentum siquid probat, probare solum, quod non possit angelus per unam cognitionem attingere
plura

plura ut plura, non autem quod non possit per plures. Deinde neque probat contra unam cognitionem. Sicut enim in motu unitas termini non sumitur pro uno loco indivisibili, sed pro complexo plurium, etiam solum analogice convenientium, ut sunt fluvius, terra, homines, & iumenta, quæ constituunt aliquam urbem, & aliquando etiam regionem, ad quam itur; ita plura ut plura, possunt dici unum obiectum adæquatum eiusdem cognitionis. Quamvis enim singula essent apta per se mouere intellectum ad se cognoscenda, tamen in tali concursu, de facto neque mouent, neque terminant adæquatè talem cognitionem, sed singula sunt solum obiecta inadæquata. Et ratio est, quia cum hæc cognitio sit virtualiter multiplex, æquiualeat pluribus, quarum singula respicerent singula illa plura, ut obiecta adæquata. Ergo quia illæ cognitiones uniuntur in unam per identitatem, ideo respectu huius cognitionis, nullum ex his obiectis est adæquatum, eo modo quo supra diximus de visione sensibili, quæ si feratur simul in colorem, & lucem, siue in colores oppositos, ut album, & nigrum, utrumque licet disparatum, vel oppositum, respicit per modum unius obiecti adæquati, de cuius ratione non est, quod vel sit unum in se, vel constituatur ex pluribus uniuocè convenientibus, sub aliqua
ratio.

ratione communi.

Ad 3. Nego sequelam, quia cùm simul
omnia cognoscantur, non fit transitus ex
cognitione unius, ad cognitionem alte-
rius.





DISPUTATIO XII.

*De obiecto extrinseco cognitionis
angelicæ.*

Quia disp. 10. art. 3. probauimus, angelos cognoscere se ipsos per suam substantiam, ideo nè eadem repetamus, agemus tantum de obiecto extrinseco eorum cognitionis. Quæremus ergo 1. An, & quomodo alios angelos naturalia, etiam singularia, & alia obiecta cognoscant? 2. An, & quomodo cognoscant naturaliter Deum? 3. An cognoscant præterita, & futura? nostros actus liberos, & secreta cordium: mystéria gratiæ, & alia ordinis supernaturalis?

ARTICVLVS I.

An angeli se mutuo cognoscant per species infusas?

Videtur quòd non, Primò quia non desunt qui dicant, quemlibet angelum

gelum per suam substantiam cognoscere se, & alios angelos, non solum tamquam per principium immediatè elicitiuum cognitionis, sed etiam tamquam per speciem intelligibilem, ut videre est penes D. Thomam q. 8. de ver. ar. 7. ubi confutat hanc opinionem. Fundamenta possunt esse, Primo quia essentia cognoscentis, est similior essentiae alterius angeli, quam Dei. Sed quilibet angelus potest per suam essentiam Deum cognoscere. Ergo multò magis alios angelos 2. Non est minoris perfectionis in angelo intelligere, quam intelligi. Sed omnis angelus est per suam substantiam intelligibilis ab alijs. Ergo per eandem est aliorum intellectivus.

2. Videtur quòd unus angelus cognoscat alium per suam substantiam, tamquam per medium cognitum, ut propugnat Vasquez disp. 205. c. 1. quamvis dictum restringat ad cognitionem abstractiuam. Fundamentum desumitur ex libro de causis prop. 8. ubi dicitur, *intelligentia intelligit quod est sub se, & supra se, per modum suae substantiae*, hoc est per cognitionem suae substantiae, & instar illius. Ergo quia cognoscunt illam per illam, ut probauimus disp. 10. ar. 3. etiam alios cognoscunt per suam substantiam, non tamquam per speciem, sed tamquam per medium cognitum.

3. Videtur quod essentia angeli cogniti sit species intelligibilis sufficiens, ad hoc ut ab alijs cognoscatur. Primò quia ubi datur maior similitudo, ibi datur maior intelligibilitas. Sed essentia angeli est magis similis intellectui alterius angeli, quàm sui species. Ergo per illam est magis intelligibilis. 2. Aug. tom. 3. 12. super Gen. ad litt. c. 24. ait, *intellectualis visio est earum rerum, quarum similitudines non sunt aliud, quàm earum essentia*. Ergo cum angeli se cognoscant visione intellectuali, eorum similitudines non sunt aliud, quàm eorum essentia.

Conclusio, *Nullus angelus cognoscit alium per suam essentiam, vel per essentiam cogniti, sed omnes cognoscunt alios per infusas eorum species*. Ita D. Tho. hic q. 56. art. 2.

Probatur prima pars, cognitio clara, & perfecta non potest haberi, nisi obiectum contineatur in intellectu cognoscentis, ut fiat illi intelligibiliter præsens. Essentia autem cognoscentis nullo modo continet alios angelos; neque enim illos continet in esse reali, ut patet, quia non est illorum causa, seu effectiva, seu conservativa: neque in esse intentionali, quia non est instituta ad illos representandos, sicut sunt species. Ergo non potest esse medium ad eorum cognitionem claram, & perfectam, quamvis fortasse posset esse medium,

medium, ad cognitionem aliquam imperfectam, quatenus cognoscendo in propria essentia conuenientiam cum alijs in natura, illos cognosceret abstractiue.

Probatur secunda, quia licet alius angelus possit esse substantialiter præsens secundum locum, non tamen potest esse illi intentionaliter præsens per modum speciei. Siquidem cum non possit illi uniri per inhærentiam, neque per illapsū, qui conuenit soli Deo, nullo modo potest in alieno intellectu gerere munus speciei, respectu sui. Neque obstat, quod essentia Dei possit per se ipsam concurrere per modum obiecti, cum intellectu beati, ad visionem sui, ut diximus in trac. de visione. Nam hoc illi conuenit, quia est prima intelligibilitas obiectiua, seu primum obiectum intelligibile in actu, adeoque continet eminenter quidquid perfectionis reperitur in quolibet obiecto intelligibili. Præterea est idem realiter cum principio effectiuo, & conseruatio potentie beati, eiusque actui, ut inibi dictum est. Ergo potest per se ipsam concurrere immediatè, etiam obiectiue, ad sui visionem. Hæc autem non conueniunt essentie angeli. Ergo nulla est paritas.

Probatur tertia, Principium quo, debet subordinari principio quod, ut patet inductione. Sed in angelo cognoscente
alium

aliū angelum, nihil potest subordinari
eius intellectui per modum principij quo,
nisi eius species intelligibilis. Ergo sola
species gerit vicem principij quo; adeoque
est illi omninò necessaria ad eius cogni-
tionem. Probatur minor, principium
quod in cognitione est intellectus intelli-
gens. Sed illi neque subordinatur propria
substantia cognoscentis, neque substan-
tia cogniti, quæ ab illo non dependent.
Ergo sola cogniti species subordinatur.
Hoc non valet de essentia angeli, respec-
tu cognitionis sui, quia cum sit idem,
realiter cum intellectu, vel non patitur
subordinationē, vel potius illum sibi sub-
ordinat, quem trahit ad sui cognitionem,
quæ proinde est illi necessaria. Neque
valet de diuina essentia, quæ dum con-
currit per modum obiecti cum intellectu
beati, concurrat etiam effectiue, ut di-
ctum est; adeoque potius illum sibi subor-
dinat, quam fecundat per modum causæ
formalis extrinsecæ.

Confirmatur, non potest angelus alio
modo fieri alteri intelligibiliter præiens,
ut dictum est. Ergo debet fieri per spe-
ciem, ad hoc ut ab illo cognoscatur, ut
docet hic D. Thomas q. 56. ar. 2. & præ-
cipue in resp. ad 3. dicens, *Vnus angelus
cognoscit aliū per speciem eius in intelle-
ctu suo existentem, quæ differt ab alio an-
gelo, cuius similitudo est.*

Vnde

Vnde patet responsio ad obiecta . Sed quia continent specialem difficultatem , ideo placet eorum fundamenta examinare . Ad 1. Ergo primi nego consequentiam , quia nullus angelus est effectus alterius , & omnes sunt effectus Dei . Ergo quia in se continent imaginem creatoris , possunt illum representare , quod non valet de alijs . Ad 2. Nego consequentiam , propter rationes allatas , quæ non militant aduersus intelligibilitatem passiuam angelorum , quæ cum sequatur eorum essendi modum , non requirit ullum superadditum , sicut requirit intelligibilitas actiua proxima , de qua est quaestio .

Ad fundamentum secundi respondeo cum D. Thoma q. 8. de veritate ar. 7. hoc dictum fortasse posse sustineri secundum errorem veterum philosophorum putantium unum angelum produci ab alio , non autem secundum catholicam veritatem . Nam vel supponimus , angelos differre inter se specie , vel non ? Si primum , ergo quia differrent essentialiter , cognitio unius non posset esse via ad cognitionem alterius , ut patet . Si secundum , ergo quia essentia unius non conueniret cum alijs , nisi secundum prædicatum commune specificum , non posset esse medium , nisi ad cognitionem abstractiuam , de qua hic non loquimur .

Ad 1. tertij dico , essentiam angeli cogniti

gniti esse similiorem intellectui cognoscentis, in ratione entis, non autem in, esse intelligibili, quam eius speciem. Et ratio est, quia species unitur per inhzrentiam cum intellectu, illum informando per modum luminis, & imaginis, si sermo sit de speciebus distinctis, cuiusmodi sunt infusæ. Hoc autem non potest convenire substantiæ cogniti, ut dictum est. Ergo non potest facere angelum in actu, sed solum in potentia, & remotè intelligibilem, quod non sufficit ad hoc ut actu intelligatur. Ergo species facit maiorem similitudinem in esse intentionali. Ad 2. Dico, Augustinum loqui de similitudine obiectiua cognoscendorum, in ratione entis, fundante cognoscibilitatem remotam, & hanc inquit haberi per essentias rerum, ad differentiam sensus, in ordine ad quem similitudo fundans sensibilitatem, habetur per accidentia, quæ solum sunt directè, & per se sensibilia, ut dicitur in 3. de anima. Ergo non loquitur de similitudine intentionali, quæ habetur per speciem.

A R T I C V L V S II.

*An angelus cognoscat naturaliter Deum
per suam substantiam?*

Videtur non cognoscere, Primò quia cognitio fit per assimilationem, ut

X

di.

dictum est. Ergo ubi datur maior similitudo, ibi datur maior cognoscibilitas, tam ex parte rei cognitæ, quam ex parte mediij cognoscendi. Ergo ex opposita ratione, ubi datur minor similitudo, ibi datur minor cognoscibilitas. Sed inter Deum, & angeli substantiam datur minor similitudo, quàm inter unam substantiam, & aliam ipsorum angelorum. Ergo si substantia unius non potest esse species, seu medium ad cognoscendas alias, à fortiori non potest esse ad cognoscendum Deum.

2. Posset angelus cognoscere Deum perfectiori modo, per speciem aliquam infusam, ut docent Scotus in 2. d. 3. q. 3. & Marsilius in 2. q. 7. ar. 1. Ergo cum nos in tract. de vis. admiserimus possibilitatem talis speciei, non debemus recurrere ad substantiam cognoscentis.

3. Si angelus per suam substantiam cognosceret Deum, transiret ex cognitione sui, ad cognitionem Dei; adeòque discurreret. Hoc autem non esset, si cognosceret Deum per speciem; siquidem species non esset medium ut cognita, sed solum ut representans Deum. Ergo quia negavimus angelo discursum, debemus etiam negare, quod cognoscat per suam substantiam naturaliter Deum.

4. Per suam substantiam non potest angelus Deum cognoscere, nisi abstractivè, & confusè. Sed hoc videtur indignum per-

perfectiōne intellectus angelici . Ergo dicendum est, quòd illum clarè per speciem cognoscat .

Conclusio, Quamvis posset angelus naturaliter Deum cognoscere per speciem, tamen probabilius est, quòd cognoscat per suam substantiam, non tamen intuitivè.

Primam partem probavimus in trac. de visione, cum Scoto, & suis . Nunc probamus secundam, cum D. Thoma hic q. 56. ar. 3. Primo quia angelus est essentialiter à Deo dependens, à quo creatus est . Ergo cognoscendo intuitivè, suam substantiam, cognoscit in illa dependentiam à Deo, tamquam à causa . Est autem impossibile, cognosci clarè dependentiam essentialem effectus à causa, quin cognoscatur ipsa causa . Ergo per cognitionem sui cognoscit Deum . Et ideo ait Apostolus ad Rom. 1 . *Invisibilia ipsius à creatura mundi, per ea quæ facta sunt intellecta conspiciuntur; sempiterna quoque eius virtus & divinitas.* Et hoc valet etiam de hominibus, de quibus proinde concludit Apostolus, quod *sint inexcusabiles*, si Deum negent .

2. Qui cognoscit perfectè similitudinem, & imaginem Dei, cognoscit per illam Deum, cum imago sit signum imaginati . Sed in angeli substantia datur imago, & similitudo Dei, & quidem perfectiori modo, quàm in homine, qui ad si-

militudinem, & imaginem Dei creatus est, ut dicitur Genes. i. Ergo angelus in sua essentia perfectius cognoscit Deum, quàm homo in sua. Et ideo docet hic D. Thomas, *Quia imago Dei est in ipsa natura angeli impressa, per suam essentiam angelus Deum cognoscit; inquantum est similitudo Dei.* Ex quibus patet, essentiam angeli non solum habere rationem speciei, in ordine ad cognitionem Dei, sed etiam mediij cogniti, quo, & in quo Deus cognoscatur, cum hoc uno discrimine, quòd ipsa essentia angeli respectu talis cognitionis, habeat rationem obiecti primarij, & Deus secundarij.

Probatur tertia, ad cognitionem intuitivam requiritur quod clarè cognoscatur totum obiectum, prout est in se realiter existens, & subsistens, ut toties diximus. Sed est impossibile quòd per essentiam, seu in essentia angeli cognoscatur taliter Deus. Ergo non cognoscitur intuitivè. Probatur minor, essentia angeli cum sit finita, & limitata, non potest esse medium ad cognoscendas perfectiones Dei, quæ sunt simpliciter infinitæ. Ergo non potest manuducere, nisi ad eius cognitionem inadæquatam, imperfectam, & abstractivam. Et hæc est ratio, cur in tract. de vis. disp. 9. ar. 5. probaverimus universaliter, Deum in nulla creatura posse clarè cognosci; immò nullam creaturam posse

posse in alia perfectè cognosci, eò quia singulæ creaturæ habent aliquam perfectionem incommunicabilem, quæ in alijs elucere non potest.

Ad 1. Nego consequentiam. Et ratio est, quia unus angelus non est effectus, & subinde nec imago alterius, sicut est Dei. Ergo licet respectu alterius, habeat maiorem similitudinem in ratione entis, quàm respectu Dei, non tamen potest illum representare, sicut potest Deum, eò quia ad representandum aliud, non attendatur similitudo, fundata in convenientia prædicatorum, sed similitudo intentionalis, fundata in expressione, & dependentia, quæ habetur per solam causalitatem.

Ad 2. Nego consequentiam, quia cum in loco citato dixerimus, non esse possibilem speciem impressam Dei, nisi supernaturaliter, ut docuimus de lumine gloriæ, ex tali specie non haberetur cognitio naturalis, de qua hic loquimur. Ergo per hoc quòd angelus per illam perfectius cognosceret Deum, non tamen sequitur quod per illam de facto cognoscat in via naturæ.

Ad 3. Nego antecedens. Et dico quod angelus per eandem cognitionem, qua se cognoscit, cognoscit etiam in se imaginem Dei, & per illam etiam Deum. Ergo non discurrit.

Ad 4. Nego minorem. Et dico, non

X 3 esse

esse indignum angelo, quod eius naturalis modus cognoscendi, proportionetur eius naturali modo essendi. Ergo cum hic sit finitus, & limitatus, non potest ille proportionari obiecto infinito, & illimitato. Atque adeo cum videt clarè Deum, hoc non ei evenit ex debito, sed ex gratia elevationis ad altiorem ordinem sibi indebitum.

A R T I C V L V S I I I.

An singuli angeli comprehendant omnes alios, se ipsos, & qualibet naturalia?

Videtur 1. quòd omnis angelus ordinis, vel speciei superioris comprehendat omnes alios inferiores, ut docent communiter Thomistæ. Primo quia virtus intellectiva superioris, non solum adæquat, sed excedit passivam intelligibilitatem cuiuscumque inferioris. Ergo potest illos cognoscere quantum sunt cognoscibiles, quòd est proprium comprehensionis. Deinde Angelus inferior se comprehendit, cum eius passiva intelligibilitas non excedat eius intellectivam virtutem. Sed angelus superior cognoscendo intuitivè eius substantiam, cognoscit etià eius comprehensionem per modum obiecti. Ergo cognoscit eius terminum, adèoque per illam, tamquam per medium cognitum, eius substantiam comprehendit.

2. Vi-

2. Videtur quod etiam angeli inferiores comprehendant superiores, ut aperte opinantur Salmaticenses hic disp. 6. dub.

3. secuti Bannes, Gonzalez, & Sotum. Primò quia angelus inferior habet species proprias superiorum. Sed hæ cum sint adæquatè representatiuæ illorum, sunt etiam intuitiuæ, & comprehensiuæ. Ergo per has illos comprehendit. 2. Angelus inferior cognoscit omnia, quæ sunt formaliter, aut eminenter in superiori, eò quia hæc omnia sint ex se naturaliter cognoscibilia; aliter nec angelus superior cognosceret naturaliter omnia, quæ sunt in inferiori. Ergo illum comprehendit.

3. Ita arguit Gabriel à S. Vincentio, ad comprehensionem duo requiruntur, alterum quod species sit connaturalis: & alterum quod cognitio connaturaliter sit in cognoscente. Sed species, & cognitio angeli superioris sunt connaturales inferiori. Ergo hic illum comprehendit.

3. Videtur quod saltem angelus inferior comprehendat superiorem, per virtutem naturalem perfectam, & roboratam per illuminationem ipsius angeli superioris, ut docet Io: à S. Thoma. Primò quia superior illuminando inferiorem, se illi manifestat. Et deinde quia eleuat eius lumen naturale ad suum ordinem. Ergo datur adæquatio inter cognoscens, & cognoscibile, quæ sufficit ad comprehensionem.

4. Videtur quòd omnis angelus comprehendat hominem, & quolibet alia obiecta naturalia. Primò quia habet species adequatas illorum. Et deinde quia nihil eorum est angelis incognoscibile. Ergo ita hæc cognoscunt, ut nihil eorum lateat videntem, adeòque per cognitionem comprehensivam.

Conclusio, Neque angeli inferiores comprehendunt superiores, neque superiores comprehendunt inferiores, aut sibi æquales, & nullus angelus comprehendit hominem, aut aliud quodlibet obiectum naturale, verà comprehensione.

Probatur prima pars, quam tuerentur Suarez, Vasquez, Gibbo, Esparza, & (quod mirum est) ipse Gonettus, Nazarius, & Serra. Primò quia nulli substantiæ intellectiue est debita cognitio perfectior, quàm sit comprehensio sui, ut probauimus in trac. de visione. Sed comprehensio angeli superioris esset multò perfectior, quàm comprehensio inferioris. Ergo hæc non potest esse illi connaturaliter debita.

2. Comprehensio debet adæquare cognoscibilitatem obiecti. Sed cognitio inferioris non potest adæquare cognoscibilitatem superioris. Ergo non potest esse comprehensiva. Probatur minor, modus cognoscendi sequitur modum essendi. Ergo modo essendi imperfectiori non potest

test competere modus cognoscendi perfectior, cuiusmodi esset comprehensio superioris, docente D. Tho. 2. con. Gen. c. 98. *Substantia sepeata inferior cognoscit superiorem, secundum modum substantiæ cognoscentis, non secundum modum substantiæ cognitæ.*

Probatur secunda, quam propugnat Vasquez hic disp. 205. c. 3. Primò quia, ad veram comprehensionem requiritur, quòd exhauriat totam cognoscibilitatem passivam, ita ut nihil obiecti lateat cognoscentem. Sed angelus superior non exhaurit totam cognoscibilitatem passivam inferioris. Ergo illum non comprehendit. Maior patet ex definitione. Minor probatur, primò quia actus liberi non cognoscuntur ab angelo superiori, ut infra videbimus. Ergo non cognoscitur quidquid est formaliter in inferiori. Neque obstat quòd hi non spectent ad eius constitutionem, ut communiter respondent aduersarij. Siquidem cum sint angelo intrinseci spectant ad constitutionem illius, non quidem inesse entis, sed in esse obiecti. Sicut enim ad esse obiecti, spectant proprietates, & accidentia, ita spectant actus liberi. Neque enim aliquid perfectè cognoscitur, nisi cognoscatur secundum omnia, quæ formaliter habet. Aliter beati comprehenderent Deum, cuius vident clarè omnia constitutiva, quod in

trac. de vis. reiecit ut absurdum. Deinde non cognoscitur totum illud, quod virtualiter continetur in virtute activa inferioris, hoc est non solum actus liberi illi possibiles, sed etiam cognitiones factibiles. Ad comprehensionem autem causæ debent cognosci omnes effectus illi possibiles, ut admisimus in 1. phys. disp. 2. ar. 12. ad 2. ubi asseruimus, ad comprehensionem materiæ primæ requiri, quod clare cognoscantur omnes formæ illi possibiles, saltem secundum aliquam prædicata. Neque obstat, quod ibidem dixerimus, non esse necessarium, quod hæ formæ cognoscantur secundum rationes particulares differentiales; nam debet intelligi de cognitione comprehensiva, quatenus in comprehensione materiæ non debet includi comprehensio omnium formarum illi possibilium, non autem de cognitione clara, & distinctiva unius ab alia.

2. Si angelus superior comprehenderet inferiorem, daretur una comprehensio perfectior alia. Sed hoc est absurdum. Ergo non comprehendit. Maior patet, quia angelus inferior ita se comprehenderet, ut perfectius comprehenderetur à superiori. Minor probatur primo, comprehensio est cognitio omnium perfectissima, cognoscens obiectum quantum cognoscibile est; aliter non adæquaret eius
cogno-

cognoscibilitatem passivam. Ergo attingit summum gradum in genere cognitionis. Sed est impossibile, dari aliquid perfectius perfectissimo, & maius summo in tali linea. Ergo est impossibile, quod una comprehensio sit perfectior alia de eodem obiecto. Deinde vel hæc perfectior comprehensio superaret aliam secundum extensionem, vel secundum intensionem? Non primum, quia hoc admissio, cognitio inferior non esset comprehensiva, quia non adæquaret obiectum. Neque secundum, quia perfectio intensiva cognitionis, non consistit in alio, quam in hoc, quod sit clarior, & distinctior. Sed excessus in claritate non habetur, nisi per hoc quod à pluribus distinguat obiectum, adeoque quod plura in illo cognoscat. Ergo fundatur in excessu secundum perfectionem extensivam, ut probatum est in logica lib. 2. disp. 1. ar. 7. Vbi ergo non datur excessus extensivus, neque datur intensivus, ut patet in visione materiali, quæ non dicitur clarior, nisi plura cognoscat in obiecto, illudque à pluribus distinguat.

Dices, potest una comprehensio esse perfectior alia subiective, quatenus immanet intellectui perfectiori, licet non possit obiective. Ergo ut est angeli superioris, est perfectior.

Distinguo antecedens, in ratione en-

X 6 *tis,*

tis, concedo: in ratione cognitionis comprehensivæ, nego. Sicut enim triangulum æquilaterum aureum, non est perfectius mathematicè in ratione trianguli, triangulo argenteo; ita neque una comprehensio, in ratione formali comprehensionis, respectu alterius de eodem obiecto, quamvis sit à principio nobilior. Et ratio est, quia cognitio, in esse, cognitionem, sicut specificatur per ordinem ad obiectum, ita per eundem ordinem mensurat suam perfectionem, & non per ordinem ad principium, qui se habet de materiali; & spectat ad illam, ut est actus vitalis, & ut est ens, non autem ut est cognitio. Neque obstat, quòd cognitio angeli sit perfectior cognitione hominis, & hæc sit perfectior cognitione bruti. Nam hoc provenit quidem radicaliter ex maiori perfectione principij, sed formaliter, & proximè ex tendentia perfectiore in idem obiectum, in quo brutum non cognoscit partium symetria, quæ cognoscitur ab homine, & perfectius ab angelo, qui præter illam, cognoscit plura alia prædicata quidditativa, quæ ab homine non cognoscuntur. Ergo mensura cognitionis formaliter sumpta, est obiectum, & non principium.

Quòd si admittas, huiusmodi comprehensiones esse æquales, contra est, quia angelus inferior, cum se cognoscat per suam

suam substantiam, ut dictum est, se comprehendendo, cognosceret in se, non solum prædicata constitutiva, sed etiam accidentalia, ut actus liberos, gratiam &c. quæ non cognoscerentur à superiori. Ergo comprehensio propria inferioris esset perfectior, comprehensione superioris; & ideo non possent esse æquales.

Vnde elicio aliud argumentum, admissis comprehensionibus inter angelos, inferior, & imperfectior superaret perfectiorem, in cognoscendo idem obiectum. Hoc autem repugnat angelicæ subordinationi, exigenti ut angelo perfectiori debeat perfectior cognitio. Ergo non possunt admitti. Neque potest hoc argumentum retorqueri in mutuas cognitiones intuitivas. Siquidem quoad has pariformiter se habent. Sicut enim unus cognoscit alium ut in se existentem, & subsistentem, non cognitis accidentalibus spectantibus ad gratiam, & libertatem, ita cognoscitur ab alio, ut est in se existens, & subsistens, non cognitis alijs. Quia ergo in angelo superiori dantur plures perfectiones, ideo per accidens sequitur, quod inferior perfectius extensive cognoscat, quàm cognosceatur, compensante hunc excessum superiore propria cognitionem, qua se cognoscit, quod non eveniret in comprehensionibus, quæ non essent mutue inter superiores.

494 *Disp. XII. Ar. III.*
perio rem, & inferiore m.

Probatur tertia, & quarta pars ijsdem argumentis. Siquidem cum in angelis eiusdem speciei datur actus liberi, & alia dona supernaturalia, sicut dantur etiam in hominibus, & cum hæc naturaliter ab alijs angelis cognosci clarè non possint, sequitur quod nullus angelus alium quicumque angelum, aut hominem comprehendat.

Probatur ultima pars, nullum est obiectum naturale, quod ita perfectè cognoscatur ab angelo, ut ab alio, siue existenti, siue possibili perfectius cognosci non possit. Quod autem perfectius est cognoscibile, non cognoscitur quantum cognoscibile est: Ergo non comprehenditur. Vnde inferimus, comprehensionem rigorosam soli Deo conuenire, respectu cuiuscumque obiecti, siue creati, siue increati. Atque adeo cum aliqui ex Sanctis Patribus admiserunt possibilem intellectui angelico comprehensionem aliquis obiecti creati, exponendi sunt de comprehensione latè, & improprie dicta, per quam totum cognoscatur obiectum quidditatiuè, ita ut nullum ex eius prædicatis essentialibus lateat cognoscentem, quod est proprium cuiuscumque cognitionis intuitiue, quam solam admittimus in angelis, etiam respectu sui.

AR.

A R T I C V L V S IV.

*Soluntur obiecta, & probatur, nullum
angelum se comprehendere.*

AD 1. primæ sententiæ distinguo antecedens, virtus intellectiva angelī superioris excedit intelligibilitatem inferioris, in ratione entis, concedo: in ratione potentiae, & obiecti, nego antecedens, & subinde etiam consequentiam. Sicut enim homo, quamvis excedat formicam, non tamen potest distinctè cognoscere eius ultimam differentiam; ita licet unus angelus excedat alium in perfectione, intra gradum intellectivum, non tamen potest eius intelligibilitatem exhaustire. Et ratio est, quia quodlibet ens est infinitè cognoscibile; semper enim potest perfectius, & perfectius cognosci, & nulla datur cognitio illius adeo perfecta, ut perfectior dari non possit. Ergo eius cognoscibilitas exhaustiri non potest, nisi per actum virtutis infinitæ, quæ convenit soli Deo. Atque adeo quia per comprehensionem exhaustiretur eius passiva cognoscibilitas, ideo non potest comprehendi, nisi à Deo.

Ad 2. Nego maiorem. Ad cuius probationem dico, intelligibilitatem passivam, quia est passio entis, mensurari ab ente.

ente. Atque adeo quò aliquid est perfectius ens, eò est intelligibilius in se, non tamen est intelligibilius respectu cuiuscumque intellectus, sed solum respectu intellectus infiniti, ad quem solum spectat cognoscere ens ut ens, in tota sua latitudine, cuiusmodi est diuinus. Et ratio est, quia cognitio passionum, & proprietatum non spectat, nisi ad illum, ad quem spectat cognitio earum radices, unde emanant. Quia ergo nullus angelus habet virtutem proportionatam ad cognoscendum ens, ut ens in tota sua latitudine, ideo eius passiva intelligibilitas excedit suam virtutem actiuam, quæ illam adæquare non potest per modum obiecti, quamuis illam adæquet in ratione entis. Et hæc est ratio, cur nullus angelus, immò nulla substantia intellectiua creata se comprehendat. Affero instantiam, materia prima, in ratione entis, exceditur à qualibet forma; à nulla tamen exceditur in ratione actus, & potentiz, eò quia nulla forma potest adæquare per modum actus, eius passiuam capacitatem, quæ extenditur ad omnes formas, quas respicit determinatè, licet appetat indeterminatè, vel hanc, vel illam. Omnis ergo forma expletur per materiam, qua habita, satiatur; non tamen materia expletur per unam formam, sed una habita, respicit etiam alias, quas

potest

Potest habere . Idem proportionaliter
dico de intelligibilitate angeli , respectu
suae intellectualitatis . Hæc enim sitotam
illam attingat , satiatur , non tamen illa ,
ut terminans hanc intellectiuitatem satia-
tur , sed quia est terminabilis per aliam
perfectiorem intellectiuitatem , ideo non
terminatur umquam ab ulla intellectu-
itate , quantum simpliciter est terminabi-
lis , & ideo non comprehenditur , nisi ter-
minetur per actum intellectiuitatis infini-
tæ , qui unus æquiualeat omnibus actibus
quarumcumque aliarum intellectiuita-
tum finitarum , cuiusmodi est sola diuina
cognitio . Ergo nullus angelus se com-
prehendit , sed solum se cognoscit intui-
tiue .

Dices , intelligibilitas passiva ut pas-
sio entis , mensuratur ab ente , ut dictum
est . Ergo sicut intelligibilitas entis ut sic
mensuratur ab ente ut sic , ita intelligibi-
litas talis entis , mensuratur à tali ente .
Sed tale ens est finitum , & limitatum .
Ergo eius intelligibilitas est finita , adeo-
que potest adæquari à virtute intellectiua
finita , & ab eadem comprehendì .

Nego postremam partem consequen-
tiæ . Quamuis enim intelligibilitas huius
entis materialiter sumpta , quatenus dicit
entitatem talis intelligibilis , sit finita , &
limitata , adeoque possit adæquari à vir-
tute finita , hoc est tota cognosci , ita ut
nihil

nihil sui lateat cognoscentem, non tamen est finita, ut formaliter est intelligibilitas, & dicit potentiam ad terminandam sui cognitionem, & ideo à virtute finita comprehendi non potest. Et ratio est, quia ut formaliter intelligibilitas, dicit respectum ad intellectuum ut sic, & terminabilitatem cuiuscumque cognitionis perfectioris, & perfectioris in infinitum; ita ut quomodocumque cognoscatur, semper petat perfectius cognosci, respiciendo quemcumque intellectum, & quemcumque modum illius. Ergo eius terminabilitas, seu attingibilitas est infinita, adeoque à nullo intellectu creato adæquari potest. Sicut enim materia prima potest semper informari perfectiori, & perfectiori forma in infinitum; ita hæc intelligibilitas potest attingi à perfectiori, & perfectiori cognitione in infinitum. Ergo non potest adæquari, & cognosci quantum est cognoscibilis, nisi à cognitione simpliciter infinita, cuiusmodi est divina.

Ad 1. secundæ sententiæ nego minorem. Et dico, species superiorum, quæ dantur in inferiori, esse quidem intuitivas, quatenus repræsentant illos secundum totum, non tamen comprehensivas, quia illos non repræsentant, quantum sunt simpliciter repræsentabiles. Atque adeo sunt adæquatæ adæquatione physi-

ca, non autem metaphysica.

Ad 2. Inprimis, Nego antecedens, propter traditas rationes. Et deinde nego consequentiam, eò quia ad strictam, & rigorosam comprehensionem alicuius, non sufficit, quod totum cognoscatur; aliter omnis cognitio intuitiva esset comprehensiva, sed debet illud totaliter cognosci, hoc est quantum est simpliciter cognoscibile, ut dictum est. Ad 3. Nego antecedens, quod si esset verum, omnis cognitio naturalis esset comprehensiva, quod est fatuitas.

Ad 1. Tertiæ sententiæ. Nego consequentiam. Si enim posset angelus per illuminationem comprehendere, posset etiam comprehendere ab homine, quod repugnat. Præterea non potest angelus se alteri magis manifestare per illuminationem, quam sibi ipsi per intimam præsentiam, & per contactum identitatis. Ergo cum se non comprehendat, nec potest se facere alteri comprehensibilem. Ad 2. Nego antecedens. Cum enim lumen naturale habeatur per species infusas, & hæ fuerint à Deo determinatæ, ad proportionem cum perfectione recipientium, non possunt ab alijs angelis eleuari ad perfectionem sibi indebitam. Aliter possent Seraphim eleuare Cherubim ad suum ordinem, & Cherubim eleuare Virtutes, & sic deinceps, ita ut omnes fiant eiusdem speciei, tran-

transcundo à specie inferiori ad superiorem, quod sine risu audiri non potest. Ergo hæc opinio maximè omnium deuiat à veritate.

Vnde patet responsio ad 1. quartæ. Ad 2. Nego consequentiam quoad ultimam partem. Et dico, illam definitionem, quæ vulgò affertur ex Augustino, quòd videlicet illud comprehendatur, cuius nihil videntem lateat, conuenire quidem comprehensioni imperfectæ, & lato modo sumptæ, cuiusmodi est visio beatifica, non tamen comprehensioni rigorosæ, ut fusè exposuimus in trac. de visione disp. 12. ar. 9. Quia ergo hic loquimur de rigorosa, ex eo quòd angeli cognoscant totum hominem, & omnia naturalia secundum totum, non sequitur quòd illa comprehendant, sed solum quod cognoscant intuituè.

A R T I C V L V S V.

An per eandem speciem, qua angelus cognoscit naturas uniuersales, cognoscat etiam singularia?

Videtur non cognoscere, ut propugnat Scotus in 2. d. 3. q. ultima, cui accedunt plures recentiores, etiam extra eius scholam. Primò quia eadem species simul repræsenteret opposita, quæ
suc-

successiue eueniunt singularibus , nempe notum , & quietem : calorem , & frigus : vitam , & mortem , & alia id genus . Sed hoc est absurdum , quia cum species sint rerum similitudines , haberet simul similitudinem oppositorum . Ergo hoc non conuenit eidem speciei .

2. Quælibet natura specifica continet sub se infinita indiuidua , sicut infinite species continentur sub eodem genere . Ergo si eadem species , quæ repræsentat naturam specificam hominis e. g. repræsentaret omnia indiuidua hominum , repræsentaret infinita , adeoque esset infinita .

3. Quæ non existunt , non possunt intuitiue repræsentari . Sed homines futuri nondum existunt . Ergo non possunt intuitiue repræsentari . Sed species naturarum uniuersalium sunt intuitiue . Ergo non possunt singularia sub illis futura repræsentare . Aliiter nunc illa repræsentarent abstractiue , & deinde cum actu existent , repræsentarent intuitiue , quæ cum dicant diuersum modum repræsentandi , importarent diuersitatem essentialem , eidem speciei repugnantem .

4. Si haberent angeli species futurorum indiuiduorum , cognoscerent quando sint futura , eò quia cognoscerent illud tempus , in quo sunt futura . Hoc autem negatur angelis , ut videbimus . Ergo illorum non habent species .

Con-

Conclusio, *Per eandem speciem, qua angeli cognoscunt naturas específicas, cognoscunt etiam directe omnia, & singula individua earum, etiam possibilia, non tamen omnia simpliciter, sed ea tantum, quæ continentur in virtute physica causarum secundarum, spectantium ad hoc uniuersum. Est D. Thomæ hic q. 57. ar. 2. in corp. & expressius in resp. ad 3.*

Quod angeli cognoscant singularia, non reuocatur in dubium; aliter non possent illa custodire, & gubernare, cum providentia non sit de incognitis. Solum ergo reuocatur in questionem modus illa cognoscendi.

Probatur prima pars ex doctrina Augustini, qui lib. 2. super Genes. ad litt. c. 8. docet, omnia, quæ à Deo condita sunt, fuisse prius intelligibiliter condita, in intellectu angelico, per infusionem eorum specierum. Ergo sicut condita sunt, ita habuerunt sui species in angelis. Sed fuerunt condita, non solum secundum naturas específicas, sed etiã secundum singularia. Ergo habuerunt species, etiam singulariũ. Probatur consequentia. Primò quia si Angeli habuissent ab initio solas species naturarum, vel accepissent deinde ab ipsis obiectis species singularium, vel à Deo? Non primum, quia repugnat dictis disp. 10. ar. 4. Neque secundum, non solum quia repugnat dictis ibid. ubi probauimus,

mus, omnes species fuisse inditas ab initio; sed etiam quia non posset saluari doctrina allata ex Augustino. Et præterea intellectus angelicus non fuisset perfectus in sua creatione, eò quia non fuisset dispositus in actu primo, ad cognoscenda omnia naturalia, cuius oppositum probauimus loco citato. Ergo simul habuerunt species etiam singularem.

Quod autem hæ species non distinguantur, quod hic potissimum inquirimus, Probatur 1. cum Valentia hic disp. 4. q. 8. puncto 1. Non repugnat, quod una, & eadem species distinctè repræsentet naturam specificam, & omnia singularem sub illa contenta, cum omnibus accidentibus, & modis illorum. Ergo cum hoc deceat angelicæ mentis perfectionem, dicendum est, angelos habere huiusmodi species. Consequentia patet ex communi proloquio, quod quæ possunt diuisionem potentiarum inferiores, possint coniunctionem superiores. Ergo si anima nostra cognoscit naturas específicas per potentiam intellectiuam, & species intelligibiles, & singularem materialia, saltem per sensum (abstrahendo nunc ab illa questione an intellectus cognoscat singularem? quamuis nos alibi secuti fuerimus partem affirmatiuam) & species sensitivas, hæc omnia cognoscunt angeli per intellectum, & per species intelligibiles. Antecedens probatur,

batur, quia per hoc neque intellectus angelicus, neque huiusmodi species fiunt simpliciter infiniti, ut patebit solutione secundi. Ergo cum admiserimus in angelis species uniuersales, nulla est repugnantia, quod simul extendantur ad naturas específicas, & earum individua. Præterquamquod in nobis ideo distinguuntur hæ species, quia cum accipiantur ab obiectis, his multiplicatis, & illæ multiplicantur; in angelis verò quia sunt infusæ, cum possint pauca plura repræsentare, frustra fuissent multiplicatæ. Atque adeo sicut species sensuum externorum, uniuntur in sensu communi, ita possunt nostræ species, non solum uniri in eadem potentia angeli, sed etiam in eadem specie.

Probatur 2. cum Thomistis, angelicæ species sunt participatio immediata diuinæ essentia, quatenus gerit vicem speciei. Sed essentia diuina simul repræsentat naturas, & singularitates. Ergo cum hoc non repugnet, nec excedat conditionem taliū specierum, potest illis conuenire per quādam participationem, ut magis assimilentur suæ causæ effectiua, & exemplari.

Probatur secunda pars, Deus non indiget angelis, nisi species eorum, quæ aliquādo erunt in rerum natura, ut partes huius uniuersi, quatenus constituit ordinem naturalem, cuius tantum cognitio angelis debet.

debeatur. Ergo non indidit species, nisi eorum, quæ continentur in virtute causarum naturalium, & quæ aliquando ponentur in actu. Atque adeo illa individua, quæ numquam erunt, & petunt fieri per principia supernaturalia, & illa accidentia supernaturaliter tantum futura, in individuis naturaliter contingentibus, non includuntur in obiecto specierum angelicarum, ut infra probabimus; & ideo ab illis non repræsentantur.

Ad 1. Nego minorem. Ad cuius probationem dico, speciem impressam esse, solum similitudinem virtuales obiecti, quod solum repræsentat in actu primo. Non est autem absurdum, quod eadem forma simul disponat intellectum, ad cognoscenda opposita eo modo, quo sunt futura in obiecto primario. Quia ergo opposita non erunt simul in ullo individuo, sed successivè, ideo repræsentantur, ut convenientia tali obiecto prò diuersis temporibus, quod nullum trahit absurdum.

Ad 2. Patet responsio ex dictis. Siquidem cum species non repræsentet, nisi illa individua, quæ aliquando erunt per causas naturales, non repræsentat infinita, quia nunquam erunt in rerum natura infinita individua sub ulla specie. Quod si loquamur de actibus successivè futuris in æternum, ut sunt cognitiones, visiones &c.

Y

quia

quia hæc sunt infinita, syncathegorematicè, & numquam erunt simul infinita, ideo non possunt refundere in speciem, nisi perfectionem syncathegorematicè infinitam, scilicèt maiorem, & maiorem in infinitum, ita ut numquam habeat simul infinitos gradus perfectionis, sed solum sit in actu ad finitos, & in potentia ad infinitos. Et ratio est, quia vel loquimur de repræsentatione in actu primo, & quia extenditur solum ad infinita actu repræsentabilia, refundit illi solum perfectionem virtualiter infinitam, in tali genere determinato, quæ sicut non repugnat cognitioni creatæ, ut probauimus in 3. phys. disp. 2. ar. 11. ita nec repugnat speciei. Vel de repræsentatione in actu secundo, seu exercito, & cum hæc non sequatur, nisi ad positionem obiecti, cum hoc sit semper finitum, numquam illi refundit infinitatem, quamvis semper augeat eius perfectionem, per gradus virtuales in infinitum. Præterquamquod lumen gloriæ repræsentat de facto exercitè infinitas perfectiones Dei, non tamen est infinitum, quia illas repræsentat finito modo, ita nec species angeli. Vide in 1. phys. disp. 2. ar. 12. ad 2.

Ad 3. Dico, indiuidua nondum existentia, repræsentari solum intuitiue in actu primo, quatenus disponunt intellectum angelicum, ad hoc ut illis positis in actu,

actu, absque vlla alia specie, illa cognoscatur intuitiue. Ergo si consideretur speciei representatio, vt est actu futurorum, est solùm abstractiua, & per solam positionem obiecti, absque vlla sui intrinseca mutatione, fit intuitiua, eo modo quo paries albus A. non existente pariete albo B; est illi similis in potentia, posito autem B. est illi actu similis, absque vlla variatione sui.

Ad 4. Nego maiorem, propter rationes infra afferendas, quas examinabimus articulo sequenti.

A R T I C V L V S VI.

An angeli cognoscant præterita, & futura?

Videntur primò, angeli cognoscere certò per suam naturalem virtutem omnia præterita, vt docet hic Vasquez disp. 208. c. 4. n. 20. Eius fundamentum est, quia scripturæ, & Patres solùm dene-
gant angelis cognitionem certam futurorum. Ergo nulla est ratio, cur illis denegetur cognitio præteritorum, præsertim cum potuerint habere species illorum. Præterea posset hoc roborari, Angeli cognoscunt omnia, quæ sunt in potentia naturali creaturæ. Ergo multò magis quæ sunt extra illam, quamvis transacta.

2. Videntur cognoscere etiam futura. Primò quia Dæmones in oraculis multa prædixerunt. 2. Quæ possunt sciri ab astrologis, possunt etiam ab angelis. Sed illi ex syderum characteribus futura diuinant; nam dicitur Genes. 1. *fiant luminaria in firmamento celi, & diuidant diem, ac noctem, & sint in signa, & tempora.* Ergo & angeli, qui perfectissima pollent astrologia, possunt diuinare. 3. Chiromantici ex manuum signis prædicunt futura, etiam libera, ut legitur Iob. 37. *Qui in manu omnium hominum signat, ut nouerint singuli opera sua.* Ergo & Angeli. 4. Angeli habuerunt species omnium naturalium. Sed futura contingentia sunt naturalia, & angelis proportionata. Ergo habuerunt eorum species, & per illas ea cognoscunt. 5. Cognoscunt omnia singularia, ut dictum est. Sed singula futura seorsim sumpta sunt singularia. Ergo cognoscuntur; & idem valet de eorum durationibus, in quibus erunt.

Prima conclusio, *Angeli cognoscunt omnia præterita naturalia, quæ aliquando cognouerunt ut præsentia, & ea omnia, quæ licet non cognouerint, connectuntur tamen cum aliquo obiecto naturali præsentis.* Alia verò nullo modo cognoscunt. Est ferè communis.

Probatur prima pars, quia cognitio angelica mensuratur æuo. Ergo illo durante,

rante, durat. Atque adeo non possunt obliuisci eorum, quæ semel cognouerunt, præsertim cum semper retineant eorum species, quæ sunt incorruptibiles. Quia tamen duratio præteriti, non coexistit nunc æuo adæquatè, ideo quia illa pars virtualis, cui coexistit, intelligitur transacta, variat extrinsecè denominationem cognitionis, quæ cum duret virtualiter successiuè, æquiualeat pluribus, quarum prima dicitur cognitio, & aliæ dicuntur memoria, & recordatio, licèt realiter perseveret inuariata intrinsecè ipsa prima cognitio. Et idem dico de specie, quæ ubi prius dicebatur intelligibilis, nunc dicitur memoratiua, absque ullo accessu nouæ speciei. Hoc non potest dici de diuina cognitione, quæ cum mensuretur æternitate, quæ nullam admittit successionem partium virtualium, semper cognito coexistit; & ideo sicut essentia diuina, per quam cognoscit, non dicitur memoratiua, ita nec cognitio dicitur memoria, seu recordatio.

Probaturs secunda, quod connectitur cum præsentì determinatè, cognoscitur in illo, vel tamquam eius causa, vel ut extremum connexionis. E. g. calor ab igne relictus, arguit ignem præteritum, & aquæ glaciatio arguit, fuisse excessum frigoris; & sic de alijs. Ergo huiusmodi præterita possunt ab angelis cognosci.

Probatur tertia, quæ angelus nullo modo cognoscit, perinde se habent respectu illius, atsi numquam extiterint. Ergo non possunt in se ipsis cognosci, sicut non cognoscuntur futura, ut videbimus. Ex alia parte quia supponimus, nullum reliquisse sui vestigium, non possunt in alio cognosci. Ergo nullo modo cognoscuntur ab angelis.

2. Conclusio, *Quamvis angeli cognoscant certò futura necessaria, non tamen certò cognoscunt futura contingentia, & multò minùs futura libera.* Est communis cum D. Thom. hic q. 57. ar. 3.

Probatur prima pars, qui cognoscit causas naturali necessitate determinatas ad aliquos effectus, qui non possunt ab alijs secundis causis impediri, ut sunt eclipses, motus planetarum, astrorum aspectus &c. cognoscit etiam ipsos effectus, ex illis secuturos. Ergo quia angeli perfectè cognoscunt omnes causas naturales, earumque combinationes, cognoscunt etiam in illis omnes huiusmodi effectus secuturos. Sicut enim cognoscuntur ab homine, multò perfectiùs ab angelis cognoscuntur.

Probo secundam partem, futura contingentia sunt illa, quæ non habent naturalem, & determinatam connexionem cum suis causis, vel quia pendeant immediate à libero arbitrio, vel quia possunt
ab

ab illo impediri, vel ab alia causa naturali. Primi generis sunt actus liberi interni, siue voluntatis, siue intellectus, de quibus agemus infra. Secundi generis sunt externæ illæ actiones, quæ licet proveniant à causis naturalibus, quia tamen earum applicatio non est simpliciter necessaria, sed potest impediri, ideo dividuntur in tres classes, nempe in ea, quæ plerumque sequuntur ex suis causis, ut est sanitas e sumptione pharmacorum: in ea, quæ omninò contingenter cum causis connectuntur, cuiusmodi sunt, quòd aliquis deambulando cadat, quòd rixetur cum alio, quòd ludendo aleis, vel talis amittat pecuniam &c. & in ea, quæ necessariò sequerentur, nisi impedirentur, ut esset naufragium, nisi nautæ vela colligerent, & anchoram in mare demitterent, flante borea; combustio domus, nisi extinguatur ignis; mors ægroti, nisi pharmacis adiuvetur &c. His positis.

Dico, futura primi generis, non quidem certò, sed valde probabili coniectura cognosci ab angelis. Cum enim certò cognoscant virtutem pharmacorum e. g. plerumque coniungibilem cum effectu, probabiliter etiam cognoscunt, hic & nunc esse allatura sanitatem, præsertim cum cognoscant etiam ægroti dispositionem, ex quorum cognita complexione, sicut medici sæpe præcognoscunt per di-

fcursum, fecuturum hunc effectum, ita angeli per eandem cognitionem perfectius illum cognoscunt. Futura secundi generis, quia neque habent determinationem in causis, neque in se ipsis, nullo modo ab angelis cognoscuntur. Quod idem dico de futuris tertij generis, quæ cum sequantur actiones liberas hominū, non cadunt in cognitionem angelicam, nisi ex diuina reuelatione; & hoc propter eandem rationem, quia nullam habent actualem determinationem in se, vel in causis. Hoc non valet respectu Dei, quia cum eius cognitio mensuretur æternitate, quæ complectitur omne tempus, extenditur etiam ad durationes futuras, quæ proinde sunt illi præsentēs, ut probauimus in trac. de scientia, & ut tales cognoscuntur.

Neque obstat, quod ævum sit totum simul. Nam cum non sit eminenter nostrum tempus, illud non continet; adeoque illi non coexistit, nisi cum tempus est positum extra causas, & sit illi præsens. Vnde disp. 6. ar. 2. intulimus, ævum esse quidem totum simul, non tamen perfectè; & ideo admittit partes virtuales, quæ non conueniunt æternitati, quæ semper est tota sibi præsens, & metaphysicè indefectibilis. Ævum autem sicut potuit non esse, ita potest destrui, & transire ex esse ad non esse. Ergo non potest esse ratio cognoscendi futura, sicut est æternitas.

A R.

ARTICVLVS VII.

*Soluntur obiecta, & roboratur
doctrina.*

AD. 1. Nego antecedens quoad utrā-
que partem. Probo primam, Isaia
c. 41. dicitur, *Accedant, & nuncient no-
bis quaecumque ventura sunt: priora, quæ
fuerunt, nuntiate.* Et post pauca, *Annun-
tiate quæ ventura sunt in futurum, & scie-
mus, quia Dñi estis vos.* Et c. 42. *Ego Do-
minus, hoc est nomen meum, gloriā meam
alteri non dabo, & laudem meam sculptili-
bus (hoc est Dæmonibus) Quæ prima
fuerunt, esse venerunt; noua quoque ego
annuntio, antequam oriantur, audita vobis
faciam, in quibus Deus promiscuè posuit
prò argumento diuinitatis, non solum
prædicere futura, sed etiam, detegere
præterita, vt fecit Moyſes, qui proinde
recensetur inter prophetas, eò quia pro-
phetia versetur circa totum illud, quod
non potest sciri, nisi per reuelationem,
cuiusmodi sunt contingentia futura, &
plura præterita. Et hac est ratio, cur
communiter etiam censeatur prophetasse
sanctam Brigittam, cum spinarum nume-
rum, & ictuū Christi Domini manifesta-
uit. Probo secundam, Chrysostomus
hom. 18. in c. 1. Io. inquit, *certa futuro-**

rum prædictio immortalis Dei solius opus est. Et idem asserunt Cyrillus, Origenes, Theodoretus, Hieronimus, Augustinus, & omnes alij. Atque præterita numquam cognita, perinde se habent, ac si non fuerint quoad cognosci. Sicut enim dum actu existebant, potuerunt subterfugere angelicum intuitum, ita poterunt non amplius existentia.

Ad primam instantiam de speciebus dico, vel illas determinare necessario in actu exercito intellectum angelicum, vel non? Si primum, ergo cum illas habuerint, dum actu existebant hæc obiecta, illa necessario cognouerunt, quod destruit hypothesim. Si secundum, ergo sicut non obstantibus speciebus, potuerunt non cognosci ut præsentia, possunt etiam ut præterita non cognosci, quando perinde se habent, ac si non fuerint.

Ad 2. Nego antecedens, cum actus liberi futuri sint in potentia naturali, & tamen non cognoscuntur.

Ad 1. secundæ sententiæ dico, Dæmones plerumque in oraculis fuisse locutos captiosè, ita ut eorum responsa in utramque contradictionis partem trahi potuerint. Vel si aliquando aliquid veri dixerint, fuit per accidens, cum plerumque eruperint in mendacia. Nisi velimus dicere cum Augustino lib. 2. ad Simplic. q. 3. hoc verum accepisse, Deo permittente,
a san-

a sanctis angelis: vel cum Tertulliano, quòd hoc didicerint per reuelationem factam viris sanctis, alijs viris manifestatam: vel quia prædicunt quæ ipsi statuerint facere, ad homines decipiendos: vel quia loquuntur formidolosè, ducti solum ex probabili coniectura. Ergo sua naturali virtute nesciunt futura certò.

Ad 2. Distinguo minorem, astrologi diuinant futura necessaria, concedo: contingentia, nego, vt fusè contendi in astrologos in 2. phys. Et ideo iudicarij iure damnantur, ut fallaces, & deceptores. Ad locum Genes. dico, stellas esse signa effectuum naturalium, non autem contingentium, & liberorum.

Vnde patet responsio ad 3. cùm signa manuum possint quidem aliquid physicè indicare, spectans ad statum temperamenti, & internam corporis habitudinem, ut diximus in 2. phys. non autem futura contingentia. Ad locum adductum ex Iob dico, illud fuisse dictum Eliu amici Iob, qui ei multa dixit ad leuamen doloris, quæ Deus non approbavit, ut dicitur capite sequenti, *Respondens autem Dominus de turbine dixit, quis est iste inuoluens sententias sermonibus imperitis?* Ergo nullam facit authoritatem, quidquid dixerint alij, qui admittentes dictum ut diuinum, illud extorquent ad rationem, ac si dicat, ex naturali lumine ho-

minibus innotescere, quomodo debeant operari, quæ expositio est valde aliena à verbis textus. Quare dico de chiromanticis, quod dixi de astrologis iudiciarijs.

Ad 4. Nego minorem quoad secundam partem; & dico, habuisse quidem angelos eorum species, quia tamen hæc obiecta non illis proportionantur, nisi cum actu existunt, ideo ut futura non cognoscuntur, cum ad eorum cognitionem sit necessaria præsentia, ut conditio sine qua non, qua non posita, sunt illis solum proportionata in actu primo, non autem in actu secundo, & exercito.

Vnde patet responsio ad 5. Siquidem futura contingentia sunt quidem obiectivè singularia, non autem secundum propriam actualitatem, ex cuius defectu quia non sunt angelis actu proportionata, ideo actu non cognoscuntur. Et idem dico de eorum duratione futura.

Ex dictis sequitur neque ab angelis cognosci actus liberos, ut futuros, qui vulgo dicuntur secreta cordium. Quare solum reuocatur in controuersiam, an illos cognoscant ut actu existentes? Et posito quod non cognoscant, quaritur an hæc incognoscibilitas sit aliquid physicum, vel morale? Quod utrumque præstabitur ar. sequenti.

A R T I C V L V S V I I I .

*An cognoscant actus liberos actu
existentes ?*

Videntur cognoscere, ut docet Durandus in 2. d. 8. q. 5. quamvis n. 14. sub finem questionis profiteatur, se nihil decernere de hoc. Fundamenta possunt esse. Primò quia dictum est supra, ideo non cognosci ab angelo futura contingentia, quia non purificatur conditio existentia, ad hoc ut per species exercitè repræsententur. Ergo si actus liberi existant, cum illorum dentur species, nihil deest, quò minùs actu repræsententur, & cognoscantur. Aliter si neque cognoscerentur ut futuri, neque ut præsentis, frustra Deus dedisset illorum species.

2. Actus liberi non differunt quoad substantiam à necessarijs eiusdem potentia; & ideo possunt transire ex liberis in necessarios, & viceversa. Sed actus necessarij præsentis cognoscuntur. Ergo & liberi.

3. Nullum supernaturale quoad substantiam est cognoscibile per lumen naturale. Sed actus liberi per lumen naturale cognoscuntur ab ipso elicente. Ergo non sunt supernaturales quoad substantiam, adcoque sunt naturaliter cognoscendi.

gnoscebiles, etiam ab alijs angelis.

4. Actus externi imperati à principio libero, cognoscuntur ab angelis, ut actus eleemosinæ, confessio criminum &c. Ergo & actus imperantes, qui cum illis connectuntur; & de his tantum locutus est Durandus, cum de alijs non erumpentibus in actionem externam, nihil definiat.

Prò resolutione aduerto, hac super re multipliciter authores opinatos fuisse. Nam Scotus in 2. d. 9. qu. 1. & alibi docuit, posse quidem hos actus cognosci ab angelis, non tamen cognosci, quia impediuntur à Deo, subtrahendo suum concursum. Egidius q. 11. de cognit. angel. quam secutus est Greg. Arim. in 2. d. 10. q. 1. docuit, cognosci solum in communi, nempe cognosci quòd Petrus amet e. g. non determinando obiectum amatum in particulari. Heruzus in 2. d. 8. qu. 3. inquit, cognosci quoad substantiam, & physicas circumstantias, non autem quoad morales. Cui parum dissentit Henricus quodl. 3. q. 13. quòd videlicet cognoscantur quoad substantiam, non tamen secundum finem, unde trahunt moralitatem rectitudinis, vel prauitatis. Noster Argentinas in 2. d. 7. q. 1. ar. 2. docet cognosci quoad naturam actus, & significationem terminorum, non verò quoad cogitantis intentionem, secundum affirmationem, & negationem. Putat enim, vi-

deri

deri ab angelo, quòd in meo intellectu
excitetur species de tali obiecto. Sed quia
hæc species potest me determinare ad as-
sensum, vel dissensum, ideo scit, me alte-
rutrum habere; neutrum autem cogno-
scit certo determinatè.

Conclusio, Nullus angelus virtute sua
naturali cognoscit certo actus liberos alte-
rius, siue angeli, siue hominis, sine consensu
elicientis, vel nisi manifestentur per effe-
ctus. Et hoc propter physicam eorum inco-
gnoscibilitatem. Quod idem dico de acti-
bus intellectus, & cuiuscumque alterius po-
tentie internæ, secundum quòd mouentur
à voluntate. Est D. Thomæ hic q. 57. ar.
4. quem sequuntur communiter plerique
theologorum.

Probatur prima pars, Primò ex multi-
plici testimonio sacrorum codicum, in
quibus asseritur, esse solius tesseram diui-
nitatis hæc obiecta cognoscere. Nam di-
citur Ier. 17. *Pravum est cor hominis* (&
alii legunt, *cor omnium*) *& inscrutabi-*
le, quis cognoscet illud? Ego Dominus scru-
tans cor, & probans renes. Super quem lo-
cum D. Hyeron. ait, *Simpliciter accipia-*
mus quòd nullus cogitationum secreta co-
cognoscat, nisi solus Deus. Et Paralip. 6. *Tu*
solus nosti corda filiorum hominum. Et 1.
Reg. cap. 16. *Homo videt ea, quæ patent,*
Deus autem intuetur cor. Et psal. 43. *Ipsè*
enim novit abscondita cordis. Matth. 9.

Sciens

Sciens Iesus cogitationes eorum . Super quē locum Clemens ep. 3. in 1. tomo concilior. inquit , etiam cogitationes hominum praeuidebat , quod nulli est possibile , nisi soli Deo . Et Ambros. Christus Dominus occultorum cognitione demonstravit se esse Deū . Et Aug. in psal. 7. Deus dirigit insulum in sua conscientia coram se , ubi nullus hominum videt , sed solus ille , qui conspicit quid quisque cogitat , & quid quemque delectat . Ergo est proprium solius Dei hæc certò , & in se cognoscere , ut confirmat Cyrillus lib. 2. in Io. c. 19. inquit , Nulli alij , sed diuinæ tantummodo naturæ Propheta attribuit illud , scrutans corda , & renes Deus psal. 7.

2. Cognitio certa , & euidens obiecti , inducit aliquam possessionem illius , ut diximus in tract. de visione ; & ideo omnes concedunt , Deum possideri à beatis per visionem . Ergo cum actus liberi sint de iure proprio , & peculiari elicientis , non debent fieri ullo modo iuris alieni , sine consensu Domini . Fierent autem , si essent ab alijs perscrutabiles . Ergo non sunt .

3. Ideò actiones externæ non sunt sub perfecto dominio agentis , quia possunt ab alijs impediri , vel cogi . Sed etiā actus liberi , si alijs paterent , possent impediri , vel cogi . Ergo non essent sub perfecto dominio operantium , quod valdè imminuet .

ret eorum possessionem, & libertatem. Probatur minor, si volitio occidendæ principem e. g. esset angelis directè nota, possent illam principi detegere, quæ metu mortis, illum cogeret ad eius retractionem; vel eodem metu posset illum impedire à tali volitione. Ergo hæc volitio non esset sub eius perfectò dominio.

Probatur secunda pars, Primò quia Deus condidit rerum naturas, quales esse expediebat, ad univèrsi perfectionem, & bonum regimè reipublicæ intellectuælis. Sed valde ad utrumq; conducit, quod cordium secreta sint ex natura sua alteri creaturæ inscrutabilia. Ergo ita illa condidit, ut inuitis elicientibus, cognoscere certò non possint. Maior, & consequentia sunt euidentia. Minor probatur, quia aliter angeli essent ex natura sua incapaces committendi alijs aliquod secretum, nec possent fouere mutuam amicitiam, communicando sibi inuicem internas cogitationes, quod est magnum absurdum.

2. Ex qualibet imperfectione morali, voluntate contracta, ante sententiam iudicis, tam angeli, quàm homines redderentur illicò infames infamia publica; nec possent sibi prodesse obtrudendo legem de non laceranda aliena fama, quia hæc imperfectio omnibus pateret. Hoc autem redderet valde miseram angelorum, hominumque conditionem, immò

angeli essent inter se hominibus miseres. Ergo hoc non ita est.

Probatur tertia, actus phantasiæ, & appetitus sensitiui possunt considerari, vel quoad substantiam, vel quoad modum libertatis. Secundum priorem considerationem, quia hi actus sunt corporei, & non sunt sub pleno dominio voluntatis, & ideo aliquando excitantur etiam à Dæmonibus, nobis inuitis, & reluctantibus, possunt perfectè cognosci ab angelis. Secundum verò aliam cōsiderationem, quatenus hi actus diriguntur à voluntate, nō cognoscuntur ab angelis; aliter cognosceretur ipse actus liber voluntatis, quo diriguntur, ut docet hic D. Thom. q. 57. ar. 3. Quamuis enim possint cognoscere, an actus appetitus sit necessarius, siue impressione corporea, vel ex subitaneo occursu obiecti, unde phantasiæ excitetur actus, vel quia ipsa imaginatio ex uno obiecto transit ad aliud, non tamen possunt cognoscere, an in huiusmodi transitu, seu motu interuenerit aduertentia rationis, & motus voluntatis, unde potuerit acquirere modum libertatis. Quòd si ab eliciente manifestetur motus voluntatis, vel per signa externa, vel per liberum consensum, tunc quia sunt publici iuris, vel saltem illius, ad quem consensus dirigitur, tunc cognoscuntur, vel ab omnibus.

De obiecto cognitionis Angel. 323
us angelis, vel saltem ab illo, ad quem
consensus dirigitur.

A R T I C V L V S IX.
*soluuntur obiecta, & refelluntur aliorum
opiniones.*

AD 1. Nego consequentiam. Et ratio est, quia ad hoc ut futura externa represententur, nihil requiritur aliud, nisi quod habeant in actu propriam entitatem, per quam suis speciebus assimilentur, quod praestatur per solam actualem eorum existentiam. Actus verò liberi, quia sunt sub perfecto voluntatis dominio, non possunt per sui species ab illo dimoueri, cum actu existunt, ut dictum est. Ergo praeter actualem existentiam, requirunt consensum elicientis, vel diuinam reuelationem, sine quibus sunt occulti. Neque obstat, quod etiam ipse consensus sit actus liber. Nam cum dirigatur ad alios, habet vim, ut per se ipsum se manifestet, & per sui manifestationem, manifestet etiam alios. Hinc tamen non sequitur, talium actuum species esse inutiles, nam sine illis, etiam accedente consensu, non cognoscerentur tales actus. Ergo licet restringantur ad conditionem consensus, sunt utilissimæ.

Ad 2. Nego maiorem. Et dico, modos necessitatis, & libertatis esse intrinsecos,

fecos, & essentielles actibus, ut toties sup-
posuimus, & probabimus suo loco. Er-
go ex falso supposito, ruit consequentia.

Ad 3. Nego ultimam partem conse-
quentiæ. Neque enim umquam asserui-
mus, actus liberos esse naturaliter alijs
occultos, quia sint supernaturales in mo-
do essendi, sed quia sunt sub perfecto
dominio elicientium. Vnde sequitur,
non valere consequentiam, ad aliorum
cognoscibilitatem, ex eo quod cogno-
scantur à proprijs dominis.

Ad 4. Possem concedere consequen-
tiam, quia cum actus liber connectatur
cum effectu exteriori, per illum manife-
statur. Nos autem loquimur de actibus
internis, tam imperantibus, quam impe-
ratis, cuiusmodi sunt actus intellectus,
ut imperati à voluntate. Quòd si Duran-
dus concesserit, hos esse naturaliter oc-
cultos, etiam quoad substantiam, cum
illo non erit colluctatio.

Ex dictis infer 1. non posse sustineri
opinionem Scoti. Primò quia si angelo-
rum impotentia ad penetrandos alieno-
rum cordium recessus, esset solum acci-
dentalis, & moralis, proueniens ab ipso
Deo, non esset cur tantopere diuina
scientia præ alijs laudaretur; siquidem
eius excessus non esset naturalis, & pro-
prius, sed potius deriuaret ab eius po-
tentia, ratione cuius sicut potuit ange-
los

los non creare, ita potest cum illis non concurrere ad hæc intelligenda, quod derogaret suæ scientiæ naturali perfectioni. Deinde si Deus non concurreret cum angelico intellectu, ad cognitionem horum actuum, quos cæteroqui posset cognoscere perpetuam illi faceret violentiam, quod duo traheret absurda, alterum quod dedisset illi naturalem exigentiam alicuius, quam ipse numquam vellet explere, adeoque illam frustra dedisset, cuius actum perpetuò odisset, sicut frustra dedisset homini oculos, si nollet cum illis concurrere ad visionem. Alterum, quia Deus ostenderet, vel non potuisse limitare intellectum angelicum, vel imprudenter illum condidisse, dum in remedium defectus ab illo provenientis, negaret assiduò concursum ad talem actum. Ergo ut evitemus hæc absurda, dicendum est, Deum ita angelos condidisse, ut eorum mens nequeat naturali sua virtute extendi ad huiusmodi actus.

Infer 2. neque esse veram opinionem Gregorij, & aliorum cum illo sentientium, quod hi actus cognoscantur incommuni. Primò quia cum amor, & odium sint sub perfecto dominio Petri e. g. non potest angelus deprehendere ad quem ex illis se liberè determinaverit. Deinde quia tendentia amoris in obiectum, est idem cum eius entitate. Ergo
si

si cognosceretur entitas, cognosceretur quoque tendentia, & eius terminus, adeoque cognosceretur in particulari, quod ab ipsis negatur.

Infer 3. neque esse veras sententias Heruzi, & Hernici, quòd hi actus cognoscantur quoad substantiam, non autem quoad modum moralitatis, vel ordinationis ad finem. Cum enim probatum sit, huiusmodi actus esse veluti supernaturales, non quidem in ratione entis, sed in ratione obiecti, etiam quoad substantiam sunt aliquid superius obiecto adæquato physico intellectus angelici, à quo proinde cognosci certò non possunt, nisi vel supernaturali lumine, vel per consensum ipsorum dominorum.

Infer 4. esse falsam sententiam Argentinatis, quidquid pro eius propugnatione contendat Vasquez disp. 210. c. 2. n. 3. Siquidem vel admittit, per excitationem talis speciei cognosci ab angelo determinatè, & certò simplicem alterius apprehensionem de tali obiecto, vel non? Si primum, ergo angelus certò cognoscit aliquem actum intellectus alieni, absque eius consensu, quod negauimus ut possibile usque adhuc. Si secundum, ergo nihil cognoscit certò, & determinatè, adeoque neque cognoscit excitationem talis speciei, quæ semper trahit aliquem actum intellectus; vel ad summum quam.

quamvis admittatur, illam cognosci, nullus actus ex illa deriuans cognoscitur determinatè, quod nihil facit contra nostram doctrinam.

ARTICVLVS X.

An cognoscant mysteria gratiæ, & alia ordinis supernaturalis?

Videntur cognoscere, cum actu sunt, ut docet Scotus in 4. d. 10. qu. 8. Primò quia integritas Deiparæ est supernaturalis. Sed hæc per lumen naturale, cognoscitur ab angelo. Cum enim perfectè cognoscat eius corpus, & partium situationem, cognoscit, illas per partem non fuisse diuulsas. Ergo cognoscit clarè aliquod supernaturale.

2. Eadem species, quæ repræsentat obiectum existens, repræsentat etiam, eius carentiam, si non existat. Sed angelus habuit speciem propriæ substantiæ naturæ humanæ Christi. Ergo cum illam amisit, cognouit eius priuationem. Atque adeo quia cognouit, nullam naturam posse esse sine substantia, cognouit, naturam humanam Christi habuisse substantiam Verbi, quod est eius supernaturalis assumptio à Persona diuina.

3. Per eandem speciem, qua cognouit substantiam panis, ante consecrationem,

nem, cognoscit eius absentiam post consecrationem, remanentibus speciebus absque subiecto. Ergo cognoscit naturaliter hoc mysterium, cum species absque miraculo extra subiectum conseruari non possint.

4. Quidquid existit à parte rei, est intrinsecè naturale, quamuis fiat supernaturaliter, eò quia omnia extra Deum sint finita, & limitata; & ideo putat, visionem Dei, & gratiam esse solum supernaturales quoad modum. Sed omne naturale quoad substantiam, potest ab angelo cognosci, nisi à Deo impediatur. Ergo omnia mysteria gratiæ possunt naturaliter cognosci ab angelis, & de facto cognoscuntur, nisi impediuntur.

Conclusio, *mysteria gratiæ, immò nulum ens intrinsecè supernaturale, potest certò, & distinctè cognosci ab angelo, ut actu existens, per solum lumen naturale, quamuis aliqua eorum possint cognosci ut possibilis, & etiam coniecturaliter ut existentia.*

Probo primam partem cum D. Thoma hic q. 57. ar. 5. Primò ex Apostolo 1. ad Cor. c. 2. *Quis scit quæ sunt hominis, nisi spiritus hominis, qui in ipso est, ita & quæ Dei sunt, nemo cognouit, nisi spiritus Dei. Nos autem non spiritum huius mundi accepimus, sed spiritum, qui ex Deo est, ut sciamus quæ à Deo donata sunt nobis,* nempe

pe dona supernaturalia, & myſteria gratiæ. Er ratio eſt, quia ſi angelus non poteſt cognoscere quæ pendent à noſtra voluntate, ut ſupra probauimus, multò minus poterit cognoscere quæ ex ſola Dei voluntate dependent, cuiuſmodi ſunt hæc obiecta.

2. Nullus intellectus viribus proprijs poteſt ferri ad obiectum ſibi impropor- tionatum, unde alibi ſæpe intulimus, Deum ut trinum ſolo lumine naturali cognoſci non poſſe. Sed myſteria gratiæ, utpote intrinſecè, & quoad ſubſtantiam ſupernaturalia, nulli creato intellectui proportionantur. Ergo à nullo cognoſci poſſunt, abſque ſpeciali adiutorio ſupernaturali.

Neque obſtat, quòd in trac. de viſione diſp. 5. ar. 2. dixerimus, poſſe dari in nobis per ſolas vires naturæ appetitum, tam innatum, quàm elicitum viſionis Dei, quæ eſt intrinſecè ſupernaturalis. Vnde videtur inferri, etiàm poſſe dari natura- lem cognitionem eiuiſdem, neceſſariò præſuppoſitam ad appetitum elicitum. Si- quidem cum appetitus ſit ſolum de bono abſenti, ex hoc non ſequitur, niſi præſup- ponat cognitionem de poſſibilitate viſio- nis. Nullum autem eſt abſurdum, quod cognoſcatur ut poſſibilis, non ſolum or- do ſupernaturalis ut ſic, ſed etiàm viſio Dei in particulari, ut inibi probauimus.

~ Z

Ergo

Ergo cùm præsens quæstio procedat de cognitione supernaturalium, ut actu existentium, hinc nullatenus infirmatur nostra doctrina.

Multò minùs obstat, quòd Augustinus admiserit in angelis cognitionem vespertinam, qua omnia cognouerint in seipsis. Nam duplicem admittit cognitionem vespertinam, nempe supernaturalem, & naturalem. Illam dixit esse visionem beatificam, quæ ut terminatur ad Deum, dicitur cognitio matutina, & ut terminatur ad creaturas in illo visas, dicitur vespertina. Alteram dixit esse cognitionem rerum in se ipsis per earum speciem, & hæc terminatur solùm ad res naturales; matutinam verò dixit esse illam cognitionem, quæ angeli per suam substantiam cognoscunt Deum, ut diximus ar. 2. Ergo vel per cognitionem vespertinam non cognouerunt supernaturalia, vel illa erat supernaturalis, ut dicemus in loco.

Ad 1. Distinguo maiorem, integritas corporis est supernaturalis intrinsecè, nego. (Quamvis enim fuerit supernaturaliter præseruata, nè per conceptum, & partum amitteretur, tamen quia hoc fuit illi extrinsecum, non tollit illam e numero naturalium) Integritas mentis, quatenus dicit habitus infusos castitatis, & temperantiæ, est supernaturalis, concedo. Et admissò quod angeli cognouerint

rint integritatem Deiparę secundum corpus , & non secundum mentem , nego consequentiam.

Ad 2. Nego minorem. Et ratio est, quia cum Christi humanitas fuerit assumpta à Verbo, in instanti suę conceptionis , numquam habuit propriam substantiam, & ideo non transiit ex illa ad eius priuationem. Frustra ergo Deus dedisset angelis speciem illius , quod numquam erat exiturum. Habuerunt ergo solum speciem talis humanitatis, ut exigentis propriam substantiam, cælatomodo, quo de facto subsisteret. Unde poterant quidem suspicari aliquid superans consuetum modum naturę, non tamen certò, & clarè deducere quid esset. Hoc autem euidenter sequitur ex mea sententia, quam statuimus in disp. met. nempe quòd substantia creata sit aliquod priuatiuum. Primò quia priuationum non dantur proprię species, sed cognoscuntur indirectè per species positiui oppositi. Deinde quia cum priuatio vnionis cum alio, non opponatur nisi ipsi vnioni, non potest cognosci, nisi per speciem unionis. Ergo quia humanitas Christi caruit propria substantia , per hoc quòd fuerit hypostaticè unita Verbo eterno , talis carentia non potuit cognosci , nisi per species unionis hypostaticę , quę non dantur in rerum natura , eò quia ta-

lis unio sit intrinsecè supernaturalis .
 Quomodo autem viderent illam natu-
 ram , ut in se , & per se existentem , non
 autem ut subsistentem , videbimus in
 trac. de Incarnatione .

Ad 3. Nego antecedens . Sicut enim
 Christus Dominus ad occultandum ocu-
 lis mysterium , conseruat illas species pa-
 nis sine eius substantia sustentante , ita
 ad illud etiam dæmonibus occultandum ,
 supplet defectum substantiæ panis , ter-
 minando extrinsecè , per modum obiecti ,
 angelicas species . Nisi velimus dicere ,
 quò statim atque panis cõsecratur , quia
 nihil remanet de eius substantia , tollat
 ab angelis eius speciem , vel saltem illam
 supernaturaliter limitet , ad solam illam
 extimam superficiem accidentium , nullo
 modo repræsentato subiecto . Sicut enim
 limitat lumen gloriæ , quò minis omni-
 bus beatis repræsentet omnes actus libe-
 ros Dei non denominantes , ut diximus
 in trac. de visione , ita posset hanc spe-
 ciem limitare . Demum quamvis cum
 Valentia hic admitteretur , cognosci per
 proprias vires ab angelis absentiam pa-
 nis , & permanentiam accidentium sine
 subiecto , non tamen cognosceretur my-
 sterium eucharisticum , vel aliquod su-
 pernaturale quoad substantiam . Probo
 primum , quia hoc mysterium consistit
 in hoc , quod ex vi verborum adueniat
 Chri-

Christus sub talibus speciebus, per cuius aduentum pereat substantia panis, remanentibus speciebus. Hoc autem non cognoscitur per solam absentiam panis, quam potuit Deus destruere ob alios fines, retentis speciebus. Ergo non cognosceretur hoc mysterium. Probo secundum, absentia panis accideret quidem contra consuetum modum causarum naturalium, exigentium hic & nunc, illam adesse, non tamen esset intrinsecè supernaturalis, sed solùm extrinsecè, & quoad modum, & idem dico de existentia specierum sine subiecto. Ergo solus modus esset supernaturalis, adeoque licèt cognosceretur utrumque, non cognito modo, nihil intrinsecè supernaturale cognosceretur.

Ad 4. Nego maiorem ex falso supposito, cum oppositum alibi probauerimus, nempe lumen gloriæ, gratiam, visionem, & alia id genus esse intrinsecè supernaturalia, licèt in se finita, & limitata.



amaret per suam substantiam, vel per actum accidentalem? Non primum, quia amor sui esset angelo necessarius, & essentialis, quod videtur absurdum. Neque secundum, quia posset non se amare, adeoque hic amor non esset illi naturalis, nisi dicatur, esse eius proprietatem, quod est maius absurdum. Ergo ad summum se diligit electivè, quod sustineri non potest, cum hæc dilectio sit ad alterum.

Conclusio, Quamvis angelus amore amicitie magis amet Deum, quam se ipsum, & se ipsum magis, quam alios, tamen amore concupiscentie plus diligit se, quam Deum, & alios; semper tamen magis amat sibi similes. Elicitur ex varijs locis D. Thomæ.

Probaturs prima pars, non solum ex dictis in trac. de beat. disp. 4. ar. 1. sed etiam quia natura dicitur ut magis inclinemur in id, à quo accepimus totum esse, & à quo dependet omne nostrum bonum, & in quod ordinamur, tamquam ad ultimum finem, extra quod nihil boni habere possumus, quam in nos ipsos; & ideo pars se exponit periculo, ad conservandum totum, sicut civis ad tuendam rempublicam. Sed hæc omnia cadunt in Deum. Ergo tam nos, quam angeli, qui sunt partes perfectiores mundi, plus diligimus Deum, quam nos ipsos. Deinde amor amicitie fertur in bonum Dei, ut
bonum

bonum ipsi Deo . Ergo illud præhabet bono ipsius amantis; aliter si illud postponeret bono amantis, ad quod ordinaret, non esset amicitia .

Neque obstat, quod hoc ipsum resul-
tet in bonum amantis . Nam vel hoc præ-
scinditur ab amore amicitia, respectu cu-
jus se habet per accidens, itaut adhuc op-
taret bonum amico, quamvis nullum ex
illo commodum speraret; vel si conside-
ratur, admittit consortium alicuius amo-
ris concupiscentia, quem semper diximus
ibid. ar. 2. interuenire cum quolibet actu
perfecta amicitia, præsertim de Deo. Sed
quia hic est imperfectus, ideo prius volu-
mus quod amamus perfecte, & deinde
quod imperfecte .

Probatur secunda, quia cum nullus an-
gelus, sit causa, & finis alterius, nullus
potest amari plusquam amans . Vnde in-
tulimus, non dari perfectam amicitiam
inter homines, neque inter ipsos angelos,
loquendo de amore naturali, quidquid sit
de beatifico .

Probatur tertia, ex opposito fundamen-
to, amor concupiscentia omnia ordina-
ad bonum amantis . Ergo illud præhabet
bono omnium aliorum, & etiam Dei, cui
intantum vult bonum, inquantum hoc ip-
sum cedit in bonum amantis, ut probaui-
mus loco citato, & habetur ex Philoso-
pho 9. Ethic. c. 8. docente, *Amicabilia* .

Ergo cum prima sit sui cognitio, quæ habetur per suam substantiam, ut dictum est, amor consequens non potest esse per suam substantiam, quæ non potest consequi ad se ipsam.

ARTICULVS II.

An amor naturalis Dei, & aliorum sit angelis necessarius?

Videtur non esse, ut docet Vasquez hic super ar. 3. q. 60. secutus Ferrariensem 1. con Gen. c. 109. Primò quia si angelus necessariò amaret Deum, non posset illum odisse, aliter simul diligeret, & odisset, quod est impossibile. Sed Dæmones oderunt Deum. Ergo non necessariò illum amant.

2. Potest angelò apparere ut mala dilectio sui, quatenus illum impedit, nè totaliter feratur in Deum. Ergo potest ab illa cessare; adeòque non est necessaria.

3. Solùm purè bonum potest necessitare voluntatem. Sed nihil extra Deum est purè bonum. Ergo non potest necessitare voluntatem angeli ad sui amorem, adeòque non se amat necessariò.

Conclusio, Omnis angelus naturali dilectione amat necessariò Deum, & se ipsum, non solùm quoad specificationem, sed etiam quoad exercitum, non tamen alios, siue angelos, siue homines.

Probo

Probo primam partem, non quidem de amore beatifico, quo sancti angeli amant Deum visum in patria, cuius necessitatem fusè probauimus in trac. de beat. disp. 4. ar. 6, sed de amore naturali, quo amatur Deus ut auctor naturæ, & ultimus omnium finis. Vidimus disp. 11. ar. 1. quod angelus semper sit in actuali cognitione sui, & Dei, ut authoris naturæ. Præterea disp. 10. ar. 3. diximus, quod angelus cognoscat se per suam substantiam, & etiam Deum, ut probauimus disp. 12. ar. 2. Et hic ar. 1. ad 3. diximus, angelum necessario se amare, propter necessitatem permanentiæ in obiecto motivo. Ergo amor sui est illi necessarius, etiam quoad exercitium. Sed est impossibile, quod se amet amore naturali, quin amet Deum, ut unicum principium effectivum, & conseruativum totius boni, quod in se cognoscit habere. Ergo necessario amat etiam Deum, præsertim cum ex cognitione sui, resultet cognitio, qua cognoscit Deum, ut finem ultimum omnium, esse ab omnibus super omnia diligendum. Hæc autem cognitio non potest esse purè speculatiua, ut somniauit Ferrariensis, eo quia cum voluntas sit naturaliter ad bonum determinata, non potest illud respuere, si clarè cognoscatur, ut depuratum ab omni malo. Sed in Deo, ut authore naturæ, & ultimo fine apparet
lum.

summum bonum , & nihil mali . Ergo hæc cognitio est practica , & actu mouens ad eius naturalem amorem . Atque adeo quia hæc cognitio , utpote fundata in substantia angeli cognoscentis , est penitus immutabilis , determinat voluntatem ad amorem Dei necessarium , & immutabilem .

Probo secundam partem , nullus angelus pender ab alio , siue homine , siue angelo , in fieri , & conseruari , & nullus est finis ultimus alterius . Ergo nullus angelus in sui amore , includit necessariò amorem alterius , & multò minus in amore naturali ipsius Dei , qui sicut non connectitur necessariò cum existentia hominum , & angelorum , quos potuit non creare , ita ex illis eius bonitas , & amabilitas non augetur . Ergo angeli non necessitantur , saltem quoad exercitium , ad amandos homines , & alios angelos .

Ad 1. Respondimus ar. 1. ad 1. nempe odium Dæmonum non ferri circa diuinam substantiam , in se summè bonam , & nullo modo odibilem , sed circa aliquos eius particulares effectus (ut loquitur hic D. Tho. ar. 5. ad 5.) videlicet damnationem , & punitionem , qui eorum voluntati contrariantur . Ergo cum odio talium effectuum , coniungitur naturalis dilectio eius bonitatis . Atque adeo Dæmon est simul physicè conuersus ad Deum , ut est
ulti.

ultimus omnium finis naturalis, & ab illo moraliter auersus, auersione electiua, ut est iudex, & punitor.

Ad 2. Nego antecedens. Nam in subordinatis, amor unius non impedit amorem alterius, ut patet in amore finis, in quo inuoluitur amor mediorum. Quia ergo Angelus se amat in ordine ad Deum, eius amor, ut terminatus ad se, non potest illi apparere, ut impeditivus amoris Dei.

Ad 3. Distinguo maiorem, solum purè bonum necessitat voluntatem, per modum obiecti extrinseci, concedo: per modum obiecti adæquatè intrinseci, nego. Quia ergo angelus in amore sui non respicit, nisi se ipsum, per modum obiecti directè immediati, ideo quamvis in se non inueniat purum bonum, sed bonum defectuosum, admistum cum dependentia, contingentia, alijsque imperfectionibus physicis, tamen potest ab illo necessitari ad eius amorem naturalem. Et ratio est, quia tale bonum, licet in se imperfectum, est sibi maximum bonum, cuicumque alteri bono creato præferibile, intra ordinem naturæ. Ergo respectu sui, habet rationem summi boni. Deinde quia suum bonum, in tali ordine, est fundamentum omnium aliorum, quæ ad illud consequuntur. Ergo non potest sibi apparere ut malum, & odibile, ratione cuius per auersionem refugiatur; adeoque non potest ab eius amore cessare.

DI.

summum bonum, & nihil mali. Ergo hæc cognitio est practica, & actu mouens ad eius naturalem amorem. Atque adeo quia hæc cognitio, utpote fundata in substantia angeli cognoscentis, est penitus immutabilis, determinat voluntatem ad amorem Dei necessarium, & immutabilem.

Probo secundam partem, nullus angelus pendet ab alio, siue homine, siue angelo, in fieri, & conseruari, & nullus est finis ultimus alterius. Ergo nullus angelus in sui amore, includit necessariò amorem alterius, & multò minus in amore naturali ipsius Dei, qui sicut non connectitur necessariò cum existentia hominum, & angelorum, quos potuit non creare, ita ex illis eius bonitas, & amabilitas non augetur. Ergo angeli non necessitantur, saltem quoad exercitium, ad amandos homines, & alios angelos.

Ad 1. Respondimus ar. 1. ad 1. nempe odium Dæmonum non ferri circa diuinam substantiam, in se summè bonam, & nullo modo odibilem, sed circa aliquos eius particulares effectus (ut loquitur hic D. Tho. ar. 5. ad 5.) videlicet damnationem, & punitionem, qui eorum voluntati contrariantur. Ergo cum odio talium effectuum, coniungitur naturalis dilectio eius bonitatis. Atque adeo Dæmon est simul physicè conuersus ad Deum, ut est
ulti-

ultimus omnium finis naturalis , & ab illo
moraliter auersus , auersione electiua , ut
est iudex , & punitor .

Ad 2. Nego antecedens . Nam in sub-
ordinatis , amor unius non impedit amo-
rem alterius , ut patet in amore finis , in
quo inuoluitur amor mediorum . Quia
ergo Angelus se amat in ordine ad Deum ,
eius amor , ut terminatus ad se , non potest
illi apparere , ut impeditivus amoris Dei .

Ad 3. Distinguo maiorem , solum purè
bonum necessitat voluntatem , per modum
obiekti extrinseci , concedo : per modum
obiekti adæquatè intrinseci , nego . Quia
ergo angelus in amore sui non respicit ,
nisi se ipsum , per modum obiekti directi
immediati , ideo quamvis in se non inue-
niat purum bonum , sed bonum defectuo-
sum , admistum cum dependentia , con-
tingentia , alijsque imperfectionibus phy-
sicis , tamen potest ab illo necessitari ad
eius amorem naturalem . Et ratio est ,
quia tale bonum , licet in se imperfectum ,
est sibi maximum bonum , cuicumque al-
teri bono creato præferibile , intra ordi-
nem naturæ . Ergo respectu sui , habet ra-
tionem summi boni . Deinde quia suum
bonum , in tali ordine , est fundamentum
omnium aliorum , quæ ad illud conse-
quuntur . Ergo non potest sibi apparere
ut malum , & odibile , ratione cuius per
auersionem refugiatur ; adeoque non po-
test ab eius amore cessare .

lis unio sit intrinsecè supernaturalis .
 Quomodo autem viderent illam naturam , ut in se , & per se existentem , non autem ut subsistentem , videbimus in trac. de Incarnatione .

Ad 3. Nego antecedens . Sicut enim Christus Dominus ad occultandum oculis mysterium , conseruat illas species panis sine eius substantia sustentante , ita ad illud etiam dæmonibus occultandum , supplet defectum substantiæ panis , terminando extrinsecè , per modum obiecti , angelicas species . Nisi velimus dicere , quòd statim atque panis cõsecratur , quia nihil remanet de eius substantia , tollat ab angelis eius speciem , vel saltem illam supernaturaliter limitet , ad solam illam extimam superficiem accidentium , nullo modo repræsentato subiecto . Sicut enim limitat lumen gloriæ , quò minus omnibus beatis repræsentet omnes actus liberos Dei non denominantes , ut diximus in trac. de visione , ita posset hanc speciem limitare . Demum quamuis cum Valentia hic admitteretur , cognosci per proprias vires ab angelis absentiam panis , & permanentiam accidentium sine subiecto , non tamen cognosceretur mysterium eucharisticum , vel aliquod supernaturale quoad substantiam . Probo primum , quia hoc mysterium consistit in hoc , quod ex vi verborum adueniat
 Chri-

Christus sub talibus speciebus, per cuius aduentum pereat substantia panis, remanentibus speciebus. Hoc autem non cognoscitur per solam absentiam panis, quam potuit Deus destruere ob alios fines, retentis speciebus. Ergo non cognosceretur hoc mysterium. Probo secundum, absentia panis accideret quidem contra consuetum modum causarum naturalium, exigentium hic & nunc, illam adesse, non tamen esset intrinsecè supernaturalis, sed solum extrinsecè, & quoad modum, & idem dico de existentia specierum sine subiecto. Ergo solus modus esset supernaturalis, adeoque licèt cognosceretur utrumque, non cognito modo, nihil intrinsecè supernaturale cognosceretur.

Ad 4. Nego maiorem ex falso supposito, cum oppositum alibi probauerimus, nempe lumen gloriæ, gratiam, visionem, & alia id genus esse intrinsecè supernaturalia, licèt in se finita, & limitata.





DISPUTATIO XIII.

De Voluntate Angelorum.

Effe in angelis voluntatem patet, non solum ex connexione essentiali intellectui cum volitivo, quam probat D. Thomas hic qu. 59. art. 1. cui adhærens Martinus de Esparza q. 17. de angelis, plures, easque pulchras affert rationes ad hoc probandum) sed etiam quia sine voluntate non haberent indifferentiam arbitrij, ad merendum, & demerendum. Atqui est certum ex fide, angelos prævaricatores per abusum libertatis peccasse, & angelos sanctos meruisse vitam æternam, ut videbimus infra. Ergo habent voluntatem cum libero arbitrio. Præterea quia probauimus hic disp. 9. art. 1. & in lib. de an. & in lib. paru. natural. intellectû, & voluntatem sola ratione distingui ab anima, & angelo; ideo omissis his questionibus, agemus tantum Primò, an angeli æqualiter se diligant, Deum, alios angelos, & alia extra se? Et deinde an hic amor sit illis liber, vel necessarius?

A.R.

ARTICVLVS PRIMVS.

*An angeli æqualiter ament se,
& alia?*

Videtur 1. quòd angelus magis diligat se amore naturali, quàm Deū, & quodlibet aliud à se distinctum. Primò quia natura dictat, ut sui conseruatio præferatur omnibus alijs. Ergo quidquid naturaliter amatur, amatur propter se, & ordinatur ad suum bonum. Deinde quod perit, manente natura, non est naturale. Sed amor Dei perit, manente natura angeli prauaricatoris. Ergo non est naturalis. Sed quod non est naturale, est elicitum. Ergo amor angeli in Deum est elicitus, adeòque fertur in illum, quia est sibi bonus, vel si illius bono sistat, hoc prouenit ex aliquo principio supernaturali.

2. Videtur quòd angelus plus diligat angelum perfectiorem, quàm minùs perfectum amore naturali. Cum enim motuum amoris sit bonum, quòd angelus est perfectior, eò est maius bonum. Ergo magis amatur.

3. Videtur quòd angeli non ament se ipsos. Primò quia amor tendit ad unionem cum amato. Cum ergo non possit secum uniri, non se amat. Deinde vel se.

amaret per suam substantiam, vel per actum accidentalem? Non primum, quia amor sui esset angelo necessarius, & essentialis, quod videtur absurdum. Neque secundum, quia posset non se amare, adeoque hic amor non esset illi naturalis, nisi dicatur, esse eius psoprietatem, quod est maius absurdum. Ergo ad summum se diligit electiue, quod sustineri non potest, cum hæc dilectio sit ad alterum.

Conclusio, Quamuis angelus amore amicitie magis amet Deum, quam se ipsum, & se ipsum magis, quam alios, tamen amore concupiscentie plus diligit se, quam Deum, & alios; semper tamen magis amat sibi similiores. Elicitur ex varijs locis D. Thomæ.

Probaturs prima pars, non solum ex dictis in trac. de beat. disp. 4. ar. 1. sed etiam quia natura dictat ut magis inclinemur in id, à quo accepimus totum esse, & à quo dependet omne nostrum bonum, & in quod ordinamur, tamquam ad ultimum finem, extra quod nihil boni habere possumus, quam in nos ipsos; & ideo pars se exponit periculo, ad conservandum totum, sicut ciuis ad tuendam rempublicam. Sed hæc omnia cadunt in Deum. Ergo tam nos, quam angeli, qui sunt partes perfectiores mundi, plus diligimus Deum, quam nos ipsos. Deinde amor amicitie fertur in bonum Dei, ut
bonum

Bonum ipsi Deo . Ergo illud præhabet bono ipsius amantis; aliter si illud postponeret bono amantis, ad quod ordinaret, non esset amicitia .

Neque obstat, quod hoc ipsum resul-
tet in bonum amantis . Nam vel hoc præ-
scinditur ab amore amicitia, respectu cu-
jus se habet per accidens, itaut adhuc op-
taret bonum amico, quamvis nullum ex
illo commodum speraret; vel si conside-
ratur, admittit consortium alicuius amo-
ris concupiscentia, quem semper diximus
ibid. ar. 2. interuenire cum quolibet actu
perfecta amicitia, præsertim de Deo. Sed
quia hic est imperfectus, ideo prius volu-
mus quod amamus perfecte, & deinde
quod imperfecte .

Probatur secunda, quia cum nullus an-
gelus, sit causa, & finis alterius, nullus
potest amari plusquam amans . Vnde in-
tulimus, non dari perfectam amicitiam,
inter homines, neque inter ipsos angelos,
loquendo de amore naturali, quidquid sit
de beatifico .

Probatur tertia, ex opposito fundamen-
to, amor concupiscentia omnia ordina-
ad bonum amantis . Ergo illud præhabet
bono omnium aliorum, & etiam Dei, cui
intantum vult bonum, inquantum hoc ip-
sum cedit in bonum amantis, ut probavi-
mus loco citato, & habetur ex Philoso-
pho 9. Ethic. c. 8. docente, *Amicabilia* .

quæ sunt ad alterum, venire ex amicabilibus, quæ sunt ad se. Et ideo nobiscum sentit D. Tho. hic q. 60. ar. 5.

Probatür quarta, similitudo est quardā unitas, ita ut similia per convenientiam prædicatorum videantur esse quodammodo unum, sicut e converso dissimilitudo inducit diuisionem. Ergo quò aliquis est similior alteri, eò magis accedit ad faciendum unum cum illo, eò quia plus de suo in illo habeat. Atque adeo si angelus plus diligit plus diligit se, quàm alios, plus diligit illos, in quibus est plus de suo, cuiusmodi sunt sibi similiores, vel secundum speciem, vel secundum genus, docente, hic D. Thoma ar. 4. *Manifestum est autē, quòd id, quod est unum cum aliquo genere, vel specie, est unum per naturam; & ideo dilectione naturali quælibet res diligit id, quod est secum unum secundum speciem, inquantum diligit speciem suam.*

Vnde patet responsio ad 1. Ad cuius primam probationem dico, illam valere de ijs, quæ vel impediunt propriam conseruationem, vel non sunt ad illam necessaria. Deus autem neque impedit, immò promouet bonum nostræ conseruationis, neque est aliquid ad illud impertinens, cum sit eius dator, & conseruator. Ergo per hoc ipsum quòd amemus tale bonum, plus amamus Deum, vt eius fontem. Ad 2. Nego minorem. Quamvis enim damnati
ode.

oderint Deum, vt punitorem, quatenus sibi panā infligit, tamen naturali dilectione feruntur in illum, vt est bonum vniuersale . Et ideo eius amissio est cruciatiua, quod non esset, si naturaliter non cognosceretur, & amaretur vt summum bonum.

Ad 2. Nego antecedens . Ad cuius probationem dico, bonum, vt motiuum naturalis dilectionis, nō esse absolutum, sed comparatiuum, quatenus est bonum ipsi amanti. Quia ergo angelus perfectior non est maius bonum angelo imperfectiori, quā sit sibi æqualis, propter traditam rationem in resp. 1, ideo non magis amatur . Hoc non valet de Deo, qui est summum bonum omnibus necessarium, & simpliciter ab omnibus possedibile . Ergo etiam comparatiuē est maius bonum .

Ad 3. Nego antecedens . Ad cuius primam probationem nego consequentiam . Cum enim sit maius bonum vniō vt habita, quā vt habenda, ideo cum angelus sit secum vnitus, vnione maxima identitatis, plus se amat, quā alios, quibuscum imperfectē vniri potest . Ad 2. Dico, amorem sui esse angelo necessarium . Cum enim necessariō daret in se sua bonitas, quæ est motiuum amoris, semper se amat, non tamen per suam substantiam . Ratio est, quia amor est secunda operatio naturæ intellectualis .

Ergo cum prima sit sui cognitio, quæ habetur per suam substantiam, ut dictum est, amor consequens non potest esse per suam substantiam, quæ non potest consequi ad se ipsam.

ARTICULVS II.

An amor naturalis Dei, & aliorum sit angelis necessarius?

Videtur non esse, ut docet Vasquez hic super ar. 3. q. 60. secutus Ferrariensem 1. con Gen. c. 109. Primò quia si angelus necessariò amaret Deum, non posset illum odisse, aliter simul diligeret, & odisset, quod est impossibile. Sed Dæmones oderunt Deum. Ergo non necessariò illum amant.

2. Potest angelò apparere ut mala dilectio sui, quatenus illum impedit, nè totaliter feratur in Deum. Ergo potest ab illa cessare; adeòque non est necessaria.

3. Solùm purè bonum potest necessitare voluntatem. Sed nihil extra Deum est purè bonum. Ergo non potest necessitare voluntatem angeli ad sui amorem, adeòque non se amat necessariò.

Conclusio, Omnis angelus naturali dilectione amat necessariò Deum, & se ipsum, non solùm quoad specificationem, sed etiam quoad exercitum, non tamen alios, siue angelos, siue homines.

Probo

Probo primam partem, non quidem de amore beatifico, quo sancti angeli amant Deum visum in patria, cuius necessitatem fuisse probauimus in trac. de beat. disp. 4. ar. 6, sed de amore naturali, quo amatur Deus ut auctor naturæ, & ultimus omnium finis. Vidimus disp. 11. ar. 1. quod angelus semper sit in actuali cognitione sui, & Dei, ut authoris naturæ. Præterea disp. 10. ar. 3. diximus, quod angelus cognoscat se per suam substantiam, & etiam Deum, ut probauimus disp. 12. ar. 2. Et hic ar. 1. ad 3. diximus, angelum necessario se amare, propter necessitatem permanentiæ in obiecto motivo. Ergo amor sui est illi necessarius, etiam quoad exercitium. Sed est impossibile, quod se amet amore naturali, quin amet Deum, ut unicum principium effectivum, & conseruativum totius boni, quod in se cognoscit habere. Ergo necessario amat etiam Deum, præsertim cum ex cognitione sui, resultet cognitio, qua cognoscit Deum, ut finem ultimum omnium, esse ab omnibus super omnia diligendum. Hæc autem cognitio non potest esse purè speculatiua, ut somniauit Ferrariensis, eo quia cum voluntas sit naturaliter ad bonum determinata, non potest illud respuere, si clarè cognoscatur, ut depuratum ab omni malo. Sed in Deo, ut authore naturæ, & ultimo fine apparei-
sum.

summum bonum, & nihil mali. Ergo hæc cognitio est practica, & actu mouens ad eius naturalem amorem. Atque adeo quia hæc cognitio, utpote fundata in substantia angeli cognoscentis, est penitus immutabilis, determinat voluntatem ad amorem Dei necessarium, & immutabilem.

Probo secundam partem, nullus angelus pender ab alio, siue homine, siue angelo, in fieri, & conseruari, & nullus est finis ultimus alterius. Ergo nullus angelus in sui amore, includit necessario amorem alterius, & multò minus in amore naturali ipsius Dei, qui sicut non connectitur necessario cum existentia hominum, & angelorum, quos potuit non creare, ita ex illis eius bonitas, & amabilitas non augetur. Ergo angeli non necessitantur, saltem quoad exercitium, ad amandos homines, & alios angelos.

Ad 1. Respondimus ar. 1. ad 1. nempe odium Dæmonum non ferri circa diuinam substantiam, in se summè bonam, & nullo modo odibilem, sed circa aliquos eius particulares effectus (ut loquitur hic D. Tho. ar. 5. ad 5.) videlicet damnationem, & punitionem, qui eorum voluntati contrariantur. Ergo cum odio talium effectuum, coniungitur naturalis dilectio eius bonitatis. Atque adeo Dæmon est simul physicè conuersus ad Deum, ut est

ulti-

ultimus omnium finis naturalis , & ab illo
moraliter auersus , auersione electiua , ut
est iudex , & punitor .

Ad 2. Nego antecedens . Nam in sub-
ordinatis , amor unius non impedit amo-
rem alterius , ut patet in amore finis , in
quo inuoluitur amor mediorum . Quia
ergo Angelus se amat in ordine ad Deum ,
eius amor , ut terminatus ad se , non potest
illi apparere , ut impeditivus amoris Dei .

Ad 3. Distinguo maiorem , solum purè
bonum necessitat voluntatem , per modum
obiekti extrinseci , concedo : per modum
obiekti adæquatè intrinseci , nego . Quia
ergo angelus in amore sui non respicit ,
nisi se ipsum , per modum obiekti directi
immediati , ideo quamvis in se non inue-
niat purum bonum , sed bonum defectuo-
sum , admistum cum dependentia , con-
tingentia , alijsque imperfectionibus phy-
sicis , tamen potest ab illo necessitari ad
eius amorem naturalem . Et ratio est ,
quia tale bonum , licet in se imperfectum ,
est sibi maximum bonum , cuicumque al-
teri bono creato præferibile , intra ordi-
nem naturæ . Ergo respectu sui , habet ra-
tionem summi boni . Deinde quia suum
bonum , in tali ordine , est fundamentum
omnium aliorum , quæ ad illud conse-
quuntur . Ergo non potest sibi apparere
ut malum , & odibile , ratione cuius per
auersionem refugiatur ; adeoque non po-
test ab eius amore cessare .



DISPUTATIO XIV.

De Locutione Angelorum.

PLura hic reuocabimus in quæstionem. Primum est, an verè unus angelus cum alijs loquatur? 2. An loquantur secum? 3. Quomodo loquantur? 4. An loquantur cum Deo? Et demum an angeli sancti loquantur cum malis, & utrique cum hominibus? De hac materia agit D. Thomas q. 107. sub finem tractatus. Sed ut omnia simul habeantur, satius duxi illam inferere quæstionibus de intellectu, & voluntate angelorum, per quorum actus potissimum exercetur, ut videbimus.

ARTICVLVS I.

An unus angelus cum alijs loquatur?

Videtur non loqui, Primò quia locutio est libera manifestatio sui conceptus, quem prius audiens non cognoscit.

ſcebat . Sed hæc non cadit in angelos , qui cum nullum habeant obſtaculum , omnia quæ habent in mente , apprime cognoscunt , tam in ſe , quàm in alijs , independenter ab omni actu voluntatis . Ergo non poſſunt ſecum loqui .

2. Omnis locutio eſt in genere ſigni , ut docuimus in lib. perhier. Sed in angelis non poſſunt eſſe hæc ſigna . Primò quia , omne ſignum eſt ſenſibile , & ideo dicitur eſſe *id , quod præter ſpeciem , quam ingerit ſenſibus , facit aliquid aliud in cognitionem venire* . Deinde quia vel eſſet ſignum naturale , vel ad placitum ? Non primum , quia omnibus pateret ex natura rei ; & ſic non poſſet dirigi ad unum , & non ad alium . Neque ſecundum , quia debuiffent angeli inter ſe conuenire , ad ſtatueſſe ſignificationem , quod cum fieri nequeat ſine mutua locutione , fuiſſent ſecum locuti , priuſquam fuiſſet ſtatutus modus locutionis , quod repugnat . Ergo neque poteſt eſſe locutio .

3. Non poteſt unus angelus loqui cum alio , niſi aliquid producat in illo , ad hoc ut excitetur ad audiendum . Nihil autem poteſt angelus producere in alio . Nam vel eſſet conceptus , vel ſpecies ? Non primum , quia non eſſet vitalis . Neque ſecundum , quia ſupponimus , omnes angelicas ſpecies eſſe illis à Deo inditas . Ergo neque loqui .

Con.

Conclusio, Possunt angeli inter se loqui, immò defacto loquuntur. Ita D. Thomas hic q. 107. ar. 5.

Probatur 1. cum communi theologorum censu, ex multiplici loco sacrorum codicum, ut Isaia 6. *Seraphim clamabant alter ad alterum, & dicebant &c.* Et Zachar. 2. *Alius angelus egrediebatur in occursum eius, & dixit ad eum, curre, & loquere ad puerum istum.* Et 1. ad Cor. *Si linguis hominum loquar, & angelorum.* Et psal. 23. *Quis est iste rex gloriae?* Et sexcenta alia loca.

2. Unus angelus liberè alium illuminat, ut videbimus. Ergo liberè manifestat conceptum internum, & scientiam, quam de aliquo habet. Atque adeo cum omnis libera scientiæ manifestatio sit locutio, unus angelus loquitur cum alio. Dixi liberè, quia si Deus infunderet Gabrieli speciem conceptus interni, quem Raphael habet in mente, ita ut etiam inuito Raphael, pateretur Gabrieli, non diceretur hic loqui cum illo. Non ex alio capite, nisi quia hæc manifestatio non fieret liberè, sed necessariò.

3. Ablata ab angelis locutione, tolleretur commercium, & subordinatio, quæ sine illa haberi non possunt. Cum ergo hæc supponantur communiter à theologis, non potest angelis negari mutua locutio.

Ad

Ad 1. Nego minorem . Quamvis enim in angelo non sit obstaculum corporis resistentis, seu impredientis, quò minùs ab alijs penetretur, non tamen est unde quaque peruius cognitionibus aliorum, qui illius conceptus, & secreta cognoscere non possunt, nisi illo volente, ut dictum est disp. 12. ar. 8.

Ad 2. Dico, locutionem humanam, de qua sola locuti sumus in lib. perh. esse in genere signi, non autem angelicam, quamvis non negemus, etiam hanc fieri posse per signa spiritualia externa. Sicut enim homo, licet non indigeat scriptura, & nutibus ad loquendum, cum illi sufficiant voces, tamen potest etiam illis loqui; ita & angeli, licet possint loqui sine signis, ut videbimus, possunt tamen illis uti. **Ad 1. probationem minoris dico,** illam definitionem vel restringi ad signa humana, vel nomine sensus, posse intelligi potentiam cognoscitivam. **Ad 2. dico,** hæc signa esse ad placitum, ad quorum institutionem præcesserit locutio, facta per consensum voluntatis.

Ad 3. Nego maiorem, cuius falsitas patebit articulis sequentibus.

ARTICVLVS II.

An angeli sibi loquantur ?

Videntur loqui, ut contendunt Egidius in 2. p. p. dist. 10. q. 3. art. 1. dub. 4. & D. Thomas hic q. 107. ar. 1. ad 2. Primò quia homo loquitur secum. Ergo etiam angelus. Consequentia patet. Antecedens probatur Primò Sap. 2. *Dixerunt impij cogitantes apud se non refle.* Deinde Matth. 2. *Scribæ hoc audientes, dixerunt intra se, hic blasphemat.* 3. Ex Egidio, & D. Thoma, quorum primus in loco supracitato apertè hoc docet, & affert prò se Augustinum tom. 3. lib. 15. de Trin. c. 10. & alter hic q. 107. ar. 1. ad 2. docet, *conuenit angelo locutio interior, ad quam pertinet, quòd loquatur sibi interius.*

2. Verbum æternum est locutio, qua Deus secum loquitur, quia est imago scientiæ Patris. Ergo verbum mentis est locutio, per quam homo, & angelus secum loquuntur.

3. Communiter locutio ut sic diuiditur in externam, & internam. Ergo sicut homo, & angelus per externam loquuntur alteri, ita per internam loquuntur sibi.

Conclusio, Angeli non possunt secum loqui;

loqui ; adeòque solam exercent locutionem
externam .

Secunda pars sequitur ex prima . Si
enim locutio non possit esse ad ipsum lo-
quentem , qui non potest esse simul lo-
quens, & audiens, necessariò est ad alium.

Probatur prima pars, omnis locutio est
instituta ad hoc, ut per illam loquens ma-
nifestet scientiam , seu conceptum, quem
habet in mente ; & ideo dicit relationem
ad audientem, per quam formaliter com-
pletur in esse manifestationem . Ergo non
potest esse ad ipsum loquentem . Ante-
cedens patet ex dictis in 1. art. Cum enim
proprius conceptus angelorum , alijs non
appareant , debent per locutionem mani-
festari . Probatur consequentia, nam ne-
mo potest loqui , nisi former conceptum
de eo , quod loquitur . Ergo quidquid
loquitur , est sibi manifestum , antec-
edenter ad ipsam locutionem, quæ proin-
de non est illi ullius conceptus manife-
statio , & per consequens neque locutio .

Ad 1. Nego antecedens . Rationem
affert Durandus in 2. d. 11. q. 2. nu. 13.
inquiens, *locutio interior , per quam ho-*
mo sibi ipsi loquitur , fit per solam cogita-
tionem . Quod confirmat Egidius loco
cit. dub. 5. dicens, *Interior locutio , quæ*
fit in mente , est idem quodd cogitatio . Sed
cogitatio non est vera locutio , eò quia
non sit manifestatio scientiæ , sed ipsa
scien-

scientia manifestabilis per locutionem. Ergo non datur vera locutio ad se ipsum; aliter quoties cogitamus, loqueremur, quod est absurdum. Hoc autem multò magis valet de locutione humana, quæ cum fiat per signa, ut probauimus in log. lib. 3. disp. 1. art. 1. non potest dirigi ad se ipsum. Et ratio est, quia signum ut formaliter tale, est id, quod cognitum manuducit ad incognitum. Est autem impossibile, quod aliquis adhibeat signum obiecti A. quin cognoscat ipsum obiectum A. Ergo per tale signum non manuducitur ad eius cognitionem, adeoque respectu illius, non habet rationem signi. Minor probatur, adhibens signum A. debet cognoscere, non solum entitatem materiale ipsius signi, sed etiam connexionem moralem (si sit ad placitum) quam habet cum obiecto A. per quam formaliter constituitur in esse signum. Ergo debet cognoscere ipsum A. ut terminum huius connexionis; & per consequens fieri non potest, quòd aliquis adhibeat aliquid, ut formaliter signum, quin eodem conceptu cognoscat etiam signatum. Atque adeo respectu illius, cognitio signi non est prior cognitione signati, sicut esset necessarium, ad hoc ut per illud sibi loqueretur.

Vnde patet responsio ad auctoritates, quæ nomine locutionis internæ ad se ipsum,

sum, nihil aliud intelligunt, nisi cogitationem, ut apparet ex ipsis textibus Sap. & Matth. & ut se explicant Augustinus, Egidius, & D. Thomas, quorum postremus loc: cit. in corp. inquit, *Quando autem mens conuertit se ad actu considerandum quod habet in habitu, loquitur aliquis sibi ipsi. Nam ipse conceptus mentis interiorius verbum vocatur.*

Ad 2. Nego consequentiam. Disparitas est, quia Verbum diuinum ut productum, propter realem distinctionem à Patre producente, dicit verum respectum ad illum, adeoque potest esse terminus locutionis paternæ. Angelus autem ut informatus verbo, non distinguitur realiter à se ipso, ut illud producente, quod cum sit actio immanens, afficit idem principium, à quo emanat. Ergo ut affectus verbo, non dicit realem respectum ad eius principium, nempe ad se ipsum, adeoque non potest esse terminus veræ locutionis, quæ cum sit ad alterum, necessario dicit realem distinctionem loquentis ad audientem.

Neque obstat, quòd realiter verbum distinguatur à mente angeli. Nam hæc non est distinctio sufficiens ad fundandam veram locutionem internam, quæ semper inuoluit in suo conceptu formali duo extrema verè correlatiua; aliter proferens vocem, nullo audiente, diceretur loqui

loqui ad extra, ut faciunt dementes, quod est fatuitas. Sicut ergo præter vocem, & proferentem, requiritur audiens, ad perficiendam formaliter locutionem externam, ita præter verbum, & mentem, requiritur aliud ab utroque distinctum, per cuius auditionem, seu terminationem talis verbi, compleatur formaliter locutio interna, ut invenitur in Deo, in quo Pater dicens distinguitur à Filio audiente, producto per intellectionem notionalem Patris.

Dices, Verbum æternum est simul locutio Patris, & terminus locutionis; neque enim aliud præter ipsum Verbum, dicitur audiens ad intra paternam locutionem. Ergo etiam in Angelo idem potest habere rationem verbi, seu locutionis *ut quo*, & termini, seu audientis *ut quod*.

Nego consequentiam. Disparitas est, quia Verbum æternum, ut formaliter Verbum, est consubstantiale Patri dicenti, cum quo est unus, & idem Deus, in sola distinctione suppositi; adeoque ut persona per se subsistens, potest terminare paternam locutionem. Verbum autem angeli non est per se ipsum formaliter angelus, seu subsistens, sed solum actus ipsius, siue impressus, siue expressus. Ergo non potest acquirere rationem termini *ut quod*, sed solum *ut quo*.

Ad

Ad 3. Nego consequentiam. Et dico, in illa diuisione totum diuisum non esse veram locutionem, sed solum locutionem ut sic, ut abstractam à propria, & impropria, adeoque eius membra diuidentia sunt locutio propria, & impropria.

A R T I C V L V S III.

An angeli loquantur ad inuicem per solum consensum voluntatis?

Videntur non ita loqui, ut contendunt Egidius, Durandus, Scotus, Suarez, & alij, quorum primus in 2. p. 1. d. 10. q. 3. ar. 1. ait, angelos loqui per signa spiritualia. Durandus in 2. d. 11. q. 2. per signa materialia, nempe formando voces in aere. Scotus in 2. d. 9. q. 2. docet, angelum loqui cum alio, producendo physicè in illo conceptum similem suo conceptui, quem vult illi manifestare. Suarez lib. 6. de angelis c. 13. n. 24. ait, non conceptum, sed speciem sui conceptus produci à loquente in audiente, & alij alia, ita ut in hac materia tot sint sententiæ, quot capita. Eorum fundamenta sunt.

1. Ordo voluntatis unius angeli, est ignotus alteri angelo. Ergo non potest secretum manifestare, cum sit impossibile, ignotum cognosci per ignotum.

A a

2. Omnia

2. Omnia alia accidentia , & angelorum proprietates cognoscuntur ab alijs angelis, independenter à consensu voluntatis illa habentis . Ergo etiam cordium secreta .

3. Si nullum signum resultat ex voluntate manifestandi , per quod angelus loquatur , hæc voluntas nullum habet obiectum . Sed est impossibilis actus voluntatis sine obiecto . Ergo per illum sine signis non fit locutio .

4. Si angelus loqueretur , reuelando immediatè suos conceptus , non posset mentiri , quia semper reuelaret quod verè est . Consequens ab omnibus rejicitur ut falsum . Ergo falsum est antecedens .

5. Non potest angelus loqui cum alio, nisi illum excitet , ut attendat , & audiat . Solo autem voluntatis consensu non potest hoc facere , quia hic est immanens in loquente , & nihil transmittit in audientem . Ergo per solum voluntatis consensum non potest loqui .

6. Vel hic consensus est indispensabiliter necessarius , ad hoc ut unus angelus cognoscat secretum alterius , vel non ? Si primum , ergo neque Deus posset hoc secretum alteri reuelare, sine tali consensu, quod est absurdum . Si secundum , ergo etiam sine illo potest fieri locutio .

7. Hic consensus non immutat obiectum, quod semper relinquit inuariatum.

Ergo

ergo nihil facit ad locutionem.

Conclusio, *Quamvis angeli possent in quo casu loqui secum per signa externa, men communis, & propria eorum locutionem non fit per productionem conceptus, seu eciei in audiente, sed per solam ordinem liberam voluntatis, exclusis omnis signis externis, ut necessarijs.*

Probatur prima pars, quam supposui-
us in 1. artic. in resp. ad 2. quia possunt
loqui angeli inter se convenire, per or-
dinationem liberam suorum conceptuum,
et quoties adhibeant aliqua signa exter-
na, significetur aliquid determinate, ut
sciunt homines per notas arbitrarias.
Neque enim hoc vel repugnat ex parte
obiecti, vel angelicæ perfectioni. Ergo
nihil nullum trahat absurdum, potest ab
angelis adhiberi ad mutuam locutionem.

Probatur secunda pars, non quia con-
ceptus impressus in audiente, non esset
illi vitalis, ut contendit Gibbo; Siqui-
dem in trac. de visione probauimus, pos-
se beatum videre vitaliter Deum, etiam
per visionem infusam. Neque ex eo quod
hic conceptus impressus repræsentaret
conceptum imprimentem, qui se ipsum
non repræsentat, unde infert, quod non
esset illi similis. Siquidem probauimus
in logica, omnem actum intellectus re-
flectere supra se, adeoque repræsentare se
ipsum. Sicut enim actus volitionis vult

se, & obiectum; ita actus cognitionis cognoscit se, & obiectum, & ut est verbum mentis, repræsentat utrumque; aliter non esset formalis imago, & expressio obiecti. Neque valet paritas speciei impressæ, quia cum hæc sit solum imago virtualis obiecti, sicut illud formaliter non repræsentat, ita neque se ipsam. Probo igitur Primò, quia cum angelus inferior nihil possit in superiorem, per influxum physicum non posset cum illo loqui; aliter cum illi illuminatio fiat per locutionem (ut videbimus) posset illum illuminare, quod est absurdum. 2. Virtus physica angeli est limitata ad certum spatium. Ergo extra illud non posset cum alijs loqui, quod communiter negatur cum D. Thoma hic q. 107. ar. 4. & à nobis infra rejicietur ut falsum. Deinum quia potest angelus aliquo modo cum Deo loqui (ut videbimus) in quem non potest physicè agere. Ergo eius locutio non fit per physicum influxum.

Probatur tertia, Primò quia eadem argumenta, quæ probant, angelicam locutionem non fieri per productionem cōceptus, probant etiam non fieri per productionem speciei in audiente. 2. Nullum agens creatum potest agere in distans, ut probauimus in 1. de gener. Ergo ad hoc ut angelus loquens produceret in alio speciem sui cōceptus, deberet illam prius
in

in medio producere. Hoc autem ut corporeum, non esset capax illam recipiendi, & vehendi ad mentem alterius. Ergo non posset illam unus in alio gignere, nisi vel illaberetur in mentem illius, vel operaretur in distans, quæ sunt absurda. 3. Dictum est disp. 10. art. 4. angelorum species rerum naturalium fuisse omnes à Deo illis inditas. Ergo non potest illas unus ab aliis accipere. 4. Possunt angeli secum loqui de rebus naturalibus. In tali casu hæc species esset naturaliter ab omnibus cognoscibilis. Ergo non posset per illam unus angelus loqui cum uno, quin ab omnibus audiretur, quod repugnat secreto locutionis.

Probatur quarta, Primò quia tota ratio, cur nos indigeamus verbis, alijsue signis ad loquendum, est quia sumus naturaliter impotentes percipere conceptus alienos, quos ipsi formant in mente, docente hic D. Thoma q. 107. art. 1. ad 1. *In nobis interior mentis conceptus, quasi duplici obstaculo clauditur, primò quidem ipsa voluntate, quæ conceptum illum potest retinere interius &c. secundò autem per grossitiem corporis.* Sed hæc ratio non militat in angelis, qui non habent grossitiem corporis. Ergo nullum aliud habent obstaculum, quàm voluntatem, vel potius nolentem reuelare, vel saltem non præbentem consensum ad reuelandum.

Si ergo supponamus, voluntatem consentire ; statim resultat secreti reuelatio , adeòque locutio cum illo , ad quam fuerit ordinatus hic consensus . Probatur minor , actus proprii , & alieni in angelis non differunt perfectione entitativa , sed sola proprietate domini . Cum ergo perfectio entitativa actuum sit omnibus communis , & proprietate domini cesset per consensum loquentis , nullum remanet impedimentum , ad hoc ut unus percipiat conceptus alienos .

2. Angelus habuit à Deo species ad cognoscenda omnia ea obiecta , ad quæ habet potentiam intellectiuam proportionatam . Sed hæc est proportionata ad omnia obiecta naturalia . Ergo cum secreta sint obiecta naturalia , habuerunt illorum species , & virtutem sufficientem illa cognoscendi ; adeòque ad hoc ut unius angeli secreta cognoscantur ab alio , nihil aliud requiritur , nisi quòd ille consentiat , qui consensus cum sit extrinsecus cognoscenti , non potest habere respectu eius cognitionis rationem causæ , quam nullo modo efficit . Ergo habet rationem conditionis *sine qua non* , qua sola posita , virtus adæquata cognoscitiua angeli , ad quem dirigitur , exit in actum talis cognitionis .

Probatur quinta , & ultima , Primò quia vel signa necessaria ad loquendum ,
essent

essent naturalia, vel ad placitum? Si primum, ergo non possent dirigi ad unum, quin perciperentur ab omnibus; adeoque angeli non possent loqui cum uno, quin loquerentur etiam cum alijs, quod est absurdum. Si secundum, ergo debuissent omnes angeli in unum convenire, ad statuendam eorum significationem, adeoque ante omne signum potuissent loqui, unde cadit eorum necessitas. Quod si negetur hæc conventio, ergo possent omnes prò libito condere nova signa, quod est maius absurdum. Siquidem, quamvis perciperentur materialiter, non tamen alijs quidquam significarent, quibus non esset nota eorum significatio.

Præterea hæc signa vel naturaliter ab omnibus cognoscerentur, vel solum ad placitum adhibentis? Non potest dici primum, quia quæ sunt in angelis naturaliter, semper sunt in illis invariabiliter, ut videbimus infra, & ideo quæ naturaliter cognoscit, & vult, semper eodem modo cognoscit, & vult. Ergo semper, & cum iisdem eodem modo iisdem loquerentur, quod repugnat libertati locutionis, eò quia loquentes non haberent in sua potestate manifestare cui voluerint sua secreta. Ergo est verum secundum, quod sustineri non potest, nisi ex omnium conventionione dedissent signis determinatam significationem, quod tollit (ut dixi-

mus) eorum necessitatem, nè dicatur dari locutio, ante omnem locutionem.

Demum, vel quando adhibentur hæc signa, requiritur consensus voluntatis adhibentis, ad hoc ut per illa manifestetur secretum, vel non? Si negetur, ergo Angeli loquuntur nolentes, & inuiti, quod est absurdum. Si concedatur, peto, an hic consensus ab audiente cognoscatur immediatè, vel per alia signa? Si primum, ergo etiam potest hoc modo cognosci ipsum secretum reuelandum. Si secundum, de his etiam signis redit argumentum per processum in infinitum. Quòd si dicas, hunc consensum requiri ut conditionem *sine qua non*, nec esse opus ut cognoscatur, habemus intentum. Nam sicut per consensum internum voluntatis constituitur signum, in esse formaliter signum in actu secundo, saltem tamquam per conditionem, ita posset per eundem constitui ipsum secretum, in esse reuelatum in actu secundo, adeoque absque ullo signo potest fieri locutio, quæ est formaliter secreti manifestatio.

ARTICVLVS IV.

Solvuntur obiecta.

AD 1. Nego consequentiam. Sicut enim species visibilis facit quod videatur

deatur obiectum, quamvis ipsa non videatur, & species intelligibilis facit quod cognoscatur obiectum, licet ipsa per se non cognoscatur; ita & ordo voluntatis potest esse causa, saltem per modum conditionis, ad hoc ut secretum pateat, quamvis ipse non pateat. Neque obstat commune axioma, *propter quod unumquodque tale, & illud magis*. Nam debet verificari de causis formalibus, non autem de efficientibus, seu instrumentalibus, & multò minùs de conditionibus requisitis. Nam Deus non est formaliter calidus, quamvis per solem efficiat calorem: neque est albus, quamvis in niue efficiat albedinem. Cum ergo hic ordo non sit formaliter locutio angeli, sed solum conditio, quamvis ignotus, potest secretum patefacere. Præterquamquod ipse consensus voluntatis non est omninò ignotus, sed cognoscitur per ipsam manifestationem secreti, non quidem de formali, sed veluti de consequenti, & arguitur. Sicut enim ex eo quod videatur obiectum A. arguitur, dari in vidente eius speciem; ita ex eo quod Michael manifestet suum secretum, arguitur eius consensus manifestandi.

Ad 2. Nego consequentiam. Disparitas est, quia alia accidentia, & proprietates sunt in angelo naturaliter, & non liberè. Vel enim spectant ad donum creatio-

nis, vel propria, & naturali actiuitate fuerunt acquisita. Ad prima angelus se habuit merè passiuè, & ad secunda concurrir ut à natura determinatus. Ergo utraque habet necessariò. Atque adeo quia huiusmodi spectant ad naturalem perfectionem naturæ angelicæ, ideo Deus omnium bono prospiciens, omnibus angelis dedit eorum species, ut ab omnibus actus tanquam sua opera cognoscerentur. Actus verò liberi, quia proueniunt etiam ab elicientium libertate, ideo illos posuit sub eorum potestate, quod non esset, si independenter ab eorum voluntate, omnibus patefcerent.

Ad 3. Nego maiorem. Et dico, obiectum huius voluntatis esse cognitionem alterius eorum, quæ intendit illi manifestare.

Ad 4. Nego maiorem. Primò quia posset mentiri per voluntatem reuelandi solum inadæquatè suos actus liberos, quasi nihil aliud superesset manifestabile, circa aliquod opus peragendum, quod esset falsum. Deinde potest habere voluntatem manifestandi Michaeli aliquem actum, & non Raphaeli, cui neget habere talem voluntatem, quam verè habet, quod esset mendacium. Posset autem hoc negare præbendo signa voluntatis oppositæ, quæ inducant ad cognitionem falsam. Neque enim dicimus, non posse angelos loqui

loqui per signa, sed solum non necessario per illa loqui.

Ad 5. Nego maiorem. Et dico, huiusmodi excitationes non esse angelis necessarias, quia semper sunt attentī, neque peccant inurbanitate, ut homines. Quod si velimus adhuc illas angelis assignare, dico, illas non fieri formaliter per ipsas locutiones, sed per aliud. Possunt ergo fieri vel per signa externa, vel per conatum pellendi loco, vel per localem approximationem, vel alia actione æquivalenti.

Ad 6. Dico, huiusmodi consensum esse indispensabiliter necessarium, in ordine ad creaturas intellectuales, à quibus tantum secreta reservantur, non autem in ordine ad Deum, cui omnia pateſcunt immediatè. Posset ergo Deus, absque consensu Michaelis, reuelare Gabrieli secreta ipsius, infundendo Gabrieli eorum speciem supernaturalem multò operosiorē, adeoque independentem ab illa conditione, à qua dependent omnes aliæ species naturales, quas habent de facto. Præterea posset infundere immediatam eorum cognitionem, quod diximus esse possibile in trac. de visione, vel alio modo.

Ad 7. Nego antecedens. Cum enim obiectum huius consensus, non sit actus in abstracto, sed in concreto, nempe ipse angelus consentiens, ut volens, seu

intelligens, per hunc consensum immutatur intrinsecè, Primò quia ex nolente fit volens. Et deinde quia fit naturaliter cognoscibile, cum prius esset naturaliter incognoscibile. Sicut ergo libera equi donatio, immutat intrinsecè ipsum equum in ratione obiecti, eò quia illum faciat alteri communicabilem, cum prius esset incommunicabilis, reddendo ipsum donantem honestè spoliabilem equo donato, quò honestè spoliari non poterat; ita consensus Michaelis immutat intrinsecè suum secretum, quod facit communicabile, ubi prius erat incommunicabile naturaliter.

Dices obiectum consensus non est ipse consentiens, sed secretum, sicut obiectum donationis nō est ipse donans, sed equus, qui donatur. Ergo sicut equus non immutatur intrinsecè, ita neque secretum, quod in ratione obiecti, remanet invariaturum.

Nego antecedens, retorquendo argumentum, obiectum donationis non est equus materialiter sumptus, sed ut possessus à donante; aliter donari ab ipso non posset, cum donatio non cadat, nisi supra rem suam. Equus autem ut possessus, dicit ius actiuum in possidente, quod transfertur in donatarium per actum donationis. Ergo obiectum donationis immediatum, est translatio domini super equum,

ex

ex donante in donatarium; adeoque est ipse donans, qui se liberè spoliatur tali iure, quod fieri non potest, sine intrinseca illius mutatione: Idem dicito de consensu ad cognitionem secreti: siquidem consentiens per illum se liberè spoliatur, naturali iure, quod habet retinendi sibi solū suum secretum. Ergo mutatur intrinsecè.

A R T I C V L V S V.

An Angeli loquantur cum Deo?

Videntur loqui, ut contendit Egidius in 2. p. 1. d. 10. ar. 1. dub. 3. Primò quia in lib. Iob. c. 1. Deus locutus est sermonem satis prolixum cum Satan, qui toties ei respondit: & Zachar. 1. Dicitur, *respondit Angelus Deo*. Sed responsio non potest dari, nisi per locutionem. Ergo angelus bonus, & malus locuti sunt cum Deo.

2. Potest Deus loqui angelo imperatiuè. Ergo & angelus Deo loqui responsiue, & submissiue, acceptando mandatum.

3. Potest Deus loqui Angelo, illuminando illum, & docendo. Ergo & angelus Deo, gratias agendo.

4. Cum illo loquitur angelus, cui manifestat suam cognitionem. Quoties autem per signa externa, vel quocumque alio modo loquitur cum alijs, siue angelis,

lis, siue hominibus, manifestat Deo suam cognitionem, eò quia hi modi loquendi non lateant Deum. Ergo cum illo loquitur, ut infert Egidius in loco citato.

Conclusio, Neque angelus, neque homo possunt verè, & propriè cum Deo loqui, quamuis possint locutione latè sumpta. Ita D. Thomas hic q. 107. ar. 3.

Probatur prima pars, propria, & rigorosa locutio consistit in manifestatione, alicuius secreti, quod aliunde non pateret audienti. Respectu autem Dei, qui scrutatur corda, & renes, nihil est occultorū. Ergo nihil potest illi per locutionem manifestari, quod independenter ab illa, ille non cognosceret.

Probatur secunda pars, Primò, quia potest aliquando locutio (ut docet Angelicus loc. cit. ad 1.) ordinari, non ad manifestandum aliquid alteri, sed ad hoc ut per ipsam aliquid ipsi loquenti manifestetur, ut accidit locutioni, per quam discipulus querit aliquid à magistro. Hoc autem modo potest angelus multa Deum per modum consultationis interrogare. Ergo potest cum illo loqui.

Dices, interrogatio discipuli intantum est locutio, inquantum manifestat magistro loquentis dubitationem, quæ cæteroqui magistro non pateret. Hoc autem non valet respectu Dei, cui est notissima omnis angeli dubitatio, ante omnem ipsius
inter.

interrogationem. Ergo respectu ipsius non est locutio.

Nego consequentiam, quæ solum valet de vera, & rigorosa locutione, non autem de latè accepta, in sensu conclusionis.

2. Angeli admirantur diuinam maiestatem, quam nequeunt comprehendere. Sed admirari, & venerari diuinam maiestatem, est quasi quadam voce in laudem eius prorumpere, ut loquitur Egidius loco citato, ex D. Gregorio, qui 2. moral. c. 2. sub med. inquit, *Vox Angelorum est in laudem conditoris ipsa admiratio intimæ contemplationis*: & paulò inferiùs, *Angeli loquuntur Deo, cum per hoc, quòd super semetipsos respiciunt, in modum admirationis surgunt*. Ergo cum Deo loquuntur, ut concludit Angelicus loco citato, *Angelus loquitur Deo, vel consultando diuinam voluntatem de agendis, vel eius excellentiam, quam numquam comprehendunt, admirando, non tamen rigorosè, sed lato modo*.

3. Magnus clamor, magnum est desiderium, ut docet D. Gregorius 2. moral. ex psal. 9. inquit, *Non ibi Propheta diceret, desiderium cordis exaudiuit auris tua, nisi ipsum desiderium angelorum, vel hominum quoddam loqui, & quidam sermo sit*. Sed angeli clamant apud Deum, ut patet ex multis locis sacrorum codicum, eique exponunt sua desideria, & corda pate-

patefaciunt. Ergo cum illo loquuntur. Quia tamen tam desiderium, quam secreta angelorum sunt Deo per se nota, ideo non exercent cum illo rigorosam locutionem.

Vnde patet responsio ad obiecta, quæ numquam probant, manifestari ab Angelis Deo aliquid, quod illi non sit per se notum, independenter ab omni eorum locutione, quod est de essentia rigorosæ locutionis.

A R T I C V L V S VI.

An angeli boni loquantur cum malis, & inferiores cum superioribus & omnes cum homine? Vbi an requiratur proximitas loci ad huiusmodi locutiones?

Videtur 1. quod Angeli sancti non loquantur cum damnatis. Primum quia est ingens distantia inter illos. Et deinde quia cum locutio sit effectus consuetudinis, & amicitie, videtur dedecere angelos, quod cum pravis exerceatur.

Videtur 2. quod localis distantia impediatur angelorum locutionem. Primum quia locutio est quædam operatio loquentis. Sed angelus non operatur ubi non est. Ergo neque loquitur.

2. Ita se habet locutio ad audientem, sicut visio ad coloratum. Sed visio non potest esse ad coloratum remotissimum.

Ergo

Ergo neque angeli locutio ad angelum audientem, qui longissimè distet.

3. Isaia 6. Seraphim clamant alter ad alterum. Sed ad clamorem, inultum facit distantia localis. Ergo cum clamor fiat per locutionem, etiam ad hanc facit localis distantia.

Videtur 3. quòd nullus angelus cum hominibus loquatur. Primò propter enormem distantiam. Et deinde quia homines non habent species conceptum angelorum, nec possunt illas ab angelis accipere. Ergo illis nihil iuvat consensus voluntatis.

Videtur 4. Quòd angelus inferior non loquatur cum superiori. Primò quia cum locutio sit scientiæ loquentis manifestatio, est quædam illuminatio. Sed angelus inferior non illuminat superiorem. Ergo neque loquitur cum illo. 2. Angelus superior comprehendit inferiorem. Ergo nihil potest hic illi manifestare, quod aliunde non innotescat. Atque adeo sicut per hoc non loquitur Deo, ita neque cum superiori.

I. Conclusio, *Angeli sancti loquuntur cum damnatis, & inferiores cum superioribus, & omnes cum hominibus.*

Probaturs prima pars, Per hoc quòd angeli prævaricatores detrusi fuerint ad inferos, non amiserunt esse angelos, neque species rerum naturalium, quas babuerunt à Deo

à Deo in primo suæ creationis instanti, quamvis fuerint quoad aliqua vel diminuti, vel impediti, ut videbimus. Ergo eodem modo cognoscunt naturalia, sicut cognoscebant ante peccatum. Sed tunc loquebantur cum omnibus alijs. Ergo etiam nunc loqui possunt de rebus naturalibus, consentiendo, ut secreta sibi referuata, bonis angelis innotescant, quod est formaliter loqui cum illis.

Probatur secunda pars (quam hic prosequitur D. Tho. ar. 2. in corp.) Primò quia Dyonis. c. 7. de cæl. hier. docet sub med. *Inferiores angeli superioribus dixerunt, quis est iste rex gloriæ?* Deinde, possunt inferiores manifestare superioribus quæ dependent ex ipsorum voluntate. Hac autem manifestatio non est illuminatio, sed locutio tantum, ut si aliquis alteri dicat, *volo hoc discere, vel facere*. Et ratio affertur ibidem à D. Thoma, quia *voluntas creata non est lux, nec regula veritatis, sicut est voluntas divina, sed participans lucem. Vnde communicare ea, quæ sunt à voluntate creata, in quantum huiusmodi, non est illuminare. Non enim pertinet ad perfectionem intellectus mei, quod tu velis, vel quòd tu intelligas cognoscere, sed solum quid rei veritas habeat*. Ergo potest fieri ab inferiori ad superiorē. Præterquamquòd vera illuminatio nō fit, nisi de rebus supernaturalibus, ut videbimus:

Ergo

Ergo quamvis angeli superiores cognoscant aliquid ab inferiori, non proinde illuminantur.

Probatur tertia pars, quia (ut ait D. Thomas hic q. 111. ar. 1. in corp. *possunt angeli proponere hominibus intelligibilem veritatem, sub similitudinibus sensibilibus*). Sed hoc est formaliter manifestare secretum. Ergo est formaliter loqui. Et ideo dicitur Lucæ 1. *Angelus locutus est Zachariæ*. Et paulò inferius, *dixit angelus Mariæ*. Quomodo autem possit Angelus facere huiusmodi propositionem, seu manifestationem, explicatur ab Egidio hic d. 10. q. 3. ar. 1. dub. 6. dicente, *solum ergo loquitur angelus homini, virtutem suam ad corporalia applicando, nempe aërem commouendo, vel suum organum phantasticum immutando, ut accidit, cum baptizato Christo Domino in Iordane à Præcuratore, audita est vox in aere dicens, hic est filius meus dilectus: & cum angelus apparuit Mariæ dicens, Ave gratia plena Dominus tecum: & cum Angelus Raphael locutus est Tobiae &c.* Præterea potest mouere species existentes in memoria, noua in nobis excitare phantasmata, & eadem ordinare, & quodammodo viuificare, ut fusè prosequitur Egidius lococitato. Neque obstat, quòd Angelus non sit homini notus secundum suam substantiam, nam satis est, quòd pateat per
esse.

effectus, vel in ipso aere, vel in phantasia immutationem aliquam sensibilem faciēdo, ut idem docet ibidem.

2. Conclusio, *Requiritur quidem proximitas loci, ad hoc ut angelus cum homine loquatur, non autem ad hoc ut loquatur cum alijs Angelis.*

Probatur prima pars, hæc locutio non potest fieri, nisi per signa aerea, vel immutatione phantasmatum, facta per applicationem corporum, unde resultet in homine audiente, vel visio corporea, vel physicus contactus. Sed hæc omnia fiunt per motum localem, ut prosequitur Suarius disp. 35. met. sect. 6. n. 20. secutus Anglicum hic quæ. III. art. 1. Ergo possunt à distantia retardari. Et ratio est, quia si Angelus formet in aere sensibiles characteres, non possunt ab homine videri, nisi huiusmodi notæ transmittant ad eius oculum species visibiles, ut probauimus in 3. de anima. Sed hi characteres non possunt producere sui species, nisi in proportionata distantia. Ergo in maiori distantia, excedente spheram eorum actiuitatis, videri non possunt, saltem connaturaliter. Et hæc est ratio, cur cænanti Balthasari apparuerunt in pariete, digito angeli descripti characteres illi, *Mane, Thecel, Phares*, vt ab illo perciperentur, quod non accidisset in maiori distantia. Hoc autem multò magis valet
de

de physica corporum phantasticorum applicatione, quæ non fit, nisi immediatione subiecti, quæ dicitur contactus formalis, vel immediatione virtutis, quæ dicitur contactus virtualis. Ergo locutio angeli cum homine, quia debet fieri sensibiliter, non potest excedere distantiam proportionatam.

Probatur secunda pars cum D. Th. hic q. 107. ar. 4. & Egidio hic d. 10. q. 3. ar. 1. dub. 2. Locutio angeli cum angelo habetur per operationem intellectualem. Sed hæc est omnino abstracta à circumstantijs loci, & temporis. Ergo nihil in illam facit seu loci distantia, seu temporum diuersitas. Atque adeo sicut homines possunt cogitare obiecta remotissima, tam loco, quam tempore, ita & angeli illa eadem per mutuam locutionem sibi patefacere.

ARTICULVS VII.

Soluuntur obiecta.

AD 1. primæ sententiæ patet responsio ex modo dictis, cum probauimus, nimiam distantiam impedire quidem locutionem cum homine, quæ fit per signa sensibilia, non autem cum alijs angelis, quæ fit per consensum voluntatis, Ad 2. Nego antecedens, quod valet solum de locutione amicabili, non autem de

de imperatiua . Sicut ergo Deus loquitur cum Dæmonibus imperando , cur non poterunt angeli , qui sunt spiritus administratorij Dei ?

Ad 1. secundæ sententiæ distinguo maiorem , locutio angeli actiue considerata , est eius operatio , concedo . passiuè considerata , nego . Et admissa minori , distinguo consequens , non loquitur actiue , concedo ; passiuè , nego consequentiam . Explico distinctionem , locutio angeli adæquatè sumpta duo dicit , nempe manifestationem actiuam secreti , quæ fit formatione verbi , & consensu voluntatis illud ad alium dirigentis , & hæc est intrinseca angelo loquenti , & denominatur locutio : & præterea dicit manifestationem passiuam , quæ fit in alio angelo , ad quem dirigitur consensus , & est terminus talis locutionis , & denominatur auditio , seu perceptio secreti . Quatenus ergo dicit manifestationem actiuam , quia est intrinseca loquentis operatio , non potest fieri , nisi ubi est loquens . Quatenus verò dicit manifestationem passiuam extrinsecam , loquenti , potest fieri ubi non est loquens , cuius non est operatio , sed terminus extrinsecus eius operationis . Atque adeo sicut potest unus angelus alium videre , quamuis maximè distantem , ita potest in illo videre ea omnia , quæ à tali angelo ad se ordinantur , ut docet Angelicus q. 107. ar. 4. ad 1.

Ad

Ad 2. Nego maiorem. Disparitas est, quia ad visionem corpoream concurret actiue obiectum, per sui speciem oculum informando, & ipse oculus per expressionem illius illud attingendo. Cum ergo obiectum non possit operari extra sphaeram suae actiuitatis, ideo in enormi distantia videri non potest. Ad locutionem autem angeli A. cum B. non concurret actiue ipse angelus B. & ideo illius percceptionem non potest impedire loci distantia. Neque obstat, quod angelus B. perficiat locutionem expressione, seu percceptione secreti sibi reuelati, quæ est eius operatio. Siquidem ad locutionem (ut dictum est) requiritur quidem duplex actio, nempe loquentis, & audientis, & ideo uterque concurret actiue, quia tamen utraque actio est immanens, ideo neuter concurret transitiue, sed solum intransitiue, ad quod nihil facit loci distantia. In visione autem organica, præter actionem immanentem videntis, requiritur etiam actio transiens obiecti, qua immittat ad videntem speciem sui; & ideo potest impediri distantia loci.

Ad 3. Distinguo maiorem cum D. Tho. ibid. ad 2. clamant magnitudine vocis, nego: magnitudine effectus, vel obiecti reuelati, concedo. Et admissio quod clamor vocis impediatur distantia, non, autem alius clamor, nego consequentiam.

Sicut

Sicut ergo D. Greg. 2. moral. c. 6. inquit, *tantò quisque minùs clamat, quantò minùs desiderat* (ut refert ibid. Angelicus) supponendo clamorem fieri magnitudine desiderij; ita possumus dicere, clamorem illum Seraphim factum esse, non voce corporea, cuius sunt incapaces, sed vel expositione rei maximæ, vel effectus inde maximi resultantis, ad quem nihil facit loci distantia.

Ad 1. tertiæ sententiæ patet responsio ex 1. concl. in probatione tertiæ partis. Et concedimus, requiri loci proximitatem ad locutionem angeli cum homine, ut probauimus in 2. conclusione. Neque obstat, quòd Lucæ 16. anima diuitis loqueretur cum Abraham. Nam in primis illa locutio fuit tantum similitudinaria, per modum parabolæ à Christo inducæ. Et deinde si quis velit, fuisse veram locutionem, dico fuisse supernaturaliter factam, cum non possint damnati commercium cum beatis habere ..

Ad 2. Nego antecedens. Quamuis enim homines non habeant species angelorum, possunt nihilominus accipere ab illis species eorum, quæ sunt in angelis, non quidem immediatè, sed mediantibus sensibilibus signis, & effectibus, ut diximus in 1. conclusione.

Ad 1. quartæ sententiæ. Nego maiorem, cum non qualibet locutio sit illuminatio,

ratio, ut diximus in secunda parte primæ conclusionis, & probabimus infra. Ad 1. Nego maiorem, propter dicta disput. 2. art. 3. ubi negauimus, angelos inferiores comprehendi à superioribus. Præterquamquòd quamuis admittatur comprehensio, non tamen sequitur per illam cognosci etiam actus liberos, qui sunt sub perfecto dominio voluntatis, nec patent naturaliter, nisi Deo.

DISPUTATIO XV.

De Illuminationibus Angelorum.

QVeremus 1. An unus angelus alium illuminet? 2. An sicut superior illuminat inferiorem, ita hic illuminet superiorem? 3. Quomodo fiat hæc illuminatio. Et demum an possit vnus luminari, non illuminatis alijs?

ARTICVLVS PRIMVS.

An vnus angelus illuminet alium?

Rrandus in 2. d. 11. q. 3. n. 19. respondet negatiuè dicens, omnes angelos immediatè à Deo illuminari. Priò quia dicitur Apoc. 21. quòd urbs celestis

lestis Hyerusalem non indigeat Sole, aut Luna, ut luceant in ea, nam claritas Dei illuminabit eam, & lucerna eius est agnus. Ergo sicut Sol, & Luna non illuminant homines, unum per alium luce materiali, sed omnes immediatè, ita lumen Dei illuminat omnes sanctos, siue angelos, siue homines immediatè, luce intellectualli, & nullum mediante alio.

2. Quæ spectant ad beatitudinem, habentur à Deo solo immediatè. Sed illuminatio spectat ad beatitudinem, saltem accidentalem. Ergo habetur à solo Deo.

3. Illuminatio fit per aliquam actionem confortatiuam luminis naturalis; sic enim vnum calidum confortatur ex præsentia magis calidi, à quo intenditur. Sed lumen intellectuale unius angeli non agit in lumen intellectuale alterius; neque enim illud imprimit, cum sit à solo Deo; neque intendit, quia est incapax magis, & minus. Ergo neque illud confortat, adeoque unus non illuminat alium.

4. Vel illuminatio fit liberè, vel necessariò? Si primum, ergo angelus illuminans posset non illuminare, adeoque posset non exequi mandatum primi illuminantis, quo adigitur ad alijs communicandum quod sibi reuelatur, quod repugnat angelis beatis. Si secundum, ergo angelus inferior haberet eandem scientiam,

nam quam habet superior, & cum omnia
ab illo doceatur, non posset am-
plius doceri, quæ sunt maiora absurda.

*conclusio, Angeli superiores illumi-
nantes inferiores, non tamen hi illuminant
superiores.*

robatur prima pars, quam tuentur
communiter theologi, cum D. Thomas
q. 106. ar. 4. Primò, illuminatio est
non atque manifestatio, ut probat ibid.
angelicus ar. 1. ex D. Paulo ad Ephes. 3.
*in omnium Sanctorum minimo data est
potestas illuminare omnes, quæ sit dispensa-
tio sacramenti absconditi à sæculis in Deo.*
5. Omne quod manifestatur, lumen est.
angelus superior manifestat alteri ve-
ritatem, quam ipse cognoscit, & alter
angelus inferior, cognoscere non posset.
angelus superior illuminat inferior-
es, docendo sanctas theorias, ut docet
Egidius.

Dionysius c. 7. de cæl. hier. docet,
Theologi (hoc est David, & Isaias,
exponit Valentia hic disp. 8. q. 4. pun-
1.) apertius indicant, inferiores scilicet
angelorum spirituum ordines à superioribus
angelorum operum scientiam honestissimè
habere; qui verò celsiores omnibus sunt, à
Deo ipsa (ut fas est) seorsim sacratius
instructi. Et c. 8. sub med. docet, quòd
angelus secundæ hierarchiæ purgantur, &
gubnantur per angelos primæ hierar-
chiæ.

chiz. Ergo de hac re dubitari non potest cum hic author summam in hac materiâ habeat authoritatem, eò quia (ut ipse testatur c. 6.) quidquid de angelis scriptum reliquit, didicit oretenus ab Apostolis & præcipuè à D. Paulo, à quibus fuit ipse illuminatus.

Neque est audiendus Durandus, qui loc. cit. conatur exponere magnum Dionysium, dicens huiusmodi illuminationem mediatam, non fieri per causalitatem sed per consequentiam quamdam, quatenus omnes simul tempore à Deo illuminantur, sed prius unus, quam alius natura, ve dignitate; & ita unus mediante alio, mediatione cuiusdam consequentiæ, quam consequentiam taliter explicuerat, qui omnes angeli continuantur in irradiatione diuini luminis, siue naturalis, siue superadditi, ideo quod præsentatur primo angelo ordine cuiusdam consequentiæ præsentata omnibus. Nam hæc posterioritas consequentiæ, vel est purum opus rationis ratiocinantis, vel ratiocinata? Si primum, ergo verè ex parte obiecti non datur subordinationis unius angeli ab alio, quod repugnat Dionysio, & communi theologorum censui, sed solum per nostrum modum intelligendi, qui esset omnino irrationalis, si nullum haberet fundamentum ex parte obiecti. Si secundum, ergo non est sola consequentia formalis, sed etiam obiectiva.

biectiua, quæ tandem debet reduci ad hoc, quòd unus angelus aliquid operetur in alium, quod est formaliter illuminatio, quam propugnauimus.

3. Isaia 63. dicitur, *quis est iste, qui venit de Edom?* Et psal. 23. *Quis est iste rex gloriæ?* Sed hoc iuxta unanimum Patrum expositionem, & præcipuè Dyonisij, nihil aliud significat, nisi imperfectam angelorum inferiorum cognitionem, quã habebant de resurrectione Christi Domini, quoad circumstantiam eius gloriosi triumphi; & ideo ut fiant certiores, interrogant superiores, qui eis respondent dicentes, *Dominus virtutum ipse est Rex gloriæ*, illos purgantes de hac ne scientia.

4. Quamuis Deus posset omnia facere per se ipsum immediatè, non tamen facit, sed corpora inferiora gubernat, & illuminat per superiora, ut ordo subordinationis seruetur in corporalibus; ita quamuis posset per seipsum omnes angelos illuminare, non tamen illuminat, sed ut seruetur spiritualium substantiarum subordinationis, unam illuminat mediante alia, ut obseruat D. Thomas q. 9. de ver. ar. 1. & hic ar. 4. in corpore, & alibi sæpe.

Probaturs secunda pars, illuminatio fit per purgationem à nescientia, & per actû quemdam magisterij (ut videbimus) quo perficiatur illuminatus. Non est autem conueniens, quòd qui est natura perfe-

ctior, & Deo proximior, purgetur, doceatur, & perficiatur ab eo, qui est naturalis imperfectior, & Deo remotior. | Aliter tolleretur statuta subordinatio. Ergo inferior non illuminat superiorem. Præterea illuminatio est manifestatio veritatis de his, quæ pendent à diuina voluntate. Ergo si inferior illuminaret superiorem, illi manifestaret huiusmodi veritatem. Hoc autem est impossibile, quia vel hæc veritas esset naturalis, vel supernaturalis? Si primum, ergo multò clariùs percipitur à superiori, qui habet species uniuersaliores, ut dictum est disp. 10. Si secundum, ergo prius à Deo reuelatur superiori, ad seruandam eorum subordinationem. Ergo nihil habet inferior, quo possit superiorem illuminare per suam locationem.

Dices, Apostoli, & Prophetæ docuerunt plura mysteria ipsos angelos, quamuis essent illis inferiores, ut dicitur ad Ephes. 3. *Vt innotescat principatibus, & potestatibus per Ecclesiam multiformis sapientia Dei.* Præterea Lucifer licet superior multis angelis sanctis, potest ab illis illuminari. Ergo &c.

In primis dico, esse Deo arbitrarium, reuelare cuicumque voluerit sua secreta. Et ideo potuisse Verbum incarnatum reuelare immediatè Apostolis aliquod gratiæ mysterium, saltem quoad aliquas circum-

cumstantias, quod angelis occultauerit. Hoc autem non tollit quò minus regulariter loquendo, oppositum accadat. Deinde ad hunc locum aliam responsionem attulimus disp. 10. ar. 5. ad 2. Et demum dico cum D. Tho. super hunc locum, nullum beatum illuminari à viatoribus, eo quia quidquid hi à Deo per reuelationem acceperint, ab illis videatur in Verbo. Et ideo Christus Dominus Luc. 7. cum prætulisset Baptistam cunctis hominibus, conclusit, *Qui autem minor est in regno Dei, maior est illo.* Ergo quamuis angeli per Apostolos aliquid cognouerint, non tamen fuerunt ab illis illuminati, quia Apostoli illos non docuerunt, sed solum opere mysteria multa expleuerunt, & fecerunt actu cognoscibilia, quæ prius in diuinis ideis erant omnibus abscondita, ut docet idem Angelicus in 2. d. 11. q. vn. ar. 4. Ad instantiam de Lucifero, dico, illum non illuminari ab angelis sanctis, Primò quia illi non manifestant veritates naturales, quæ illi patent. Et deinde quia si aliquid manifestent de supernaturalibus, Deo permittente, non proinde fiunt meliores, quod est proprium illuminationis, quæ perficit illuminatum. Vnde nec unus Dæmon, licet superior, illuminat alium.

ARTICVLVS II.

Solvuntur obiecta.

AD 1. Respondetur communiter cum D. Tho. q. 9. de ver. ar. 1. ad 13. *Quod auctoritas illa intelligenda est de his, quæ pertinent ad cognitionem beatitudinis, quam aliqui restringunt ad solam essentialem, & alij dilatant etiam ad accidentalem, eo quia solus Deus est ille, qui dat omnibus beatitudinem vtramque immediatè, iuxta glossam illius loci, dicendo quòd illuminat maiores, & minores, ut ibi refert Angelicus, hoc est superiores, & inferiores. Sed quia ibi loquitur Apostolus de empyreo, tamquam de cælesti Hierusalem materialiter sumpta, quò non peruenit lumen solis, & multò minùs Lunæ, & nos philosophicè loquentes in 3. de cælo diximus, empyreum habere lucem innatam, congruenter possumus dicere theologicè, corpus gloriosum Christi Domini esse in illo instar Solis, totum illuminantis luce materiali. Ergo hæc auctoritas nihil facit, aduersus illuminationem angelorum intellectualem unius in alium.*

Ad 2. Dico, verum esse haberi à Deo solo immediatè quæ spectant ad beatitudinem essentialem, non autem ea, quæ spectant ad accidentalem, quæ cum includat inter alia, etiam commercium beatorum,

rum, ut diximus in loco, & hoc supponat amicabilem consuetudinem, & communicationem secretorum, potest, & de facto completur per multa bona creata, quæ pendent etiam ab alijs. Hoc autem non obstat, quòd etiam hæc non sint à Deo, primò quia est eorum omnium primum, & necessarium principium. Et deinde, quia censetur per se ipsum facere Deus, quoties facit per alios, quibus ipse suam auctoritatem impertitur, ut dicimus de Ecclesia. Cum ergo superioribus angelis suam impertiatur auctoritatem, ad aliquid inferioribus reuelandum, etiam hoc censetur à Deo fieri; adeoque tota beatitudo à Deo est.

Ad 3. Nego minorem. Et dico, lumen interioris intendi per conuersionem, seu applicationem ad lumen superioris. Quomodo autem id fiat, videbimus in ar. sequenti.

Dices, lumen intellectuale per se consequitur essentiam angeli. Ergo non potest poni intentio in lumine, quin ponatur in ipsa essentia. Sed in hac poni non potest. Ergo neque in illo.

In primis nego antecedens. Vel enim prò lumine intelligitur virtus intelligendi, vel species intelligibilis? Si primum, cum non distinguatur ab essentia angeli, ut probauimus disp. 9. ar. 1. non sequitur eius essentiam, cum qua est unum, & idem.

Si secundum, cum species non sint angeli proprietates, ut probauimus disp. 10. ar. 5. non sequuntur per se eius essentiam, sed de foris infunduntur à Deo. Deinde nego primam consequentiam. Sicut enim calor intenditur, quamuis procedat à substantia ignis, quæ intendi non potest, quod idem dico de actu intellectiōis præ intellectu, de visione præ oculo, frigore præ niue &c. ita potest intendi lumen angeli, licet non intendatur eius substantia. Aliter nulla posset fieri intensio. Cum enim omnis qualitas sit in substantia, in qua inhæret, si eius intensio refunderetur in subiectum, sicut hoc intendi non potest, ita neque ulla qualitas intendi posset, quod est absurdum.

Ad 4. Dico, illuminationem fieri partim liberè, & partim necessariò, non quidem necessitate physica, sed morali. Fit liberè, quatenus angelus superior multa inferioribus manifestat, quæ cum spectent ad eius actus liberos, quos naturaliter habet, posset non manifestare. Sicut enim inferior liberè consentit, ut sua secreta cognoscantur à superiori, ita & superior inferiori, unde resultat materia mutui amoris, & fouetur amicitia. Fit autem necessariò, quando Deus aliquid exponit superiori, cum præcepto ut communicetur inferiori, cuiusmodi sunt illa, quæ spectant ad hominum custodiam, tradi-

tam

tam inferioribus, & ad salutem electorum. Hinc tamen non sequuntur absurda inculcata. Non primum, quia quamvis inferior, & superior conuenirent in paritate scitorum, non tamen conuenirent in modo sciendi, qui semper esset perfectior in superiori, qui eadem cognosceret per species magis vniuersales, adeoque perfectiores. Sicut enim beati quamuis omnes videant totum Deum, & conueniant in beatitudine obiectiua, non tamen sunt æque beati, quia vnus alio perfectius videt, & ideo discrepant in beatitudine formali; ita illuminans, & illuminatus.

Neque secundum, quia (vt docet hic D. Tho. q. 106. ar. 4. ad 3.) semper Deus noua reuelat superioribus angelis, vsque ad finale iudicium, maximè spectantia ad mundi gubernationem, & electorum salutem. Quid sit autem futurum post finale iudicium, non licet homini perscrutari.

ARTICVLVS III.

An illuminatio fiat per locutionem? Vbi an possit fieri vni, & non alijs.

Videtur non fieri, vt contendunt Scotus, Heruzus, Marsilius & Suarez, quorum primus asserit, fieri per productionem conceptus in illuminato: secundus producendo maius lumen intel.

lectuale: tertius introducendo nouam dispositionem, ad lumen à Deo recipiendum: & quartus producendo nouam speciem.

1. Quia si fieret per locutionem, illuminatio facta uni, non extenderetur ad omnes inferiores, sed ad illos tantum, ad quos dirigeretur consensus voluntatis illuminantis, ut diximus de locutione. Hoc autem repugnat Dyonisio 15. de cæl. hier. docenti, *unaquæque cælestis essentia intelligentiam sibi traditam alijs communicat*. Ergo non fit per locutionem.

2. Quamuis Dæmon superior loquatur cum inferiori, non tamen illum illuminat, ut docet D. Thomas hic q. 109. ar. 3. quod idem diximus de angelis sanctis, loquentibus cum superioribus. Ergo locutio non est illuminatio.

3. Ita se habet illuminatio facta à superiori angelo, sicut eius illuminatio facta à Deo. Sed hæc fit per productionem nouæ speciei. Ergo & illa.

4. Angelus superior illuminat, confortando lumen inferioris, excitando, & applicando eius intellectum. Sed hæc non possunt fieri, sine productione alicuius intrinseci in ipso illuminato. Ergo ad illam non sufficit locutio.

Conclusio, *Omnis illuminatio fit per locutionem, non tamen omnis locutio est illuminatio*. Ita D. Thomas q. 106. ar. 1.

Pro-

Probatur prima pars, quam tenent expresse Egid. Bonauentura, Caietanus, & Gibbo, cum plerisque Thomistarum. Primò, omnis illuminatio est manifestatio agnitæ veritatis, vt probat D. Thomas hic q. 107. ar. 1. Omnis autem manifestatio veritatis agnitæ, non solum manifestat ipsam veritatem obiectiuam, sed etiam conceptum, quem de illo format ipse manifestans. Ergo cum manifestatio conceptus sit formaliter locutio, omnis illuminatio est formaliter locutio. Minor patet ex lib. perhier. Probatur maior, nam illuminare alium, est formaliter illum docere, vt supra diximus. Sed docere, est exponere agnitam veritatem. Ergo est loqui.

2. Ex Dyonisio c. 15. de cæl. hier. docente, *Vnaquæque substantia intellectualis datam sibi à diuiniorē uniformem intelligentiam prouida virtute diuidit, & multiplicat ad inferioris sursum ductricem analogiam, idest (ut explicat ibid. S. Thom.) quòd Angelus superior, expressus nomine diuinioris substantiæ, quodammodo diuidit, & particularizat quæ ipse solum sub ratione uniuersali cognouit, sicut faciunt Doctores, qui ut discipuli intelligant, quod ipsi in summa capiunt, multipliciter distinguunt, prouidentes capacitati illorum. Id enim quod inferior sufficienter non intelligeret, si solum sibi pro-*

proponeretur sub aliqua ratione uniuerſali, bene percipitur per appoſitas ſimilitudines, & diſtinctiones redactum ad particularia. Nam e. g. difficillimè homo rudis intelliget aliquam demonſtrationem mathematicam, paucis terminis explicatam ab aliquo inſigni mathematico, quam deinde facilè intelliget, ſi pluribus terminis, appoſitisque ſimilitudinibus explicetur. Sed hæc fieri non poſſunt, niſi per locutionem. Ergo angeli per illam illuminantur, ita ut quæ paucis comprehenſa, à ſuperioribus intelliguntur, intelligantur ab imperfectioribus, per illos tantum pluribus explicata.

Probatur ſecunda pars, non omnis locutio docet audientem. Nam aliquando poteſt eſſe locutio angeli inferioris ad ſuperiorem, & aliquando de re falſa. Sed hæc non docet, docente Aug. lib. 9. de Trin. c. 15. *Verbum noſtrum non ſemper gignitur de ſcientia, ſed aliquando gignitur de ignorantia; multa enim dicimus, quæ ignoramus.* Sed quæ non docet, non illuminat. Ergo non eſt illuminatio, ut concludit Egidius hic in reſol. dubij primi exemplo diſcipuli, & magiſtri. Quod ſi loquamur de locutione Dei ad angelos, vel angeli ad homines, ait, *locutio Dei eſt manifeſtatio voluntatis Dei. Cum ergo voluntas Dei ſit cauſa omnium rerum, eius locutio erit manifeſtatio cauſæ omnium rerum.*

rum. Sed manifestare causam rerum, quas Deus est factururus, est illuminare. Ergo omnis locutio Dei est illuminatio, ut docet etiam D. Thomas hic ar. 2. ad 3. Et affert rationem, quia cum voluntas Dei sit regula veritatis, etiam scire quid Deus velit, pertinet ad perfectionem, & illuminationem mentis creatæ.

De locutione angelorum dico, quod si sermo sit de beatis, cum hi semper videant Deum, non possunt errare, & quia nos amant propter Deum, cuius sumus imagines, nolunt nos decipere, & ideo quoties nobiscum loquuntur, nos illuminant. Angeli verò mali, quia multa nesciunt, & qui nos oderunt, adeoque cupiunt in errorem inducere, ut pereamus, ideo non illuminant suis locutionibus, sed potius obtendunt tenebras ut illudant.

Ad 1. Nego minorem. Ad auctoritatem Dionysij dico, quod angelus illuminans, potest dirigere suam locutionem ad omnes illos, quos vult illuminare. Et sic quamvis fiat per locutionem, non restringitur ad solos paucos. An autem possit fieri illuminatio uni, & non alteri eiusdem ordinis, videbimus infra.

Ad 2. Patet responsio ex dictis, quia cum Diabolus sit pater mendacij, & os for Dei, & hominum, non habet prò fine ordipare suam locutionem, ad hoc ut mens audien-

audientis feratur in Deum; & ideo eius locutio non est illuminatio. Quoad angelos sanctos, dico, locutionem eorum esse quidem manifestatiuam superioribus alicuius veritatis, non tamen esse illuminationem, quia non est de his, quæ pendent à prima regula veritatis, nempe à diuina voluntate, sed de his, quæ pendent à voluntate ipsius loquentis, quæ est regula propria ipsius, & non communis omnibus.

Ad 3. Nego maiorem. Disparitas est, primò quia Deus, ut causa uniuersalissima simpliciter necessaria, ad hoc ut cuncta alia existant, & operentur, sicut potuit ab initio infundere angelis rerum naturalium species, ita potest in tempore infundere species rerum supernaturalium. Angeli autem non habent hanc facultatem. Deinde quia Deus, ut supremus omnium Dominus, potest illabi in intellectum angelicum, producendo in illo cognitionem obiecti, quod illi vult reuelare, quod toties concessimus fieri posse, & ex professo in trac. de visione. Angelus autem non potest illabi in angelum inferiorem.

Ad 4. Nego minorem. Et dico, angelum illuminantem producere quidem aliquid in se, nempe consensum voluntatis, quo dirigit suum conceptum ad alium, ex quo sequitur etiam noua productio

ali-

alicuius in ipso illuminato, nempe cognitionis veritatis manifestatae. Ad hanc autem cognitionem, non concurrit effectiue angelus illuminans, sed solum remouendo prohibens, eo modo quo aperiens fenestram domus est causa ingressus solis, & calefactionis in illa factae. Cum enim veritas à Deo reuelata Michaeli e. g. cognosci non posset à Raphaeli, eò quia obstaret dominium, quod habebat Michael supra illam, ut à se cognitam, & possessam, remoto hoc obstaculo per eius consensum, sit cognoscibilis proximè Raphaeli, vel per applicationem speciei, quam habet de illa, si sit naturalis, vel per acceptionem nouae speciei, siue cognitionis, si sit supernaturalis.

Dices, Deus non dependet à consensu Michaelis, ad hoc ut producat in Raphaeli speciem, seu cognitionem veritatis supernaturalis. Ergo Michael non potest remouere prohibens.

Nego consequentiam. Quamuis enim Deus in operando ad extra à nullo dependeat, tamen potest liberè alligare unum cum alio. Sicut ergo non vult reuelare hanc veritatem Raphaeli, nisi per Michaellem, ita eius manifestationem alligauit cum consensu Michaelis, quo remoueat obex domini, sub quo illam tradidit Michaeli.

Ex dictis infer, posse fieri illuminationem
nem

nem uni, vel pluribus, & non alijs. Cùm enim fiat per locutionem, & hæc ad arbitrium loquentis, manifestet cuicumque placuerit secretum ipsius, & non alijs, etiam illuminatio, ut est formaliter talis, præscindendo ab hoc, quòd aliter disponatur à Deo, qui posset ita aliquid alicui Seraphim reuelare, ut illum adigeret ad alios illuminandos, illud idem illis manifestando. In tali enim casu hic angelus posset quidem physicè, non tamen moraliter, non omnibus hoc, quòd accepit manifestare.

Quòd si quæras eius obiectum, D. Thomas hic art. 1. ad 2. ait, illuminationem posse fieri de his, quæ pertinent ad statum naturæ, gratiæ, & gloriæ. Quia tamen naturalia actu existentia patent omnibus, explicandus est de merè possibilibus, vel futuris intra ordinem naturæ. Caterum propriè loquendo, est solum de supernaturalibus, quorum species angeli non habuerunt ab initio, ut diximus in loco.





DISPUTATIO XVI.

De Angelis ut eleuatis ad gratiam.

EGimus usque adhuc de angelis, consideratis secundum sua naturalia. Agendum superest de illis, ut eleuatis ad ordinem supernaturalem, nempe eorum beatitudine, gratia, peccato, merito, pena, custodia hominum, tentationibus, aliisque huiusmodi, de quibus seorsim agemus in sequentibus disputationibus. Incipientes ergo in hac disputatione, quaeremus 1. An angeli fuerint creati in gratia? 2. An ad illam se disposuerint? 3. An fuerit illis haec gratia necessaria? 4. An illam habuerint iuxta proportionem naturalium?

ARTICVLVS I.

*An omnes angeli fuerint creati in gratia?
Vbi an ad illam se disposuerint?*

Videtur quod non, ut propugnant Scotus in 2. d. 5. q. 1. D. Bonau. ibid.

ibid. d. 4. ar. 1. q. 2. Egidius ibid. q. 1. a. 4. Alexander, & alij. Primò quia gratia est impossibilis cum peccato, ut probabimus suo loco. Sed dæmones fuerunt mali ab initio. Ergo non habuerunt gratiam. Probatur minor, Primò ex Io. c. 8. ubi dicitur, *Diabolus homicida fuit ab initio*. Et deinde ex eodem, qui sua 1. ep. c. 3. ait, *Qui facit peccatum, ex Diabolo est, quia ab initio Diabolus peccat*. 3. Ioannes Papa in 6. can. *visis litteris* q. 2. definit, non potuisse dæmonem habere charitatem in cælo. Sed qui non habet charitatem, est malus, ex defectu gratiæ, à qua charitas non diuiditur. Ergo Dæmones ab initio non habuerunt gratiam.

2. Augustinus lib. de corrept. & gratia c. 10. docet, sic Deus ordinavit viam hominum, & angelorum, ut in ea prius ostenderet quid possit eorum arbitrium, deinde quid possit gratiæ beneficium. Sed si ab initio contulisset illis gratiam, non potuisset ostendere, quid posset eorum arbitrium, quod semper fuisset præuentum gratia. Ergo illam non contulit ab initio.

3. Deus non contulit gratiam angelis, nisi ut dispositis per amorem Dei supernaturalem. Ergo dispositio præcessit gratiam. Sed prius, & posterius non possunt simul esse in eodem instanti. Ergo in
primo

primo instanti non fuit gratia .

4. Qui habent gratiam , conuertuntur in Deum . Ergo quia angeli sunt inflexibiles , fuissent ita ad Deum conuersi , ut non potuissent ab illo auerti , quod est falsum .

5. Vel habuissent gratiam habitualem, vel actualem? Non primam , quia prærequiritur dispositio . Neque secundam , quia cum sit donum supernaturale , fundatur in habituali, quæ est radix omnium donorum supernaturalium . Ergo nullam .

Conclusio , *Omnes angeli fuerunt creati in gratia sanctificante* . Ita Magister in 2. d. 3. lit. F. quem sequitur D. Thomas hic q. 62. ar. 3. cum suis , & alijs .

Probatur 1. communiter ex illo Ezech. 28. *Tu signaculum similitudinis , plenus sapientia &c. perfectus in vijs tuis à die conditionis tuæ , donec inuenta est iniquitas in te* . Sed quia textus clarissimè loquitur de rege Tyrriorum , de quo multa dicuntur in toto illo capite , quæ angelis conuenire non possunt , ideo melius ab Augustino lib. 11. de genesi ad litt. c. 25. potest extendi ad significandos principes prauos, qui meritò Luciferi membra nuncupantur . Omittis ergo scripturæ oraculis , quæ nulla extant hac super re, Probo 1. cum ipso Augustino, qui lib. 12. de ciu. c. 9. docet, *sine bona voluntate , hoc est Dei amore numquam sanctos angelos fuisse* .

fuisse credendum est. Et nè videretur lo-
qui de amore naturali, immediatè ante
se explanavit, dicens, Et istam (hoc est
bonam voluntatem) (quis fecerat, nisi il-
le, qui eos cum bona voluntate, idest cum
amore casto, quo illi adhærent, creavit,
simul in eis, & condens naturam, & lar-
giens gratiam? Cui concinunt Basilius,
& Damascenus, nam ille in psal 32. aper-
tissimè inquit, angelos prima constitutione,
quasi conspersione substantiæ, simul insu-
sam habuisse sanctitatem: & alter lib. 2.
fidei c. 3. ait, Per Verbum angeli omnes
creati sunt, ac per Sancti Spiritus sanctifi-
cationem perfecti.

2. Ratione deducta ex eodem August.
 ibid. docente, non ad solos sanctos homi-
 nes pertinere, verum etiam de sanctis an-
 gelis posse dici, quod charitas Dei diffusa
 sit in eis per Spiritum Sanctum, qui datus
 est eis. Tum sic, Primus homo factus est
 in gratia. Augustinus autem docet, quo-
 ad hoc angelos esse hominibus coæqua-
 tos. Ergo & illi facti sunt in gratia.
 Maior (quam probant D. Thomas hic q.
 91. ar. 1. & Bellarminus lib. de grat. pri-
 mi hom. c. 3.) patet ex definitione Tri-
 dentini sess. 5. can. 1. *Siquis non confite-*
tur, primum hominem Adam, cum man-
datum Dei in paradiso fuisset transgressus,
statim sanctitatem, & iustitiam, in qua
constitutus fuerat, amisisse &c. anathema
sit.

3. Cui-

3. Cuicumque substantiæ intellectiue capaci propriæ felicitatis, à primo libertatis instanti, debet præfigi aliquis finis ultimus, nè currat in incertum. Non potest autem præfigi alius, ac ille, qui reuera futurus est; alioquin à Deo deciperetur, & posset ab ultimo suo vero fine deuiare, etiam cum laude, quod est absurdum. Ergo quia finis ultimus angelorum fuit beatitudo supernaturalis, debuit illis proponi, & præfigi à primo creationis instanti, in quo habuerunt perfectum usum libertatis. Cum ergo finis supernaturalis non sit assequibilis sine gratia, quæ est unicum medium illius, congruum fuit, ut gratia donati fuerint, ad hoc ut possent assequi suum finem, quod melius patebit art. sequenti.

Ad 1. Nego consequentiam. Ad prima duo testimonia dico, per *ly initium*, non intelligi aliquod instans, sed totum tempus, quo comprehenduntur sex illi dies, quibus Deus successiue creauit mundum. Aliter si temper Diabolus fuisset malus, non potuisset Deus asserere Gen. 1. *Uidit cuncta, quæ fecerat, & erant valde bona*, ut obseruat D. Thomas q. 63. ar. 5. Sicut ergo dicitur de Adam, quod peccauit ab initio mundi, licet non peccauerit in primo suæ creationis instanti; ita dicitur de diabolo, quod ab initio peccat, eo quod peccauerit, nondum completa mundi

di

di creatione, ut aliqui putant, vel statim illa completa, ut alij volunt; hoc est paulò post hominis creationem. Ad auctoritatem Ioannis Papæ, dico, *ly non potuisse*, non significare impotentiam, sed depravationem voluntatis, qua trahebatur Lucifer ad oppositum charitatis. Aliiter peccare non potuisset, quod est erroneum. Præterquamquòd Pontifex ille non determinat tempus talis defectus. Ergo debet exponi, quòd Diabolus non potuit habere charitatem, non quidem per negationem receptionis gratiæ, sed per negationem retentionis illius, seu perseuerantiæ in illa.

Ad 2. Nego minorem. Quia cum gratia habitualis in via de se sit amissibilis, potuit à Deo conferri, cum præscientia quòd per sequens peccatum amitteretur, non ut amitteretur, quia illam contulisset ut formaliter incongruam, ex amore incongruitatis, quod in trac. de prædest. vidimus Deo repugnare, sed ut relinqueretur arbitrium in solis auxilijs sufficientibus actualibus, cum volūtate permittēdi peccatum, ut illius imbecillitas pateret. Quando autem vult, ut pateat quid possit gratia, dat congruam ut congruam, ex amore effectus ex illa secuturi, ut ibidem docuimus. Contulit ergo Deus ab initio omnibus Angelis gratiam habitualement, cum hoc tamen discrimine, quòd sanctis
ange-

angelis contulit cum illa, aliam gratiam actuale congruam, ad perseverandum in ea, quam pravis denegavit, dando illis tantum gratiam sufficientem, qua non perseverarunt.

Ad 3. Respondeo primò negando antecedens, cum Deus potuerit angelis infundere simpliciter gratiam, præueniendo omnem usum eorum libertatis, ut facit cum pueris. Neque obstat quòd gratia habitualis constituat perfectam amicitiam, quæ non contrahitur sine consensu utriusque. Primò quia sufficit consensus concomitans. Et deinde quia cum Deus sit Dominus omnium voluntatum creaturarum, potuit sua voluntate supplere defectum voluntatis angelicæ, & præuenire omnem eius actum, sicut fecit de facto in Christo Domino, quem constituit suum amicum in primo eius conceptionis instanti. Respondeo secundò distinguendo consequens; dispositio præcessit gratiam prioritate naturæ, concedo: prioritate temporis, nego. Sicut enim ultima dispositio ad formam physicam, habetur per aduentum ipsius formæ, ut docuimus in 3. de gener. ita dispositio ad gratiam potest etiam haberi per aduentum ipsius gratiæ.

Ad 4. Nego consequentiam, cum angelorum inflexibilitas non sit circa ea obiecta, quibus imperfectè adhaferunt, ut

fuerunt proposita in primo instanti, sed circa ea, quibus perfectè, & plenè adhererunt, ut fuerunt in secundo instanti.

Ad 5. Patet responsio ex responsione tertij, & ex dicendis articulo sequenti.

A R T I C V L V S II.

An fuerit angelis necessaria gratia ad dilectionem Dei?

Videtur non fuisse necessaria, Primò quia quod potest fieri per solas vires naturæ, non indiget adiutorio supernaturali. Sed Angeli per solas naturæ vires poterant Deum summè diligere. Ergo non habebant gratiæ necessitatem. Maior patet, aliter omnis actio agentis liberi creati, esset intrinsecè supernaturalis, propter essentialem dependentiam à principio supernaturali, quod est erroneum. Minor probatur, quod est necessarium naturaliter operanti, fit per solas vires naturæ; aliter in via naturæ daretur necessitas ad impossibile, quod est absurdum. Sed amor Dei summus est angelo necessarius, etiam quoad exercitium, extra statum beatitudinis, ut probatum est disp. 13. ar. 2. Ergo non indiget gratia, sed fit per solas vires naturæ.

2. Ideo homo indiget gratia, ad amandum Deum, quia propter corpus aggrauans animam, trahitur ad sensibilia. Sed
ange:

Angeli, cum sint incorporei, non trahuntur ad sensibilia. Ergo non indigent gratia, sed suis viribus feruntur in Deum, nec possunt retrahi à concupiscentia.

3. Angeli receperunt gratiam ex propria dispositione, ut diximus hic ar. 1. ad 3. Sed hæc dispositio fuit dilectio Dei. Ergo ad illam non fuit necessaria gratia; aliter daretur processus infinitus in dispositionibus ad gratiam.

Conclusio, *Fuit angelis necessaria gratia, ad hoc ut diligerent Deum, non quidem ut authorem naturæ, sed ut est author ordinis supernaturalis.* Ita D. Tho. hic q. 62. ar. 2.

Probatur, bonum non mouet voluntatem ad sui amorem, nisi ut cognitum, sicut fusè probauimus in 2. phys. Sed Deus, ut est author naturæ, clarè, & distinctè cognoscitur ab angelis, non autem ut est author ordinis supernaturalis, per solum lumen naturale. Ergo quia amor procedens per solas vires naturæ, sequitur ductum luminis naturalis, potest quidem angelus naturali dilectione ferri in Deum, ut authorem naturæ, & ultimum finem naturalem, non tamen in illum, ut est author ordinis supernaturalis, & multò minus ut est obiectum beatitudinis supernaturalis, nisi adiutorio aliquo supernaturali confortetur, cuiusmodi est gratia excitans, præueniens, & cooperans.

Confirmatur, ita se habet voluntas ad bonum, sicut intellectus ad verum. Sed hic non potest ferri ad obiectum superans suum captum; & ideo in trac. de visione diximus, esse illi necessarium lumen gloriæ. Ergo neque voluntas ad bonum excedens suam naturam, & inclinationem naturalem, cuiusmodi est Deus ut beatificans.

Ad 1. Dico, argumentum concludere de amore Dei, ut authoris naturæ, quo non poterant mereri beatitudinem supernaturalem, & de quo locuti sumus loco citato, non autem de amore Dei, ut beatificantis.

Ad 2. Nego maiorem, si ly *ideo* dicat totam causam, cum necessitas gratiæ in nobis, non solum sit ex carnis corruptione, & infectione peccati (ut loquitur Angelicus) sed etiam quia finis est intrinsecè supernaturalis. Ergo quamvis angeli non habeant necessitatem gratiæ, ad amandum Deum, ex capite carnis retrahentis, quia tamen habent ex alio capite, nempe ex obiecti supernaturalitate, superante suas vires, ideo sine illa non possunt Deum diligere salutariter, seu ut oportet, ut loquitur Tridentinum.

Ad 3. Nego maiorem, si sermo sit de gratia praeventiente, de qua non locuti sumus in loco citato. Dico ergo dispositionem requiri ad gratiam habituales, non
autem

autem ad actualem, saltem ad primam. Et ideo quia angeli præuerti gratia actuali, dilexerunt Deum, per talem dilectionem se disposuerunt ad gratiam habitua-lem, docente hic D. Thoma ad 3. *Tertia conuersio est, per quam aliquis præparat se ad gratiam habendam; & ad hanc non exigitur aliqua habitualis gratia, sed operatio Dei ad se animam conuertentis, secundum illud Thren. ult. conuerte nos domine ad te, & conuertemur. Vnde cessat infinitus processus.*

ARTICVLVS III.

An quantitas gratiæ angelis collatæ, fuerit proportionata eorum physici perfectioni?

Videtur quod non, Primò quia perfectio physica ordinis naturalis non potest esse Deo ratio conferendi nobis sua auxilia supernaturalia. Inmò damnatum fuit in Pelagio, naturalem nostram dilectionem esse motivum, & mensuram perfectionis diuinæ gratiæ. Ergo quia per Augustinum, quoad hoc, fuit par conditio hominum, & angelorum, non potuit in angelis perfectio diuinæ gratiæ, proportionari eorum physice perfectioni.

2. Gratia datur gratis, aliter non esset gratia, ut docet Apostolus. Ergo non habet pro mensura, nisi diuinam volun-

tatem, ut videre est ad Rom. II.

3. Non minùs sunt necessaria auxilia, ad perseverandum in bono, quàm ad illud faciendum. Sed ad perseverandum non fuerunt angelis collata, iuxta proportionem naturalium; siquidem cum videamus lapsum Luciferi, qui tot alijs perseverantibus est perfectior, arguimus illi non fuisse collata auxilia congrua, quæ habuerunt perseverantes. Ergo non fuerunt collata ulla auxilia, ad proportionem naturalium.

Conclusio, Quamvis Deus, ut supremus Dominus gratiæ, potuerit angelis inferioribus conferre maiora auxilia, tamen probabile est, illa singulis contulisse, secundum proportionem naturalis perfectionis eorum. Ita D. Thomas hic q. 62. ar. 6. quem sequuntur communiter theologi.

Prima pars est de fide. Secunda, quæ est potiùs diuinabilis, quam disputabilis, probatur 1. cum D. Thoma, In angelis non datur impedimentum partis sensitivæ, quo retardetur motus voluntatis. Ergo probabile est, quòd in primo instanti, in quo omnes fuerunt creati in gratia (ut dictum est) omnes toto conatu dilexerint Deum. Sed qui perfectiorem habebant voluntatem, & vim intellectiuam, perfectius Deum cognouerunt, adeòque etiam dilexerunt. Ergo quia fuerunt magis dispositi, probabile est, quòd receperint
maior

rem gratiam, eò quia (ut concludit D. Thomas) *secundum intensiorem conuersionis in Deum, datur maior gratia, & gloria.*

2. Deus creauit angelos ad ornatum, & decorem suæ curiæ. Ergo quò illis destinauit celsiorem locum, & sedem sibi propinquiorem, eò congruentius fuit, ut præ cæteris decorarentur. Sicut enim principes terreni quò altius euehant suos aulicos, eò specialius honorificant: & ædificatores quò honoratiorem locum lapidibus destinant, eò magis illos expoliunt, & aptant; ita & Deus quo facit sibi proximiores, sicut immediatiùs illuminat, ita etiam copiosius decorat suis gratijs. Sed illos, quos fecit perfectiores in naturalibus, fecit sibi propinquiore: Ergo maioribus gratiarum donis locupletauit.

Ad 1: Nego consequentiam. Et dico, naturalia angelorum non habere respectu Dei rationem motiui, ad conferendam maiorem gratiam, multò minus rationem meriti, seu dispositionis proximæ, aut remotæ, quod fuit damnatum in Pelagio, aut rationem iuris naturalis, exigentis tantam gratiam, & gloriam, quod aberrat à veritate catholica, sed solum habere rationem cuiusdam congruentiæ, ut Deus ex mera, & arbitraria sua voluntate, copiosiore profundat suarum gratiarum thesaurum, in eos quibus ipse potiora liberaliter contulit naturalia dona. Sicut

enim in naturalibus unum alijs despotice prætulit, ita congruentissimum est, ut tentata in eos speciali benevolentia, præferat etiam in gratuitis.

Vnde pater responsio ad 2. Sicut enim incarnatio Verbi, non amisit rationem gratiæ redemptiviæ, ex eò quia peccatum Adæ habuerit ad illam rationem congruentiæ, seu occasionis (ut alij dicunt) ita maior gratia collata perfectioribus, non amisit rationem gratiæ, ex eò quia excessus in naturalibus fuit ratio, ut decoraretur à Deo, proportionali excessu in supernaturalibus.

Ad 3. Dico, argumentum esse Thomistis insolubile, qui docent, gratias esse intrinsecè, & de se sufficientes, vel efficaces, ita ut qui habet solas sufficientes, numquam benè operetur, & numquam non bene qui efficaces. Cum enim efficax sit alia in se perfectior, & inconiungibilis cum dissensu, utique dissentiens non habuit efficacem, adeoque habuit minorem gratiam, nempe sufficientem, quidquid contendat Gibbo disp. 25. in fine, ubi ut soluat difficultatem, totam, quam acriter profitetur, destruit doctrinam Thomistarum. Respondeo igitur facillimè adhærendo meis principijs, negando minorem. Cum enim gratia sit solum extrinsecè efficax, & coniungibilis etiam cum dissensu, ideo potuit in Lucifero gra-

gratia de se maior, ex sola ipsius prauitate, frustrari euentu, & alia minor in angelis sanctis, ex eorum cooperatione fieri efficax, unde in sanctis operationibus perseverantes per subsequentes gratias, fuerunt in gratia confirmati, & donati beatitudine. Quod si quæras, cur Deus Lucifero non contulerit illam gratiam, quam præuidebat, euentu non esse frustrandam? Respondeo, congruentiam naturalium, cum gratuitis abundè expleri, per hoc quod perfectioribus correspondeat perfectior gratia. Quod autem hæc detur ex præscientia futuri consensus, hoc non habet causam, nisi diuinam voluntatem, ut ostendimus in trac. de prædestinatione.





DISPUTATIO XVII.

De Angelis vt eleuatis ad beatitudinem.

QUæremus 1. An angeli fuerint creati in statu beatitudinis? 2. An, & quomodo illam sibi promeruerint? 3. An statim post primum actum meritorium, obtinuerint beatitudinem, & quantum fuerit tempus viæ?

ARTICVLVS PRIMVS.

An angeli fuerint creati in statu beatitudinis?

Videntur fuisse, ut opinatus est Vines, super c. 11. lib. 9. de ciuit. Dei. Primò quia Aug. 11. de ciu. c. 9. docet, *Angeli à principio fuerunt participes lucis, & claritatis æternæ, quæ est ipsa incommutabilis sapientia Dei.* Et c. 11. *Simul vt facti sunt, lux facti sunt &c. & illuminati, vt sapienter, beatèque viuerent.* Quod idem asserit lib. 21. de ciu. c. 11. Ergo creati sunt in statu beatitudinis.

2. Si angeli non fuissent beati in instanti creationis, aliquando fuissent viatores,
& pe-

& peregrini ab illa cæleſti patria . Sed hoc repugnat Auguſtino , qui in citato lib. 11. de ciu. c. 9. inquit de ſanctis angelis , quod cæleſtis ciuitatis ſint magna pars , & eò beatior , quòd numquam peregrinata . Ergo ſemper fuerunt beati .

3. In ep. cathol. Indæ ſub in. dicitur , angelos verò , qui non ſeruauerunt ſuum principatum , ſed dereliquerunt ſuum domicilium , vinculis reſeruauit . Sed nomine principatus , ut diſtincti à domicilio , intelligitur viſio beatifica , ut exponit gloſſa . Ergo dæmones fuerunt beati , ante peccatum , quod non eſſet , niſi omnes angeli fuiſſent creati in ſtatu beatitudinis .

Concluſio , *Fuerunt quidem omnes angeli creati in ſtatu beatitudinis naturalis , non tamen in ſtatu beatitudinis ſupernaturalis .* Ita D. Tho. hic q. 62. ar. 1.

Probatur prima pars , beatitudo naturalis conſiſtit in perfecta cognitione primæ cauſæ , & in actibus aliarum virtutum moralium , cum excluſione cuiuscumque miſeriæ , & incluſione omnis boni naturalis , ut docet Philoſophus 1. Ethic. c. 7. Et ideo communiter dicitur , *ſtatus bonorum omnium aggregatione perfectus* , loquendo de naturalibus . Sed angeli omnes fuerunt creati in tali ſtatu ; ſiquidem immunes ab omnibus ærumnis , & appetitus concupiſcentia , in loco amœniſſimo feliciffimam vitam agentes , abli-

que ulla molestia, aut lassitudine authoris suum dulcissime contemplabantur. Ergo fuerunt creati in beatitudine naturali, quidquid opponat Vasquez qu. 226. c. 2.

Dices, Angeli prævaricatores remanserunt post peccatum spoliati gratuitis, in suis naturalibus. Ergo si habuissent naturalem felicitatem, illam retinuissent; adeoque essent simul felices, & summe miseri, quod est absurdum.

Non desunt qui admittant consequentiam, putantes, Dæmones in suo infelicissimo statu esse felices felicitate naturali, quatenus retinent contemplationem perfectam Dei, ut authoris naturæ, & naturalem eiusdem dilectionem, quamvis illum oderint, ut authorem supernaturalis ordinis, à quo puniuntur. Et afferunt exemplum Christi Domini, qui simul erat beatus, & patiebatur.

Sed hæc doctrina sustineri non potest, Primò quia licet Dæmones retineant cognitionem speculatiuam primæ causæ, quia tamen illa non est practica, mouens ad eius dilectionem, & virtutum exercitium, quod est de essentia felicitatis naturalis, idco non retinent huiusmodi felicitatem. Deinde cognitio practica, & rectitudo voluntatis in Deum ut primam causam, includunt aliquid de morali, secundum quod cum purè physicis non

non remanserunt. Neque enim fieri potest, ut voluntas remaneat cum actuali ordinatione in Deum, ut ultimum finem naturalem, dum est actu ab illo deordinata, ut est finis supernaturalis. Tertiò non valet paritas Christi Domini, primò quia cum haberet naturam diuinam, & humanam, secundum primam fruebatur, & secundum aliam patiebatur. 2. In eadem natura humana habebat partem superiorem fruentem, & inferiorem patientem, quæ de angelis non verificantur. 3. Beatitudo Christi erat supernaturalis, quæ utpote summa, componi poterat cum doloribus, qui vix erant cum illa comparabiles, quod non valet de naturali, cuius præcipua laus fundatur in indolentia, & voluptate. Demum quia Deus miraculosè impediuit in Christo, nè gloria animæ redundaret in corpus, ut posset pati, quod in Dæmones non cadit.

Respondeo igitur negando consequentiam, Primò quia perpetuitas est prædicatum proprium solius beatitudinis supernaturalis, ut diximus in eius tractatu. Et deinde quia Dæmones remanserunt in puris naturalibus, non autem in moralibus.

Probatur secunda pars, est de ratione intrinseca visionis beatificæ, ut sit certa de sua perpetuitate, ut probauimus in trac. de vis. & de beat. Ergo quia beatitudo

tudo supernaturalis includit essentialiter visionem beatificam, est intrinsecè inamissibilis. Ergo si Dæmones fuissent in illa creati, non potuissent ab illa decidere. Neque obstat, quòd Moyse, D. Paulus, & alij viderint Deum, quamvis essent viatores. Nam in primis, quamvis cessauerint à visione, quæ fuit per modum actus, non tamen cessatio fuit perpetua, sed ad tempus, cum certitudine, ad illam redeundi, cum perpetua permanentia. Et deinde ad hoc asserendum habemus fundamentum e sacris paginis. Dæmones autem in æternum cessassent à visione beatifica, cum totali desperatione ad illam redeundi. Ergo nullam illis attulisset perpetuitatem, siue continuam, siue interruptam. Præterea nullum habemus fundamentum in scripturis, quòd Dæmones umquam Deum viderint. Ergo hoc asserere esset irrationabile, & temerarium.

Ad 1. Nego consequentiam, si procedat de beatitudine supernaturali. Rationem affert Aug. in secundo loco allato in argumento; siquidem pergit, *Ab hac illuminatione auersi quidam angeli, non solum non obtinuerunt excellentiam sapientis, beataque vitæ, quæ procul dubio non nisi æterna, æternitatisque suæ est certa, atque secunda, sed &c.* Ergo non habuerunt felicitatem supernaturalem, sed so-
lum

Iūm quamdam imperfectam eius participati-
onem, quæ est felicitas naturalis.

Ad 2. Dico, angelos numquam fuisse
peregrinos à sede beatitudinis, ante pecca-
tum, quia cū fuerint in cælo creati, in
illo perstiterunt, usque ad peccatum.
Quia ergo cælū fuit angelis sedes utrius-
que felicitatis, nempe naturalis, & super-
naturalis, cū naturalem semper habue-
rint, non fuerunt viatores ad illam, de
qua ibi loquitur Augustinus, sed ad
aliam, quam dæmones numquam habue-
runt.

Ad 3. Nego minorem. Cū enim glos-
sa non dicat *visionem beatificam*, sed *visio-
nem Dei*, debet exponi de cognitione cla-
ra Dei, quamvis non intuitiua. Licet
enim dæmones retinuerint cognitionem
naturalem Dei, ut primæ causæ, & ulti-
mi finis, quia tamen non retinuerunt pra-
ctico modo, ut determinantem volunta-
tem ad amorem Dei, sed solummodo
quodam speculatiuo, ideo dicitur quod
illam amiserunt, sub nomine principa-
tus, quatenus illa cognitio practica con-
stituebat eorum naturalem felicitatem,
quæ iure dicitur principatus.



ARTICVLVS II.

An angeli meruerint beatitudinem de condigno ante eius receptionem?

Videntur non meruisse, Primò quia Magister in 2. d. 5. in fine docet, *Angelis non fuisse collatam gratiam ad merendum, sed ad beatè viuendum*. Vnde concludit, quòd cum gratia sit ad merendum, priùs receperint præmium, quam meruerint, non tamen sine obligatione merendi. Et sic putat, quòd in toto viæ decursu nihil meruerint, sed in ultimo instanti viæ fuisse illis datam beatitudinem, non ex meritis exhibitis, sed exhibendis, quatenus fuit illis imposita conditio, quòd obediētes præcepto Dei, nos custodirent, etiamsi essent in termino. Eo modo quo Princeps confert aliquod feudum alicui, sub conditione quòd tot annos seruiat reipublicæ. Ergo illam non meruerunt in statu viæ, sed merentur in patria, præcedente meritum præmio.

2. D. Thomas in 2. d. 5. q. 2. ar. 2. cui concinunt D. Bonauentura, & Egidius ibidem, putat, *meritum angeli non præcessisse gloriam tempore, sed natura, & causalitate*, ita ut prò eodem instanti, quo meruerunt, fuerint gloria decorati,
sicut

cut e contra angeli mali, eodem instanti quo peccauerunt, fuerunt pana mul-
tati. Fundamenta possunt esse, Primo
quia non repugnat simultas meriti, & præ-
nij pro eodem instanti reali. Sicut enim
causalitas physica est simul cum effectu,
ita & causalitas moralis per modum cau-
sæ meritoriae. Ergo cum nulla sit ratio,
cur posito merito in angelis, non sequa-
tur collatio præmij, statim sequitur in
eodem reali instanti, cum sola postero-
ritate naturæ.

2. Ita arguit D. Thomas ibidem, *Sicut
actus liberi arbitrij est dispositio ad gra-
tiam, ita actus informatus gratia, est ad
meritum gloriæ. Ergo vnus, & idem con-
uerfionis motus, est præparatio ad gratiam,
secundum quod est ex libero arbitrio, &
meritorius gloriæ, secundum quod est gra-
tia informatus, & fruitionis actus, secun-
dum quod completur per habitum gloriæ.*

3. Martyres non meruerunt gloriam,
nisi per martyrium consummatum. Sed
consummato martyrio, receperunt glo-
riam. Ergo non meruerunt gloriam, nisi
cum illam receperunt, quod idem euenit
in merito angelorum. Maior patet, cum
non essent martyres, nisi absoluta passio-
ne. Probatur minor, martyrium non
consumatur, nisi per mortem, adeoque
per primum non esse martyris, in quo re-
cipit præmium gloriæ.

Con-

Conclusio, Prius tempore angeli meruerunt de condigno beatitudinem, quam illam fuerint consecuti. Ita D. Thomas hic q. 62. ar. 4. cum quo sentiunt omnes alij.

Quod meruerint beatitudinem de condigno, probatur 1. Ex illo Apocal. 21. ubi dicitur post medium, quod angelus mensus est ciuitatem celestis Hierusalem, mensura hominis, quæ est angeli. Ergo de utroque æquè verificatur, quod antea Deus fuerat protestatus, *Qui vicerit, possidebit hæc, & ero illi Deus, & ille erit mihi filius*: Et quod docet Apostolus 2. ad Timoth. 2. *Non coronabitur, nisi qui legitime certauerit*. Cum enim Deus nolit conferre gloriam adultis, nisi per modum præmij, dicendum est, quod etiam angelis ita contulerit, ut definit Gelasius Papa in ep. decretali aduersus Pelagium, ubi inquit, *angelos, qui beati sunt, meruisse ad eam felicitatem sublimari*. Cui concinunt Augustinus, & Gregorius; nam ille lib. de corrept. & grat. c. 11. docet, *Angeli sancti, cadentibus alijs, per idem liberum arbitrium steterunt ipsi; & huius mansionis debitam mercedem recipere meruerunt*: & alter lib. 27. moral. cap. 24. *Angeli per meritum facti sunt immutabiles, quia in diuino amore perstiterunt*.

2. Angeli sancti fuerunt prædestinati ad

ad gloriam, ex præuisione meritorum, & fusè, & prò dignitate probauimus in *ac.* de prædestin. disp. 14. art. 1. & 2. Ergo gloria fuit illis collata in præmium meritorum.

3. Prò primo instanti habuere potestatem peccandi, saltem reducibilem ad statum prò secundo instanti. Præterea habuere gratiam sanctificantem, ut dictum est disp. 16. Ergo omnis eorum actus honestus liber, & supernaturalis, ut ortus à persona Deo grata, erat meritorius de condigno vitæ æternæ, cuiusmodi fuere dilectio Dei super omnia, obedientia diuinis præceptis, & alii infra assignandi.

4. Non fuit maior Dei seueritas in malos, quàm benignitas in bonos. Ergo boni angeli debuerunt habere gloriam, sicut mali penam. Sed hi habuerunt penam condignam suis flagitijs. Ergo & illi suis virtutibus.

Dices, ubi nõ est arduitas, non est virtus. Sed in angelis nulla fuit arduitas. Ergo neque virtus, adeoque mereri non poterunt. Nego minorem, Primò quia omne opus supernaturale, ut superans vires naturæ, est difficile. Et deinde quia superarunt motivum utilis, & delectabilis, in quo est tanta difficultas, ut Lucifer cū suis succubnerit. Verum de hoc infra.

Quòd verò meritum, etiam tempore
præ-

præcesserit præmium beatitudinis, probatur euidenter ex eo, quòd actus meritorius debeat esse essentialiter liber. Sed actus exerciti à beatis, quia diriguntur à visione Dei necessitante, non sunt liberi, sed necessarij, ut probauimus in tract. de beatitudine. Ergo non sunt meritorij. Atque adeo angeli meriti sunt beatitudinē, antequam illam fuerint consecuti. Neque obstat quòd Christus meruerit, licet fuerit simul viator, & comprehensor. Nam imprimis non meruit sibi gloriam essentialē, sed nobis, ut videbimus in 3. p. Et deinde quia ratione unionis hypostaticæ, fuit illi debita à primo instanti beatitudo essentialis. Ergo quia venit ut nobis impetraret gratiam, & gloriam, debuit ab illa communi lege dispensari, quod non valet de angelis. Et demum quia per hoc ipsum quòd fuerit simul comprehensor, & viator, mereri potuit, quia status comprehensionis nō illum retraxit à statu viæ; adeoque merebatur ut viator. Angeli autē cum facti sunt comprehensores, fuerunt in termino extrinseco suæ viæ. Ergo fuerunt solūm comprehensores. Ergo non est par ratio.

Vnde patet responsio ad 1. Siquidem si angeli mereantur in patria, non essent in termino, sed semper essent in motu ad præmium, quod repugnat, cum omnis motus cesseret, habito fine. Cum ergo me-
ritum

icum sit via ad præmium, non potest esse
d præmium iam possessum. Nec valet
arbitas allata; siquidem cum adimpletur
conditio, sub qua fuit collatum feudum
Principe, non fit opus meritorium, sed
it solutio debiti iam contracti, quæ cum
it a ctus iustitiæ, nihil meretur, eo modo
quo solutio pretij rei emptæ, non est me-
ritoria. Vnde sequitur quòd licet Deus
in collatione beatitudinis, potuerit illos
obligare ad aliquod faciendum, hoc ex-
quentes non merentur.

Ad 2. Dico, diuum Thomam retractas-
se suam opinionem hic q. 62. ar. 4. ut pa-
tet ex textu, in quo illam impugnat, in-
quiens, *Actus non potest simul informari*
gratia imperfecta, quæ est principium me-
rendi, & gratia perfecta, quæ est princi-
pium fruendi. Vnde non videtur esse possi-
bile, quòd simul fruatur, & suam fruitio-
nem mereatur. Et ideo melius dicendum est,
quòd gratiam habuit angelus, antequam es-
set beatus, per quam beatitudinem meruit.
Vnde patet responsio ad 1. fundamentum.
Ad eius probationem nego paritatem. Si-
quidem, causa physica per propriam, &
naturalem virtutem facit suum effectum
immediatè, & ideo potest cum illo con-
iungi. At causa moralis non facit effe-
ctum, sed mouet causam ut faciat; neque
enim meritum confert merenti beatitudi-
nem, sed mouet Deum, ut conferat. Quia
tamen

tamen hanc vim motiuam non habet ex se, ut est à libero arbitrio, sed ut est informatum gratia, ideo cum hæc de lege ordinaria sit imperfecta, utpote à fide regulata, non potest coniungi cum gratia perfecta beatitudinis, quæ essentialiter includit visionem, quæ est impossibilis cum fide, ut probauimus in trac. de beatitudine.

Ad 2. probationem, quæ ducitur ex auctoritate diui Thomæ, respondet ipsemet hic. ar. 5. ad 2. dicens, *Non potuit simul in eis esse actus meritorius beatitudinis, & actus beatitudinis, qui est fructio, cum unus sit gratiæ imperfectæ, & alius gratiæ consummatæ. Vnde relinquitur, quod oportet diuersa instantia accipi, in quorum uno meruerit beatitudinē, & in alio fuerit beatus.*

Ad 3. Nego consequentiam, quæ confundit instans consummationis martyrij, cum instanti receptionis gloriæ, quæ sunt realiter distincta, & successiua. Siquidem ultimum esse martyris, fuit consummatio martyrij, & primum eius non esse, fuit receptio gloriæ, quæ sunt valde diuersa. Vnde corrui minoris probatio, cum martyr non moriatur in primo sui non esse, in quo est mortuus, sed in ultimo sui esse, in quo ita est, ut in instanti immediatè sequenti non sit futurus, ut probauimus in 1. de generatione.

A R T I C V L V S I I I .

*in angelis fuerit collata beatitudo , immediate post primum actum meritorium ?
Vbi de via angelorum .*

Videtur quòd non , Primò quia Deus non fuit liberarior cum homine , iam cum angelis . Ergo sicut homini peccanti dedit spatium pœnitentiæ , & homini iusto dat spatium augmenti , ita dedit angelis , siue bonis , siue malis , ut illi fierent meliores , & hi possent resipiscere , si uellent . Sicut enim dæmones , qui in primo instanti fuerunt boni , in secundo mutati sunt in malos , ita potuissent in tertio iterum mutari in bonos , & boni fieri meliores .

1. a. Præmium , & pœna debent proportionari meritis , & delictis . Sed præmio , & pœnæ æternis nõ proportionantur actus instantanei . Ergo probabile est , fuisse angelis assignatam longiorem viam , ad hoc ut possent , bene , vel malè agendo , habere proportionem cum præmio , vel pœna .

3. In primo instanti non potuerant peccare , ut supponimus ex dicendis . Ergo neque mereri , cum ad utrumque requiratur eadem indifferentia . Ergo saltem fuit necessarium aliud instans , in quo possent bene , vel malè operari . In hoc autem instanti .

instanti non potuit retribui beatitudo, ut probatum est in 2. ar. Ergo neque pœna, cum sit eadem ratio. Ergo saltem fuit necessarium tertium instans, in quo pœna, vel prœmio afficerentur, quæ proinde non fuerunt retributa immediatè post primum actum. Aliter cum primus actus Dæmonum fuerit meritorius, recepissent beatitudinem, & primus actus bonorum recepisset beatitudinem, absque augmento, quod meruerunt secundo actu, quæ sunt absurda.

4. Vel ad meritum requiritur perseuerantia in bono, vel non? Si primum, ergo ad hoc ut boni perseuerarent in actibus, quos fecerunt in secundo instanti, fuit necessaria protractio viæ ad tertium instans, de quo rediret argumentum in infinitum. Si secundum, ergo nulla est ratio cur ad primum peccatum dæmonum, immediatè sequatur pœna, & ad eorum primum actum bonum, non fuerit secuta beatitudo.

Prò resolutione videndum est primò quamdiù durauerit via angelorum? Et deinde quando receperint prœmium, seu pœnam. Quoad primum, aduertendum est, omnes theologos convenire in hoc, quòd fuerit brevissima, & paucis instantibus angelicis comprehensa. Nomine autem instantis angelici, intelligunt unam aliquam operationem, quæ licèt sit realiter indi-

indiuisibilis, tamen est virtualiter diuisibilis, quatenus correspondet nostro temporari. Atque adeo dicunt, illud per quod intrinsecè mensuratur talis operatio, esse instans angelicum intrinsecum, & illa ratio extrinseca, cui coexistit, esse instans extrinsecum. Quæritur ergo quot instantibus fuerit completa via? Quia tamen in illis enumerandis variant theologi, ideo sunt plures inutiles quæstiones, omninò de nomine, cum in re omnes conueniant; Siquidem Capreolus, Salmaticenses, & Gonettus, includendo cum instantibus collationem præmii, & pænæ, dicunt viam steterisse per tria instantia, Bannes, Valentia. & Io: à S. Thoma dicunt, viam bonorum fuisse unicum instans, & malorum duo, cò quia putent, bonos perseverando in actu meritorio, quando alii defecerunt, confecisse unum instans, & alii duo per actuum distinctionem. Caietanus autem, & Gibbo distinguentes etiam in bonis duas actiones, dicunt, fuisse viam duobus instantibus, incluso in via instanti receptionis præmii, vel pænæ; & alii alia.

Conclusio, Via angelorum neque potuit restringi ad vnum instans angelicum, neque fuit producta ad tria, sed duobus tantum completa est; adeoque in tertio instanti à creatione, boni præmium, & mali pænam receperunt, post plures actus meritorios.

Dd

Pro-

Probatur prima pars, quæ solum habet difficultatem in via bonorum. Angeli boni in primo instanti habuerunt quidem actum charitatis informatum gratia, adeoque meritorium vitæ æternæ, sed valdè remissum, & imperfectum, quem deinde intenderunt, non quidem addendo perfectionem priori actui, quod est impossibile, sed eliciendo alium intensiorem, & perfectiorem, quo in plena libertate constituti, rati habuerunt priorem actum conversionis in Deum, illique firmitus, & plenissima deliberatione adhererunt, respuendo non solum Luciferi tentationem, sed etiam quodcumque aliud motuum, quod posset illos auertere à summa dilectione Dei, non solum ut finis naturalis, sed etiam ut finis supernaturalis. Sed hic actus fuit diuersus ab illo primo. Ergo non receperunt beatitudinem post primum actum, sed post secundum, adeoque eorum via non potuit restringi ad unum instans. Probatur minor, in qua sola est difficultas, primò ex parte principii, quod in primo instanti non habuit libertatem contrarietatis, per quam possent odire Deum, immò neque contradictionis, quia quamvis possent physicè non conuertere ad Deum, tamen moraliter non poterant, ex defectu dictaminis prauis, unde non poterant peccare, ut videbimus, etiam

etiam per omissionem talis actus præcepti. Secundo ex parte motiui; nam in primo instanti non habuerunt suggestionem Luciferi allicientis ad malum, quæ fundata in eius exemplo, magnam habebat vim, ad illos seducendos; & ideo dicitur Apoc. 12. *Factum est prælium magnum in celo, Michael, & angeli eius præliabantur cum dracone &c.* Hic autem actus resistendi fuit distinctus à primo actu dilectionis Dei, quamuis non fuerit cum illo impossibilis. Demum ex parte obiecti, cum probabile sit, quòd Deus in secundo instanti reali à creatione, reuelauerit omnibus futuram incarnationem Verbi, cum præcepto, ut hominem ab illo assumendum, tamquam sui principem venerarentur. Deus autem diligendus ut incarnandus, non est idem obiectum, ac Deus in se ut finis omnium. Ergo requirit specialem dilectionem, & obseruantiam, qua superetur specialis difficultas, de nouo insurgens ex parte obiecti, quam prior actus non potuit superare. Ergo quia diuersitas operationum, inducit diuersitatem instantium, non potuit in uno instanti, angelorum via consumari.

Probatúr secunda pars, collatio beatitudinis dicit gratiam consumatam, & impotentiam proximam ad peccandum, ut dictum est, & meritum viæ dicit gratiam imperfectam; regulatam à fide, impos-

sibili cum visione, sed compossibili cum potentia proxima peccandi. Ergo non possunt esse in eodem instanti. Atque adeo quia collatio beatitudinis facta est in tertio instanti angelico, ut mox videbimus, in illo non fuit via, sed terminus angelorum.

Probatur tertia, primum, & pœna correspondent meritis, vel demeritis viz. Ergo cum via bonorum, & malorum fuerit consummata in secundo instanti, in tertio subsecuta est retributio premij, & pœnæ.

A R T I C V L V S IV.

Solvuntur obiecta. Ibi queritur quanto nostro tempore responderit via angelorum?

AD I. Nego consequentiam. Primo quia cum homo fragilitate, & gravi Dæmonis indagatione peccauerit, conueniens fuit, ut ei daretur tempus penitentiae, ut indulgentiam mereretur. Diabolus verò quia sola voluntatis prauitate peccauerat, non fuit conueniens, ut illi statueretur tempus indulgentiae. Secundo quia homo peccauit ex ignorantia, à serpente decaptus, & quia est natura mutabilis secundum voluntatem, ideo per productionem viae, & per nouam mentis illustrationem, potuit sperari eius resipiscencia, ut de facto successit. Angeli verò quia

quia sunt inflexibiles, & statim cognoscunt quæ vix temporis decursu cognoscuntur ab homine; ideo non potuit illorum sperari respicientia, eò quia semper permansissent in eo, cui adhaerant in secundo instanti, ac proinde quia prolixitas via fuisset prorsus inutilis; congruentissimum fuit, ut in tertio instanti ponerentur in termino. Neque obstat, quod in secundo instanti mutauerint voluntatem. Hoc enim accidit, quia in primo non fuerunt omninò liberi, ut dictum est, & melius infra patebit, nec habuerunt omnia motiua ad non amandum Deum, sicut habuerunt in secundo; & ideo quia imperfectè tantum deliberarunt circa amorem Dei, non illi inflexibiliter adhaerunt, sicut fecerunt in secundo instanti, in quo omnibus pensatis, perfectissimè deliberarunt, adeòque omnes inflexibiliter, siue bono, siue malo adhaerunt.

Ad 2. Nego minorem. Et ratio est, quia cum angeli sint in suis operationibus expeditissimi, & habuerint gratiam intensissimam, sicut potuerunt elicere in exiguo nostro tempore actus feruentissimos charitatis, ita actus intensissimos illi oppositos, quos homo vix eliceret in multo tempore. Præterquamquod cum principium meriti sit gratia, & hæc non mensuretur tempore, ideo condignitas meriti non sequitur extensionem temporis,

sed gratiæ intensionem. Quod si quæras quibus actibus meruerint? Quoad malos, decidetur inferius, cum agatur de eorum peccato. Quoad bonos dico, illos meruisse actibus omnium virtutum, quamvis de hoc nihil constet ex sacris litteris. Et ratio est, quia cum fides doceat, illos elicuisse actus difficillimos, nempe fidei de Trinitate, incarnatione, remissione peccatorum &c. & humilitatis, quibus vouerunt obsequium Christo futuro: obedientiæ in exercendis muneribus sibi destinatis, ut sunt motus corporum, hominum custodia &c. probabilissimum iudico, quod elicuerint etiam faciliores, nempe aliorum virtutum, suæ conditioni non repugnantium, ut sunt Virtutes morales.

Ad 3. Nego consequentiam, cum peccabilitas non sit necessaria ad merendum, ut patet in Christo Domino. Fuit ergo necessarium aliud instans viæ, non ad merendum simpliciter, sed ad merendum cum perfecta indifferentia, & libertate, ad hoc ut inflexibiliter adhererent obiecto voluto, perfecta voluntatis deliberatione, quæ cum non interuenerint in actibus primi instantis, ideo post illos non fuit immediata retributio pænæ, vel præmij. Quare ad saluandam doctrinam D. Thomæ, assertam hic q. 62. art. 5. quod statim post primum actum fuerit hæc retributio.

tributio, dicendum est, illum fuisse locutum de primo actu perfectè, & plenè deliberato, cuiusmodi non fuit dilectio Dei, quam omnes habuerunt in primo instanti, sed dilectio Dei habita in secundo, in quo Dæmones ab illa prima recedentes, peccauerunt.

Ad 4. Dico, fuisse necessariam perseverantiam in primo actu, non quia illa sufficeret ad consequendam beatitudinem, sed quia recessus ab illo, utpote præcepto, erat impeditivus affecutionis beatitudinis, eò quia fuisset peccaminosus, sicut accidit Lucifero, & suis. Ergo quia dilectio Dei in secundo instanti, fuit per se sufficiens, ad merendam de condigno beatitudinem, non quidem inchoatè, & imperfectè, sed perfectè, & completè, propter traditas rationes, ideo non fuit necessaria ulterior via prò bonis, qui semper, & inflexibiliter adhæsisent eidem actui, non solum quoad substantiam, sed etiam quoad omnes eius modos invariables. Et idem dico de malis, qui cùm perfectè, & plena deliberatione recedentes in secundo instanti à dilectione Dei, per voluntariam auersionem ab illo, nunquam rediissent ad priorem dilectionem, sed odio Dei semper inflexibiliter adhæsisent. Ergo prò utrisque frustranea, & prorsus inutilis fuisset protractio viæ. Vnde patet ratio, cur primo peccato de-

monum corresponderit pœna, & non, corresponderit gloria primæ dilectioni Dei.

Dices, prima dilectio Dei fuit de se, sufficiens, ad habendam beatitudinem; & ideo angeli sancti in ea perseverantes illam habuerunt; præui autem, quia posuerunt impedimentum peccati, illam non habuerunt. Ergo via angelorum bonorum fuit unum instans.

Nego antecedens. Et ratio est evidens, quia cum beatitudo sit incompossibilis cum peccato, non potest hoc esse impedimentum beatitudinis, quin hæc sit impedimentum peccati. Ergo sicut Deus non contulit promeritam beatitudinem, quia peccaverunt, ita si contulisset beatitudinem, non peccassent. Ergo vel ideo Deus non contulit, quia non fuit plenè promerita in primo instanti, & per consequens etiam in secundo instanti erant viatores; vel ideo contulit aliquibus, & non alijs, quia antecedenter ad omne meritum, illos volebat beatos, & non alios, & ideo expectavit peccatum, ut haberet causam non conferendi, ut esset futurum Calvinistæ. Hoc secundum est blasphemum, eo quòd faceret Deum iniustum, & personarum acceptatorem, si quidem constitutis in pari merito, aliquibus dedisset pramium, impediendo peccatum, & alijs non dedisset, impediendo

do

do dilatione beatitudinem, cum sola dilatio fuisset occasio peccati. Probo consequentiam, si meritum esset completum pro primo instanti, nulla esset ratio, cur premium non conferretur pro secundo. Ergo dilatio collationis, non posset habere causam ex parte demonum, quæ neque fuisset in primo instanti, in quo merebantur, neque in secundo, in quo fuisset collatio debita beatitudinis, impossibilis cum peccato; adeoque haberet causam solum diuinam voluntatem. Ergo est verum primum.

Quæres, quanto nostro tempori responderit via angelorum? Plerique respondent, correspondisse uni nostro diei, nempe duodecim horis. Alij viginti quatuor horis, quæ constituunt unam integram circulationem primi mobilis. Alij duobus diebus: & alij duobus instantibus physicis, & alij alia. Ego autem puto, angelorum viam, tam cadentium, quam perseverantium durasse per integros sex dies, nempe à prima die creationis, usque ad sextam inclusivè.

Ratio, quæ me mouet, est hæc, Angeli fuerunt creati statim atque creauit cælum, & terram, ut probaui disput. 4. art. 1. Die autem sexta nullus peccauerat; aliter in fine primi capitis lib. Gen. non posset dici, *Vidit Deus cuncta, quæ fecerat, & erant valde bona.* Ergo peccauerunt

uerunt paulò ante lapsum primi hominis, nempe die septima, in qua Deus cessauit à rerum molitione. Sed ante peccatum, non erat facta discretio bonorum à malis. Ergo omnes erant viatores, & ut tales pugnauerunt in cælo, & post pugnam Lucifer cum suis fuit in termino suę damnationis, & Michael cum alijs in termino suę beatitudinis. Quòd autem fuerint in termino ante peccatum Adæ, est certum, aliter Diabolus non tentasset Adam ad esum pomi vetiti, in odium Dei, nec esset verum quod dicitur Sap. 3. *Inuidia Diaboli, mors introiit in orbem terrarum.*

Dices, potuit tentare Adam, sicut tentauit alios angelos. Sed hos tentauit, dum erat viator. Ergo & Adam.

Nego maiorem. Ratio est, quia alios angelos tentauit in instanti sui peccati, quod erat ultimum suę viæ, ut secum peccarent, quo elapso, immediatè fuit detrusus ad inferos, ut in terminum suę damnationis. In eo autem instanti nec Adam erat in paradiso, nec habuerat præceptum de non comedendo tali pomo. Ergo non potuit tentari ad eius comestionem. Verum de hoc plura dicemus, cum agemus de primo homine.



DISPUTATIO XVIII.

De peccato Angelorum .

QUæremus 1. An , & quomodo peccare potuerint ? 2. An potuerint peccare in primo suæ creationis instanti ? Et demum quodnam fuerit eorum peccatum ; & an possint resipiscere ?

ARTICVLVS I.

An Angeli peccare potuerint ?

Videntur non potuisse , Primò quia omne peccatum est defectus voluntatis . Sed angelorum voluntas nullum potest habere defectum . Ergo neque peccatum . Probatur minor , voluntas non potest deficere , nisi deficiat intellectus eam dirigens , & illuminans . Sed intellectus angeli non potest deficere ; nam vel deficeret circa finem naturalem , vel circa supernaturalem ? Non primum , quia cum habeat species omnium naturalium , illa clarè cognoscit . Neque secundum ,

Dd 6

quia

quia cognoscit supernaturalia per fidem, quæ est certissima. Ergo non potest intellectus deficere, & per consequens neque voluntas.

2. Quidquid perfectionis inuenitur in ordine inferiori, reperitur in superiori. Sed calum inter corporalia, est indefectibile, & invariabile in essendo. Ergo inter naturas intellectuales debent angeli, ut omnium perfectissimi, esse indefectibiles in operando.

3. Angeli necessariò diligunt Deum, saltem amore naturali, docente hic D. Tho. q. 63. art. 1. ad 3. *Naturale est angelo, quod conuertatur motu dilectionis in Deum, secundum quòd est principium naturalis esse.* Sed hæc dilectio est impossibilis cum peccato. Ergo sunt impeccabiles per naturam.

4. Si angelus potuisset peccare, potuisset prius peccare venialiter, quàm læthaliter, eò quia qui potest maius, potest minus. Sed nullus angelus potuit prius peccare venialiter, quàm læthaliter, ut docet D. Thomas q. 7. de malo ar. 9. Ergo neque læthaliter, adeòque fuit semper impeccabilis.

Conclusio, *Omnis angelus potuit ex natura sua peccare; non solum contra legem supernaturalem, sed etiam contra naturalem; immò nullus est possibilis angelus, seu qualibet alia creatura, quæ sit ex natura sua*

sua impeccabilis, siue supposita, siue non supposita elevatione ad ordinem supernaturalem, etiam impeccabilitate secundum quid.

Probatur prima pars, Primò à posteriore, multi de facto peccauerunt, ut docet fides. Ergo quia non peccauerunt natura, sed libera electione (aliter non peccassent, cum sit de ratione peccati actualis voluntarietas, nec subiissent penam, quæ non potest correspondere naturæ, sed culpæ) omnes potuerunt peccare, cum non sit maior ratio de uno, quàm de alio. Neque obstat, quòd Dionis. 4. de diu. nom. dicat, in Daemonibus esse furorem, & concupiscentiam, unde aliqui inferunt, illos esse corporeos, & diuersos ab alijs. Nam loquitur metaphoricè, sicut loquitur scriptura, cum dicit, Deum irasci, punire, videre &c.

2. Omnis natura intellectualis libera facta ab alio, naturali necessitate est subdita legibus conditoris. Ergo prima regula operandi non est sua voluntas, adeòque potest nimium adhaerendo suæ voluntati, ab illa deficere, & peccare, docente Gregorio hom. 7. in Ezech. *Natura angelica, quando creata est, liberum accepit arbitrium, vtrum vellet in humilitate persistere, & in omnipotentis Dei conceptu*

ceptu permanere, an ad superbiam laberetur, & à beatitudine caderet?

Probatur secunda pars, omnes fuerunt eleuati ad ordinem supernaturalem, & creati in gratia, ut supra vidimus, & omnes habebant eandem naturam, nempe liberum arbitrium. Ergo sicut hi qui ceciderunt, potuerunt non cadere, ita qui non ceciderunt, potuerunt cadere, quia liberè steterunt, cum alij liberè caderent. Vtrumque probo ex Augustino, qui lib. 3. con. Maxim. c. 12. docet, *Et Omnes, qui non peccauerunt, peccare potuerunt.* Ergo stantes habebant potentiam proximam ad peccandum: & lib. 12. de ciu. c. 9. sub med. inquit, *Eoque sunt isti ab eorum societate discreti, quòd hi in eadem voluntate bona manserunt, illi ab ea deficiendo mutati sunt, mala scilicet voluntate, hoc ipso quòd à bono defecerunt, à quo non defecissent, si utique voluissent.* Ergo qui peccarunt, potuerunt non peccare.

Probo tertiam cum Scotò, Suarìo, Molina, Vasquìo, Gibbone, Esparsa, & alijs, aduersùs Capreolum, Durandum, Caietanum, Bannes, Salmaticenses, Gonettum &c. qui docent, angelos esse tantæ perfectionis in operando, ut non possint directè, & immediatè peccare contra legem naturalem, sed solum indirectè, & mediatè, hoc est peccando con-

tra

tra legem supernaturalem . Probo (inquam) Primò, ille potest peccare, qui potest operari inconsideratè . Sed angelus etiam circa Deum, ut finem naturalem, potest operari inconsideratè, ut admittit D. Thomas q. 1. de malo ar. 6. Ergo potest circa illum peccare . Maior patet, quia omnis peccans agit inconsideratè; si enim omnia consideraret, non peccaret . Probatur minor, non solum quia angelus, licèt habeat species omnium rerum naturalium, non potest illas omnes simul cognoscere; sed etiam quia potest modò magis, & modò minùs perfectè cognoscere Deum, ut apparentem in creaturis. Ergo potest accedere ad operandum, absque actuali alicuius cognitione, vel saltem cum cognitione adeo imperfecta, ut hic & nunc non appareat voluntati, esse præferendum obiectum præceptum, alteri bono particulari illi opposito, unde determinetur ad illud omittendum, omissione peccaminosa, quod fortasse non omitteret, si omnia considerasset .

Deinde posset angelus, etiam in pura natura habere imperfectionem moralem, eligendo minùs honestum, omisso honestiori, ut admittitur ab aduersarijs . Ergo potest peccare . Probo consequentiam, imperfectio moralis supponit in intellectu defectum alicuius considerationis, quo non posito, non daretur, sed
elige-

eligeretur magis honestum. Sed omnis defectus in intellectu, est radix proxima peccabilitatis, quia potest inducere defectum in voluntate. Ergo etiam in pura natura, angeli potuissent peccare.

Dices, non sufficit ad peccandum defectus considerationis, sed requiritur positivus error in intellectu. Ergo quia angeli in pura natura non potuerunt positivè errare, ideo non potuerunt peccare.

In primis nego antecedens, quod gratis assertitur. Deinde gratis illo admissio, nego consequentiam. Et ratio est, quia cum probatum fuerit disp. 12. ab angelis in pura natura non cognosci actus liberos aliorum, & futura contingentia; & cum nuper assertum fuerit, posse ab illis multa imperfectè cognosci, utique possent circa illa positivè errare, adeoque peccare.

Probo ultimam partem, aduersus eodē, & præcipuè Ioannem à S. Thoma, qui hic disp. 23. ar. 1. ait, non solum esse possibilem, sed dari de facto creaturam ex natura sua impeccabilem secundum quid, nempe angelos, quorum aliquos inquit ideo peccasse, quia fuerunt eleuati ad ordinem supernaturalem, numquam peccaturos in pura natura, in qua fuissent penitus impeccabiles. Primò quia si hoc esset verum, Deus non solum non contulisset angelis ullum beneficium, eleuando ad beatitudinem supernaturalem, sed potius

maximum intulisset maleficium, eò quia per talem elevationem illos fecisset peccabiles, & expositos periculo amittendi beatitudinem naturalem, quam necessario consequerentur in alio statu. Ergo ordo supernaturalis non esset ordo gratiz, quod est absurdum, nec esset prudenter preferibilis ordini naturali, in quo daretur impotentia peccandi, quæ his cessaret.

2. Gratia perficit, & non destruit naturam. Ergo si naturali angelorum conditioni deberetur impeccabilitas, non posset destrui per gratiam elevationis. Et hæc est ratio, cur in natura humana assumpta à Verbo, remanserit radicalis peccabilitas, quia fuit debita eius naturali conditioni. Tum sic, impotentia peccandi est magna perfectio, sicut econverso potentia peccandi est magna imperfectio. Hæc non fuit ablata per gratiam assumptionis. Ergo neque illa fuisset ablata per gratiam elevationis, cum potius per gratiam tollantur defectus, quàm perfectiones.

3. Providentia ordinis naturalis esset multò benignior, & liberalior, quàm providentia ordinis supernaturalis. Siquidem illa contulisset media magis proportionata, ad consecutionem finis naturalis, cum quo necessario connecterentur, quàm hæc, quæ confert solum fallibilia, quæ stante potentia peccandi, possunt non
asse.

assequi ultimum finem. Ergo magis Deus dilexisset statum puræ naturæ, cui contulisset securitatem coniunctionis cum fine, quod est simpliciter maius bonum in ratione medijs, quàm statum gratiæ, cui solum præbet media fallibilia, quæ sunt minus bonum, quod est absurdum. Atque adeo dicendum est, quod sicut angeli, ut elevati, non obstantibus medijs sufficientibus, & nobilioribus, possunt per peccatum non assequi finem ordinis supernaturalis; ita in pura natura potuissent peccare, & non assequi finem naturalem.

ARTICULVS II.

Solvuntur obiecta.

AD 1. Quamvis pateat responsio ex dictis in probatione tertiæ partis, tamen ad uberiores doctrinam, Nego minorem. Ad cuius probationem dico, quod intellectus angelicus possit deficere in utroque, nempe circa finem naturalem, & supernaturalem. Probo primum, multa cognoscit angelus per indicia, & coniecturas. Ergo potest errare precipitando iudicium, ut diximus disp. 11. ar. 2. ad 1. Præterea multa cognoscit inadæquate, ut dictum est disp. 14. ar. 3. & imperfectè, ut diximus hic ar. 1. Ergo potest errare circa creaturas. Sed qui errat circa creaturas, errat circa Deum, ut apparen-
tem

tem in illis. Ergo quia finis ordinis naturalis, est Deus ut apparēs in creaturis, potest angelus errare circa finem naturalem, at optimè docet D. Thomas q. 16. de materia. 2. ad 5. *In his, quæ ad naturalem cognitionem pertinent, non errat angelus, ut existimet, aliquod falsum esse verum, sed cum Deum propter infirmitatem eius, apprehendere non possit, nihil prohibet, quod intellectus eius defecerit in apprehendendo sufficienter ordinem diuini regiminis, & ex hoc consecutum est peccatū in eius voluntate.*

Probo secundum, angelus in via cognouit supernaturalia solum obscure per fidem, adeoque imperfectè. Ergo licet fides sit certissima quoad suum obiectum formale, cui non potest subesse falsum, quia tamen ex defectu eidentiz, non cogit intellectum ad assensum de obiecto materiali reuelato, ideo relinquit intellectum cum potentia physica formidandū de opposito, adeoque potentem errare, ut probauimus in logica, etiam circa supernaturalia, quibus potest physicè contradicere. Ex alia parte quia motiua peccandi cognoscuntur euidenter, & perfectè, ideo possunt vehementius trahere voluntatem, ad imperandum intellectui, ne assentiatur obiectis reuelatis, ut indulgeat relictis iucundioribus, illa præhabendo præceptis. Ergo non solum voluntas potest deficere circa supernaturalia, sed etiam

etiam trahere intellectum ad errandum.

Ad 2. Primò nego minorem, cum in 3. de celo probauerimus, corpora celestia esse intrinsecè, & secundum suam naturam variabilia, & corruptibilia. Deinde nego consequentiam, cum inuariabilitas in essendo, non inferat inuariabilitatem in operando, eò quia anima rationalis sit inuariabilis in essendo, & variabilis in operando. Vnde si inferatur etiam in angelis inuariabilitas in essendo, loquendo de esse substantiali, ultrò illam admitto, ex qua quia non sequitur inuariabilitas in esse accidentali, quod assiduò mutatur, ut diximus supra agentes de loco, motu, merito, & gratia angelorum, neque sequitur in operari.

Ad 3. Respondent aliqui, dilectionem necessariam angeli esse inefficacem, adeoque impossibilem cum peccato: & alij esse efficacem, adeoque impossibilem cum peccato, non quidem physice, sed moraliter. Ego tamen dico, quod in pura natura non amarent Deum amore amicitie, quæ non datur inter Deum, & creaturam non eleuatam ad ordinem supernaturalem, sed solum amore concupiscentie, quo ferrentur in Deum ut sibi bonum. Amor autem concupiscentie est compatibilis, non solum cum potentia physica, & morali peccandi, sed etiam cum ipso peccato. Posito enim quod in
obie.

obieceto non sistat, sed omnia referat ad ipsum amantem, hic est ita dispositus, ut si appareret maius bonum in alio obieceto, illud velleret, relicto Deo, quod non evenit in amore amicitia. Ad auctoritatem diui Thomae oppono oraculum Augustini, qui lib. 3. con. Max. c. 13. Inquit, *Cuicumque creatura rationali praestatur, ut peccare non possit, non est hoc natura propria, sed Dei gratia;* & lib. 1. de ciu. c. 6. in fine, *Hoc scio, naturam diuinam, nunquam, nulla ex parte posse deficere, & ea posse deficere, quae ex nihilo facta sunt.* Cum ergo angeli, etiam in pura natura, essent ex nihilo, essent etiam defectibiles, & peccabiles, & totum possent reddi impeccabiles per gratiam. Ne ergo dicamus, D. Thomam deficere ab Augustino, explicandus est de naturali dilectione & concupiscentia, ut dictum est.

Ad 4. Respondeo primo negando maiorem, cum sua probatione, non solum quia homo potest blasphemando offendere Deum, non offenso proximo, non tamen potest furando offendere proximum, non offenso Deo, licet sola offensio proximi esset multo minor, quam offensio proximi, & Dei. Et ratio est, quia cum furtum sit contra legem Dei, non potest inducere solum offensionem proximi, quae est inseparabilis ab offensione Dei. Vt ergo sustineamus doctrinam D. Thomae, qui q. 7.

de malo ar. 9. aperte docet, non potuisse angelos prius peccare venialiter, quàm mortaliter, assero rationem, & paritatem. Ratio est, angelus fuit creatus in gratia, & statim se conuertit in Deum. Ergo ratione suæ perfectionis naturalis, & integritatis naturæ, erat in tali statu constitutus, ut posset in tali statu perseuerare, vel ab illo recedere per peccatum. Hoc autem peccatum non potuit esse veniale, quia per illud recessisset, & non recessisset à tali statu. Patet primum, quia ille status, cum esset innocentia, exigebat exclusionem cuiuscumque miseriæ, & mali moræ. Ergo erat impossibilis cum quo et peccato, cum per omnem vel minimam culpam tollatur innocentia. Probo secundum, Deus nullum deserit, nisi prius ab illo deseratur. Sed venialiter peccans non deserit Deum, ut videbimus in loco. Ergo non meretur à Deo deseri, adeoque adhuc angelus retineret cum illo dilectionem Dei, & permanentiam in tali statu, à quo pròinde recederet, & non recederet, quæ sunt absurda. Transco ad paritatem, primus homo in statu naturæ integræ, & innocentia, non potuit peccare venialiter, ut docent communiter Thomistæ, propter allatas rationes. Ergo neque angelus, qui non minùs fuit à Deo dilectus, quàm homo. Atque adeo sicut spectabat ad diuinam prouidentiam, ut quamdiu vellet

vellet durare in tali statu, arceretur ab omni miseria, & malo morali, ita spectabat ad eandem, ut & angelos præserreret, relicta solum utrisque recedendi potestate, per lethale peccatum.

Respondeo secundo cum Suario, Vafquo, Valentia, Esparfa, Gibbone, & alijs, negando minorem, Primò quia natura angelica, quantum est de se, non habet maiorem inclinationem ad peccandum in materia graui, quàm in leui. Ergo potest peccare venialiter, ratione paruitatis materiae, e. g. mentiendo iocosè, absque aliorum offensione. Deinde peccatum veniale non excludit gratiam habitua-lem, charitatem, & alia dona, siue naturalia, siue supernaturalia, quæ habuerunt angeli ab initio. Ergo potuerunt venialiter peccare, cum retentione suæ conditionis, & status. Et idem dico de primo homine. Quamuis enim per peccatum veniale recessissent à statu omnimodæ innocentiae, non tamen recessissent ab integritate naturæ, & à iustitia originali, quæ solum dicunt innocentiam à culpa lethali.

Vnde patet responsio ad fundamenta contraria, quæ probant quidem repugnantiam culpæ venialis, cum statu felicitatis naturalis, non autem cum statu integritatis, quæ solam dicit repugnantiam cum sui destructiuo, cuiusmodi est sola culpa lethalis. Atque adeo puto, huiusmodi
opi

648 *Disp. XVIII. Ar. II.*
opinionem posse defendi problematicè, de
quaplura alibi.

A R T I C V L V S I I I .
An angeli potuerint peccare in primo in-
stanti suæ creationis?

Videtur quòd nullo modo potuerint,
ut communiter propugnant Tho-
mistæ, cum suo magistro hic q. 63. ar. 5.
Primò quia operatio primi instantis non
tribuitur operanti, sed creanti, sicut de-
fectus tibie ab initio tribuitur generanti,
& artefactorum artifice. Cum ergo Deus
non possit tribui actio peccaminosa, non
potuit illam angelus facere in primo in-
stanti.

2. Quilibet voluntatis defectus, suppo-
nit dictamen defectuosum in intellectu.
Sed in primo instanti non potuit esse di-
ctamen defectuosum in intellectu angeli,
quia cum hoc fuerit à Deo, debuit esse re-
ctum. Ergo neque defectus in voluntate.

3. Non potest Deus excedere limites
permittentis circa peccatum. Sed si non
impediret peccatum angeli in primo in-
stanti, excederet limites permittentis.
Ergo tenetur illud impedire, quod proin-
de redditur impossibile. Probatur minor,
ad illam actionem se habet Deus merè
permittive, cuius principium particulare
relinquit suæ naturæ, nihil denegando ex
con-

connaturaliter illi debitis . Sed angelo in 1. instanti est connaturaliter debita cogitatio congrua , ut congrua , & specialis prouidentia , qua arceatur ab omni peccato . Ergo si alterutram denegaret , excederet limites permittentis . Illis autem positis , non posset angelus peccare de potentia ordinaria . Ergo si absolutè peccaret , eius peccatum esset contra exigentiam , causarum naturalium , adeoque ut miraculosum tribueretur Deo .

Conclusio , Omnes angeli prò primo instanti habuerunt potestatem physicam peccandi , non tamen moralem . Ita Scotus in 2. d. 5. q. 2. Greg. ibid. d. 5. q. 1. ar. 2. Gabriel, Maior, quibus adherent Suarez lib. 7. de ang. c. 20. Amicus , Espartero , Lezzana , Malonius , & alij .

Probatur prima pars , quam propugnant omnes Scotistæ , Primò quia angeli in primo instanti receperunt gratiam , ex libera dispositione , ut docent omnes Thomistæ , & nos concessimus ut probabile disp. 16. ar. 1. ad 3. Ergo potuerunt omittere huiusmodi dispositionem , adeoque non habere gratiam sanctificantem , impossibilem cum peccato . Sed illa non posita , nullum fuisset impedimentum ad peccandum , & fuissent omnia requisita positiua . Ergo potuissent peccare . Probatur minor , fuere in angelis perfectus usus rationis , discernens bo-

num à malo , perfecta libertas ad eligendum quidquid placeret , potentia defectibilis , quia erat factus ex nihilo , concursus Dei indifferens , & omnia alia , quæ habuit in secundo instanti . Ergo si hæc fuerunt sufficientia prò secundo , in quo plures de facto peccauerunt , erant etiam sufficientia prò primo , ut possent peccare .

2. Prò primo instanti fuerunt eleuati ad ordinem supernaturalem , cum præcepto credendi multa mysteria gratiæ sibi reuelata . Sed hæc mysteria , ut obiectum materiale fidei , fuerunt solum obsecurè proposita . Ergo non potuerunt cogere intellectum ad assensum , & multò minus voluntatem ad illum imparandum , præsertim circa res difficillimas , & superantes lumen naturale , quod maiorem habet vim in sententia Thomistarum , qui negant posse componi fidem cum euidentiā in attestante . Ergo potuerunt non elicere actum fidei præceptum , qui fuit illis omninò liber , adeoque peccare .

Probatur secunda pars , quam propugnant omnes Thomistæ , qui impotentia morali superaddunt etiam impotentiam physicam , Primò à posteriori , est moraliter impossibile , quod aliqua ingens agētium liberorum multitudo conueniant , uniformando quoad aliquid suas voluntates , quas possent physicè difformare , ut
pater

patet inductione uniuersalissima exercituum, urbium, & populorum. Sed omnes angeli numero innumerabiles conuenere in primo instanti in dilectione Dei, & remotione cuiuscumque peccati, ut probauimus disp. 16. art. 1. & poterant physice non conuenire, ut nuper diximus. Ergo pro tali instanti habuerunt moralem impotentiam ad peccandum.

2. Spectabat ad diuinam prouidentiam, ut angeli, utpote creatorum omnium, nobilissimi, laudarent ab initio suum conditorem, illique debitum cultum exhiberent. Ergo cum illis dedisset potentiam defectibilem, debuit ab illis auertere omne motiuium, & occasionem deficiendi, quod prestitit tribuendo cognitionem perfectissimam suae bonitatis, & displicentiae de offensa, cui sit addicta aeterna damnatio, sicut econuerso non offendentibus aeterna beatitudo; ingentem gratiarum copiam efficacium, carentiam prauae dictaminis, quo possent allici ad peccandum, & assiduam assistentiam, qua eorum imbecillitati perfecte consuleretur. Sed positis his omnibus, erat moraliter impossibile, quod peccarent. Ergo habuerunt impotentiam moralem ad peccandum, quae licet omnibus data sit, non tamen fuit ex eorum natura, sed gratia; ut docet Augustinus lib. 3. con. Max. cap. 10. *Culcumque creaturae*

rationali præstatur, ut peccare non possit, non est hoc natura propria, sed Dei gratia.

Dices, totum hoc retinuerunt angeli in secundo instanti. Ergo neque in illo potuissent peccare.

Nego antecedens, cum in secundo instanti non habuerit Deus præ omnibus specialem providentiam, sed solum præ illis, qui de facto steterunt, relictis alijs sub providentia uniuersali, quæ reliquit illos in solis auxilijs sufficientibus, cum proxima, & morali cadendi potestate. Ergo non retinuerunt eundem statum.

Urgebis, Potuerunt omnes retinere in secundo instanti eundem statum, ut docet Esparsa hic q. 26. art. 9. Ergo liberè illum amiserunt.

Nego antecedens, Primò quia non fuit illis liberum præueniri iisdem auxilijs, quæ gratis à Deo fuerunt collata. Et deinde quia vel talis status dicit complexum talium principiorum, cum, quo non potest moraliter coniungi peccatum, vel non? Si primum, ergo potuissent retinere moralem impotentiam ad peccandum, adeoque de facto, & necessario retinuissent. Probo consequentiam, stantibus iisdem causis eodem modo dispositis, sequitur idem effectus. Ergo si ex causis existentibus in primo instanti, sequebatur impotentia moralis peccandi, illis eodem modo remanentibus in secundo,

do, secuta fuisset eadem impotentia. Quod autem necessario retinuissent, sic probo, non fuit angelis liberum habere tales causas pro primo instanti, & pro secundo nulla facta esset variatio ex parte Dei; aliter non posuisset in eorum potestate illas constituere. Ergo tota variatio facta fuisset ex parte angelorum. Hoc autem erat impossibile, quia vel variati fuissent, antequam amitterent impotentiam moralem; & sic peccassent cum impotentia morali, quod si admittatur, potuissent etiam peccare in primo instanti: Vel post, & sic effectus praecessisset suam causam. Ergo necessario retinuissent tales causas, quarum retentio est adequata in potestate donantis. Si verò dicatur secundum, nempe tale complexum non dicere moralem impotentiam ad peccandum, ergo illo non obstante, adhuc in primo instanti habuissent angeli moralem potentiam ad peccandum, quod repugnat conclusioni, & facto, quia plures peccarunt.

ARTICULVS IV.

Soluntur obiecta.

AD I. Distinguo antecedens, operatio naturalis in primo instanti tribuitur creati, concedo: operatio libera, nego. Et ratio est, quia quamvis Deus ve-

Ec 3

causa

causa uniuersalis, concurrat ad omnes effectus, etiam liberos, tamen hi tribuuntur agenti creato, quod per illos mereatur, vel demeretur, & non Deo, qui non facit electionem moraliter, sed illam solum physicè coadiuuat. Vnde paritas tibiæ non est ad rem. Ad paritatem de artefactis dico, illam non valere, eò quia artefacta merè passiuè se habent ad artifices; angeli autem quamuis merè passiuè se habuerint ad Deum, in ordine ad naturalia, non tamen merè passiuè se habent, in ordine ad suas operationes. Ergo earum defectus imputantur ipsis, & non Deo, prò quocumque instanti, cum Deus dederit illis potestatem, ut benè, vel malè agerent. Præterquamquòd eodem modo se habet Deus, in ordine ad creaturas, in primo instanti, in quo illas producit, atque in alijs, in quibus illas conseruat, cum conseruatio sit continuata productio, ut alibi sæpe probauimus. Ergo si angelorum defectus non imputantur Deo in alijs instantibus, nec deberent imputari in primo, cum semper, & eodem modo ab illo dependeant, secundum physicam entitatem.

Ad 2. Nego minorem. Quamvis enim in primo instanti non potuerit esse dictamen falsum, adeoque cum defectu rectitudinis, tamen potuit cum defectu perfectionis, quatenus potuit Deus dare quidem

dem angelis veram cognitionem, non tamen adeo perfectam, ut excluderet potentiam proximam ad peccandum. Cum enim ad peccandum non sit simpliciter necessaria cognitio falsa, sed sufficiat imperfecta, nec Deus teneretur dare cognitionem perfectissimam, quam contulit defacto, ne angelis peccarent in primo instanti, potuit simpliciter dare cognitionem coniungibilem cum peccato. Neque obstat, quod omnis peccans sit ignorans, ut toties diximus, nam ignorantia de sua ratione formali non dicit falsitatem in iudicando, sed defectum in apprehendendo, qui bene dicitur nescientia, quatenus dicit carentiam cognitionis, vel carentiam applicationis, seu inconsiderationem.

Ad 3. Quod magno strepitu urgetur ab aduersarijs, tamquam fundamentum principale sententiae oppositae, patet responsio ex modo dictis. Ut autem eius futilitas appareat, Nego minorem utramque, nempe argumenti, eiusque probationis, quae est inanimata petitio principij. Cum enim quærat, an angelus pro primo instanti potuerit à Deo condi, cum sola gratia sufficienti, compatibili cum peccato? Respondetur non potuisse, quia debuit condere cum gratia efficaci. Quod autem talis gratia non fuerit angelis conaturaliter debita pro primo instanti;

Ec 4 pro-

probatum facile ex eo, quia cum angelus sit creatus essentialiter indifferens ad bonum, vel malum, non potuit condi, ut exigens ex sua natura, actum bonum determinatè, adeoque neque principia cum illo ex se determinatè connexa; aliter fuisset factus indifferens, & determinatus ad unum, quod repugnat. Quia ergo gratia efficax, seu cogitatio congrua, ut congrua, includit essentialiter vel ipsum actum bonum, vel aliquid cum illo necessario connexum, nempe scientiam de eius futuritione, ideo non potuit esse angelo connaturaliter debita. Præterquamquod si fuisset debita, iam non fuisset gratia, ut loquitur Apostolus. Ergo argumentum supponit falsum, & ideo nihil concludit.

ARTICULVS V.

An peccatum Angelorum fuerit superbia?

Videtur non fuisse, Primò quia Gelasius Papa in ep. decretali aduersus Pelagium ait, illos peccasse luxuria spirituali, nempe inordinata sui delectatione, & complacentia propriæ naturalis perfectionis. Sed hæc non est superbia propriè dicta, ut docent Scotus in 2. d. 7. q. 2, Gabriel, & Zumel, qui putant, superbiam propriè consistere in appetitu deordinato propriæ excellentiæ relatæ ad alios,

alios, quibus vellet præesse. Ergo cum angelus non appetierit alijs præesse, eius peccatum non fuit superbia .

2. Cyprianus lib. de bono patientiæ ait, fuisse inuidiam, cui concinit Basilius, qui hom. 11. de inuidia inquit, *Quid principem Dæmonum ad bellum impulit? Nonne inuidia, per quam Dei aduersarius deprehensus est?* Idem asserit D. Bernardinus sem. 1. de aduentu, ubi explicans etiam obiectum talis inuidiæ, ait, fuisse excellentiam filij Dei. Ergo non fuit actus superbiæ .

3. Non potest assignari obiectum excellens, circa quod superbierit angelus. Nam vel fuit æqualitas cum Deo, vt dicunt Scotus, Suarez, & Vasquez, & appetissent aliquòd impossibile: vel unio hypostatica, vt uolunt Iacobus de Valentia, & Viguerius; & non fuisset circa vltimum finem: vel quia noluerint Christo subijci, vt alij uolunt, & fuisset potius inobedientia, quàm superbia. Ergo non fuit superbia .

Conclusio; *Primum angelorum peccatum fuit superbia propriè dicta, orta ex contemplatione propriæ excellentiæ, quæ sumidus noluit se subijcere Christo venturo, & ministerio hominum.* Ita Alexander de Ales in sum. p. 2. q. 109. memb. 2. S. Bonauentura in 2. d. 5. ar. 1. q. 2. Guglielmus Parisiensis, D. Gregorius, & alij plures .

Probatur 1. ex Augustino, qui super illud Psalm. 70. *Deus quis similis tibi*, hæc emphaticè scripsit. *Hoc Diabolus fecit, imitari Deum voluit; sed perversè, non esse sub illius potestate, sed habere contra illum potestatem.* Et 11. de civ. Dei c. 13. *Diabolus suo recusans esse subditus creatori, & superbia sua velut priuata auctoritate elatus, ac per hoc falsus, & fallax, quia neque quisquam potestatem omnipotentis euadit; & qui per piam subiectionem noluit tenere quòd verè est, affectat per superbie elationem quòd non est.* Sed hæc non possunt intelligi de subiectione quoad esse, & conseruari, quia cum hæc sit essentialis cuicumque creaturæ, si Diabolus appetisset non esse hoc modo subditum Deo, appetisset suum non esse, vt docet hic D. Thomas ar. 3. Ergo debent intelligi de subiectione quoad præceptum, adorandi Christum, & ministrandi hominibus, cum sibi vilescere videretur, subiici inferiori naturæ.

2. Dicitur sap. 2. *Inuidia Diaboli mors intrauit in orbem terrarum.* Quid autem poterat homini inuidere, nisi quòd esset assumendus ad unionem hypostaticam, cum filio Dei, & ab angelis instar pedagogorum custodiendus? Et hæc est ratio, cur Genes. 3. *Eux persuaserit esum vetiti pomii, cur præcepit vobis Deus, vt non comederetis ex omni ligno paradisi?* Et postea,

*stea, Nequaquam moriemini; scit enim Deus quòd in quocumque die comederitis ex eo, aperientur oculi vestri, & eritis sicut Dij, vt videlicet induceret homines ad peccatum simile suo, quo contemnerent diuinum peceptum, affectantes exemptionem ab eius imperio, & fieri Deo similes, vt ipse affectauit, sicut dicitur Isaie 14. Ero similis altissimo. Super quem locum hæc habet D. Gregorius lib. 34. moral. c. 13. *Leuiathan iste eius celsitudinis culmen aspiciens, ius peruersæ libertatis appetijt, vt & præffet cæteris, & nulli subesset. Ergo probabilissimum est, superbiam in angelos irreplisse, ex consideratione propriæ excellentiæ, vt comparatæ cum natura humana, non solum vt est in se, sed etiam vt assumenda ad vnionem hypostaticam cum filio Dei, quæ est superbia propriè dicta.**

3. Patet experientia, quàm sit difficile subesse inferiori, eique præstare cultum, & obsequium, tamquam superiori. Ergo cum angeli sint tantò hominibus superiores, quoad naturam, & omnia alia ad illam spectantia, non potuerunt habere, motivum efficacius, ad superbiendum, quàm præceptum de adoranda natura humana in Christo Domino, illique seruiendi in omnibus alijs indiuiduis, præsertim cum hoc ipsum quod fuerint illi postpositi, ad tantum celsitudinis gradum,

magna fuit illis indignationis, & inuidiæ occasio. Ergo probabilissimum est, illos superbisse per hoc quòd recusantes Christo subijci, & seruire hominibus, sua nimium excellentia tumescebant.

Dices, Angeli non habuerunt notitiã Christi futuri. Ergo non potuerunt circa illum superbire. Probatur antecedens, Christus fuit decretus in redemptionem peccati Adæ, quod supposebat Dæmonum peccatum. Ergo hoc non potuit esse de Christo; aliter daretur mutua causalitas, nam Dæmon peccasset, quia Christus erat futurus, & erat futurus quia Dæmon peccauit.

h. Nego antecedens. Ad cuius probationem dico, Christum non fuisse decretum in redemptionem angelorum, sed hominum. Ergo peccatum angelorum non fuit causa incarnationis, adeòque cessat mutua causalitas. Quamuis enim de facto Adam peccauerit seductus à Diabolo, mediante Eua, tamen hoc fuit per accidens, cum potuerit peccare, etiam sine tali seductione. Sicut enim Lucifer peccauit, absque ulla tentatione extrinseca, ita potuisset Adam. Neque obstat, quòd de facto peccatum Luciferi fuerit causa peccati Adæ, adeòque cum causa causæ sit causa causati, fuerit causa, saltem remota incarnationis. Siquidem cum fuerit causa solum per accidens, potuit inter illam,

lam , & incarnationem dari mutua prioritas , cum causalitate per accidens ex una parte , præsertim cum in 2. phys. fuerit à nobis admisa possibilitas mutue causalitatis , etiam inter causas per se . Quo admissio , potuit Deus uno , eodemque decreto velle simul permissionem peccati Adæ , incarnationem Verbi in eius remedium , eiusque reuelationem faciendam angelis ab initio , cum permissione eorum casus .

Urgebis , ergo angeli fuerunt præscij , casus Adæ , quod negatur communiter à theologis , aliter fuissent etiam præscij sui casus , quod multò magis negatur , cum Magistro in 2. d. 4. litt. A. & B.

Nego cõsequentiam , quia potuit Deus reuelare angelis mysterium incarnationis quoad substantiam , non reuelata circumstantia motiui , quòd esset in remedium peccati Adæ ; unde non potuissent conijcere , illud esse futurum , & per consequens neque suum . Quòd autem facta fuerit hæc reuelatio , probatur ex eo , quòd facta fuerit hominibus , ut legimus in veteri testamento , & probabiliter ipsi Adæ , ut omnes admittunt . Ergo nulla est ratio , cur etiam angelis non fuerit facta , præsertim cum debuerunt & ipsi per fidem Christi disponi ad gratiam .

Ad 1. Dico , talem Pontificem locutũ fuisse , non in sensu formali , sed causali ,
qua-

quatenus videlicet inordinata sui delectatio fuit radix, unde pullulavit aliorum contemptus, & detrectatio obsequii in Christum Dominum, qui actus siue physice, siue tantum ratione distinguantur, constant superbiam propriissime dictam.

Ad 2. Nego consequentiam, quia Lucifer prolapsus est in invidiam hominis ex motivo superbiæ, ut dictum est. Et quia invidia querit malum inuidiosi, ideo tentavit Adam, ut peccando incideret in miseriam. Illud ergo primum, quod illū impulit ad rebellandum à Deo, non fuit invidia, sed superbia, quamvis invidia impulerit ad procurandum casum primi hominis.

Ad 3. Patet responsio ex dictis in probatione conclusionis. Quamvis enim per hoc præcisè, quod noluerint subijci diuino imperio, de odorando Christo, exerceverint actum inobedientiæ, quia tamen hoc processit ex motivo superbiæ, ideo hic non fuit actus purè inobedientiæ, sed mixtus cum superbia, vel saltem eius effectus.

ARTICVLVS VI.

An Dæmones possint resipiscere? Vbi de eorum inflexibilitate.

Videntur posse, ut putauit Origenes lib. 1. petiarchon c. 6. ubi ut suis
erro-

erroribus adhæreret, & confictam tueretur palingenesiam, docuit, nullum esse statum omninò inuariabilem extra Deum, adeòque posse damnatos pœnitere, & consequi beatitudinem, & beatos peccare, & damnari ad inferos. Eius unicum fundamentum potuit esse, quia omnis rationalis voluntas ex natura sua est libera, & indifferens ad bonum, vel malum. Ergo cum in omni statu retineat quod est sibi naturale, in omni statu retinet libertatem, & indifferentiam ad utrumlibet, siue ad primò volendum, siue ad continuandum in volito.

2. Videntur ex opposito fundamento angeli esse ita immobiles, & inflexibiles secundum voluntatem, ut physicè non possint resipiscere à malo, vel à bono recedere, cui semel adhæserunt, ut docent communiter Thomistæ, cum suo magistro hic q. 64. ar. 2. quibus adhæret noster Gibbo, cum pluribus alijs recentioribus, asserentibus, Dæmonum obstinationem in malo, seu voluntatis inflexibilitatem esse impotentiam physicam suæ naturæ conuenientem, ad retractandum actum voluntatis, exigentem ab intrinseco privari omni diuino auxilio, unde sequeretur retractatio. Fundamenta sunt. Primò quia voluntas angeli proportionatur intellectui, à quo dirigitur, & mouetur. Ergo cum intellectus immobiliter apprehendat,

ergo ideo recesserunt, quia non habuerunt sufficientiam ad perseverandum, & cum post peccatum, non habent ad resurgendum.

Conclusio, Possent quidem angeli praeter physicè resipiscere, non tamen moraliter, quia eorum inflexibilitas non sit physica, sed moralis, ut docent Suarius, Vasquez, Granadus, & alij, quibus accedunt Vantia, & Esparfa.

Probatur prima pars, Primò, quod est omnino voluntarium, non potest cogere voluntatem; aliter hæc seipsam cogeret per suum liberum exercitium, quod repugnat. Sed electio mali fuit Dæmoni omnino libera, aliter non fuisset peccaminosa. Ergo non potest cogere eius voluntatem. Atque adeo sicut potuit illam primò amplecti, vel respuere, ita potest vel in illa persistere, vel illam, licet semel volitam, repudiare. Probatur ultima consequentia, Dæmon post electionem mali, remansit omnino liber; aliter actuale libertatis exercitium destrueret libertatem, & potentia actiua per hoc quòd agat, se ipsam euerteret, quod repugnat lumini naturali. Non esset autem liber ad talem actum, nisi posset illum destruere, vel per actum oppositum, vel per puram suspensionem. Ergo potest vel illum continuare, vel destruere. Neque obstat paritas diuinæ volitionis, quam inculcant Conectus, & Sala.

hendat, eò quia tendat in obiecta sine discursu, & modo comprehensio, etiam voluntas immobiliter eligit, & adhæret electis. 2. Si possent physice resipiscere, ex tanta præuaricatorum multitudine, aliquis de facto resipuisset, cum non sit probabile, Deum omnibus auxilia denegasse ad resipiscendum. Cum ergo omnibus denegauerit, ut dicitur ep. 2. Petri c. 2. *Deus angelis peccantibus non pepercit*, signum est, non posse physice conueri. 3. Angelus est forma simplex. Ergo non habet potentiam diuersæ rationis, inducens ad contrariam adhæSIONem, ut habet homo, in quo est alia lex contraria legi mentis, ut queritur Apostolus; adeoque non potest physice resipiscere.

Videtur 3. tota causa diabolicæ obstinationis in malo, esse prorsus extrinseca, & provenire à Deo, vel quia illis infundat, & conseruet actuale odium Dei, ut censuerunt Gabriel, & Ocham; vel quia illis infundat qualitatem quamdam habitualement valde intensam, qua perpetuò adigantur ad odium Dei, ut putauit Aureolus; vel quia neget illis auxilia sufficientia, ratione status, ut docent Scotus, Maior, Catharinus, & alij. Commune eorum fundamentum potest esse, Si angeli essent ab intrinseco inflexibiles, non potuissent recedere in secundo instanti ab amore Dei, cui adhæserunt in primo.

Ergo

Ergo ideo recesserunt, quia non habuerunt sufficientiam ad perseverandum, sicut post peccatum, non habent ad resurgendum.

Conclusio, *Possent quidem angeli pravi physicè resipiscere, non tamen moraliter, ed quia eorum inflexibilitas non sit physica, sed moralis, ut docent Suarius, Vasquez, Granadus, & alij, quibus accedunt Valentia, & Esparsa.*

Probatur prima pars, Primò, quod est omnino voluntarium, non potest cogere voluntatem; aliter hæc seipsam cogeret per suum liberum exercitium, quod repugnat. Sed electio mali fuit Dæmoni omninò libera, aliter non fuisset peccaminosa. Ergo non potest cogere eius voluntatem. Atque adeo sicut potuit illam primò amplecti, vel respuere, ita potest vel in illa persistere, vel illam, licèt semel volitam, repudiare. Probatur ultima consequentia, Dæmon post electionem mali, remansit omninò liber; aliter actuale libertatis exercitium destrueret libertatem, & potentia activa per hoc quòd agat, se ipsam euerteret, quod repugnat lumini naturali. Non esset autem liber ad talem actum, nisi posset illum destruere, vel per actum oppositum, vel per puram suspensionem. Ergo potest vel illum continuare, vel destruere. Neque obstar paritas divinæ volitionis, quam inculcant Conettus, & Sal-

hendat, eò quia tendat in obiecta sine discursu, & modo comprehensio, etiam voluntas immobiliter eligit, & adhæret electis. 2. Si possent physice resipiscere, ex tanta prauaricatorum multitudine, aliquis de facto resipuisset, cum non sit probabile, Deum omnibus auxilia denegasse ad resipiscendum. Cum ergo omnibus denegauerit, ut dicitur ep. 2. Petri c. 2. *Deus angelis peccantibus non pepercit*, signum est, non posse physice conueri. 3. Angelus est forma simplex. Ergo non habet potentiam diuersæ rationis, inducens ad contrariam adhæSIONem, ut habet homo, in quo est alia lex contraria legi mentis, ut queritur Apostolus; adeoque non potest physice resipiscere.

Videtur 3. tota causa diabolicæ obstinationis in malo, esse prorsus extrinseca, & prouenire à Deo, vel quia illis infundat, & conseruet actuale odium Dei, ut censuerunt Gabriel, & Ocham; vel quia illis infundat qualitatem quamdam habituales valde intensam, qua perpetuò adigantur ad odium Dei, ut putauit Aureolus; vel quia neget illis auxilia sufficientia, ratione status, ut docent Scotus, Maior, Catharinus, & alij. Commune eorum fundamentum potest esse, Si angeli essent ab intrinseco inflexibiles, non potuissent recedere in secundo instanti ab amore Dei, cui adhæserunt in primo.

Ergo

Ergo ideo recesserunt, quia non habuerunt sufficientiam ad perseverandum, sicut post peccatum, non habent ad resurgendum.

Conclusio, *Possent quidem angeli pravi physicè resipiscere, non tamen moraliter, ed quia eorum inflexibilitas non sit physica, sed moralis, ut docent Suarius, Vasquez, Granadus, & alij, quibus accedunt Valentia, & Esparsa.*

Probatur prima pars, Primò, quod est omnino voluntarium, non potest cogere voluntatem; aliter hæc seipsam cogeret per suum liberum exercitium, quod repugnat. Sed electio mali fuit Dæmoni omninò libera, aliter non fuisset peccaminosa. Ergo non potest cogere eius voluntatem. Atque adeo sicut potuit illam primò amplecti, vel respuere, ita potest vel in illa persistere, vel illam, licèt semel volitam, repudiare. Probatur ultima consequentia, Dæmon post electionem mali, remansit omninò liber; aliter actuale libertatis exercitium destrueret libertatem, & potentia actiua per hoc quòd agat, se ipsam euerteret, quod repugnat lumini naturali. Non esset autem liber ad talem actum, nisi posset illum destruere, vel per actum oppositum, vel per puram suspensionem. Ergo potest vel illum continuare, vel destruere. Neque obstat paritas diuinæ volitionis, quam inculcant Conettus, & Sal.

hendat, eò quia tendat in obiecta sine discursu, & modo comprehensio, etiam voluntas immobiliter eligit, & adhæret electis. 2. Si possent physicè resipiscere, ex tanta præuaricatorum multitudine, aliquis de facto resipuisset, cum non sit probabile, Deum omnibus auxilia denegasse ad resipiscendum. Cum ergo omnibus denegauerit, ut dicitur ep. 2. Petri c. 2. *Deus angelis peccantibus non pepercit*, signum est, non posse physicè conuertere. 3. Angelus est forma simplex. Ergo non habet potentiam diuersæ rationis, inducens ad contrariam adhæSIONem, ut habet homo, in quo est alia lex contraria legi mentis, ut queritur Apostolus; adeoque non potest physicè resipiscere.

Videtur 3. tota causa diabolicæ obstinationis in malo, esse prorsus extrinseca, & provenire à Deo, vel quia illis infundat, & conseruet actuale odium Dei, ut censuerunt Gabriel, & Ocham; vel quia illis infundat qualitatem quamdam habitualement valde intensam, qua perpetuò adigantur ad odium Dei, ut putauit Aureolus; vel quia neget illis auxilia sufficientia, ratione status, ut docent Scotus, Maior, Catharinus, & alij. Commune eorum fundamentum potest esse, Si angeli essent ab intrinseco inflexibiles, non potuissent recedere in secundo instanti ab amore Dei, cui adhæserunt in primo.

Ergo

Ergo ideo recesserunt, quia non habuerunt sufficientiam ad perseverandum, sicut post peccatum, non habent ad resurgendum.

Conclusio, *Possent quidem angeli pravi physicè resipiscere, non tamen moraliter, ed quia eorum inflexibilitas non sit physica, sed moralis*, ut docent Suarius, Vasquez, Granadus, & alij, quibus accedunt Valentia, & Esparza.

Probatur prima pars, Primò, quod est omnino voluntarium, non potest cogere voluntatem; aliter hæc seipsam cogeret per suum liberum exercitium, quod repugnat. Sed electio mali fuit Dæmoni omninò libera, aliter non fuisset peccaminosa. Ergo non potest cogere eius voluntatem. Atque adeo sicut potuit illam primò amplecti, vel respuere, ita potest vel in illa persistere, vel illam, licèt semel volitam, repudiare. Probatur ultima consequentia, Dæmon post electionem mali, remansit omninò liber; aliter actuale libertatis exercitium destrueret libertatem, & potentia actiua per hoc quòd agat, se ipsam euerteret, quod repugnat lumini naturali. Non esset autem liber ad talem actum, nisi posset illum destruere, vel per actum oppositum, vel per puram suspensionem. Ergo potest vel illum continuare, vel destruere. Neque obstat paritas diuinæ volitionis, quam inculcant Conettus, & Sal.

quatenus videlicet inordinata sui delectatio fuit radix, unde pullulavit aliorum contemptus, & detrectatio obsequii in Christum Dominum, qui actus siue physice, siue tantum ratione distinguantur, conflant superbiam propriissime dictam.

Ad 2. Nego consequentiam, quia Lucifer prolapsus est in invidiam hominis ex motivo superbiæ, ut dictum est. Et quia invidia querit malum inuidiosi, ideo tentavit Adam, ut peccando incideret in miseriam. Illud ergo primum, quod illū impulit ad rebellandum à Deo, non fuit invidia, sed superbia, quamvis invidia impulerit ad procurandum casum primi hominis.

Ad 3. Patet responsio ex dictis in probatione conclusionis. Quamvis enim per hoc præcisè, quod noluerint subijci diuino imperio, de odorando Christo, exerceverint actum inobedientiæ, quia tamen hoc processit ex motivo superbiæ, ideo hic non fuit actus purè inobedientiæ, sed mixtus cum superbia, vel saltem eius effectus.

ARTICVLVS VI.

An Dæmones possint resipiscere? Vbi de eorum inflexibilitate.

Videntur posse, ut putauit Origenes lib. 1. periarchon c. 6. ubi ut suis
erro-

erroribus adhæreret, & confictam tueretur palingenesiam, docuit, nullum esse statum omninò inuariabilem extra Deum, adeòque posse damnatos pœnitere, & consequi beatitudinem, & beatos peccare, & damnari ad inferos. Eius unicū fundamentum potuit esse, quia omnis rationalis voluntas ex natura sua est libera, & indifferens ad bonum, vel malum. Ergo cum in omni statu retineat quod est sibi naturale, in omni statu retinet libertatem, & indifferentiam ad utrumlibet, siue ad primò volendum, siue ad continuandum in volito.

2. Videntur ex opposito fundamento angeli esse ita immobiles, & inflexibiles secundum voluntatem, ut physicè non possint resipiscere à malo, vel à bono recedere, cui semel adhæserunt, ut docent communiter Thomistæ, cum suo magistro hic q. 64. ar. 2. quibus adhæret noster Gibbo, cum pluribus alijs recentioribus, asserentibus, Dæmonum obstinationem in malo, seu voluntatis inflexibilitatem esse impotentiam physicam suæ naturæ conuenientem, ad retractandum actum voluntatis, exigentem ab intrinseco privari omni diuino auxilio, unde sequeretur retractatio. Fundamenta sunt. Primò quia voluntas angeli proportionatur intellectui, à quo dirigitur, & mouetur. Ergo cum intellectus immobiliter apprehendat,

hendat, eò quia tendat in obiecta sine discursu, & modo comprehensio, etiam voluntas immobiliter eligit, & adhæret electis. 2. Si possent physice resipiscere, ex tanta præuaricatorum multitudine, aliquis de facto resipuisset, cum non sit probabile, Deum omnibus auxilia denegasse ad resipiscendum. Cum ergo omnibus denegauerit, ut dicitur ep. 2. Petri c. 2. *Deus angelis peccantibus non pepercit*, signum est, non posse physice conuertere. 3. Angelus est forma simplex. Ergo non habet potentiam diuersæ rationis, inducens ad contrariam adhæSIONem, ut habet homo, in quo est alia lex contraria legi mentis, ut queritur Apostolus; adeoque non potest physice resipiscere.

Videtur 3. tota causa diabolica obstinationis in malo, esse prorsus extrinseca, & prouenire à Deo, vel quia illis infundat, & conseruet actuale odium Dei, ut censuerunt Gabriel, & Ocham; vel quia illis infundat qualitatem quamdam habitualement valde intensam, qua perpetuò adigantur ad odium Dei, ut putauit Aureolus; vel quia neget illis auxilia sufficientia, ratione status, ut docent Scotus, Maior, Catharinus, & alij. Commune eorum fundamentum potest esse, Si angeli essent ab intrinseco inflexibiles, non potuissent recedere in secundo instanti ab amore Dei, cui adhæserunt in primo.

Ergo

Ergo ideo recesserunt, quia non habuerunt sufficientiam ad perseverandum, sicut post peccatum, non habent ad resurgendum.

Conclusio, *Possent quidem angeli pravi physicè resipiscere, non tamen moraliter, sed quia eorum inflexibilitas non sit physica, sed moralis, ut docent Suarius, Vasquez, Granadus, & alij, quibus accedunt Valentia, & Esparsa.*

Probatur prima pars, Primò, quod est omnino voluntarium, non potest cogere voluntatem; aliter hæc seipsam cogeret per suum liberum exercitium, quod repugnat. Sed electio mali fuit Dæmoni omninò libera, aliter non fuisset peccaminosa. Ergo non potest cogere eius voluntatem. Atque adeo sicut potuit illam primò amplecti, vel respuere, ita potest vel in illa persistere, vel illam, licèt semel volitam, repudiare. Probatur ultima consequentia, Dæmon post electionem mali, remansit omninò liber; aliter actuale libertatis exercitium destrueret libertatem, & potentia actiua per hoc quòd agat, se ipsam euerteret, quod repugnat lumini naturali. Non esset autem liber ad talem actum, nisi posset illum destruere, vel per actum oppositum, vel per puram suspensionem. Ergo potest vel illum continuare, vel destruere. Neque obstat paritas diuinæ volitionis, quam inculcant Conettus, & Sala.

Salmaticenses. Nam cum illa sit esse Dei necessarium, reuocari non posset, nisi Deum destruendo, quod non valet de volitione angeli, quæ cum illi accidat, sicut potuit primò non adesse, ita potest deinde abesse, absque ulla destructione subiecti.

Confirmatur, Actus non est liber formaliter per libertatem intrinsecam, sed solum extrinsecè, per denominationem acceptam à principio libero; aliter esset indifferens ad sui esse, vel non esse, quod repugnat. Ergo si electio angeli remanet libera, ideo est, quia eius principium remanet indifferens, ad illam retinendam, vel reuocandam.

Confirmatur secundò, continuatio actus est conseruatio actus. Sed conseruatio actus est continuata eius productio. Ergo continuatio actus, est continuata eius productio, adeòque dicit continuatum fieri actus. Sed fieri actus, est liberum angelo, libertate contradictionis. Ergo etiam eius continuatio, quæ proinde impediri potest, & reuocari.

2. Potest angelus habere novum moti-
vum in operando. Ergo potest mutare voluntatem. Consequentia patet, cum possit idem vestitum tali formalitate placere, quod sub alia potuit displicere; siquidem pharmacum, quod placet ut proficuum, displicet ut amarum: & navigatio placet mercatori, quatenus conducens
ad

ad lucrum, quæ fusciretur naufragium subitum, nullo modo placeret. Antecedens probatur, non potest angelus omnia simul cognoscere, sed plura cognoscit successiue. Ergo potest aliquid velle ex actu cognitis, ad quod nolendum succedat noua cognitio, ut de facto accidit Lucifero, & asseclis, quibus placuit Christus pro primo instanti, ut docent Augustinus, & D. Thomas, quatenus fuit illis reuelatus, ut mediator ad gratiam, & gloriam, quæ deinde displicuit, quatenus proponebatur in illo ut passibili adoranda natura humana, quod fuit novum motivum antea incognitum, quo ducti sunt ad rebelandum, ut diximus hic ar. 1. & quod si habuissent pro primo instanti, Deum non dilexissent. Videatur locus citatus, nam probat quod hic intendimus.

Probatur secunda pars, obstinatio Demonum in malo, habetur per hoc quod Deus iusto suo iudicio, in panam scelerum, quæ patiantur, neget illis auxilia gratiæ ad resurgendum, sicut confirmatio in gratia beatorum habetur per hoc, quod Deus det illis assiduam copiam auxiliorum ad perseverandum, iuxta conditionem utriusque status. Nam sicut posset de plenitudine potestatis, & absolute loquendo, hæc sanctis denegare illos remouendo à tali statu, & permittere ut cadant, ita posset prauis conferre, & trahere eorum volun-

voluntatem ad penitentiam salutarem, ut docet Gibbo hic disp. 27. dub. 1. §. ult. Ergo Dæmones, physicè loquendo, nihil habent, quod obftet eorum resipiscentiæ, & penitentia salutari; & subinde eorum impotentia ad resurgendum non est physica, sed moralis, ut mox videbimus.

Probatur tertia, Inflexibilitas angelorum provenit ex triplici capite, quorum primum est, quia cognoscunt perfectissimè omnia motiva, quæ in hoc rerum ordine, possunt sibi occurrere ad deliberandum; atque adeo cum non utantur discursu, quo possint vel augere cognitionem, vel conversionem ad pondus rationum, maximam patiuntur difficultatem ad novitatem motivi, quo possent retrahi ab electione iam facta. Alterum est, quia cum non subsint alterationibus humorum corporeorum, semper sunt in eadem physica dispositione, secundum quam nulla est ratio, cur displiceat quod semel placuit, vel placeat quod displicuit. Tertium est, quia eligunt cum summa intentione, siue adhesionem affectivam, summoque conatu; adeoque stantibus iisdem motivis, constantissimè in electionibus perseverant. Sed hæc omnia, quamvis non necessitent physicè voluntatem, ad non reuocandam electionem, illam tamen usque adeo reddunt amabilem, ut nisi diuinitus proponantur motiva præponderant.

derantia, & extraordinarijs auxilijs fulciatur, numquam voluntas recedat ab illa, quod est evidens argumentum impotentiae moralis, ad retractandam electionem.

Vnde obiter sequitur, quod licet Dæmones possent physicè elicere aliquem actum honestum, non quidem supernaturalem, & meritorium, ex defectu principij supernaturalis, sed solum philosophicè, & moraliter bonum, ut docet Scotus cum suis, penès Mastrium disp. 3. q. 5. n. 84. non tamen possunt moraliter. Et rationem affert Valentia hic disp. 4. q. 15. p. 2. quia cum sint in termino suæ damnationis, nec habeant amplius quid sperent, vel timeant de sua salute, & assiduò cogitent amissionem beatitudinis, & pænarum acerbicatem, ad quas subeundas à Deo vindice adiguntur, cum summa desperatione illas euadendi, intensissimum concipiunt odium Dei, quo retrahuntur ab omni bono, docente Augustino de fide ad Petrum c. 3. *Dæmones nec mala umquā possunt carere voluntate, nec pena.*

ARTICVLVS VII.

Solvuntur obiecta.

AD 1. Dico, opinionem Origenis cōmuniter explodi ut erroneam, contra quam toties acuius calamum, & precipuè in 3. de anima disp. 2. ar. 4. Quamvis

vis Valentia loco supra citato putet, Origenem non dixisse hoc assertiuè, sed dubitativè, eo quia in capite citato priusquam asseruerit Opinor - *namquamque rationalem naturam posse ab vno in alteram transire*, præfatus fuerit, *Hæc quidem à nobis cum magno metu, & cautela dicuntur, discutientibus magis, ac pertractantibus, quàm prò certo, ac definito statuentibus.* Quare exploso errore, præscindimus ab authore. Quod autem hæc opinio sit erronea, patet expressè ex definitione opposita Lateranensis sub Innoc. III. ut refertur in cap. *Firmiter* de summa Trinitate, & alijs locis sacrorum codicum relatis à Valentia, & ex rationibus, quas adduximus loco citato. Quare statum termini, tam angelorum, quàm hominum, siue bonorum, siue malorum, esse futurum æternum, non revocatur in controuersiam inter catholicos, quibus sufficit oraculum veritatis Matth. 25. *Ita in ignem æternum, & symbolum Apostolorum, cuius regni non erit finis: vita æterna &c.*

Ad eius fundamentum nêgo consequentiam. Quamuis enim Dæmones retineant in termino radicalem libertatem, & physicam potentiam ad bene agendum salutariter, quia tamen non retinent potentiam moralem, & principium proximum diuinorum auxiliorum supernaturalium, ideo

ideo non retinent proximam libertatem, sicut nec retinent sancti ad malè agendū, ad quod habent potentiam physicam radicalem. Hinc tamen non sequitur, quòd sicut angeli sancti necessitantur physicè ad bonum; ita Dæmones necessitentur ad malum. Et ratio est, quia cum boni videant Deum intuitivè, qui est summum bonum, nullam includens rationem mali, & rationalis voluntas sit ex natura sua inclinata ad bonum, ex ipso obiecto incluctabiliter trahitur ad eius amorem, ut diximus in trac. de beat. Dæmones autem nullum habent obiectum, quod sit purè malum, cuius cognitione trahantur incluctabiliter ad eius odium. Ergo quia in Deo cognito, cum ratione punitoris, quæ est illis mala, & impellens ad odium, apparet ratio summi boni, & ultimi finis naturalis, quæ de se est amabilis, ideo non necessitantur ad eius odium, aliter per tale odium non peccarent, quod est contra omnes. Atque adeo cum impotentia ad bonum, habent potentiam ad non-malum, quæ semper est indispensabiliter coniuncta cum potestate peccandi. Quòd autem hæc potentia vitandi peccata prò singulis instantibus, sit physica, & non moralis, probatur, quia ex una parte Dæmones fuerunt spoliati grauitis, & vulnerati in naturalibus: & ex alia ob desperationem salutis, & acerbissimos cruciatus,

rus, habent vehementissimum stimulum ad odium Dei, quo impelluntur ad omne malum. Ergo tantam sentiunt difficultatem ad oppositum, ut illis reddatur moraliter impossibile.

Ad 2. Dico, ex dictis esse sufficienter explosam sententiam Thomistarum. Ad cuius primum fundamentum admitto quidem, voluntatem angelicam proportionari intellectui quoad modum essendi, non autem quoad modum operandi, qui uni est liber, & alteri necessarius. Quamvis ergo voluntas pendeat ab intellectu in operando, non tamen ab illo necessitatur, extra statum beatitudinis, in quo solo representatur illi Deus ut purum, & summum bonum. Neque obstat, quod voluntas immobiliter adhaereat bono ut sic; nam hoc ideo evenit, quia in tali ratione, nulla apparet admixtio mali, sicut apparet in singulis bonis particularibus. Ergo quia permanentia in bono voluto, est unum eligibile particulare, ideo non necessitat voluntatem. Ad 2. Nego antecedens. Cum enim Deus iusto suo iudicio negaverit Dæmonibus auxilia necessaria, quibus potentia physica penitendi reduceretur ad actum, ideo nullum penituit, & omnes simul post primum peccatum, positi sunt in termino per sententiam definitivam finalem, in quo æquiparantur hominibus damnatis, quorum nulli unquam

nilus

ullus affulsi radius diuinæ misericordiæ; quo est indignus huiusmodi status, docente Fulgentio de fide ad Petrum c. 3. *De angelis hoc Deus disposuit, & impleuit, ut si quis eorum bonitatem voluntatis perderet, numquam eam diuino munere repararet.* Quòd si videatur durum, Deum indulgisse hominibus, & non angelis, Augustinus in enchiridio c. 29. assignat disparitatem, quia cum homines per viam seminariam propagentur, omnes continebantur in primo homine, quo peccante, omnes peccauere absque propria voluntate; & sic transeunte peccato in naturam, tota natura periit, & ideo debuit restaurari. Angeli verò quia singuli immediatè à Deo creati, propria voluntate peccauerant, quæ aliorum non continebat voluntates, reparari non debuerunt, præsertim cum non carnis fragilitate, sed prauitate peccauerant, docente Damasceno lib. 2. c. 4. *Hoc est hominibus mors, quod Angelis casus.* Atque adeo sicut hominibus post mortem non datur indulgentia, ita nec angelis post lapsum. Vnde patet solutio tertij, quod solum haberet locum, quando angelus fragilitate peccasset.

Ad 3. Dico, opinionem Gabrielis, & Okam sustineri non posse, Primò quia Deus esset author mali, quod solus efficeret. Et deinde quia per hoc ipsum, odium Dei, utpote ab ipso, ut causa

particulari volitum, & intentum, non esset malum, de cuius ratione est quod sit legi Dei contrarium, quod est absurdum. Idem dico de opinione Aureoli, eò quia causa causæ sit causa causati. Cum ergo huiusmodi habitus ineluctabiliter adigeret ad prauitatem, si Deus esset author illius, esset author prauitatis, quod ut blasphemum rejicitur à Tridentino. Ad opinionem Scoti dico, illam non esse à nostra diuersam, nisi in hoc, quòd nos præter defectum auxiliorum, admittimus in Dæmonibus impotentiam moralem ad penitendum, prouenientem ex causis supra dictis, quam ille negat. Quòd si illam admisisse dicatur, nobiscum sentit. Non tamen placet eius fundamentum; siquidem etiam admissa physica inflexibilitate Thomistica, adhuc angeli potuissent recedere ab amore Dei, quem habuerunt in primo instanti, non solum aduentu noui motiui, sed etiam quia nondum plenè, & perfectè adhæserant obiecto proposito, ut supra diximus. Quia ergo physica inflexibilitas non admittitur à Thomistis, nisi in ordine ad perfectam adhæSIONem, & sub eodem motiuo, ideo hinc non infringitur hæc opinio, nec nostra sufficienter probatur.

Dices, non posito diuino adiutorio supernaturali, non datur sufficientia physica ad actus salutes. Ergo hinc
con-

De peccato Angelorum. 675
consurgit impotentia physica, & non
moralis.

Nego consequentiam. Et ratio est,
quia licet angelus destitutus diuinis auxi-
lijs, non habeat completum principium
proximum physicum ad actus salutare;
quia tamen hic defectus non inest illi, ex
principiis intrinsecis suæ naturalis condi-
tionis illum exigentibus, ideo non in-
ducit impotentiam physicam, sed mora-
lem, quatenus eius naturæ non repugnat,
quòd tollatur.

DISPUTATIO XIX.

De Pœna Dæmonum.

Dæmones cruciari pœna damni, hoc
est carentia perpetua beatitudinis,
est certum penès omnes catholicos. To-
ta ergo quæstio erit de pœna positiva,
quæ vulgò dicitur pœna sensus, in cuius
exactione plura reuocabimus in quæstio-
nem. Primum est, an ignis inferni sit
materialis, & corporeus? 2. An, & quo-
modo torqueat Dæmones? 3. An omnes
torqueantur eodem loco? 4. An torqueat
per calorem materiale? Et demum an
aliquid in illis efficiat cruciatium, &
quid sit.

ARTICVLVS PRIMVS.

An ignis inferni sit materialis, & corporeus?

Videtur non esse, ut contendunt plures hæreticorum, & præcipuè Calvinista. Primò quia D. Ambrosius lib. 7. in Lucam titulo *de parata exna* inquit, *Neque ignis perpetuus est flammarum corporalium, neque vermis est corporalis.* Quod idem videntur etiam asserere Aug. lib. 12. de Gen. ad lit. c. 32. & Damascenus lib. de fide cap. ult. inquit, *ignis æternus non est instar nostri, materia constans:* & Catharinus lib. de pram. bonor. & suppl. malor. Ergo non est certum, esse materiale.

2. Dicitur Isaia 66. *Vermis eorum non morietur, & ignis eorum non extinguetur* ubi est sermo de damnatis. Ergo ignis & vermis pariformiter se habent. Atque adeo cum vermis accipiat per metaphoram, prò remorsu conscientie, etiam ignis debet accipi metaphoricè prò tristitia.

3. Ignis inferni debet esse aptus ad torquendas substantias spirituales. Sed ignis materialis non est huiusmodi, quia eius actio terminetur ad corporalia. Ergo non est materialis.

Conclusio, *Ignis inferni est materialis*

&

& corporeus . Est communis inter catholicos, quorum primus Augustinus lib. 21. de ciu. c. 10. ait, *adhærebunt spiritus incorporei corporeis ignibus cruciandi, non ut ignes eorum iunctura inpirentur, & animalia fiant, sed miris, & ineffabilibus modis adhærendo, accipientes ex ignibus poenam, non dantes ignibus vitam: & Egid. in 2. p. p. d. 6. qu. 64. art. 2. Præterea ille ignis inferni materialis est, quod sæpe confirmat in toto illo articulo: D. Thomas 4. con. Gen. c. 90. Substantiæ incorporeæ patiuntur ab igne corporeo, quibus concinunt Cyprianus, Gregorius, Suarez &c. adeo ut D. Hyeronimus referat inter errores Origenis sententiam oppositam, quam usque adeo impetit Andreas Lao, ut 1. p. q. 64. ar. 4. dub. 1. dixerit, esse de fide, ignem inferni esse materiale .*

Probatur 1. Ignis inferni est eiusdem speciei atomæ, (ut probavi in 2. de celo disp. 1. ar. 3. concl. 2.) cum nostro elementari. Ergo sicut noster est materialis, ita & ille, aliter non essent eiusdem speciei atomæ, ut optimè ducet D. Thomas in 4. d. 44. qu. 3. art. 2, ubi ex professo agit de hoc .

2. Ignis, quo Dæmones cruciantur, est ille idem, qui cruciabit post finale iudicium, corpora hominum damnatorum, ut dicitur Matth. 25. *Ite in ignem æternum, qui paratus est Diabolo, & angelis*

eius. Sed hic est materialis, aliter non esset aptus ad corpora crucianda, ut docet D. Th. loco citato, simul cum Gregorio, & Augustino. Ergo & ille. Et ideo communiter dicitur, damnatos esse puniēdos, non solum pœnæ damni, correspondente auersioni à Deo, sed etiā pœnæ sensus correspondente positivæ conversioni ad creaturas. Sicut enim per corporis oblectamenta peccatur, ita iustum est, ut per eorundem corporum sensibilem cruciatum, impius puniatur.

3. Bellarminus lib. 2. de Purgatorio c. 6. probat ex Vesuvij, Ætnæ, aliorumque locorum igneis eruptionibus, Deum optimum maximum voluisse, per talia indicia apparere infernum, ut eius quasi oribus homines à flagitijs deterreantur, & c. 11. eiusdem libri probat ejus ignem esse corporeum. Ergo bene concludit Angelicus opus. 2. c. 179. *Pœna ista ignis corporalis est, & omnia, quæ in scriptura de hoc igne inferni dicuntur, ad litteram, & non per metaphoram sunt intelligenda.*

Ad 1. Dico, quòd licet non sit certum ex fide, ignem infernalem esse corporeum, ut fatetur Bellarminus dicto c. 11. secundi libri (ubi quamvis loquatur de igne purgatorii, tamen quia nusquam extat definitio Ecclesiæ, ignem inferni esse diversum ab igne Purgatorii, probabile est utrumque esse ejusdem rationis,

ut

ut videbimus in loco) tamen est adeo constans omnium scholasticorum sententia , illum esse corporeum , ut non nisi temerè negari possit , ut idem concludit ibidem . Atque adeo hoc est certum , certitudine theologica , licèt non sit de fide . Ad auctoritates oppositas Dico , Ambrosium , Augustinum , & Damascenum , & siqui sunt alij similiter loquentes , esse exponendos cum D. Thoma in supplem. 3. p. q. 97. ar. 5. de proximo contristante , quod est apprehensio spiritualis (vñ aduertit hic Lao) non autem de remotè , quod est ignis corporeus ; vel de virtute spiritali , qua à Deo agitur ille ignis , vt eius instrumentum , non vrens Dæmones virtute propria corporea . Aliter tales Patres sibi contradicerent , cùm toties alibi statuant eius ignis corporeitatem . Audiatur D. Thomas loco nuper citato ad 1. inquiring , Dicendum est , quòd quia ignis non materialiter alterat corpora , sed quadam spiritali actione agit in ea punitionem , ideo dicitur non materialis esse , non quantum ad substantiam , sed quantum ad punitionis effectum .

Ad 2. Nego consequentiam . Et dico , verba sacrorum codicum esse semper exponenda in proprio sensu , quando nulum sequitur absurdum , ut docent Augustinus lib. 20. de ciu. c. 22. & Hieronimus in talem locum . Quia ergo vermis

non potest accipi in proprietate sermonis, eò quòd post finale iudicium, nulla erit generatio, aut corruptio, adeòque nullum animal, pràter hominem, ideo debet accipi metaphoricè. Contra verò quia ignis remanebit, ideo potest accipi in proprio sensu, hoc est, intra ignem cruciabuntur stimulis conscientiae.

Ad 3. Nego minorem. Quomodo autem ignis materialis agat in Dàmones, videbimus ar. sequenti.

A R T I C V L V S II.

An, & quomodo ignis materialis torqueat Dàmones, & animas separatas?

Videtur 1. quod ignis materialis inferni non cruciet Dàmones, saltem usque ad diem finalis iudicij, immò nec animas separatas, ut opinatur noster Egidius in 2. p. 1. d. 6. q. 2. art. 1. docens, nunc illos non esse in inferno, sed in secunda aeris regione, quam semper ait esse nubibus obsitam, tenebrosam, & caliginosam. Eius fundamenta sunt.

1. Quia natura Dàmonis aliquod lumen est (ut ipse ait) licèt obtenebratum per peccatum. Ergo videtur quaedam congruitas, quòd sit in aere, qui ratione suæ diaphaneitatis, aliquid de luce participat, & ratione culpæ, quòd sit in aere tenebroso.

2. Congruum est, ut ad nostrum exercitium

citium sint in tali parte aeris; nam si essent in parte superiori, essent nimis remoti, nec possent nos exercere; sin autem essent viciniore, non possemus illis resistere. Ergo debuerunt poni in tali parte aeris, ubi & punirentur propter tenebras, grandines, & tempestates, & essent prompti ad nostrum exercitium. Post diem autem finalis iudicij, quia cessabit nostra exercitatio, detrudentur in tartarum. Et huic opinioni subscribit etiam D. Th. 1. p. q. 64. ar. 4. Quod si illis obijcias, debere daemones esse carnifices animarum damnatarum, adeoque esse in inferno; respondet Lao, aliquos ibi esse, & reliquos in aere tenebrolo. Egidius vero putat, omnes esse in aere, aliquos tamen alternis vicibus à Lucifero mitti in infernum, ad animas cruciandas pro aliquo tempore, quo elapso, succedentibus alijs, redeunt ad pristinum locum.

Videtur 2. Quod ignis non torqueat Damones effectiue, sed solum obiectiue, hoc est modo spirituali; vel quia Deus se solo illos cruciet, eo modo quo cum igne cruciaret, ut docet Egidius loc. cit. ar. 2. vel illis imprimendo species intentionales, determinantes ad perpetuò apprehendendam disconuenientiam ignis, respectu suæ naturæ, unde vehementer torqueantur, ut idem docet quodl. 2. q. 7. cui adherent Scotus, & Gabriel: vel

infundendo ipsam actualem apprehensionem, ut docent Albertus, & Bonaventura: vel per hoc quod eleuet ignem ad producendam in illis qualitatem spiritualem doloriferam, etiam effectiue, ut putat Suarez: vel ipsum doloris actum, ut sentit Amicus: vel alio modo Deo possibili, & nobis ignoto.

Prò resolutione videndum est primò, an verè nunc Dæmones sint in igne? 2. An, & quomodo ab illo torqueantur? 3. An illum secum ferant extra infernum? Quæ omnia partim hic soluemus, & partim articulis subsequen- tibus.

Conclusio, *Omnes Dæmones verum percipiunt dolorem ab igne inferni, per physicam alligationem ad illum.* Ita D. Thomas hic q. 64. ar. 4. cum plurimis alijs.

Probatur prima pars, ex infinitis locis factorum codicum, ut Apoc. 20. *Diabolus missus est in stagnum ignis, & sulphuris, ubi & bestia & pseudo propheta cruciabuntur die, ac nocte in secula seculorum:* & 2. Petri c. 2. *Angelis peccantibus Deus non pepercit, sed rudentibus inferni detractos in tartarum tradidit cruciandos &c.*

2. Ex unanimi Patrum, & Scholasticorum sententia, quorum vexillifer Augustinus lib. 21. de ciu. c. 10. ubi ex professo agit de hoc, inquit, *Adhaerebunt spiritus Dæmonum, immò spiritus dæmones, licet*

licet incorporei, corporeis ignibus cruciandi, miris, & ineffabilibus modis. Et loquens de animabus paulò ante dixerat, Cur non dicamus, quamvis miris, tamen veris modis, etiam spiritus incorporeos posse pœna corporalis ignis affligi, si spiritus hominum, etiam ipsi profecto incorporei, potuerunt includi corporalibus membris? Et Gregorius lib. 9. moral. c. 38. *Reclè inferni claustra tenebrosa nominantur, quia quos puniendos accipiunt, non pœna transitoria, vel phantastica imaginatione, sed ultione solida cruciant.* Et lib. 4. dialog. c. 29. clarissimè docet, Sic fit, ut res corporea incorpoream exurat, dùm ex igne visibili ardor, ac dolor inuisibilis trahitur, ut per ignem corporeum mens incorporea, etiam incorporea flamma crucietur: Et Hieronimus ep. 59. recenset inter errores quòd Origenes dixerit, ignem inferni non punire cruciando, sed conscientia peccatorum. Ergo ignis ille cruciat, efficiendo in Daemonibus verum dolorem.

3. *Rationibus.* Et primò quidem, quia aliàs ignis cruciatus esset solum apparentis, phantasticus, & veluti somniatus, & Deus nos deciperet, minitando impijs igne æternum, quod faceret mendacem ipsam veritatem. Deinde quia probauimus ex fontibus doctrinæ Augustinianæ, in trac. de Visione, posse oculos corporeos eleuari ad videndum Deum. Ergo etiam poterit

ignis eleuari ad cruciandos Dæmones ; cum nulla possit assignari disparitas. Quomodo autem cruciet, videbimus infra.

Probatur secunda pars, Primò e scripturis. Nam dicitur in ep. Iudæ sub initium, *Angelos verò, qui non seruauerunt suum principatum, sed dereliquerunt suum domicilium, in iudicium magni diet, vinculis æternis sub caligine reseruauit: Et Apoc. 20. Apprehendit draconem, & alligauit, & misit eum in abyssum, & clausit: & 2. Petri c. 2. Deus angelis peccantibus non pepercit, sed rudentibus inferni detractos in tartarum tradidit cruciandos: & psal. 106. &c.*

2. Ex Patribus, & Scholasticis, Nam Greg. lib. 4. dialog. c. 29. inquit, *Teneri autem spiritum per ignem dicimus, ut in tormento ignis videndo, atque sentiendo puniatur: Et D. Thomas 4. con. Gen. c. 90. inquit, Multò magis virtute diuina spiritus igni corporeo alligari possunt; & hoc ipsum est eis in afflictionem, quòd sciunt, se rebus infimis alligatos ad pœnam. Quibus concinunt Scotus in 4. d. 44. q. 2. Suarez, Valentia, Amicus, Auerfa, Vasquez, Bellarminus, & Nominales, quamuis in modo explicandi huiusmodi alligationem, non omnes conueniant. Nam aliqui dicunt, illam immediatè terminari ad eorum substantiam, quam dicunt esse in igne velut in carcere: alij ad eius potentias acti-
uas, ita ut non possint operari prohibito;*

& alij ad solum intellectum, ita ut non possit ab eius consideratione cessare: & alij alia.

3. *Rationibus.* Et primò quia hæc alligatio non repugnat. Sicut enim potuit Deus alligare animam corpori, ita potest angelum igni. 2. *Convenientissimum* fuit, ut qui per motum superbiæ, super astra conscendere, & solum Deo proximum locare tentauerat, in ignem superbiæ typum, tamquam in carcerem truderetur; & ut perpetua illi suppeteret vehementissimi cruciatus materies, eius etiam potentia elemento materiali deuinceretur; & ut continua inesset animo sui sceleris recordatio, tortorem ignem haberet. Sicut enim hic, qui cunctis præesse nititur, violenter detinetur in infimo loco, ad exigendas penas; ita Dæmon qui soluit, suo malo cogatur addiscere, se ideo taliter detineri, quia dùm iniuste Creatoris affectauit æqualitatem, iustissime igneo carceri mancipatur, ut non solum Deo, cui seruire regnare est, sed vilissimo quoque eius instrumento subesse cogatur.

ARTICVLVS III.

Soluitur primum obiectum, & statuitur locus Dæmonum.

AD 1. *Nego suppositum.* Et dico, huiusmodi opinionem, qua statuitur
tug

tur pro omnibus Dæmonibus æreus carcer, pugnare cum scripturis, & ratione. Primum patet ex locis supra adductis; Si quidem locus Apocalipsis, *Diabolus missus est in stagnum ignis, ubi cruciabitur in secula seculorum*, denotat locum terminum, & quidem infimum, uti est infernus, non autem transeuntem, & æreum. Si enim nunc Dæmones omnes remāssent in ære, extra ignem, quomodo possent hæc verba verificari, quod sint in stagno ignis, in quo erunt semper? Hoc autem multò clariùs patet ex alio loco, in quo dicitur, quod Deus Dæmones *rudentibus inferni detractus in tartarum tradidit cruciandos*, quæ nō possunt verificari de secunda aeris regione: & ex illo Apoc. 20. *Apprehendit draconem, & misit eum in abyssum, & clausit*. Neque obstat, quod ibi determinetur alligatio ad mille annos; nam per hos annos intelligitur totum tempus, quod superest ad finale iudicium, in quo solum aperietur abyssus, non solum ut Dæmones, & animæ damnatę veniant ad iudicium, sed etiam ut hæc illuc redeant cum suis corporibus. Multò minus obstat quod Matth. 25. dicatur, *Ite in ignem, qui paratus est Diabolo*; Nam hoc dicitur hominibus, postquam quoad corpora surrexerunt, quibus infernalis ignis nondum est inflictus, sed paratus, animabus autem, & Dæmonibus est actu inflictus, ut Romana

tenet.

tenet Ecclesia.

Probo secundum, Primò quia si omnes Dæmones essent in aere, non essent in terminò suæ damnationis, sed in loco quodam medio, eò modo, quo animæ iustæ nondùm plenè purgatae, detinentur in purgatorio. Sed hoc repugnat Damasceno, qui lib. 2. c. 4. docet, *hoc est hominibus mors, quod angelis casus*. Ergo sicut homines morientes in peccato, statim trudentur ad inferos, ut probatum est disp. 17. ar. 3. ita & angeli pravi. Neque enim Deus exercuit maiorem misericordiam cum Dæmonibus, quàm cum hominibus. Ergo si hominibus post viam, non assignavit tertium locum, neque angelis. Neque obstat Purgatorium; siquidem cum nihil coinquinatum possit introire caelestem Hyerusalem, iuxta oraculum veritatis, debuit statui certus locus, in quo decedentes cum solis venialibus purgarentur, quod non valet pro angelis, qui vel peccarunt lethalter, vel permanserunt in originali innocentia. Ergo pro illis sufficiunt loca extrema. Deinde angeli pravi non possunt resipiscere, ut probatum est disp. 18. ar. 6. Ergo frustra pro illis fuisset assignatus tertius locus, præsertim cum post diem iudicij, omnes detrudentur ad inferos, ut dixit Veritas Matth. 25. Atque adeo præcluditur aditus errandi cum illis, qui opinati sunt,

æterni

aerem esse illis instar purgatorij, ut peccati labe purgati, ad calum redeant.

Ad 1. rationem nego consequentiam, non solum ex falso supposito antecedentis, sed etiam quia illo admissio, semper deberent in aere remanere, cum semper militaret eadem congruitas, quod est erroneum. Ad 2. Dico, argumentum concludere pro aliquibus, non autem pro omnibus. Et ratio est, Primo quia si omnes in aere detinerentur ad nostrum exercitium, non possemus illis resistere. Ergo congruum est, ut sicut angeli custodes sunt ex infimo choro; ita essent angeli tentatores. Cum enim superiores vincant inferiores, malè nobis à Deo provisum esset, si contra Luciferum, aliosque potentissimos angelos nobis insidiantibus, debilissimos tantum in custodiam præparasset. Puto ergo, Luciferum, aliosque ex principalibus Dæmonibus, statim post casum fuisse in tartaro æternis virgulis catenatos, aliosque ex infimo choro relictos in aere, quos Apostolus vocat æreas potestates, quorum incitamentis exerceamur, ut videlicet illis paribus viribus inuicem digladiantibus, maneamus omnino liberi, ad eligendum bonum, vel malum. Deinde absurdum est dicere, posse dæmones ingredi, vel egredi ad Luciferi arbitrium tartari penetralia. Cum enim infernus sit carcer diuinæ iu-

sticia,

stitiæ, ubi detinentur damnati ad mortem æternam, non debet esse peruius ad libitum damnatorum. Ergo congruentius est, ut qui minùs peccarunt, leuiùs puniantur; adeòque tardiùs ad inferos detrudantur. Sicut enim probabile est, etiam in inferis esse præparata prò illis loca mitiora, ad leuiiores pœnas; ita congruum fuit, ut dilatio inferni prò illis reseruaretur, non quidem ad leuamentum intensuum, sed extensuum.

A R T I C V L V S IV.

*Soluitur secundum obiectum; & examinatur
modus, quo Dæmones torquentur
ab igne.*

AD 2. Nego antecedens. Ad cuius primam probationem dico, Deum dedecere, quòd se solo cruciet Dæmones, comodo, quo cum igne cruciaret. Primò quia esset per se ipsum immediatè carnifex dæmonum, quod sicut non faciunt Principes terreni, quibus est copia satellitum ad hunc effectum, ita nec facit Deus, qui solet uti causis secundis in panis infligendis, ut scatent sacræ pagine. 2. Quia si ignis actiue non concurreret ad hanc pœnam, perinde se haberet, ac quodlibet aliud corpus, ad cuius præsentiam posset Deus eodem modo Dæmones cruciare. Ergo huiusmodi cruciatus

ciatus non posset verè dici pana ignis , quod faceret mendax oraculum Veritatis. 3. Deus non punit se solo animas damnatorum, sed utitur igne, & Dæmonibus, ut communis fert opinio theologorum. Ergo neque se solo cruciat Dæmones, sed utitur iisdem medijs, ita ut omnes igne torqueantur, & unus Dæmon torqueat alium, ut mutuis odijs æstuant, tormentum sibi duplicent, ex ipsoque sociorum consortio dolorem hauriant. Neque obstat quoddam Matth. 12. Veritas dixerit, *Si Satanas Satanam eijcit, aduersus se diuisus est, quomodo stabit regnum eius?* Siquidem locutus est Dominus Iesus more humano, ut ostenderet, respublicas unione ciuium, & legibus conseruari, Cæterum nullum esse ordinem inter Dæmones, patet expressè ex c. 10. Iob in fine, ubi dicitur, *Terra miseria, & tenebrarum, ubi umbra mortis, & nullus ordo, sed sempiternus horror inhabitat.* Præterea potest exponi de unione quoad locum, in quo omnes violenter detinentur, non autem de amicabili animorum concordia, ut patet ex textu. Ergo conseruant unionem in eodem panarum loco, licèt se inuicem oderint, & flagellent, cum illud sit effectus diuinæ iustitiæ, & hoc reminiscentiæ tractionis ad malum, qua se inuicem ab initio animarunt ad rebellandum.

Ad

Ad 2. & 3. Patet responsio ex modò dictis . Si enim Deus ideo diceretur torquere Dæmones igne , quia infunderet illis perpetuam eius apprehensionem , vel speciem ad illam perpetuò determinantem , iam ignis non torqueret , nisi obiectivè , contra quod redirent argumenta supra facta . Superest ergo quòd ignis torqueat Dæmones , non solum obiectivè , sed etiam effectivè , aliquid in ipsis producendo . Prò quo dux celebres occurrunt opiniones , nempe Amici , & Gibbonis , quorum primus ait , ignem ut instrumentum divinæ iustitiæ per potentiam obedientialem activam , elevari à Deo ad producendum in Dæmonibus ipsum doloris actum : & alter inquit , elevari ad producendum in ipsis calorem materiale , licet inextensum , ut videre est disp. 27. dub. ult. n. 18. Sed prima opinio sustineri non potest , Primò quia vel ignis ageret immediatè in Dæmones , vel mediatè ? Non potest dici primum , quia cum actus doloris non sit in Dæmonibus *per modum passionis , quæ soli convenit appetitui sensitivo , sed prout est simplex renisus voluntatis ad id , quod est , vel non est* , ut docet hic D. Thomas qu. 64. ar. 3. non potest esse immediatè à principio extrinseco ; aliter voluntas cogeretur ad aliquid volendum , vel nolendum , quod supponimus ut impossibile , extra-
statu

statu de actibus humanis. Neque secundum, quia cum nihil purè physicum possit agere in voluntatem, ut toties probauimus, ignis ut substantia purè physica, non habet actionem in voluntatem, nisi mediante sui apprehensione, ut illi dissoni, quod faceret illum obiectiue tantum contristatiuum, redeundo ad impugnata. Aliam opinionem examinabimus articulo sequenti.

ARTICVLVS V.

An ignis torqueat Dæmones per calorem materiale.

Augustinus Gibbon hic disp. 27. dub. ult. n. 18. respondet affirmatiue, adducens pro se Henricum quodl. 8. q. 34. in fine, Albertum, & nostrum Mag. Bernardinum in m. s. Eius fundamenta sunt, Primò quia Aug. 21. de ciu. c. 10. ait, *Miris, veris tamen modis posse spiritus incorporeos pena corporalis ignis affligi.* Cui adherens D. Greg. 9. moral. c. 38. ait, *Dæmones cruciari, non pena transitoria, aut phantastica, sed solida.* Sed hæc nō possunt exponi, nisi de vero calore. Ergo &c.

2. Potest accidens materiale recipi in subiecto spiritali. Ergo & calor in Dæmonibus. Consequentia patet. Antecedens probatur 1. ex D. Tho. quodl. 7. ar. 1. docente, posse albedinem poni in angelo.

2. Ac-

2. Accidens spirituale recipitur in subiecto materiali, ut patet in sacramentis, quæ per qualitatem spiritualement eleuantur ad producendam physicè gratiam, ut docet D. Tho. 3. p. q. 62. ar. 4. ad 1. Ergo & accidens materiale potest esse in subiecto spirituali, cum utrobique militet eadē ratio.

3. Non repugnat, ignem eleuari ut instrumentum Dei, ad producendum calorem inextensum in angelo, qui videlicet sit totus in toto, & totus in qualibet parte angeli. Sicut enim de facto oleum, & aqua eleuantur ad producendam physicè gratiam, ita potest ignis eleuari ad producendum calorem inextensum in angelo. Ergo quia hoc modo melius saluantur scriptura, & Patres de tortura Dæmonum, dicendum est, fuisse de facto eleuatum.

4. Hoc modo saluatur commune dictū theologorum, quod omnes dæmones ferant secum ignem, nempe eius calorem illis hærentem, qui defectu contrarij frigoris, numquam perit, quod in sententijs aliorum saluari non potest. Ergo hoc modo Dæmones ab igne cruciantur.

Conclusio, Quamuis posset probabiliter sustineri, posse ab igne supernaturaliter eleuato, produci calorem materiale in Dæmonibus, non tamen ab illo, tamquā à principio actiuo calefactiuo cruciarentur.

Primam partem probauimus in tract. de vis. disp. 8. per totam; & quoad hoc conue-

conuenimus cum Gibbone . Tota ergo difficultas reducitur ad secundam, in qua ab illo discrepamus .

Probaturn itaque primò , calor non potest esse principium actiuum, nisi in subiecto ex se calefactibili, & combustibili. Sed angelus nō est ex se calefactibilis, & combustibilis . Ergo calor in illo non posset esse principium actiuum cruciativum in proprio genere. Consequētia est euident . Maior pater , nam calor non cruciat actiue, nisi calefaciendo , & disponendo ad combustionem . Minor probatur , omne calefactibile est susceptivum qualitatū contrariarū , per quas alteratur , & disponitur ad corruptionem . Sed hoc non conuenit , nisi compositis ex materia , & forma physicis, cuiusmodi sunt generabilia, & corruptibilia . Ergo cum angeli nō sint compositi ex materia , & forma physicis, ut probatū est disp. I. ar. 3. nec sint physicē corruptibiles, ut probatum est disp. I. ar. 3. nec sint physicē corruptibiles, ut probatum est ib. ar. 6. non sunt calefactibiles .

2. Omne calefactibile est sensibile; cum enim calor sit materialis , & una ex primis qualitatibus , est physicē sensibilis , adeoque calefaciendo subiectum , illud facit calidum , quod est per se sensibile . Sed Angeli non sunt per se sensibiles , ut inibi probauimus . Ergo nec sunt per se calefactibiles . Aliter essent etiam albificabiles, uisibi.

visibiles, & quantificabiles, quod probavimus spiritibus repugnare.

Ad 1. Nego minorem. Quamvis enim ignis torqueat Dæmones, inducendo verum, & solidum dolorem, ut dictum est ar. 2. non tamen hoc facit calefaciendo, sed alio modo infra afferendo.

Ad 2. Inprimis transeat, quòd calor ignis possit esse in Dæmonibus, ut est quædam res, nego tamen quòd possit esse, ut est formaliter calor, inducendo in illis suum effectum formalem secundarium, qui est calefacere, nec potest præstari, nisi in subiecto capaci. Sicut enim visio posita in lapide non facit illum videntem; ita calor in spiritu non facit illum calidum, ut omnes de facto concedunt in Luna, quæ licet afficiatur calore Solis, non calefit: & ipsa aqua in baptismo, licet (ut ipse ait) recipiat gratiam, quam producit, per modum formæ transeuntis, non proinde sanctificatur. Deinde nego utramque probationem antecedentis. Contra primam est, quia D. D. Thomas neque in loco citato, neque alibi umquam admisit, posse albedinem recipi in angelo. Et contra secundam, quia etiam admissio, quòd aqua baptismi producat physicè gratiam, non tamen illam producit in se, sed in suscipiente baptismum. Ergo cum illam physicè non præhabuerit formaliter, sed solum obedientialiter, nunquam fuit subiectum
gra

gratiz, cuius fuit causa instrumentalis. Et ratio est, quia cum omne instrumentum reducatur ad causam efficientem, ut dictum est in 2. phys. & nulla causa efficiens præcontineat formaliter effectum, quem trahat extra se, neque per modum transitus est subiectum illius. Ergo utraq; probatio ruit.

Ad 3. Nego consequentiam. Primò quia angelus nullas habet partes, in ordine ad quas habeatur caloris inextensio. Deinde quia calor in angelo non calefaceret, ut dictum est, sed esset in illo, mortuo modo.

3. Paritas sacramentorum retorquetur contra ipsum, ut nuper vidimus. Et demum quia meliore modo saluabimus torturam Dæmonum, iuxta Patres.

Vnde patet responsio ad 4.

ARTICULVS VI.

Resolvitur status questionis, & queritur, an ignis torqueat Dæmones aliquid in illis efficiendo?

Vidimus art. 2. & 3. Dæmones cruciari ab igne per alligationem ad ipsum. Videndum nunc est Primò, an hæc alligatio aliquid efficiat in alligato? 2. An hoc recipiatur in eius potètiis operativis, vel in substantia? 3. An præter hunc, alium habeant Dæmones cruciarum positivum? Quæ omnia brevissimè unica conclusione expediemus.

Con-

Conclusio, Alligatio ad ignem fit per qualitatem aliquam spirituales, receptam in substantia, & potentijs Dæmonis, per quam solā habetur tota eius pœna positiua.

Probatur prima pars, quam tuentur communiter Thomistæ, Primò quia ignis cruciat Dæmones, non solum obiectiue, sed etiam effectiue, ut probauimus ar. 4. Ergo aliquid in illis producit. Hoc autem non est calor materialis, ut probauimus ar. 5. Neque solum ubi, quia hoc est effectus alligationis, cum omne loco alligatum sit in illo violenter, ut patet in iis, qui intra carceres, ferreis compedibus detinentur: neque est ulla alia qualitas materialis, cuius passionis sunt incapaces substantiæ spirituales. Ergo est qualitas spiritualis supernaturalis, non quidem quoad substantiam, sed quoad modum.

Deinde, hoc modo optimè saluamus adiuuitatem ignis in Dæmones, & modum, quo loquuntur scripturæ, & Patres passim dicentes, Dæmones ab igne cruciari. Ergo sicut eleuantur oleum, & aqua ad producendam physicè gratiam, ut instrumenta diuinæ misericordiæ, ita eleuatur ignis, ut instrumentum diuinæ iustitiæ, ad producendam hanc qualitatem.

Probatur secunda pars, qualitas alligatiua, & cruciatiua debet intrinsecè recipi in eo quod alligatur, & cruciatur. Atqui in Dæmonibus non solum alligatur sub-

stantia, ut nequeat ire quòcumque voluerit, sed etiam potentia, ut operari non possint, nisi dependenter ab igne. Ergo in utrisque recipitur immediatè huiusmodi qualitas. Quod multò magis valet in nostra sententia, quæ non distinguit potentias à substantia. Atque adeo quia per talè qualitatem impeditur exercitium actionum immanentium, ideò debet esse intrinseca toti angelo, ut totus igni captiuetur.

Probatur tertia, substantia spiritualis non est capax vllius sensibilis passionis. Ergo non potest subire maius tormenti genus ex positivis, quàm ita alligari igni infernali, vt illi quoad locum, & suarum potentiarum exercitium subiiciatur. Siquidem ratione loci, cogitur exiguo, & vilissimo corpore ita angustari, vt cum ex natura sua petat omnibus corporalibus dominari, nullatenus ab eo expedire se valeat, cui se mancipatam per totam æternitatem certò cognoscatur cum desperatione metaphysica ab illo euadendi. Vnd ignis fit illi vsque adeo disconueniens, v acerbissimum illi afferat dolorem, & cruciatum. Et ratione potentiarum, qui potest esse spiritui molestius, quàm secundum intellectum cogi ad assiduò apprehendendum suum tortorem, à quo violenter auertitur ab omni alia cogitatione, unde posset leuamen accipere sui miserrimi status? In quo tria concurrunt maximum dolo.

olorifera, nempe quòd cruciatus obiectum est semper præsens, nec suppetunt viæ ad illud à se remouendum: subiicitur tortori per vinculū indissolubile ipse considerans: ipsaque consideratio est torquentis effectus, & ideo numquam cessans, via coacta. Secundum autem memoriam, quid acerbius potest illi accidere, quàm cogi ad assiduū recogitandum, quàm famili negotio potuissent in via euadere tantam miseriam, se humiliter Creatori subiungendo, quod quamuis placeat inflexibiliter adhærendo rebellionem, quæ semel placuit; tamen exinde vehementissimum percipiunt cruciatum, quòd illi nocere non possint, quem intensissimè oderunt, & quòd propria excellentia, quæ fuit rebellandi materies, versa est in pabulum ignis, & in segetem vilissimæ abiectionis. Quid dicam de voluntate, quæ omnibus oblectamenti orbata, odibilibus circumagitur, quorum maximum est, quòd suis penis diuinam cogitur exaltare iustitiam, quam odio prosequitur intensissimo, Deumque compellitur vindicem adorare, quem nolit colere munus largitorem?

Ex dictis sequitur Primò, verè communiter dici Dæmones ab igne torqueri, eò quia non solum illi alligentur, sicut alijs corporibus alligantur, sed ex tali alligatione multa illis resultant positua tormenta, quæ nuper recensui nus, quibus

addi potest, esse maxime illis cruciativum, quod illo eodem igne torqueantur, quo animæ nunc torquentur, & deinde etiam corpora torquebuntur. Si quidem superbissimi Dæmones, qui noluerunt subiici Christi humanitati, hominibus in hoc æquiparantur, immò subduntur igni, qui est hominibus vilior, unde maxime cruciatur.

2. Sequitur, huiusmodi alligationem non esse Dæmonibus, sicut limbus est pueris, decedentibus cum solo originali. Primò quia pueri non subiiciuntur tali loco, & ideo remanent liberi ad operationes sibi naturaliter debitas. Et deinde quia per talem detentionem non cruciuntur. Quamvis enim teneantur, ne exeant, quod est illis veluti carcer, tamen sicut non affliguntur carentia beatitudinis, à cuius consideratione animus diuinitus auocatur, ita nec affliguntur angustia loci, quia non cogitant de aliis locis amplioribus, quorum nec habuerunt rationale experimentum, nec datur actualis consideratio. Dæmones verò & igni subiiciuntur modo dicto, & actu considerant amissam beatitudinem, ex quo utrumque est illis doloriferum.

3. Sequitur, alligationis penalitatem non esse in omnibus æqualem, ut obicit Suarez, unde infert quod inæqualiter peccantes æqualiter punirentur. Quamvis enim ut dicens positiuam præsentiam ad ignem, tamquam ad locum, videatur dicere

ere æqualitatem, quia tamen diuersificatur quoad modum, & effectus, ideo in ratione pœnalitatis, & in singulis proportionata scelerum gravitati, quatenus intensiue, & extensiue potest magis, vel minus augeri, secundum gradus apprehensionis, loci, exercitii potentiarum, subiectionis, & aliorum, quæ recensuimus in probatione tertiæ partis, quæ sunt magis, vel minus cruciatiua, iuxta maiorem, vel minorem patientis perfectionem, unde resultat inæqualis disconuenientia, seu depressio quoad plures, vel pauciores operationes, secundum gradum alligationis potentiarum, ipsiusquæ substantiæ ad ignes inæquales, vel ad corpora inæqualia, ut sunt fæces, sulphur, & virulenta.

4. Sequitur, omnes Dæmones, quæ nunc sunt in inferno, ab eius igne cruciari, etiam si permittantur à Deo aliquando exire, eò quia secum deferant ignem alligantem, eò modo quo mancipia, & feræ, quamuis per urbes circumducantur, non absoluntur vinculis, & catenis, quibus captiuantur. Neque obstat quòd ille ignis non videatur, non calefaciat alios, nec impediat Dæmonum alligatorum cum alijs corporibus penetrationem. Sicut enim extraordinario Dei iussu, ad tempus coguntur exire; ista speciali eius prouidentia ignis actiuitas, & claritas impediuntur, licet aliquando

fuerint sensibilibiter deprehensæ , ad homines à flagitijs deterrendos . Quoad alios, qui detinentur in aere , possumus dicere, vel quòd à Deo fuerint , vsque ad diem iudicij, alijs corporibus alligati; vel quod partem ignis inferni in aere collocauerit, ad illos cruciandos , nulla habita ratione multiplicationis miraculorum, quam potius debemus admittere , quàm extorquere scripturas , & Patres ad sensus improprios .

DISPUTATIO XX.

De tentationibus Dæmonum .

QUÆREMUS I. An , & quomodo Dæmones tentent homines ? 2. An singulis hominibus fuerint assignati singuli Dæmones ad exercitium ? 3. An possint patrare miracula ad seducendum ? 4. An semel victi redeant ad pugnam ?

ARTICVLVS PRIMVS.

An, & quomodo Dæmones tentent homines?

Videtur quòd Dæmon non tentet homines , Primò quia quod est proprium Dei , non debet Dæmonibus tribui .

ui. Sed tentare est proprium Dei; ut habetur Gen. 22. initio, *Tentavit Deus Abraham, tolle filium tuum &c.* Et Deuterom. 13. *Tentat vos Dominus Deus vester, ut palam fiat, utrum diligatis eum &c.* Ergo non debet ullo modo tribui Dæmonibus.

2. Homo in statu naturæ lapsæ sufficienter tentatur à mundo, & carne, dicente Apostolo ad Rom. 7. *Non quod volo bonum, hoc facio, sed quod nolo malum, hoc ago. Si autem quod nolo, illud facio, iam non ego operor illud, sed quod habitat in me peccatum.* Et infra, *Video aliam legem in membris meis, repugnantem legi mentis meæ, & captivantem me &c.* Et epistolæ Iacobi c. 1. *Vnusquisque tentatur à concupiscentia sua abstractus, & illeclus.* Ergo non tentatur à Dæmone.

3. Deus non potest permittere, ut inæqualibus viribus pugna fiat, ex qua pendet, vel præmium, vel pena æterna. Sed homo est enormiter debilior Dæmone. Ergo non potest permittere, ut ab illo impugnetur, præcipuè in re tanti momenti, ex qua pendet vita, vel mors æterna.

4. Dæmon est alligatus igni inferni, ut dictum est. Ergo neque potest ad nos venire, neque in nos operari.

Conclusio; Dæmones ex odio in Deum, & invidia in nos adiguntur ad nos tentandos, quod faciunt suggestionem interna, & ex-

terna. Ita D. Tho. hic q. 114. ar. 1. & seqq.

Probatur prima pars, ex odio quo Deū Dæmones prosequuntur, vellent illi nocere. Sed quia nihil mali possunt illi inferre, ideo in eius imaginem exerunt vires, non solum ut homines perdant, sed etiam ut illos retrahant à Dei cultu. Et quia noluerunt subdi assumendæ à Verbo humanitati, ideo illi vehementissimè inuident, ac proinde curant, ne cum Christo ad gloriam exaltetur æternæ beatitatis. Contra quos extat oraculum ex 1. Pet. 5. *Fratres vigilate, quia aduersarius vester Diabolus, tamquam leo rugiens, circuit quærens quem deuoret.* Cui concinit Augustinus con. Priscill. ad Oros. c. 5. inquit, *Non ob aliud, nisi stimulis inuidentiæ agitat, nostra itinera, quibus in Deum tendimus, perturbare conatur, loquens de Diabolo.*

Probatur secunda, & primum de suggestionibus interna, Nam dicitur Io. 13. *Cana facta, cum Diabolus iam misisset in cor, ut traderet eum Iudas &c.* Et inferius, *Et post bucellam, introiuit in eum Satan, non quòd secundum suam substantiam introierit in Iudam, sed quòd acceperit à Christo potestatem, illum suggestionibus adigendi, quibus miserè exagitatus (ut ibidem dicitur) cum accepisset bucellam, exiit continuo, & conuentione facta cum Iudæis, Iesum proditoriè vendidit triginta argenteis.* Præterea Apostolus fatetur huiusmodi

li suggestionem 2. ad Cor. c. 10. Datus est mihi stimulus carnis meae, angelus Satanae, qui me colaphizet &c. Probo de externa, Primò ex 3. Genes. quando Diabolus sub forma serpentis decapit Euam, sicut ipsa testatur Deo, *Serpens decapit me, & comedi*. Deinde Matth. 4. dicitur, *Ductus est Iesus in desertum à spiritu, ut tentaretur à Diabolo*. Et infra, *Accedens tentator dixit ei, si filius Dei es, dic ut lapides isti panes fiant*: Et inferius, *Si filius Dei es, mitte te deorsum: & demum, hæc omnia tibi dabo, si cadens adoraueris me*. Quòd si ausus fuit tentare de gula, superbia, & ambitione ipsum filium Dei, quid faciet cum hominibus?

Ad 1. Distinguo minorem, est proprium Dei tentare, quatenus dicit inductionem ad malum, nego: quatenus dicit experimentum fidelitatis, ut patet ex locis allatis, concedo minorem, & nego consequentiam, cum tentare primo modo, sit proprium solius Diaboli, licet aliquando conueniat etiam hominibus, ut eius instrumentis, sicut expertus est Ioseph à Putipharis uxore, ut legitur 39. Genes.

Ad 2. Nego consequentiam. Quamuis enim sola nostra infirmitate considerata, videremur exerceri sufficienter à mundo, & carne, tamen si consideremus copiam diuinorum auxiliorum, & magnitudinem pramii victoribus preparati, congruè-

tissimum fuit, ut etiam Dæmonum tentamentis exponeremur, ut videlicet hinc magis nostra virtus probata, Dei gloriam magis exaltet, & maius præmium nobis consequatur.

Ad 3. Nego minorem. Quamvis enim homo suis viribus relictus, non possit Dæmonem superare, tamen Dei gratia confortatus, de illo palmam referet, docente Apostolo 1. Cor. 10. *fidelis Deus, qui non patietur vos tentari supra id, quod potestis, sed faciet cum tentatione proveniunt, ut possitis sustinere.* Quod optimè ipse expertus, testatum reliquit ad Rom. 7. sub finem, *Infelix ego homo, quis me liberabit de corpore mortis huius?* Et statim subdit, *Gratia Dei per Iesum Christum:* Et 2. ad Cor. 12. Postquam dixit, *Ter Dominum rogaui, ut discederet à me,* nempe tentatio, subdit, *Dixit mihi, sufficit tibi gratia mea, nam virtus in infirmitate perficitur.* Quod est adeo verum, ut videamus, Dæmonem vel ab ipsis puellis, & pueris superari, sicut legimus de magno Antonio, qui Diabolo impotentiam exprobrabat.

Ad 4. Nego consequentiam, Primo quia Dæmones tentatores remanserunt in aere, ut vidimus disp. 19. ar. 3. Et deinde quia possunt, Deo permittente, ad nos accedere, secum deferentes ignem, cui alligantur, ut dictum est in fine disp. 19.

AR.

ARTICVLVS II.

An singulis hominibus fuerint assignati, singuli Dæmones ad eorum exercitium?

Videtur quodd nō, Primò quia omnes homines inducerent in flagitia. Cum enim ex se sint adeo proclives ad malum, si Dæmonem haberent specialiter ad illud instigantem, omnes sinerent se trahi. Sed hoc repugnat experientia, diuinæque bonitati. Ergo non habent singuli singulos dæmones insidiantes.

2. Singulis hominibus destinantur à Deo angeli custodes. Ergo si assignarentur etiam insidiatores, esset inter illos assidua pugna, unde redderetur frustranea bonorum custodia, quæ hominibus non prodesset, ipsique dæmones à custodibus impediti, non homines, sed angelos exercerent, quod est absurdum.

Conclusio, Probabile est, quodd singulis hominibus, Deo permittente, destinantur à Lucifero singuli spiritus tentatores.

Probat 1. ex Magistro, qui in 2. d. 11. litt. A. inquit, Gregorius dicit, quodd quisque bonum angelum sibi ad custodiam deputatum, & vnum malum ad exercitium habet. Et concludit ex propria sententia, Mali angeli, cum desiderent malum hominum, magis tamen homines ad malum incitat, & ad nocendum fortius insat ille,

Gg 6

qui

qui ad exercitium eius deputatus est. Et huic opinioni subscribit Augustinus Gibbon hic disp. ult. dub. 1. num. 7. ubi postquam dixit, *Archidæmonem singulis peculiares dæmones ad impugnationem assignasse*, citat pro se Gregorium Nyssenum in lib. de vita Moyfis asserentem, hanc esse communem opinionem, & traditionem.

2. Ex D. Paulo, qui 2. ad Cor. c. 10. aperte hoc ait, *datus est mihi stimulus carnis meæ, angelus Satanae, qui me colaphizet*. Quod confirmat ad Ephes. 6. *Non est nobis colluctatio aduersus carnem, & sanguinem; sed aduersus principes, & potestates*. Cui non dissentit D. Thom. hic q. 114. ar. 3. ad 3.

3. Ex Gregorio de Valentia, qui hic disp. 8. q. 7. p. 4. inquit, *Verisimile est, vnicuique homini, Deo permittente, & id agente superiore aliquo Damone, esse peculiariter vnum aliquem Dæmonem aduersarium, & infestum, qui illum incitet ad malum*. Optimè itaque concludit Nyssenus loco supracitato, *Verus sermo ad nos vsque descendit, angelorum aliquem in adminiculum cuique constitutum fuisse, naturæ nostræ corruptorem, in omnibus contra adnitentem, prauum aliquem, atque maleficum dæmonem, ad malè viuendum homines impellentem, ad singulos destinasse*. Horum autem medium factum hominem, quo-

De tentationibus Dæmonum. 769

rum alter virtutis præmia cogitationibus affert; alter titillationes, & voluptates carnis suggerit. Videatur Elparfa hic q. 32. art. 5.

Ad 1. Nego maiorem. Quamvis enim unusquisque tentetur à concupiscentia sua abstractus, & illectus, ut dicitur Iacobi c. 1. unde facile ad consensum à Dæmone impelleretur, tamen quia per aduentum Christi fuerunt attritæ Satanæ vires, & nostræ confortatæ, ideo possumus utrumque hostem cum Dei adiutorio facile superare, docente Augustino Ser. 197. de tempore sub medium, *Venit Christus, & alligauit Diabolum.* Et post pauca, *Eatrare potest, sollicitare potest, morderè omnino non potest, nisi volentem. Non enim cogendo, sed suadendo nocet, nec extorquet à nobis consensum, sed petit.*

Ad 2. Nego consequentiam. Et dico, fuisse à Deo iustissime permissam Dæmonum suggestionem, ut homines resistendo proficerent in via virtutum, & mererentur vitam æternam. Et ideo angelis custodibus non committitur, ut impediant Dæmonum tentamenta, unde esset cum illis colluctatio, sed ut illa opportunè detegant, ut vitentur, & vires suppeditent, ut vincantur. In quo aduertendum est, Dæmones non deputari à Deo ad nos tentandos, sed permitti licet aliquando mittantur ad puniendum, ut docet hic *Th. ar. 1. ad 1.* AR.

*bolus : & statim ad celebrandū eius trium-
phum, subditur, Et ecce angeli acceffe-
runt, & ministrabant ei.*

*Conclusio, Quamvis possit Dæmon ali-
qua mira facere, non tamen potest verā
patrare miracula, & sepe victus redit ad
fugnam.*

Probatur prima pars, quia cū Dæmo-
nes cognoscant virtutes lapidum, & her-
barum, potest multa patrare, applicando
actiua passiuīs, quæ cū superent consue-
tum modum operandi agentium natura-
lium, videntibus pariant admirationem,
ut esset e. g. quod grauit̃ vulneratus, re-
tineat illicō sanguinis emissionem, & ali-
quando etiam conualescat, applicando
vulñeri clanculū succos salutare, quos
alii vel nesciunt, vel habere non possunt.
Sicut enim diximus in 2. phys. posse per
artem fieri multa, etiam viuētia, quæ
pariunt rudibus admirationem; ita &
multō maiora per vires Dæmonum.

Probatur secunda, siquidem (ut docet
D. Thomas q. 114. ar. 4.) *verum miracu-
lum est illud, quod fit præter ordinem to-
tius nature create.* Quia ergo virtus Dæ-
monis est creata, ideo continetur sub or-
dine, quem excedit patrator miraculo-
rum, qui proinde est solus Deus.

Probatur tertia, Primò experientia, &
cū videamus ut plerumque non statim
homines cadere, ad primam Diabolicam
sugge.

suggestionem, sed post multos impulsus, & reiteratas aggressiones. Ergo non statim atque aliquis vincit Dæmonum tentamenta, liberatur ab illorum vexatione, immò cum fortiter resistit, fortiùs impugnatur, eo modo quo arcium aggressores, quò maiorem sentiunt propugnatorum audaciam, eò validioribus ictibus valla flagellant, nec umquam desistunt, quoaduque vel suppetiis auxiliaribus propellantur, vel arcis potiantur. Exempla possumus accipere ex Iob, qui toties grauissimè Dæmones aggredientes propulsans, non proinde eorum furores euadebat, immò sauiùs assiduò vexabatur, quoadusque misericordia motus piissimus Deus, illum ab eius ictibus liberauit. Idem legimus de S. Antonio Abbate, de S. Guglielmo Aquitanico, deque omnibus aliis sanctis. Verum quidem est, quòd si aliquis insigni aliquo facto Diabolum vicerit, meretur à Deo, ut in eodem genere non tentetur, vel saltem auxilia congrua, ut semper vincat, ut legimus de S. Tho. Aquinate, Benedicto, aliisque, qui insigni relata palma e sensus illecebris, donum virginitatis meruerunt. Vnde aliqui æquivocationem passi sunt, putantes, Dei beneficium esse Dæmonum naturalem consuetudinem, non vexandi eos, à quibus victi fuere.

Vnde patet responsio ad obiecta.

De



DISPUTATIO XXI.

De Custodia Angelorum.

Dæmonum tentamenta, sanctorum angelorum custodia dissipantur. Agentes ergo de hac custodia, quæ absque controuersia admittitur ab omnibus, breuissimè aliqua pauca innuemus, quorum primum est, an omnibus, & singulis hominibus fuerint assignati singuli angelus custodes? Alterum est, an semper duret hæc custodia? Et demum an hinc oriatur discordia inter custodes?

ARTICVLVS PRIMVS.

*An omnibus, & singulis hominibus fuerint assignati singuli Angeli custodes?
Et ex quo Ordine.*

Videtur non singulis hominibus fuisse assignatos singulos angelos custodes, Primò quia primis parentibus, Christo, & Deiparæ non fuerunt assignati; siquidem Adam, & Eua, utpote constituti in statu innocentie, non patiebantur

tur motus sensualitatis, qui per tales angelos compescerentur, & ultimi, utpote impeccabiles, altera per gratiam, & alter per naturam, illis non indigebant. Ergo non omnibus, & singulis fuerunt assignati angeli custodes.

2. Reprobi, qui destinantur ad flammam, frustra ab angelis custodirentur. Ergo solis electis fuerunt deputati, ut videatur innuere Apostolus ad Heb. c. i. cum ait, *Omnes sunt administratorij spiritus, in ministerium missi propter eos, qui hereditatem capiunt salutis.*

3. Videtur ex hoc deduci, omnes angelos cuiuscumque ordinis ad hominum custodiam designari. Aliter non diceretur loco cit. quod omnes sint spiritus administratorij.

Conclusio, *Omnibus, & singulis hominibus (excepto Christo) fuerunt assignati singuli custodes, ex infimo choro angelorum.* Ita D. Tho. hic q. 113. & cum eo omnes alij, aduersus Calvinum, & Origenem, quorum primus omnino abstulit angelorum custodiam, & alter restrinxit ad solos baptizatos.

Probatur prima pars multiplici testimonio factorum codicum, ut psal. 90. *Angelis suis deus mandauit de te, ut custodiant te in omnibus vijs tuis:* Et c. 48. Genes. *Angelus, qui eruit me de cunctis malis, benedicat pueris istis:* Et Iudith 13.

Vinit

Vivit Dominus, quoniam custodiuit me Angelus eius, et hinc euntem, & ibi commorantem, & inde huc reuertentem: Et Matth. 18. Videte, ne contemnatis unum ex his pusillis. Dico enim vobis, qui angeli eorum in caelis semper vident faciem patris mei, qui in caelis est, & infinitis aliis, quæ possent recenseri ex utroque testamento. Deinde auctoritate omnium Patrum, & Doctorum, qui unanimi consensu admittunt hanc veritatem, quibus permota Romana Ecclesia statuit, ut quotannis die secunda Octobris celebraretur festum sanctorum angelorum custodum. Ergo hoc negare, esset vel hæreticum, vel adminis-
temerarium.

Probatur secunda pars, quia Christus Dominus, non solum ut comprehensor, sed etiam ut filius naturalis Dei, erat impeccabilis, & superabat omnes angelos gratia, & sapientia. Ergo non indiguit custodia, sed officiis angelorum. Neque obstat quod potuerit à Dæmone tentari, nam vinci non potuit. Multò minùs quod potuerit ab angelo confortari, ut dicitur Luc. 22. Nam cum volens passus fuerit, non recepit consolationem internam ab angelo, sed solum vocalem externam, quatenus per angeli verba obsequioia, eius obsequio, & cultu delectabatur.

Probatur tertia, quam tuentur communiter auctores, cum D. Tho. hic q. 112.

ar. 3. Primò quia hæc est doctrina magni Dyonisijs c. 7. de cæl. hier. qui hac super re maximam habet auctoritatem, eò quòd quidquid scripsit, à D. Paulo fuerit haustum, & approbatum. Deinde ex D. Gregorio Papa, qui hom. 34. in Euang. ait, *qui assident, sic contemplatione intima perficiuntur, ut ad explenda foris opera minime mittantur*. Vbi distinguit angelos assistentes, quos ait esse ordinum superiorum, à ministrantibus, quos ait esse infimi ordinis. Quod habetur ex Daniel. 7. *Milia millium ministrabant ei, & decies centena millia assidebant ei*. Vbi numerus assistentium per quasi decuplam proportionem dicitur excedere numerum ministrantium. Quare cum angelorum chori sint nouem, probabile est, octo esse assistentium, & nonum, nempe ultimum ministrantium. Demum quia angelorum officia nobis patere non possunt, nisi per eorum nomina. Cum ergo soli ultimo ordini per aptonomasiam conueniat nomen angelorum, quod significat ministrantes, illis tantum conuenit ministerium hominum.

Ad 1. Dico, etiam primis parentibus fuisse custodes angelos deputatos. Quamuis enim non subiacerent morsibus concupiscentiæ, quia tamen erant expositi insidijs diaboli, & ictibus superbiæ, ut patet ex casu, ideo custodia indiguerunt. De Deipara est maior dubitatio, quam aliqui dicunt

dicunt non habuisse angelum custodientem. Tamen sentio cum communi, etiam illi fuisse angelum deputatum, non quidē Gabrielem, ut voluere Bernardus, & Hugo, sed unum ex principibus infimi ordinis. Primò quia non fuit ab initio mater Dei, & ideo potuit peccare. 2. Quia fuit per custodem assiduò illuminata, & instructa ad virtutum progressum. Et de num ut à periculis corporis custodiretur, & prècipuè nè laederetur à Iudæis, cum ei us filius factus est illis odiosus.

Ad 2. Nego antecedens. Cum enim reprobis possent suam euadere reprobationem, ut probatum est in trac. de prædest. sicut non fuerunt auxilijs destituti sufficientibus, ita nec debuerunt priuari angelorum custodia. Ad locum Apostoli dico, finem talis custodiæ esse custoditi salutem, non quidem ut omnes illam efficaciter assequantur, sed ut eam assequi possint, si velint. Sicut enim Christus pro omnibus mortuus fuit, quantum ad sufficientiam, non autem quantum ad efficaciam, ita pro omnibus fuit præparatum extrinsecū angelorum auxiliū, non tamen ut efficaciter omnes traheret ad vitā æternā.

Ad 3. Dico, omnes quidem vocari spiritus administratorios, non quia destinantur ad hominum assiduam pedagogiam, sed quia aliquando destinantur à Deo ad aliquod speciale ministerium, ut Tobia

mus in trac. de prædest. Deum semper conferre omnibus, etiam obduratis, & obstinatis in malo auxilia sufficientia ad resurgendum, & promouendam salutem. Ergo quia angeli custodes, in omnibus se conformant diuino beneplacito, non ita deserunt suos clientes, ut eos omni prorsus destituant patrocínio, sed ita adiuvant, ut aduersantium tecnas possint euadere. Et magna illis iniuria fieret, si desidiores dicerentur adiuvandum, quàm Demones ad nocendum.

Probatur tertia tamdiù durat angelorum custodia, quamdiù durat via custodiendi. Sed hæc durat ab initio infusionis animæ rationalis, usque ad eiusdem separationem à corpore. Ergo & illa. Quæ omnia fuerunt expressa c. 23. libri Exodi per vocem Dei dicentis, *Ecce ego mittam angelum meum, qui precedat te, & custodiat in via, & introducat in locum, quem parauit. Obserua eum, & audi vocem eius, nec contemnendum putes, quia non dimittet cum peccaueris, & est nomen meum in illo.*

Ad 1. Dico, fuisse derelictam Babylo-nem, non quia angelus ab ea recesserit, sed quia permisit eius erumnas, ut exponit hic D. Th. q. 113. a. 6. Et idè valeat prò secūlo.

Ad 3. Nego consequentiam. Nam aliquando Deus iusto suo iudicio, non solum permittit aliquem io penam scelerum, ærumnis affligi, sed etiam per subtractio-nem

hem auxiliorum efficacium, in culpam labi, ut melior fiat. Quia ergo angeli custodes sunt executores diuinæ providentiæ, ideo & ipsi aliquando ad tempus custodiã relaxant, non quidem redeundo in cælum, ut aliqui autumant, eò quia etiam in terra videant Deum, ut diximus ex Matth. 18. sed quantum ad effectum, non impediendo malum.

Quæres, an Angeli custodes rixentur inter se? Ratio dubitandi sumitur ex Danielis 10. *Princeps regni Persarum restitit mihi viginti, & uno diebus.* Respondeo cum D. Tho. hic ar. 8. *In quantum de contrarijs meritis, & sibi repugnantibus diuinam consulunt voluntatem, resistere sibi invicem dicuntur, non quia sint eorum contrarię voluntates, cum in hoc omnes concordent, quòd Dei sententia impleatur, sed quia ea, de quibus consulunt, sunt repugnantia.*

Atque hæc dicta sint satis, que omnia cadant in honorem, & laudem Sanctissimæ Trinitatis. Quicumque verò vellet hanc ultimam disputationem fusius, & prolixioribus quæstionibus pro dignitate tractatã, consulat Martinum Becanum tomo 1. opusculorum opusc. 14. apud quem nihil erit desiderandum, à quibus nos abstinuimus, quia cum sint communia, & nullam contineant specialem difficultatem, ad alia properamus.

INDEX

RERVM NOTABILIVM

Quæ continentur in tractatu
de Angelis.

Actus intellectus. Relinquit sui
species. 391. Reflectit supra se Ib.
Est formalis imago obiecti. 392.

Actus liberi. Sunt essentialiter tales.
523. & physicè alijs incognoscibiles. 524.
Sunt veluti supernaturales in ratione
obiecti. 526.

Ænergumenorum effectus. Non infe-
runt certò existentiam Dæmonum. 38.

Æternitas. Est mensura extrinseca om-
nium æternorum. 177. In quo differat
ab ævo, & tempore. 184.

Æuiterna. Vide Angeli. Habent com-
munem mensuram extrinsecam 177. Non
tamen intrinsecam. 178. Non durant per
suum esse. 190. Possunt existere per du-
rationem successivam. 198. Non sunt in
tempore per operationem. 222.

Ævum. Quid significet. 176. Datur
unum ævum, quod sit mensura extrinseca
omnium æternorum. 177. Non tamen
intrinseca. 178. In quo differat à tempo-
re. 185. Et ab æternitate. 187. Non ha-
bet prius, & posterius. 188. Distinguitur

H h

rea.

realiter ab æternis . 190. Est à Deo destruibile . 191. & 203. & 194. Non potest saluari per solam connotationem temporis extrinseci . 194. Est spirituale , & indiuisibile . 201. Habet partes virtuales . 201. Quomodo in illo distinguantur esse , & fuisse . 202. Quæ sunt illi prædicata secundaria . 204. Vt existens hodie , non est cras . 204.

Angeli . Non habent corporeitatem physicam , seu mathematicam . 42. Neque metaphysicam . 44. Non possunt mulieribus exardescere . 46. Nec probatur oppositum ex Conc. Nicæno . 47. Habent actus distinctos . 49. Et compositionem ex genere , & differentia . 52. Et ex substantia , & accidentibus . 53. Et ex natura , & substantia . Ibid. Non tamen ex materia , & forma , seu esse , & essentia . 51. Non sunt physicè corruptibiles . 58. Quamuis possint à Deo destrui . 60. Possunt intra speciem multiplicari . 73. Et plures fuerunt multiplicati . 75. Non omnes sunt eiusdem speciei . 76. Non possunt per idem differre numero , & specie . 79. Non differunt numero per formam , sed per ea , quæ sunt in forma . 83. Omnes reducuntur ad idem genus remotum , non tamen proximum . 85. Non sunt æquè simplices . 89. Differunt genere ab anima rationali . 91. Non sunt facti ad mouendos orbes . 101. Se cognoscunt per suam substantiam .

401. Sicut & omnes suas proprietates, & accidentia. 402. Non fuerunt illuminati ab Apostolis, & Prophetis. 582. Omnes fuerunt creati in gratia sanctificante. 597. Quæ fuit illis simpliciter necessaria. 603. Et fuit collata ad proportionem naturalium. 606. Ex sola congruentia. 607. Fuerunt creati in beatitudine naturali. 611. Non autem in supernaturali. 613.

Angeli appetitus naturalis. Non fertur ad species omnium possibilem. 421.

Angeli cognitio. Admittit formalitates oppositas circa diuersa. 462. Potest una succedere ab alia sine discursu. Ibid. Attingit extrema, & eorum complexionem. 467. Et plura diuersi ordinis. 468. Tendit in se, & Deum per substantiam cognoscentis, non tamen in alia. 480. Non extenditur ad secreta aliorum, nisi illis uolentibus. 519. Neque ad supernaturalia. 528. Potuit in primo instanti esse defectuosa, non tamen falsa. 654.

Angeli illuminatio. Vide illuminatio mentis.

Angeli scientia. Est naturalis. 420.

Angeli species. Vide species intelligibiles.

Angelorum locutio. Datur de facto. 546. Est libera manifestatio conceptus. ibid. Non est in genere signi. 547. Non est ad ipsum loquentem. 549. Potest fieri per signa. 555. Non tamen per produ-

Orionem conceptus. Ibid. Seu speciei in audiente. 556. Fit per ordinationem voluntatis. 557. Et non per signa. 558. Posset esse mendacium. 552. Inducit mutationem in loquente. 563. Non potest fieri cum Deo. 566. Nisi improprie. Ibid. Nempe per interrogationem. Ibid. Vel per admirationem, vel clamorem. 567. Exercetur cum damnatis. 569. Cum angelis superioribus. 570. Et cum hominibus. 571. Hac autem potest impediri distantia loci. 572. Non verò alia. 573. Actiue sumpta est loquentis operatio. 574. Fit per duas operationes immanentes. Ibid.

Angeli voluntas. Unico actu amat finem, & media. 461. Plus amat Deum, quam se amore amicitiae. 536. Et plus se, quam alios. 537. Sed amore concupiscentiae plus amat se, quam Deum. 537. Et sibi similiores. 538. Necessitatur ad animum suum, & Dei. 541. Non tamen aliorum. 542. Non potuit prius peccare venialiter, quam lethaliter. 646. Licet sit probabile etiam quod potuerit. 647. Potuit physice peccare in primo instanti. 649. Non tamen moraliter. 650. Potest physice flecti. 665. & habere novum motivum. 666. Non tamen moraliter. 667.

Angelorum defectibilitas. Non dicit aliqua intrinsecum ipsis angelis. 64. Qui non possunt corrumpi, seu intrinsecè de-

fine.

finere . 65. Sèd habetur per vires Dei , & eorum non repugnantiam ad non esse . 66.

Angelorum hierarchia . Sunt genera subalterna . 87.

Angelorum conseruatio . Est illis physicè debita , licèt non sit debita creatio . 60. Cuius est unum , & idem donum . 61.

Angelorum existentia . Est de fide . 29. Nec potest physicè probari , nisi indirectè , & abstractiuè . 34.

Angelorum ultimę differentię . Non sunt nobis notę . 77. & 87.

Angeli custodes . Fuerunt singuli singulis hominibus assignati . 714. Non tamen Christo . 715. Sunt ex infimo choro . 716. Fuerunt assignati etiam primis parentibus . Ibid. Deiparę . 717. Et reprobis . Ibid. Numquam deserunt clientes . 718. Vsq̃ue ad mortem . 719. Non rixantur inter se . 720.

Angeli substantia . Non distinguitur physicè à suis potentijs . 357. Non est indifferens ad esse intellectiuam , & volitiuam . 364. Licet sit ad intelligere , & velle . Ibid. Vnde habeat determinari . 365. Distinguitur realiter à suo intelligere . 368. Et si non distingueretur , non esset actus purus . 369. Nec tolleretur distinctionem ab alijs , & gradus perfectionis . 370. Est variabilis in cognoscendo . 371. Non tamen potest esse sine aliqua cognitione . 372. Cur dicatur mens . 374. Non est spe-

cies aliorum extra se. 394. Licet sit respectu sui, & suorum. 401. Per seipsam applicatur intellectui. 401. Non potest esse species expressa, seu cognitio sui. 406.

Angeli viatores. Meruerunt beatitudinem actibus omnium virtutum. 630. Non tamen in primo instanti, sed in secundo. 632. Omnes potuerunt peccare. 636. Etiam contra legem naturalem. 638. Et in pura natura. 640. Non contraxerunt potentiam peccandi ex eleuatione ad ordinem supernaturalem. 640.

Angelorum via. Vide, via angelorum.

Angelorum creatio. Est de fide. 140. Fuit simul cum mundo corporeo. 141. Esset erroneum aliter opinari. 144. Fuit facta in calo-empyreco. 152.

Angelorum duratio. Vide, ævum. Posset esse diuisibilis 198. Et materialis. 201. Et distincta ab actione creatiua. 200.

Angelorum numerus. Est maximus. 99. Non tamen infinitus 100. Excedit numerum hominum. 108. Et specierum corporarum. 109. Non tamen indiuiduorum. 110.

Angeli rebelles. Non fuerunt tertia pars, quamuis tertia pars fuerit tentata. III.

Angeli intellectus. Non distinguitur realiter ab eius substantia. 357. Dicit ordinem essentialem ad suos actus ut possibiles 359. Est ex se radicaliter completus, & formaliter incompletus 362. Non multipli-

tiplicatur ad multiplicationem, actuum.
 364. Non specificatur per actum, sed per
 ordinem ad illum. 366. Indiget speciebus.
 391. Non tamen ad cognitionem sui, &
 suorum. 401. Habuit species à Deo in-
 fusas. 408. Per quarum excitationem de
 nouo cognoscit. 415. Qua ratione didi-
 cerit ab Apostolis. Ibid. Aliter se habet,
 non in actu primo, sed in secundo. 416.
 Quò est perfectior, eò cognoscit paucio-
 ribus speciebus. 431. Semper tamen indi-
 get distincta specie. 432. Potuisset acci-
 pere species ab obiectis. 408. Quomodo
 dicatur perfectus, & plenus sapientia.
 445. Non potest simul cognoscere omnia
 naturalia. 451. Non potest cessare à sui
 cognitione. 452. Et subiecti. 453. Et Dei
 Ibid. Non potest simul cessare ab omnium
 cognitione. 455. Potest virtualiter discurs-
 rere. 458. Non tamen formaliter. 459.
 Quomodo possit errare. 460. Non co-
 gnoscit componendo, aut diuidendo. 465.
 Potest cognoscere plura ut plura. 469.
 Cognoscit alia à se per solas species infu-
 sas. 477. Posset cognoscere Deum per spe-
 ciem impressam, de facto tamen cogno-
 scit per suam substantiam. 483. Non in-
 tuitiue, sed abstractiue. 484. Extenditur
 ad præterita. 508. Non tamen omnia. 510.
 Nec ad futura libera. 510. Sed ad sola ne-
 cessaria. Ibid. Immò neque ad actus libe-
 ros actuales. 519. Seu cogitationes. 520.

Sine consensu elicientium. 521. Neque ad supernaturalia. 528. Potest deficere circa finem naturalem. 642. Et supernaturalem 643. Neque præcognouit sui casum, neque Adæ. 661.

Angelus ut corpori comparatus. Non potest assumere corpus, ut forma informans. 115. Potest tamen ut assistens. Ibid. Et ut intrinsecè perficiens, & terminans. 115. Et per applicationem virtutis. 116. Etiam cum vi sui repræsentatiua. Ibid. Potest in corpore assumpto loqui, mone-ri &c. non tamen videre, velle, cognoscere &c. 117. Non potest inducere temperamentum proportionatum. 120. Potest incarnari. 120. Et assumere naturam corpoream. 123. Non tamen supposititaliter. 124. Nisi accepta supernaturaliter alia subsistentia. 126. Quæ esset positiua, & duplex. 127. Posset fieri canis. 127. Retenta propria natura. 128. Sæpe assumpserunt vera corpora. 131. Nunquam tamen fuerunt incarnati. 132. Plerumque operantur per corpora phantastica. 133.

Angelus comparatus cum motu locali. Potest localiter moueri. 302. Et aliquando motus est. 303. Non tamen motu commensuratiuo. 304. Potest se mouere continuè. 307. Non solum motu acquisitiuo, sed etiam deperditiuo. 308. Quomodo possit esse partim in termino à quo, & partim in termino ad quem. 311. Potest

test moueri discretè motu physico. 314. Et
 metaphysico. 315. Non potest continuè
 moueri ad extrema sine medio. 321. &
 334. Discretè potest. 323. Physicè tamen.
 324. Non tamen metaphysicè. 326. Non
 potest acquisitiuè moueri ad quamcum-
 que distantiam. 331. Licet possit deper-
 dituè. 332. Potest esse mutatus sine præ-
 uiò mutari. 333. Est in loco physicè per
 intelligere practicum. 335. Non mouetur
 in instanti. 338. Siue continuè, siue di-
 discretè. 339. Mouetur à seipso. 342. Ha-
 bet potentiam loco motiuam distinctam
 ab intellectu, & voluntate. 342. & 466.
 Mouetur intrinsecè. 344. Motu in se re-
 cepto. 345. Qui non distinguitur à suo
 termino. 348. Potest à fortiore violenter
 moueri, & loco alligari. 350. Potest pro-
 ducere motum, & impulsu. 352. & 353.

Angelus ut comparatus loco. Est verè,
 & realiter in loco. 207. Tam naturali,
 quam violento. 209. Correspondet com-
 muni tempori, & loco. 210. Non conti-
 net locum. 211. Non est ubique. 213. Est
 physicè in loco per operationem. 218. Et
 metaphysicè per vbicationem definiti-
 uam. 219. Per quam tangit metaphoricè
 corpus. 224. Vt fundatam in sua substan-
 tia. 225. Potest esse nullibi physicè, non
 tamen metaphysicè. 226. Ratio formalis
 proxima in actu primo essendi in loco,
 est eius existentia. 227. Eiusque substan-

tia ut existens est fundamentum proximum ubicationis . 231. Non autem virtus operatiua . 233. Prius est in loco , quam operetur in illo . 232. Est absolutus à loco physicè , non tamen metaphysicè . 236. Et ideo non potest simpliciter esse nullibi . Ibid. Determinatur ad hunc locum per vbi . 236. Quomodo sit in loco per applicationem virtutis . 245. Non est in loco per actus intellectus , & voluntatis . 251. Quomodo connectatur cum alijs mundi partibus . 259. Cur non sit in loco metaphysicè per operationem . 259. Potest supernaturaliter esse simul in pluribus locis adæquatis . 264. Et in pluribus inadæquatis discontinuis . 272. Non tamen metaphysicè , sed physicè . 273. Neque per proprias vires . 274. Sed per vires Dei . 275. Potest simul cum alijs esse metaphysicè in eodem loco adæquato . 280. Et etiam physicè . 281. Et in eodem loco inadæquato . 283. Potest occupare maiorem , & maiorem in infinitum . 288. Et etiam minorem & minorem . 289. Etiam in infinitum . 290. Non potest excedere locum adæquatum , nisi supernaturaliter . 291. Non est eius proprietas amplitudo spatij . 292. Potest metaphysicè esse in puncto , non tamen physicè . 294. Neque locari in alio angelo . 297. Non requiritur maior virtus ad minorem locum 298.

Anima Christi. Non habet ævum ævorum . 180. Ani-

Anima rationalis. Est intrinsecè incorruptibilis. 59. Est multiplicabilis in plures species. 78. Differt genere ab angelis. 91. & ab homine. 93. & ab animabus brutorum. Ibid. Violenter separatur à corpore, non tamen miraculosè. 95. Non continet corpus, in quo est. 211. Potest esse cum alia anima in eodẽ corpore. 284. Et cum Damone. 285. Non potest esse in partibus extremis corporis, relictis medijs. 331. Distinguitur realiter à suis actibus intelligendi, & volendi. 378. Non tamen à potentijs intellectiua, & volitiua. Ib. Nisi considerentur ut principia proxima formalia. 381. Cur non possit se cognoscere per suam substantiam. 403. Est virtualiter multiplex. 427.

Animæ separatæ. Possunt apparere per corpora assumpta. 136. Et recipere species ab obiectis. 446.

Annihilabilitas. Quid sit. 64.

Assumptio corporum. Vide, Angelus ut corpori comparatus.

Augustinus. Putavit, angelos esse corporeos, & habere animas. 40. & 41. Retractavit utrumque. 45. Et 49.

Beati. Quomodo loquantur in empyreo. 174. Vident inæqualiter totum Deum. 587.

Beatitudo. Quoad accidentalia, completur per creata. 584. Naturalis fuit collata omnibus angelis ab initio. 611. Non

verò supernaturalis. 613.

Beatitudinis affectio. Non fuit angelis collata, nisi post meritum de condigno. 618. Et in tempore posteriori. 619. Et statim post primum actum perfectum. 630.

Bonum. Non mouet ad amorem sui, nisi ut comparatiuum. 539. Bonum adæquatè intrinsecum æquiualeat summo bono. 543. Bonum ut sic necessitat voluntatem. 672.

Calor. Non est potentia, sed virtus ignis. 365. Non agit actiue in dracones calefaciendo. 644.

Causæ æquiuocæ. Non intendunt assimilare sibi passum. 38.

Cælum empyreum. Fuit locus creationis angelorum. 152. Non potest physice euidenter probari. 159. Quamuis possit aliquo modo suaderi. 160. Est corpus opacum extrinsece. 164. Et intrinsece lucidissimum. 165. Est mobile, licet numquam mouebitur. 168. Cur à nobis non videatur. 169. Influit in sublunaria. 171. Agit per motum passi. 173. Cur dicatur intellectuale. 174. Habet aerem puriorem ad vehendum sonum. ibid. Non est in loco per accidens, sed per se. 260.

Christus dominus glorificatus. Quomodo probauerit Apostolis realitatem sui corporis. 118. Quomodo fuerit simul beatus, & miser. 613. Et potuerit mereri. 620. Fuit angelis reuelatus in primo instanti

stanti. 660. Non habuit angelum custodem. 715. Quomodo fuit à Satana tentatus, & ab angelo confortatus. ibid.

Chiromantici. Non possunt ex manibus cognoscere futura libera. 515.

Cognitio sui. Est proprietas angeli. 454.

Cogitatio congrua. Non fuit angelis debita in primo instanti. 655.

Cognitio intuitiua. Est mutua inter angelos. 493.

Cognitio angeli matutina. In quo differat à vespertina. 530.

Cognitio comprehensiva. Non conuenit Angelis, respectu superiorum. 488. Neque respectu æqualium, seu inferiorum. 489. Neque respectu aliorum obiectorum. 494. Non potest una esse perfectior alia. 491. Conuenit soli deo. 494. Quid requiratur ad veram comprehensionem. 496.

Cognitionis intensio. Fundatur in extensione. 491. Et habetur per ordinem ad obiectum. 492. Et non ad principiū. Ibid.

Corpus. In vacuo non moueretur in instanti. 340.

Creatio. Nulli potest esse debita. 60.

DEus. Ante aduentū Christi non apparuit, nisi ministerio angelorum. 134. Est in loco metaphysicè per suum esse, & physicè per operationē. 262. Amatur etiam à damnatis ut summum bonum. 538. Quomodo dicatur tentare. 705.

Dæmones. Torquentur ab igne modo spirituali. 46. Per alligationem ad illum. 682. Quomodo felle piscis à Tobia fugabantur. 47. Cognoscunt Deum speculatiuè. 454. Et abstractiuè. 455. Nesciunt futura libera. 514. Amant Deum naturaliter, ut summum bonum. 538. & 542. Non se inuicem illuminant. 583. Neque homines. 591. Quomodo dicantur mali ab initio. 599. Fuerunt creati in gratia habituali. 600. Sunt physicè flexibiles. 665. Non tamen moraliter. 669. Non possunt elicere actum meritoriū, licet possint honestum moraliter. 669. Non necessitantur ad malum. 671. Nisi moraliter 672. Cur veniam, ut homines, non meruerint. 673. Non omnes sunt in aere. 686. Sed aliqui ex infimo choro, & alii omnes in inferno. 688. Torquentur ab igne. 689. Se inuicē torquent. ibid. Non calefiunt ab igne. 694. Quamuis eius possent recipere calorem. 695. Sed recipiunt qualitatem spirituales illi captiuantem. 697. Ferunt secū ignem cruciantem. 701. Eorum tentatio. Vide Tentationes Dæmonum.

Dæmones tentatores. Sunt in aere. 688. Singulis hominibus singuli assignantur. 707. Petunt consensum, non extorquent. 709. Non possunt facere vera miracula. 719. Etiam victi redeunt ad tentandum. Ibid. Quamuis insigniter victores à Deo liberentur. 712.

Dis-

Dispositio ad gratiam. Quomodo fuerit in angelis requisita. 601. Non est necessaria ad actualem. 604.

Distinctio numerica. Potest haberi per solas formas. 74. Et proprietates hypostaticas. 77. Et per ea, quæ sunt in formis. 78. Non tamen per ea, quæ ferunt distinctionem specificam. 81.

Distinctio generica. Non tollit subordinationem. 88.

Donatio. Habet pro obiecto donantem. 564.

Duratio indiuisibilis. Est extrinsece destruibilis. 194.

Dyonisius Arcopagita. Habet summam auctoritatē in materia de angel. 34. & 716

Effectus. Potest esse diuersus ex iisdē causis. 199.

Ens. Omne ens est infinitē cognoscibile. 496.

Essentia Dei. Est veluti species omnium. 394. Respectu sui, & alieni intellectus. 404

Essentia creaturæ. Non est æterna, & improducta. 54. Nec distinguitur à suo esse. 51. & 54.

Essentia angeli. Non est medium ad cognoscendum. 394.

Eucharistiæ mysterium. Est Angelis inscrutabile. 532.

Existencia. Non est ultima actualitas, sed prima. 55. Non distinguitur ab essentia. 363.

Exi-

Existencia metaphysica in loco . Habe-
tur per operationem , ut est formaliter
ubicatio. 327.

F Ides. Non tollit potentiam physicam
formidandi. 643.

Filii Dei. Quid 6. Gen. significant. 46.

Finis. Quò est nobilior , eò est diffici-
lius assequibilis 420.

Franciscus Suarius . defenditur à Sal-
maticensibus, Conetto, Gibbone, & Lao.
228. Et iterum à Conetto. 290.

G Ibbo. Excusat negantes simultatem
creationis. 145. Impugnatur. 146.
Conatur probare distinctionem potentia-
rum à substantia. 359. Validè impugna-
tur. 360.

Conectus . conatur excusare asserentes
angelos creatos ante corporalia. 146. Im-
pugnatur. 147. Vnde sumat loci unitatē.
276. Impugnatur. ibid. Afferit Gregoriū
ut negantem angelis motum continuum.
305. Redarguitur. 307.

Gratia. Fuit collata angelis ab initio.
397. Iuxta proportionem naturalium. 606.

Sine qua non potuissent diligere Deum ,
ut auctorem ordinis supernaturalis. 603.
Non est intrinsecè efficax. 688. Non de-
struit , sed perficit naturam. 641.

H Abitus. Non datur ad determinā-
dam, sed ad coadiuvandam potē-
tiam. 365.

Hircoceruus. Est possibilis. 123.

Homo

Homo. Habet posse accipere species ab obiectis, ob suam imperfectionē. 419. Sicut & potentiam discursiuam. 463. Cur habuerit spatium penitentiae, non angelus. 628.

Homines electi. Non sunt beatis angelis æquales quoad numerum, sed quoad gloriam. 112.

Ignis inferni. Est materialis, & corporeus. 676. Et eiusdem speciei cum nostro. 677. Licet hoc non sit de fide. 678. Cruciat modo spirituali. 679. Efficiendo verum dolorem. 682. Non quidem producendo actum doloris. 691. Neque calorem. 694. Sed qualitatem spirituales cruciatuam. 697. Quæ verè torquet totum Dæmonem. 698.

Ignorantia. In quo differat à nescientia. 444. & 655.

Illapius. Quid sit. 409.

Illuminatio mentis. Non fit per immisionem specierum. 414. Fit à superioribus ad angelos inferiores. 579. Non tamen e contra. 581. Fit per locutionem. 588. Potest fieri uni, & non aliis. 593. Propriè fit de supernaturalibus. 594.

Imago imaginis. Quando est imago imaginati. 435.

Impartibile. An possit moueri. 304.

Impeccabilitas. Non conuenit angelis in ullo statu. 637. Neque potest conuenire ulli creature secundum suam naturā. 638.

Sed

Sed solum per gratiam. 645.

Intellectus creatus. Est causa inadequata sui actus. 392. Completur per species obiectorum. ibid. De se est remotè dispositus ad cognoscendum. 393. Nullum ens potest comprehendere. 494.

Intellectus agens. Datur in angelis. 386. Nō distinguitur à passibili. 386. & 412. Potuisset accipere species ab obiectis. 408. Et etiam ab aliis angelis. 409. Sine illapsu. ib. De facto tamen habuit concreatas. 411. Non quidē omniū 438. Potest connaturaliter accipere species ab aliis obiectis. Ib.

Integritas corporis Dei paræ. Non fuit intrinsecè supernaturalis. 530.

Inflexibilitas angelorum. Vnde proueniat. 668.

Instans angelicum. Quid sit. 624.

Intelligibilitas passiva. Excedit omnē intellectiuitatem creatam. 496. Est infinita. 497.

LAmizæ, & Stryges. Operantur præstigiosè, non tamen deponunt realitatem sui corporis. 133.

Limbus. Non erit pœnalis pueris post iudicium finale. 700.

Locus angeli. Vide, Angelus ut comparatus loco. Si sit illi physicè adæquatus, potest fieri metaphysicè inadequatus. 267.

Locus adæquatus. Non dicit formaliter negationem existentiz extra se. 266. Non est simpliciter maximus. 268.

Locu-

Locutio. Non potest esse ad se ipsum. 549. Non semper est illuminatio. 590. Nisi fiat à Deo. 591. & 592.

Lucifer. Non habet æuum æuorum. 180. Non illuminatur à sanctis, siue angelis, siue hominibus. 583. Non illuminat loquendo cum hominibus. 591. Peccauit septima die à creatione. 634. Habuit potentiam ad peccandum. 637. Etiam in pura natura. 640. eius peccatum fuit causa per accidens lapsus Adæ. 660.

Lux. Non diffunditur in instanti. 342.

Martyrium. Consumatur in ultimo esse martyris. 622.

Materia. Penetratur cum forma. 281. Habet in composito proprium ubi distinctum ab ubi formæ. 283.

Meritum. Est via ad præmium. 621. Nec potest simul esse cum illo. 621. Quomodo proportionetur præmio æterno. 629. Sequitur intensiorem gratiam. 630.

Modus operandi sequitur modum essendi. Quomodo verificetur. 55.

Mors. Est violenta, non tamen miraculosa. 95.

Motus cæli. Est illi præternaturalis. 117.

Motus discretus. In quo differat à continuo. 313. & 318. Vnde habeat unitatem. 316. Fit in utroque termino successiue. 317. Et in tempore collectiue sumpto. 318. Quid sit motus discretus physicus. 324. Et metaphysicus. 326. Neuter potest fieri in instanti. 338.

Mo-

Motus tarditas . Non prouenit ex sola
resistentia medijs. 339.

Natura creata. Potest uniri substan-
tialiter cum alia natura, non tamē
cum persona creata. 115.

Non ens . Quomodo veniat in compo-
sitionem substantiæ. 56.

Obiectum physicè adæquatum. Potest
esse metaphysicè inadæquatum. 268

Obiectum minus. Non est visibile, nisi
à maiori virtute. 299.

Obstinatio Dæmonum . Vnde sit. 667.

Opiniones oppositæ D. Thomæ, & Sco-
ti de speciebus angelicis . Vt probabiles
defenduntur. 408. & 438.

Oracula dæmoniaca. Decipiebant. 514.

Origenes . Errauit circa flexibilitatem
angelorum. 669.

Palpabilitas. Non sufficit ad proban-
dum verum corpus. 118.

Peccatum . Non semper veniale præce-
dit læthale. 645. In primo creationis in-
stanti non tribueretur Deo. 653. Primum
angelorum peccatum fuit superbia. 657.

Phantasia . Cur possit concurrere ad
species intelligibiles. 413.

Plato . Haussit notitiam angelorum e
sacris paginis. 36.

Pœna positiua Dæmonum . Expletur
per qualitatem spiritualem in illis ab igne
receptam. 698. Non erit omnibus æqualis.
700. Et afficit etiā eos, qui sunt in aere. 701.

Potentia discurrendi . In homine est perfectio , & in angelo esset imperfectio . 463.

Prophetia . Extenditur etiam ad præterita . 513.

Punctum . Potest esse locus metaphysicus angeli, non tamen physicus. 294. Nō habet situm , sed partem situs . 297. Est in loco definitiue . 298.

Qualitas spiritualis emissa ab igne . Est tota pæna positiua Demonū . 698
Quantitas virtutis . Facit numerum . 105.

Quantitas molis . Non est ratio formalis essendi in loco . 221. & 227. Non dat locabilitatem, sed commensurabilitatem . 227. Dat partium extremitatem , & impenetrabilitatem . ibid.

Quidquid mouetur ab alio mouetur . Est omnino fallū n . 346.

Relatio transcendentalis . Quomodo sit ad terminum contingentem . 367

Res corporeæ . Non sunt infinitæ . 103.

Resistentia negatiua . Habetur à distinctione mobilis à motore , & ab eius grauitate . 341.

Revelationes diuinæ sensibiliter factæ . Non relinquunt dubiū de reuelante . 135.

Scotus . Eius doctrina de speciebus angelicis, ut probabilis defenditur . 438.

Secreta cordium . Non cognoscuntur ab Angelis 519. Nisi accedente consensu
eli-

elicientium, vel per effectus. 521.

Seraphim. Quomodo dicantur clamare. 575.

Similitudo intentionalis. Potest esse inter genere differentia. 395. Habetur per species, & non per essentias. 480.

Simplex apprehensio. Repræsentat solum veritates incomplexas. 465. In Angelo habet veritatem, seu falsitatem, & non in homine. 467.

Species intelligibiles. Sunt angelis necessaria. 391. Non ut cognita, sed ut causa. 395. Non sunt medium cognoscendi. ibid. Cognoscuntur indirectè, & reflexè. ibid. Dicunt similitudinem intentionalem. 395. Habent ex se repræsentare obiectum. 398. Potuissent ab obiectis materialibus immitti in Angelos. 408. Et à spiritualibus. 409. Tamen de facto non immittuntur. 410. Sed fuerunt à Deo infusa. 411. Non sunt supernaturales quoad substantiam. 411. Nec infinita. 414. Non complent actum primum cognitionis, nisi excitentur. 416. Non sunt angelorum proprietates. 418. Sunt exigita indeterminatè, & disunctiue. 420. Non tamen omnium naturalium possibiliū. 421. Repræsentant simul naturas uniuersales, & singulares. 502. Non tamen merè possibiles. 504. Quomodo repræsentent opposita. 505. Non sunt infinita in repræsentando. ibid. Sunt intuitiua in actu primo. 505.

spe.

Species impressa. Est complementum potentiae. 424. Potest plura repraesentare. ibid.

Species uniuersales in repraesentando. Dantur in Angelis. 423. Non sunt similes, & dissimiles eidem. 426. Sunt virtualiter multiplices. 427. Sumunt unitatem ex obiecto adaequato. ibid. Perfectius repraesentant obiecta. 428. Licet sint diuersae in diuersis, non tamen differunt per negationem. 429. Sequuntur mensuram perfectionis subiecti. 431.

Substantia prima. Vnde habet quod sit singularis. 80.

Substantia creata. Posset aliqua fieri essentialiter operans. 366. Est immediatè operatiua accidentium, non tamen substantiae. 385. Non potest se comprehendere. 496.

Subsistentia negativa. Potest à Deo mutari in positiuam, retenta natura. 128.

Tentationes daemonum. Procedunt ex odio in deum, & inuidia in homines. 704. Fiunt suggestionem interna. Ibid. Et externa. 705. Diuina gratia superantur. 706. & 709. Permittuntur à Deo in nostrum bonum. 709.

Terminus motus. Non distinguitur à motu, qui fit per actus immanentes. 347. D. Thomas. docet, essentias rerum creari. 54. Retractat suam opinionem, quod angeli simul meruerint gloriam, & habuerint. 621.

Vat.

Vasquez. Conatur saluare creaturam angelorum ante celum. 1. Impugnatur. 146.

Vbi angelicum. Vide angelus ut comparatus loco. Fundatur immediate in substantia angeli. 231. Non tamen secundum speciem. 240. Fit per actionem immanentem. 327. Violentum verò per transeuntem. 328. Est formaliter indiuisibile. 329.

Verbum æternum. Cur possit esse cutio ad intra. 551.

Vesuuiû, & Ætna. Sunt ora inferni. 6

Via angelorum. Non potuit esse instantans. 626. Neque tria. 627. Sed duorum. 628. Eius protractio fuisset inutilis. 631. Durauit per nostros integros dies. 633.

Virtus naturalis intellectus creati. se est principium remotum visionis beatificæ. 125. Non potest adæquare ullam gnoscibilitatem. 495.

Virtus una. Potest simul plura. 278

Visio beatifica. Necessariò distinguitur à vidente. 371.

Visio corporea. Cur impediatur instantia loci. 575.

Vnio. Ut habita est maius bonum quàm ut habenda. 539.

Vnio hypostatica. Non potuit cognosci naturaliter ab Angelis. 531.





